

2022-mut aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerneqarneranut

ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq Jens Napaattoq, Naleraq, siulittaasoq
 Inatsisartunut ilaasortaq Erik Jensen, Siumut, siulittaasup tullia
 Inatsisartunut ilaasortaq Agathe Fontain, Inuit Ataqatigiit
 Inatsisartunut ilaasortaq Hans Aronsen, Inuit Ataqatigiit
 Inatsisartunut ilaasortaq Jens-Frederik Nielsen, Demokraatit
 Inatsisartunut ilaasortaq Vivian Motzfeldt, Siumut
 Inatsisartunut ilaasortaq Aqqalu Jerimiassen, Atassut

Ulloq 28. september 2021-mi siullermeerinninnerup kingorna ataatsimiititaliap siunnersuut misissorpaa.

Imarisai

1. Aallaqqaasiut	4
1.1 Aningaasanut inatsisissatut siunnersuutip ilusiligaanera aningaasaliisarnermilu male-ruagassat	4
1.2 Ataatsimoortumik tullerriaarisarnissamik tunngavik	6
1.3 Aningaasanut inatsisissatut siunnersuummik siullermeerinninneq	7
1.4 Aningaasaqarnermut Ataatsimiititaliap aallarniutitut oqaaseqaatai	7
1.5 Aningaasanut inatsisissatut siunnersuummi nalinginnaasumik nassuiaatit qitiutillugit samminerat	10
2. Naalakkersuisut allannguutissatut siunnersuutaat	14
2.1 Aningaasaqarnermut Ataatsimiititaliap ataatsimut isigalugu isummernera	14
2.2 Nutaanik allannguutissatut siunnersuuteqartoqarnissaanik naatsorsuutiginninneq	15
3. Aningaasaqarnermut Ataatsimiititaliap apeqquai/oqaaseqaatai aalajangersimasut – suliaasaqarfinnut agguataarlugit	15
4. Aningaasaliissutitut allannguutissatut siunnersuutit	16
4.1. Sammisag 1 – Teknikikkut allannguutit	16
4.2. Sammisag 2 – Missingersuutitut sunniuteqanngitsumik allannguutit	17
4.3. Sammisag 3 – Oqartussaaffimmik allannguneq	19

4.4. Sammisag 4 – Aningaasartuutaannginnerusut	20
4.5. Sammisag 5 – Isertitassatut missingikkat nutaat aammalu aningaasartuutitut inatsisitigut pisussaaffigisanut missingikkat nutaat	21
5. Oqaasertaliussanut allannguutissatut siunnersuutit	22
6. Aningaasaqarnermut Ataatsimiititaliap inassuteqaatai	24

Ilanngussanut takussutissiaq:

- A. Aningaasaqarnermut Ataatsimiititaliap 15. september 2021-imi Naalakkersuisunut apeqqutai.
- B. Aningaasaqarnermut Ataatsimiititaliap apeqqutaanut Naalakkersuisut 13. oktober 2021-mi akissutaat, tak. ilanngussaq A.
- C. KNI A/S aamma NEQI A/S pillugit Aningaasaqarnermut Ataatsimiititaliap apeqqutai
- D. KNI A/S aamma NEQI A/S pillugit Aningaasaqarnermut Ataatsimiititaliap apeqqutaanut Naalakkersuisut akissutaat
- E. Ataatsimiititaliap 26. oktober 2021-mi Naalakkersuisunut apeqqutai
- F. Naalakkersuisut ulloq 2. november 2021-imi Aningaasaqarnermut Ataatsimiititaliamut akissutaat, tak. ilanngussaq E.
- G. Missingersuutitut ilanngussat pillugit inatsisissatut siunnersuutip aappassaaneerneqarnissaanut Naalakkersuisut allannguutissatut siunnersuutaat
- H. Oqaasertaliussat pillugit inatsisissatut siunnersuutip aappassaaneerneqarnissaanut Naalakkersuisut allannguutissatut siunnersuutaat.

1. Aallaqqaasiut

2022-imi aningaasanut inatsisissatut siunnersuut Inatsisartunit ulloq 28. september 2021-imi siullermeerneqarpoq. Inatsisartut Naalakkersuisullu pillugit inatsimmi § 16, imm. 1 naapertorlugu aningaasanut inatsisissatut siunnersuutip siullermeerneqarnerata aappassaaneerneqarneratalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Aningaasanut inatsisissatut siunnersuut Nuummi 16.-20. august 2021-imi missingersuutit pillugit isumasioqatigiinnermi ataatsimiititaliamit misissorneqarpoq. Ataatsimiititaliaq Sisimiuni missingersuutit pillugit isumasioqatigiittussaasimagaluarpoq, tamannali COVID-19-imut atatillugu killilersuutit pissutigalugit Nuummut nuunneqarluni. Aningaasanut inatsisissatut siunnersuummik misissuinini suliarinninninilu tunngavigalugit Naalakkersuisunut apeqqutinik arlalinnik ataatsimiititaliaq nassiussivoq. Apeqqutit ilanngussaq A-tut ilanngunneqarput Naalakkersuisullu akissutaat ilanngussaq B-tut ilanngunneqarlutik.

Aningaasanut inatsisissatut siunnersuummik Inatsisartut siullermeerinninnerisa kingorna Naalakkersuisut ulloq 21. oktober 2021-mi allannguutissatut siunnersuutininik 63-inik nassiussipput. Aningaasaliissutinit taamatullu oqaasertaliussanut allannguutissatut siunnersuuteqartoqarpoq.

Inatsisartut aningaasanut inatsisissatut siunnersuummik aappassaaneerinninnissaannut ataatsimiititaliaq matumuuna isumaliutissiissuteqarpoq.

1.1 Aningaasanut inatsisissatut siunnersuutip ilusiligaanera aningaasaliisarnermilu male-ruagassat

Aningaasanut inatsisissatut siunnersuutip ilusiligaanera Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-imeersumi pingaarnertigut aalajangersarneqarpoq (matuma kingorna missingersuutit naatsorsuutillu pillugit inatsimmik taagorneqartoq). Naalakkersuisut aningaasanut inatsisissatut siunnersuutip suliarineqarnissaanut aaqqissuunneqarnissaanullu malittarisassiorsinnaasut § 13, imm. 1-imi allassimavoq. Naalakkersuisullu aningaasanut inatsisip aaqqissugaanera aamma allaffissornikkut aningaasanut inatsisip suliarineqarnerata ingerlasarnera pillugit Namminersorlutik Oqartussat nalunaarutaat nr. 44, 27. november 2020-meersoq aaqqutigalugu taamaaliorput. Tassani aningaasanut inatsisip aningaasaleeriaatsinut

immikkoortiternera kiisalu aningaasanut inatsisissatut siunnersuummik suliarinnittarneq pillugit maleruagassanik aalajangersaasoqarpoq. Nalunaarut ulloq 15. december 2020-mi atuutilerpoq. Kapitali 4-li 1. januar 2021-mi aatsaat atuutilerpoq, taamaalillunilu AIS22 nalunaarut tunngavigalugu siullerpaamik suliaavoq. Eqqaamassalluguli pingaaruteqarpoq nalunaarutip paragraffii aningaasanut inatsisissatut siunnersuutip siusinnerusukkut suliarineqartarnerani atorneqartarsimammata.

Aningaasanut inatsisissatut siunnersuut matumani pineqartoq eqqarsaatigalugu nalunaarummi immikkoortut Aningaasaqarnermut Ataatsimiititaliamut pingaarnerit tassaapput:

1. § 3, imm. 2, 4) kontut pingaarnernut takussutissanut tunngasoq, tamatumani nalunaarummi aalajangersarneqarpoq:

”Kontut pingaarnernut takussutissiami aningaasaliissutit ataasiakkaanut atatillugu ukioq kingullermi naatsorsuutini angusat, aningaasanut inatsimmi aningaasaliissutit kingulliit, kiisalu ukiup aningaasaliiffiusup kingorna ukiut 3-t tulluuttuni aningaasaliissutit ineriartornissaannut naatsorsuutigisat, paasissutissiissutigineqassapput.”. Tamanna missingersuutit pillugit isumasioqatigiinnermit apequtini ataatsimiititaliamit Naalakkersuisunut aamma eqqumaffigeqquneqarpoq (ilanngussaq A aamma B). Tassunga Naalakkersuisut akipput tamanna AIS22-p ataatsimoortinneqarnerani allanngortinneqassasoq. Tamanna ataatsimiititaliamit tusaatissatut tiguneqarpoq, tamatumalu peqatigisaanik tamatuma siunissami aningaasanut inatsisissatut siunnersuutitut tunngatillugu peqqinnginnissaa Naalakkersuisunut kaammattuutigineqarpoq.

2. §15 missingersuutitut ilanngussanik suliaqarnermut tunngasoq. Aalajangersakkami tassani nr. 6-imi aamma nr. 7-imi ima allassimasoqarpoq:

” 6) Missingersuutitut ilanngussaq, paasissutissanik suliassaqarfimmi ineriartornermik erseqqinnerusumik erseqqissaasunik aamma aningaasaliissutitut tunngavigineqartunik, imaqaassavoq.

7) Missingersuutitut ilanngussaq suliassami kisitsisit qitiusunik sapinngisamik imaqartariaqarpoq. Suliassami kisitsisit sapinngisamik immersugassat assigiissaakkat malillugit suliarineqassapput”

Missingersuutitut ilanngussat ilaanni kisitsisit nutartikkat aningaasanut inatsisissatut siunnersuummi matumani atorneqarsimanngitsut ataatsimiititaliamit paasineqarpoq. Allannguutissatut siunnersuuteqarnikkut tamanna iluarsineqassasoq Naalakkersuisut akipput. Taamaattoqarsimasoq Aningaasaqarnermut Ataatsimiititaliamit paasineqarpoq, tamannalu iluarisimaarneqarpoq.

3. § 17 ilassutitut aningaasaliissutitut tunngasoq, tamatumani nalunaarummi aalajangersarneqarpoq:

”Nutaamik imaluunniit allanngortitsilluni aningaasaliissuteqarnissaq pillugu qinnuteqaat, taamaallaat ukioq aningaasaliiffiusumi aningaasartuuteqarnermik sunniuteqartillugu atugassiissuteqarnermut taamaallaat tunngassuteqassavoq. Ukiuni kinguliini sunniutaasussat aningaasanut inatsit takkuttussaq siullermi ilanngunneqassapput. Taamaattoq ukiuni tamatuma kingulianiittuni aningaasaqarnikkut sunniutaasussat, ilassutitut aningaasaliissuteqarnissamik qinnuteqaammi allassimassapput.”

Tamanna aningaasanut inatsisissatut siunnersuummi matumani malinneqarsimasoq Aningaasaqarnermut Ataatsimiititaliamit oqaatigineqassaaq, taamaalillunilu ilassutitut aningaasaliissutit siusinnerusukkut akuerineqartut ukiunut tulluuttunut aningaasatigut kingunillit ilanngunneqarsimallutik. Tamannalu ilassutitut aningaasaliissutitut inatsit Inatsisartut Immikkut Ittumik ataatsimiinneranni (IIA2021/8) akuerineqartoq pillugu Aningaasaqarnermut Ataatsimiititaliap isumaliutissiissutaani kaammattuutit pitsaasumik malinninneruvoq.

1.2 Ataatsimoortumik tulleriiarisarnissamik tunngavik

Ataatsimoortumik pingaarnersiulluni tulleriiarisarnermik periuseqarneq aningaasaqarnitta pilersaarusiorneqarnerani pingaarnertut tunngaviuvoq. Aningaasaqarnerup naalakkersuinikkut suliaqartunit paasineqarsinnaanissaata anguniarneqarnissaa aallaavigalugu aammalu siamasissumik tulleriiarinissap qulakkeerneqarnissaa periarfissaqaqqullugu tunngavik tamanna qitiullunnarpoq. Aningaasaqarnitta pilersaarusiornera paasilertoruminartumik ingerlallugulu inuiaqatigiit aningaasatigut pisinnaasaannut naleqqussakkamik aningaasartuutit aqutsivigisinnaassagutsigit periuseq taanna aalajangiusimasariaqarparput. Aningaasanut inatsit Inatsisartunit, aningaasaliisarnermut oqartussaasuusunit aammalu aningaasaliissutit atorineqarnerannik nakkutilliisuusunit, akuersissutigineqartarpoq. Ukiumoortumik pingaarnersiulluni tulleriiarineq kingusinnerusukkut ilassutitut aningaasaliissuteqarnikkut aalajangiisuusumik allanngortinneqaqqusaanngilaq. Siumoortumik aningaasaliissuteqartoqarsimatinnagu aningaasaliissuteqartoqarsinnaanngilaq. Taamaattumillu iliuusissaq aningaasanut inatsimmi inatsisiniluunniit allani tunngavissinneqarsimatinnagu iliuusissap piviusunngortinneqarnissaa sioqqullugu aningaasaliissutitigut tunngavissaq pissarsiarineqaqaassaaq.

Naalakkersuisunut oqaasertaliussakkut piginnaatitsissutit assignngitsut 2022-mut aningaasanut inatsisissatut siunnersuummik misissuinnermut ataallugu Aningaasaqarnermut

Akileraartarnermullu Ataatsimiititaliamit sukumiisumik misissorneqarput. Oqaasertaliussat tassaapput inatsimmi aalajangersakkat aningaasaliissutinik aqutsinermi tapertatut atorneqartut. Aningaasaliissutinik aqutsinermi tapertatut oqaasertaliussanik ilanngussinissap pisariaqassusia ataatsimiititaliamit qitiutillugu sammineqarpoq. Taamatut suliaqarnermi nanginnissaa ataatsimiititaliap siunertaraa. Oqaasertaliussat eqqortut atorerisigut Naalakkersuisut pissaanermik atuutsitsinerisa aammalu Inatsisartut inatsisiliortutut nakkutilliisinnaanerisa akornanni isumatumik oqimaaqatigiittoqarnissaa qulakkeerneqartarpoq. Aningaasanut inatsimmi aningaasaliissutissat ukiumoortumik pingaarnersiorneqarlutik tulleriiarneqarnerisa Inatsisartut aningaasanut inatsimmik akuersinerisigut pinissaanik aammalu pingaarnersiulluni tulleriiarinerup tamatuma aalajangiisuusumik allanngortinneqartussaanninneranik isumaqarnini ataatsimiititaliap aalajangiusimavaa.

Tunngavik taanna atuutiinnassappat oqaasertaliussat amerlassusiisa killilersimaarneqarnissaat tamatumani sakkussatsialaavoq.

1.3 Aningaasanut inatsisissatut siunnersuummik siullermeerinninneq

2022-imi aningaasanut inatsisissatut siunnersuut Inatsisartunit ulloq 30. september 2021-mi siullermeerneqarpoq.

Siunnersuummut nalinginnaasumik oqaaseqaatit arlallit aammalu amerlanerusunik ikinnerusunilluunniit aningaasaliisoqarnissaannik kissaatit aalajangersimanerusut siunnersuummik siullermeerinninnermi saqqummiunneqarput. Kissaatit saqqummiunneqartut amerlanersaat ataatsimiititaliap isumaa malillugu partiit akornanni kiisalu partiit Naalakkersuisullu akornanni aningaasanut inatsit pillugu nalinginnaasumik oqallisigininnermi ilanngutissallugit naleqqunnerupput.

1.4 Aningaasaqarnermut Ataatsimiititaliap aallarniutitut oqaaseqaatai

Naalakkersuisut 2021-mi aningaasanut inatsisissatut siunnersuutaannik Aningaasaqarnermut Ataatsimiititaliap suliarinninnera aningaasanut inatsisissatut siunnersuutip immikkut piumasaqaatitallip ulloq 27. juli ataatsimiititaliamit tiguneqarneranik ukioq manna aallarnerneqarpoq. Ulloq 11. august siunnersuut Naalakkersuisunit tamanut saqqummiunneqarpoq. Tamanna missingersuutit naatsorsuutillu pillugit inatsimmut naapertuuppoq, tassani § 9-mi aalajangersarneqarpoq:

"Naalakkersuisut aningaasanut inatsisissatut siunnersuut ukioq aningaasanut inatsiseqarfiusussaq sioqqullugu kingusinnerpaamik ulloq 1. september saqqummiutissavaat"

Inatsimmi piumasagaat taanna eqquutsinneqartoq ataatsemiititaliamit oqaatigineqassaaq. Tamatuma saniatigut ataatsemiititaliami suliarinninnissaq sioqqullugu piffissaalluartoq inatsisissatut siunnersuut ataatsemiititaliamit tiguneqarmat ataatsemiititaliamit oqaatigineqassaaq.

Aningaasanut inatsisissatut siunnersuummut matumunnga piareersarnerup ilaatut nalunaarutip *"Kalaallit Nunaata Aningaasaqarnera, ukiaq 2021"-ip* saqqummiunneqannginnerani Kalaallit Nunaata Aningaasaqarneranut Siunnersuisoqatigiit Aningaasaqarnermut Ataatsemiititaliamit ilisimatitsiffiusumik ataatsimeeqatigineqarput. Ataatsemiinnermi tassani nalunaarut ataatsemiititaliamut sukumiisumik nassuiaatigineqarpoq, tamatumani aningaasaqarnikkut ineriartorneq kiisalu nunatsinni aningaasaqarnerup siunissami inissisimanissaatut naatsorsuutigisat nassuiaatigineqarput. Misissueqqissaarnerit matuma kinguliani ingerlaavartumik ilanngunneqarput.

Iliuseqarnek COVID-19-imik nunarsuatsinni nappaalasoqarnerani nunatta ilimagineqartumit pitsaannerusumik qaangiisinnaanerani kinguneqartoq ataatsemiititaliamit nersualaarumaneqarpoq. Taamaallunilu nunatta 1,8 %-imik siuariarnissamik ilimasuuteqarluni 2021 qaangersinnaavaa. Taamatuttaaq 2022-mi siuariarnek 2,5 %-iussasq Aningaasaqarnermut Siunnersuisoqatigiinnit ilimagineqarpoq. Kingullertulli taasami apeqqutaavoq COVID-19-imik nunarsuatsinni nappaalanerup ineriartornera aammalu takornariaqarnek nukittorsarneqarsinnaaqullugu nunanit allanit tikittoqaqqusinnnginnermi killilersuutit kingulliit nunatsinnit qanoq sukkatigisumik atorunnaarsinneqarnissaat apeqqutaassaaq.

Aningaasanut inatsisip kingulliup akuerineqarnerata kingorna nunarsuami COVID-19-imik nappaalasoqarnerata nunatsinni aningaasaqarnermut kingunerit Aningaasaqarnermut Ataatsemiititaliamit qitiutillugit sammeneqarsimapput. 2022-mi nangittumik ilisimatinneqartarnissani ataatsemiititaliap naatsorsuutigaa, tamatumunngalu ilanngullugu inuussutissarsiortut periarfissaat aammalu COVID-19-imik nunarsuatsinni nappaalanerup kingorna Naalakkersuisunit suliniutigineqartut.

Imminut napatissinnaanermik ajornartorsiut aammalu inuiaqatigiit aningaasaqarneranni sammivinnut pingaarnernut missingiisarnernut periuseq nutaaq:

Nunatsinni aningaasaqarnermi imminut napatissinnaanermik ajornartorsiut ukiup affakkaartumik nalunaarutiminni Aningaasaqarnermut Siunnersuisoqatigiit Naalakkersuisunut Inatsisartunullu ukioq manna aammaarlutik eqqumaffigeqquaat. AIS21-mut Aningaasaqarnermut Ataatsimiititaliap isumaliutissiissutaa assigalugu imminut napatissinnaanermik ajornartorsiut, ukiumut 1 mia. kr.-it aningaasalersornissaasa amigaataanerannik sulit takutitsisoq, Aningaasaqarnermut Ataatsimiititaliamit imaannaanngitsutut isigineqarpoq. *"Kalaallit Nunaata Aningaasaqarnera, ukiaq 2021"* pillugu nalunaarusiaminnik tamanut saqqummiussinerminnut atatillugu aningaasaqarnermut siunnersuisoqatigiit inuiaqatigiit aningaasaqarneranni sammivinnut pingaarnernut missingiisarnernut periutsimik nutaamik ilanngussipput, tamatumani imminut napatissinnaanermik ajornartorsiutip siumut naatsorsorneranut atatillugu pissutsit assigiinngitsut ilanngullugit isiginiarneqarput. Periutsimi imminut napatissinnaanermik ajornartorsiutitut taaneqartut 1 mia. kr.-it imaluunniit nunatsinni BNP-p -5,4 %-ia aallaavigneqarput. Periutsimi pissutsit assigiinngitsut ilanngunneqarput, tassungalu ilaapput ukiut suliffiit, ilinniagaqarnerup qaffasissusia il.il. Aningaasaqarnermut Siunnersuisoqatigiit oqaatigisaattut iluarsaaqqinnerit qanittumut isigisut aammalu ungasittumut isigisut aallartinneqarnissaat assorsuaq pingaaruteqarpoq.

Nunatta aningaasaqarnera siunissami ingerlalluassappat assigiinngitsutigut iluarsaaqqittoqassasoq Aningaasaqarnermut Siunnersuisoqatigiit eqqumaffigeqqummassuk ataatsimiititaliamit tassunga ilanngullugu maluginiarneqarpoq. Taamaaliornikkut missingersuutitut piimasaqaatit Inatsisartunit maanna ataatsimiinnermi suliarineqartut Namminersorlutik Oqartussanit attanneqarsinnaaqqullugit.

Naligiinnginneq nunatsinni ajornartorsiutaajuarmat ataatsimiititaliamit oqaatigineqassaaq. Taamaallutillu Naalakkersuisut namminneq nalunaarusiaminni *"Aningaasaqarnermut nassuiaat, 2021"* inuiaqatigiinni isertitat assigiinnginnerannut naleqqersuut 34,6 %-iusoq paasissutissiissutigaa. Inuiaqatigiinni isertitat assigiinnginnerannut naleqqersuummi isertitat tamarmiusut qanoq agguataarsimanerat tunngaviusumik nassuiaatigineqartarpoq. Inuiaqatigiinni isertitat assigiinnginnerannut naleqqersuut nulimut qaninnerujartortillugu naligiinnginneq minnerujartortarpoq. Kisitsit nunani avannarlerni allani nunanit malunnaatilimmik qaffasinneruvoq aammalu nunani EU-miittuni agguaatigiiissillugu qaffasinnerulaarluni. Inuiaqatigiinni isertitat assigiinnginnerannut nunatsinni naleqqersuut (ukiut ataasiakkaat ikittut eqqaassanngikkaanni) ukiut kingulliit qulit qaffariartorsimavoq (naatsorsueqqissaartarfik naapertorlugu), taamaallunilu aamma naligiinnginnerup annertusiartorneranik oqaluttuurluni.

Tassunga ilanngullugu ataatsimiititaliamit oqaatigineqarsinnaavoq innuttaasut ilaat amerliartortut piitsuuneruleraluttuinnartut (ukiumi ataatsimi isertitaasartut affaasa isertitaasa nalingat uuttuutigalugu). Taamaalillunilu nunatsinni piitsut 2007-imi 9,0 %-imit 2019-imi 10,5 %-inut amerleriarsimapput.

1.5 Aningaasanut inatsisissatut siunnersuummi nalinginnaasumik nassuiaatit qitiutillugit samminerat

Aningaasanut inatsisissatut siunnersuummi nalinginnaasumik nassuiaatinit qulequttat toqqakkat matuma kinguliani ataatsimiititaliamit oqaaseqarfigineqarput (qupperneq 182-216). Kiisalu apeqqutit kiisalu akissutillu ataatsimiititaliap apeqqutiminut atatillugu tigusai ataatsimiititaliamit innersuussutigineqassapput (ilanngussaq A-F).

Ingerlatseqatigiiffinni Namminersorlutik Oqartussanit pigineqartuni ineriartorneq:

KNI A/S-imit naatsorsuutini kisitsisit nutaanerpaat nalinginnaasumik nassuiaatini Naalakkersuisunit atorineqarsimannginnerat ataatsimiititaliamit oqaatigineqassaaq, tassa 2020-mut KNI-p ukiumoortumik nalunaarusiaa aningaasanut inatsisissatut siunnersuutip matuma saqqummiunneqarnerata nalaani tamanut saqqummiunneqarsimanngimmat. Ukiumoortumik angusat annertuumik ajorseriarnerat KNI A/S-imut aqutatullu ingerlatseqatigiiffiutaanut tunngasumik kisitsit nutaat takutippaat. Taamaattumillu nunatta karsianut aammalu aningaasanut inatsimmut matumunnga sunniutissat Aningaasaqarnermut Ataatsimiititaliamit apeqqutigineqarput. Apeqqutitut tunngatillugu ilanngussaq C aammalu akissutitut tunngatillugu ilanngussaq D innersuussutigineqarput.

Mittarfiliørnerit:

Mittarfiliørnerit pillugit Naalakkersuisut Aningaasaqarnermut Ataatsimiititaliamut ingerlaavartumik ilisimatitsissuteqartarput. Taamaalillunilu Kalaallit Airports International A/S-imi taamatullu Kalaallit Airports Domestic A/S-imi aningaasalersuinissamik pisariaqartitsinerup annertusinera pillugu ilisimatitsissummik Aningaasaqarnermut Ataatsimiititaliaq tigusaqarpoq. Taamaalillunilu manna tikillugu akuutinneqarnertut Naalakkersuisunit akuutinneqarnissani ataatsimiititaliap naatsorsuutigaa. Ataatsimiititaliap Nuummi missingersuutit pillugit ataatsimiinnermini mittarfiliørfiusoq takuniarpaa.

Mittarfissap 1500 meteriunnarnissaa aalajangiusimaneqassappat Qaqortumi mittarfissap aningaasalersorneqarnissaa pillugu Naalakkersuisut partiit aningaasanut inatsimmut isumaqatigiissutaasa ilaattut pingajussaaneerinninnissamut allannguutissatut

siunnersuuteqarnissaat ataatsimiititaliamit naatsorsuutigineqarpoq. Tamatuma saniatigut KAIR Internationalip mittarfiliornera kinguartoornerata kingunerisaanik ingerlatseqatigiiffiit Namminersorlutik Oqartussanut iluanaarutininik tunniussisinnaanerat kinguaattuussasoq Aningaasaqarnermut Ataatsimiititaliamit oqaatigineqassaaq.

Akiitsut ineriartornerat:

Pisortat akiitsuisa ineriartornerat Aningaasaqarnermut Siunnersuisoqatigiinnit assorsuaq isumakulunnartinneqarmat Aningaasaqarnermut Ataatsimiititaliamit oqaatigineqassaaq. Nalinginnaasumik nassuiaatini Naalakkersuisunit nassuiaatigineqartutut akiitsut ilanngaatisaat ilanngaatigereelugit erniallit 2020-mi 4 mia. kr.-init 2024-mi 7,2 mia. kr.-inut amerleriassapput. Nalunaarusiami ”Aningaasaqarnermut nassuiaat, 2021” 2024-mut siumut naatsorsuinerminunatsinni pisortat akiitsui BNP-p 35 %-ia inulaarlugu annertussuseqartussatut missingerneqarput. Akiitsut taakku, ingerlatseqatigiiffinnit Namminersorlutik Oqartussanit kommuninillu pigineqartunit pissuteqarnerusut, Aningaasaqarnermut Siunnersuisoqatigiit malillugit aarlerinartorsiornerup annertuseriarnernanik nassataqarsinnaapput. Tamatumanili aamma oqaatigineqassaaq akiitsut ilaat assersuutigalugu mittarfiliornernut immaqalu siunissami erngup nukinganik nukissiorfiliornissamut aningaasaliinerummata. Ataatsimiititaliatut akisussaassuseqartutut ineriartorneq taanna Aningaasaqarnermut Ataatsimiititaliamit qanimut malinnaavigineqalersaarpoq, ataatsimiititaliamillu naatsorsuutigineqarpoq Naalakkersuisut tamanna pillugu ingerlaavartumik ilisimatitsissuteqartassasut.

Kommunit aningaasaqarnerat:

Kommunini aningaasaqarnerup ineriartornera Aningaasaqarnermut Ataatsimiititaliamit imaannaanngitsorujussuurtut isigineqarpoq aammalu kommunit marluk taarsigassarsiaaminnik qaffaanerat pillugu Naalakkersuisunit ilisimatitsissut 2021-mi ukiakkut tiguneqarpoq. Tassunga atatillugu kommunit 31. december 2020-mi aningaasaataasa tigorianaannat annertussusiat Aningaasaqarnermut Ataatsimiititaliamit apeqquutigineqarpoq. Tamanna ukiuni aggersuni aningaasanut inatsisaasuni allassimasassasoq ataatsimiititaliamit kaammattuutigineqarpoq.

Tamatuma saniatigut missingersuutit naatsorsuutillu pillugit inatsisip allanngortinneqarneranik inatsisissatut siunnersuut (UKA2021/19) ukiakkut ataatsimiinnermi suliarineqarmat ataatsimiititaliamit oqaatigineqassaaq. Missingersuutitigut inissisimanermik naatsorsuinerup allanngortinneqarnera, tassungalu ilanngullugu pisortat aningaasartuutaasa qaffariaatissaannut killilerneqarnera, siunnersuutip nassataraa. Immikkoortoq pillugu isumaliutissiissutini,

inatsisissatut siunnersuutip kingunerisassannik nassuiaasoq, ataatsimiititaliamit matumani innersuussutigineqarpoq.

Aaqqissuusseqqinnissamik Naalakkersuisut sunnersuutissaat:

Attassiinnarnissamut Inerikkiartortitsinissamullu pilersaarut Naalakkersuisut 2016-imi saqqummiuppaat. Attassiinnarnissamut Inerikkiartortitsinissamullu pilersaarummi anguniagaq pingaarneq tassaavoq nunatta aningaasaqarnikkut imminut napatikkiartuaarnissaa aammalu ungasinnerusoq isigalugu Danmarkimit ataatsimoortumik tapiissutinik pinngitsuuissinnaangornissaa. Attassiinnarnissamut Inerikkiartortitsinissamullu pilersaarummik nutaamik suliaqarnissaq aningaasanut inatsisissatut siunnersuummut matumunnga atatillugu Naalakkersuisut ilimasaarutigaa, tassani aaqqissuusseqqinnissamik siunnersuutit arlallit imminnut atassuserneqarnissaa naatsorsuutigineqarpoq.

Aaqqissuusseqqinnissaa assigiinngitsut Naalakkersuisunit aallartikkumaneqartut aammalu Aningaasaqarnermut Ataatsimiititaliamit apeqqutigineqarsimasut siullermeerinninnermi oqallinnermi annertuumik sammineqarput. Tamanna ilanngussaq A-mi takuneqarsinnaavoq.

Tassunga atatillugu aaqqissuusseqqinnermik suliaqarnermi FN-ip 2030-mut attassinissamut anguniagai uuttuutigineqarnissaa Naalakkersuisut paasissutissiissutigimmassuk ataatsimiititaliamit oqaatigineqassaaq aammalu ataatsimiititaliamut akissummi oqaatigimmassuk tamanna Attassiinnarnissamut Inerikkiartortitsinissamullu pilersaarutissami suliarineqartoq (takuuk ilanngussaq B, 3.11).

Tamatuma saniatigut aaqqissuusseqqinnissamik pilersaarutit ukiuni aggersuni tigussaasunngortinneqarnissaa Naalakkersuisunit naatsorsuutigineqarpoq. Aaqqissuusseqqinnissat ataatsimoortut ingerlanneqarsinnaaqqullugit pilersaarutit taakku tigussaasunngortinneqarnissaa Aningaasaqarnermut Ataatsimiititaliamit qilanaarineqarpoq.

Pisortat ingerlatsineranni ataqatigiinnerusumik suliassanik isumaginninneq:

Qitiusumik allaffeqarfissuaq Naalakkersuisunit aaqqissuuteqqikkumaneqarpoq aammalu pisortat ingerlatsineranni ataqatigiinnerusumik suliassat isumagineqartarnissaa pilersikkumaneqarluni. Aaqqissuusseqqinnissaq taamaattoq Aningaasaqarnermut Ataatsimiititaliamit apeqqutigineqarpoq (Ilanngussaq A, apeqqut 3.16). Naalakkersuisoqarfiit suliassaqaarfiilu assigiinngitsut akimorlugit eqqarsartoqarnissaa ataatsimiititaliamit pingaartinneqarpoq. Assersuutigalugu illoqarfimmi ilinniarnert nutaat pilersaarusiorneqartillugit ilinniartut ineqarfiinik pisariaqartitsinerup suliassamut ilanngullugu eqqarsaatigineqartarnissaa kissaatiginartinneqarpoq.

Isertitassat nutaat:

Isertitassatut nutaatut naatsorsuutigisat, tassungalu ilanngullugu inuussutissarsiornissamut periarfissat nutaat, Naalakkersuisunit nalinginnaasumik nassuiaatini tikinneqartut Naalakkersuisunut apeqquteqarnermini ataatsimiititaliap apeqqutigai. Nalunaarusiamini Aningaasaqarnermut Siunnersuisoqatigiit nassuiaatigisaatut naalagaaffiup ataatsimoortumik aningaasatigut tapiissutaasa sunniutaat nunatsinni akinik akissarsianillu iluarsisarnertit pissutigalugit appariartorput. Taamaattumillu isertitassanik nutaanik pissarsiniarneq nunatta pinngitsoorani suliassaraa, tamannalu ataatsimiititaliamit apeqqutigineqarpoq (ilanngussaq A, imm. 3.3). Tassunga Naalakkersuisut akippit nunatsinni aningaasaqarneq assigiinngisitaartunngortinneqassasoq, taamaaliornikkullu aningaasaqarnikkut innarlianerup annikinnerulerneranik nassataqartumik aningaasaqarneq assigiinngitsunut sammiveqalersinneqarluni. Tamanna aningaasaqarnikkut naliliinernut siuliani taaneqartunut naapertuulluinnarpoq.

ALS-22-mi Naalakkersuisut pingaarnersiorlugit tulleriiaagaat:

Aningaasanut inatsisissatut siunnersuummi matumani nalinginnaasumik nassuiaatini suliniuteqarfissat tallimat Naalakkersuisunit nalunaarneqarput: *Naligiinnginneq, eqqumiitsuliorneq kulturilu, meeqqat inuusuttullu, soraarnerussutisiat utoqqaallu kiisalu pisinnaatitaanermi suleqatigiiffinnut nukittorsaaneq.* Suliassa qarfiup pingaaruteqassusia aammalu meeqqanut inuusuttunullu Naalakkersuisoqarfimmik immikkut pilersitsinikkut Naalakkersuisut pingaartitsinerat eqqarsaatigalugu meeqqanut inuusuttunullu suliassa qarfiup aningaasanut inatsisissatut siunnersuummi matumani aningaasaliissutitigut initunerunissaa ataatsimiititaliamit aallarniutigalugu kissaatiginartinneqaraluarpoq. Naalakkersuisut akissutaat aningaasaliissutitut killiussanik pitsaaneruseqarsitsisoq ataatsimiititaliamit tusaatissatut tiguneqarpoq.

Naalakkersuisoqarfiit pisortallu suliffeqarfiutaat akimorlugit ataatsimut isiginnilluni suliniuteqarnissaq ataatsimiititaliap qulequtarisimavaa. Tamatumani assersuutigalugu ilaqutariit qitiutillugit isumaginninnikkut suliassa qarfimmi ataatsimut isiginnilluni aaqqiissutissat ataatsimiititaliamit apeqqutigineqarput. Akissut imartooq ataatsimiititaliamit tusaatissatut tiguneqarpoq.

Ilinniartitaaneq:

Nunatsinni aningaasaaqarnikkut siunissami iliuusissat qulakkeerneqarnissaannut ilinniartitaaneq pitsaaneruseq tunngavissaammat pingaarutalik Naalakkersuisut

Aningaasaqarnermullu Siunnersuisoqatigiit ataatsimiititaliamit isumaqatigineqarput. Innuttaasut ilinniagaqarnerusut qulakkeeraanni siunissami suliffeqarnermi piginnaasassat pisariaqartut qulakkeerneqarsinnaapput. Taamaattumillu ukiut siusinnerusut assigalugit ilinniartitaanerup nukittorsarneqarnissaa ataatsimoorullugu anguniagaasariaqarpoq.

2. Naalakkersuisut allannguutissatut siunnersuutaat

Allannguutissatut siunnersuutit siunnersuutigineqartutut akuerineqassappata AIS2022-p appassaaneerneqarnerani IST-p IS-illu inernerannut sunniutissat tamarmiusut takussutissiami matuma kingulianiittumi takutinneqarput.

Aningaasat mio. kr.-inngorlugit	2022	2023	2024	2025
AIS2022-mi IST-p inernera	-40,6	-72,4	-46,7	-12,3
AIS2022-mi IS-ip inernera	-30,6	-62,4	-36,7	-2,3
Aappassaaneerinninnermi allannguutissatut siunnersuutit IST-p inerneranut sunniutissaat	-12,0	-9,7	-10,7	-11,7
Aappassaaneerinninnermi IST-p inernera	-52,6	-82,1	-57,4	-24,0
Aappassaaneerinninnermi IS-ip inernera	-42,6	-72,1	-47,4	-14,0

Takussutissiaq 1: AIS22-mik siunnersuuteqarnermi IS/IST-mi inernerisassatut naatsorsuutigisanut kiisalu aningaasanut inatsisissatut siunnersuutip aappassaaneerneqarnerani IS/IST-mi inernerisassatut naatsorsuutigisanut takussutissiaq.

Taamaalillunilu aappassaaneerinninnissamut allannguutissatut siunnersuutit saqqummiunneqarnermittut akuerineqassappata aappassaaneerinninnermi 2022-mut IS-ip inernera 42,6 mio. kr.-inik sinneqartoorfiussaaq. 2022-mit 2025-mut aningaasanut inatsiseqarfiusumi tamarmi 176,0 mio. kr.-t sinneqartoorutaassapput.

2.1 Aningaasaqarnermut Ataatsimiititaliap ataatsimut isigalugu isummernera

Allannguutissatut siunnersuutigineqartunut tunngatillugu Aningaasaqarnermut Ataatsimiititaliamit aallarniutigalugu oqaatigineqassaaq, taaku aappassaaneerinninnermi IS-ip inerneranut 12 mio. kr.-inik pitsanngoriartitsissammata. Allannguutissatut siunnersuutit isumaliutissiisummi matumani immikkoortoq 4-mi erseqqinnerusumik sammineqarput.

2.2 Nutaanik allannguutissatut siunnersuuteqartoqarnissaanik naatsorsuutiginninneq

Takussutissiaq 1 naapertorlugu takussutissiami siuliani takutinneqartutut angusat pitsanngoriarnerat nuannaarutissaagaluartoq 2022-mi aningaasanut inatsisissatut siunnersuutip pingajussaaneerneqarnissaanut Naalakkersuisut allannguutissatut siunnersuutiniq allanik, IS-ip/IST-p inernerata allanngorneranik nassataqarsinnaasunik, saqqummiussinissaat naatsorsuutigineqartariaqartoq Aningaasaqarnermut Ataatsimiititaliamit oqaatigineqassaaq. Siullertut pingaarnertullu naatsorsuutigineqarpoq partiit aningaasanut inatsimmut tunngasumik isumaqatigiissuteqarnerat tunngavigalugu arlalinnik allannguutissatut siunnersuuteqartoqassaaq. Aappaattullu Qaqortumi mittarfissamut tunngatillugu aaqqiissuteqartoqarnissaa naatsorsuutigineqassaaq. Pingajuattullu KNI A/S (aqutatullu ingerlatseqatigiiffiit) kiisalu Nukissiorfiit pillugit aaqqiissuteqartoqarnissaa naatsorsuutigineqartariaqarpoq.

3. Aningaasaqarnermut Ataatsimiititaliap apeqquai/oqaaseqaatai aalajangersimasut – suliassaqarfinnut agguataarlugit

Isumaliutissiisummi ilanngussat A aamma B ataatsimiititaliap Naalakkersuisunut aallarniutigalugu apeqqutaanik Naalakkersuisullu akissutaannik imaqartut, aallarniutigalugit innersuusutigineqassapput.

Aallarniutitut Naalakkersuisunut apeqqutini Naalakkersuisullu akissutaat Aningaasaqarnermut Ataatsimiititaliap Inatsisartut ataatsimiititaliaannut ilisimatitsissutigai.

Akissuteqarnerup kingorna ataatsimiititaliaq Naalakkersuisunut malitseqartitsissutiniq ulloq 26. oktober apeqquteqarpoq (ilanngussaq E). Akissutit Aningaasaqarnermut Ataatsimiititaliamit ulloq 2. november tiguneqarput (ilanngussaq F). Taakku isumaliutissiisummini samminissaat ataatsimiititaliap angumerinnigilaa, tamannali tunngavissaqassappat pingajussaaneerinninnissamut ilanngutissallugit.

Tamatuma saniatigut apeqqutiniq arlalinnik malitseqartitsissutiniq Aningaasaqarnermut Ataatsimiititaliaq nassiussivoq (ilanngussaq E aamma F). Kiisalu KNI A/S ingerlatseqatigiiffiillu aqutai pillugit Aningaasaqarnermut Ataatsimiititaliaq apeqquteqarpoq (ilanngussaq C aamma D). Apeqqutit malitseqartitsissutit taakku Naalakkersuisut kajumillutit akimmatigit ataatsimiititaliamit qujassutigineqarpoq. Taakkulu oqaaseqaateqarnissamik pisariaqalersitsisimappata isumaliutissiisummut matumunnga ilanngunneqartarput.

4. Aningaasaliissutitut allannguutissatut siunnersuutit

Immikkoortoq 1-imi taaneqartutut aningaasanut inatsisissatut siunnersuutip aappasaaneerreqarnissaanut allannguutissatut siunnersuutitik 63-inik Naalakkersuisut saqqummiussipput. Taakkunannga 53-t aningaasaliissutitut allannguutissatut siunnersuutaapput 10-llu oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutip immikkoortuani 5-imi sammineqarput.

Aningaasaliissutitut allannguutissatut siunnersuutit sammisanut ukununga immikkoortinneqarsimapput:

Sammisaq 1: Teknikikkut allannguutit

Sammisaq 2: Missingersuutitut sunniuteqanngitsumik allannguutit

Sammisaq 3: Oqartussaaffimmik allannguineq

Sammisaq 4: Aningaasartuutaannginnerusut

Sammisaq 5: Isertitassatut missingikkat nutaat aammalu aningaasartuutitut inatsisitigut pisussaaffigisanut missingikkat nutaat

Aningaasaliissutitut allannguutissatut siunnersuutit nr. 1-imit nr. 53-imut *normulersugaapput*. Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutitut takussutissiimi* allassimapput; *ilanngussaq 1*. Aningaasaliissutitut takussutissiit Naalakkersuisut aningaasaliissutitut allannguutissatut siunnersuutaannut saarlinngorlugit ilanngunneqarput, taakkulu isumaliutissiisummut ilanngussaq G-tut ilanngunneqarlutik.

Oqaasertaliussanut allannguutissatut siunnersuutit 10-upput. Taakku nr. 54-imit nr. 63-imut *normulersugaapput*. Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat aningaasanut inatsisissatut siunnersuummi *ilanngussaq 2*-mik taaguuserneqarput. Oqaasertaliussanut allannguutissatut siunnersuutit isumaliutissiisummut ilanngussaq H-p ataani ilanngunneqarput.

4.1. Sammisaq 1 – Teknikikkut allannguutit

Qulequttami tassani allannguutissatut siunnersuutitik 34-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Sammisag missingersuutitut ilanngussat oqaasertaasa suliassanullu takussutissiat il.il. nutarternerannut tunngassuteqarpoq, taakku ilaatigut Aningaasaqarnermut Ataatsimiititaliap siunnersuummik misissuinermini apeqquteqarneranik tunngaveqarput. Tamatuma saniatigut allannguutissatut siunnersuutitut oqaatsinik iluarsuineranut tunngasunik Naalakkersuisut saqqummiussipput. Sammisami allannguutissatut siunnersuutitut aningaasaliissutitut allannguisunik saqqummiisoqanngilaq.

Sammisag 1-ip ataani allannguutissatut siunnersuutit nr. 1-34 **akuerineqassasut** ataatsimiititaliamit **inassutigineqarpoq**.

4.2. Sammisag 2 – Missingersuutitut sunniuteqanngitsumik allannguutit

Qulequttami tassani allannguutissatut siunnersuutitut 11-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiumilu missingersuusiorfiusuni ataatsimut isigalugu IST-mut sunniuteqassanngillat.

Sammisag 2-mi: Missingersuutitut sunniuteqanngitsumik allannguinermit kontoni pingaarnerni arlalinni missingersuutitut sunniuteqanngitsumik allannguisoqarnissaa qinnutigineqarpoq. Naalakkersuisut tunngavilersuutaat ilanngullugit taakku ataatsimiititaliamit matuma kinguliani naatsumik nassuiaatigineqassapput. Allannguutissatut siunnersuutit aningaasaliissutitugut imminnut attuumassuteqaraangata ataatsimoortillugit suliarineqassapput.

Allannguutissatut siunnersuutit 35 aamma 36: Konto pingaarnermi 31.02.12-imi (Danmarkimi eqqartuunneqarsimasunik oqaloqatiginnittartoqarnermut tunngasumi) aningaasaliissutit 146.000 kr.-inik amerlineqarnissaat Naalakkersuisunit kissaatigineqarpoq. Tamanna konto pingaarnermi 31.07.05-imi (Majoriamut tunngasumi) aningaasaliissutit taamaaqataannik ikinerisigut aningaasalersorneqassaaq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuutit 37 aamma 39: 17,2 mio. k.-it konto pingaarnermi 34.11.02-mi (napparsimasut nunani allani katsorsarneqartarnerannut, tarnikkut nappaatinut tunngasumit) konto pingaarnermut nutaamut 34.11.11-mut (pinerluttulerinermi inatsit malillugu tarnimikkut nappaatillit inissinneqartarnerannut tunngasumut) nuunneqarnissaat Naalakkersuisut kissaatigaat. Konto pingaarneq nutaami aningaasaliissutit inatsisitugut pisussaaffiusut tarnikkut napparsimasunik inunnilluunniit tamakkununga

assersuunneqarsinnaasunik inissiinermut aningaasartuutit akilerneqarnissaannut atugassaapput. Konto pingaarnermi pineqarput inuit tarnikkut napparsimasunut katsorsaasarfimmut nuunneqarnissamik kinguneqartumik aammalu eqqartuussiviup pineqaatissiissutip allanngortinneratigut anisinneqarnissaq pillugu akuersitinnagu anisinneqarsinnaajunnaarsillugit pinerluttulerinermi inatsit naapertorlugu eqqartuunneqarsimasut. Suliassa qarfimmut aningaasartuutit aqunneqarsinnaanngitsutut Naalakkersuisunit nalilerneqarput aningaasartuutillu inatsisitigut pisussaaffigalugu aningaasaliissutitigut akilerneqarnissaat naapertuunnerpaatut isigineqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuutit 38 aamma 44: Konto pingaarnermi 34.11.03-mi (Dronning Ingridip Napparsimmavissuanut tunngasumi) aningaasaliissutit 700.000 kr.-inik ikilineqarnissaat Naalakkersuisut kissaatigaat. Taamaaqataanik konto pingaarnermut 73.94.02-mut (Nukissiorfinnut tunngasumut) aningaasaliissutit 700.000 kr.-inik amerlineqarnissaat Naalakkersuisut kissaatigaat. Imermi tappiorannartunik misissuinissamut akisussaaffiup Nukissiorfinnut nuunneqarnera Naalakkersuisut tamatumunnga tunngavilersuutigaa. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuutit 40 aamma 41: Konto pingaarnermi 40.91.20-mi (Perorsaanermik Ilinniarfimmut tunngasumi) aningaasaliissutit 13,843 mio. kr.-inik ikilineqarnissaat Naalakkersuisut kissaatigaat. Tamatumunnga tunngaviuvoq Perorsaanermik Ilinniarfiup ingerlatat aallaavigalugit tapiiffigineqartalernera. Taamaattumillu aningaasat taamaaqataat 40.91.31-mut (suliniutit aallaavigalugit tapiissutinut tunngasumut) nuunneqarput. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuutit 42 aamma 43: Konto pingaarnermi 70.01.01-imi (Ineqarnermut, Attaveqaasersuutitut Naligiissitaanermullu Naalakkersuisoqarfimmut) tunngasumi) aningaasaliissutit 600.000 koruuninik ikilineqarnissaat Naalakkersuisut kissaatigaat. Taamaaqataanik konto pingaarnermut 70.01.07-imut (Sanaartornermi oqartussaassusermut tunngasumut) aningaasaliissutit amerlineqarnissaat Naalakkersuisut kissaatigaat. Aaqqissuusseqqinneq tamatumunnga Naalakkersuisut tunngavilersuutigaa, tamatumani naligiissitaanermut suliassa qarfiup sanaartornermut oqartussaasoqarfimmut nuunneqarnissaa kissaatigineqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 45: Konto pingaarnermi 89.72.12-imi, inissialiassanut taartissanillu inissialiortiternermut tunngasumi, suliniutunut assigiinngitsunut aningaasanik atugassanngortitsinissaq qinnutigineqarpoq. Atugassiissutiginninnissami annerpaami 2022-mi 16,8 mio. kr.-it aammalu 2023-mi 15,0 mio. kr.-it sanaartugassat ”Inissiat nutaat 2019, Aasiaat” ataanni immikkoortinneqarnissaat qinnutigineqarpoq. Aasianni 20-nik inissialiornissamut 2021-mi 23,5 mio. kr.-inik immikkoortitsinissap (ilassutitut aningaasaliissuteqarnissamik suliaq nr. 21-944 naapertorlugu) Aningaasaqarnermut Ataatsimiititaliamit ulloq 4. august 2021-mi akuerineqarnerata atugassiissutiginninnissaq malitsigaa. Inissiat ukiuni aggersuni naammassillugit sanaartorneqarnissaannut aningaasanik atugassiissutiginninnissaq allannguutissatut siunnersuutikkut qinnutigineqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Sammissaq 2-p ataani allannguutissatut siunnersuutit nr. 35-mit 45-mut **akuerineqassasut** ataatsimiititaliamit **inassutigineqarpoq**.

4.3. Sammissaq 3 – Oqartussaaffimmik allannguneq

Qulequttami tassani allannguutissatut siunnersuummik 4-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat. Naalakkersuisut tunngavilersuutaat ilanngullugit taakku ataatsimiititaliamit matuma kinguliani naatsumik nassuiaatigineqassapput. Allannguutissatut siunnersuutit aningaasaliissutitigut imminnut attuumassuteqaraangata ataatsimoortillugit suliarineqassapput.

Allannguutissatut siunnersuutit 46 aamma 49: ASIAQ pillugu oqartussaaffiup allanngornerata nassatarisaanik allannguutissatut siunnersuutit taakku marluk Naalakkersuisunit saqqummiunneqarput. Oqartussaaffimmik allannguinerup kinguneraa konto pingaarnernup 20.01.10-p atorunnaarsinneqarnera tassanilu aningaasaliissutit konto pingaarnermut nutaatut pilersinneqartumut 73.01.10-mut nuunneqarnerat. Naalakkersuisut aggstip aallartinnerani oqartussaaffimmik taamatut allannguipput, taamaattumillu AIS 22-p suliarineqarneranut ilanngunneqarnissaa angumerisinnaasimanagu. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuutit 47 aamma 48: Konto pingaarnermut 34.11.09-mut (pinerluttulerinermi inatsit malillugu paaqqinniffimmut inissiinermut tunngasumut) aningaasaliissutit konto pingaarnermut nutaamut 30.13.44-mut (pinerluttulerinermi inatsit malillugu paaqqinniffimmut inissiinermut tunngasumut) nuunneqarnissaat allannguutissatut siunnersuutit taakku aqputigalugit Naalakkersuisut siunnersuutigaat. Pinerluttulerinermi inatsisip allanngortinneqarneratigut eqqarsartaatsimikkut kinguarsimasunut tunngatillugu aningaasartuutitut akisussaaffiup peqqinnissaqarfimmiit isumaginnittoqarfimmut nuunneqarnera taama allannguinerit Naalakkersuisut tunngavilersuutigaat. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Inatsiseqarnermut nunanullu allanut suliassaqaarfinni oqartussaaffinnik allannguneq pillugu allannguutissatut siunnersuutit saqqummiussisoqanngitsaq Aningaasaqarnermut Ataatsimiititaliamit maluginiarneqarpoq. Naalakkersuisut pingajussaaneerinninnissamut taama iliussasut Aningaasaqarnermut Ataatsimiititaliamit naatsorsuutigineqarpoq.

Sammissaq 3-p ataani allannguutissatut siunnersuutit nr. 46-mit 49-mut **akuerineqassasut** ataatsimiititaliamit **inassutigineqarpoq**.

4.4. Sammissaq 4 – Aningaasartuutaannginnerusut

Qulequttami tassani allannguutissatut siunnersuummik ataatsimik Naalakkersuisut saqqummiussippat. Allannguutissatut siunnersuut taanna IST-p inerneranut aningaasanut inatsiseqarfimmi 2022-mi 3,0 mio. kr.-inik pitsanngoriaataassaaq.

Allannguutissatut siunnersuut 50: Suliniut *"Peqqinnissaqarfimmi sulusunut inissiat"* kinguartooqqammat konto pingaarnermut 20.11.70-imut (ingerlatsinerit sillimmatitut tunngasumut) aningaasaliissutit 2022-mi 3 mio. kr.-inik ikilineqarnissaat siunnersuutigineqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Sammissaq 4-p ataani allannguutissatut siunnersuut nr. 50 **akuerineqassasut** ataatsimiititaliamit **inassutigineqarpoq**.

4.5. Sammisag 5 – Isertitassatut missingikkat nutaat aammalu aningaasartuutitut inatsisitigut pisussaaffigisanut missingikkat nutaat

Qulequttami tassani allannguutissatut siunnersuutit 3-nik Naalakkersuisut saqqummiussipput. Allannguutissatut siunnersuutit taakku IST-p inerneranut aningaasanut inatsiseqarfimmi 2022-imi 9 mio. kr.-inik, 2023-mi 9,7 mio. kr.-inik 2024-mi 10,7 mio. kr.-inik aammalu 2025-mi 11,7 mio. kr.-inik pitsanngoriaataassapput.

Allannguutissatut siunnersuut 51: AIS 22-mi naalagaaffiup ataatsimoortumik tapiissutaani akinik akissarsianillu nalimmassaanerit kukkusumik akunnaallisarneqarsimapput. Tamanna allannguutissatut siunnersuutikkut iluarsineqarpoq. Taamaalillunilu konto pingaarnermi isertitassatut missingikkat 400.000 kr.-inik qummut iluarsineqarput. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 52: Eqqarsartaatsimikkut kinguarsimasut inissiisarfimmiittussanngortinneqarsimasut amerlassusaannik nalilersuineq Naalakkersuisunit nutarterneqarpoq. Taamaattumillu konto pingaarnermi 30.13.44-mi (Pinerluttulerinermi inatsit malillugu eqqarsartaatsimikkut innarluutillit inissinneqartarnerannut tunngasumi) aningaasartuutit 2022-mi 10 mio. kr.-inik aammalu 2025-mi 13 mio. kr.-inik ikilillugit iluarsineqarsinnaapput. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 49: Inatsisissatut siunnersuut *”Peqqinnissaqarfiup iluani napparsimasut maalaaruteqarsinnaanerit taarsiiffigineqarsinnaanerallu pillugit Inatsisartut Inatsisaat”* (UKA2021/138) akuerineqassappat konto pingaarnermut 34.01.02-mut (napparsimasunut taarsiissutitut tunngasumut) aningaasanik amerlanernik immikkoortitsisoqassaaq. Taakku 2022-mi 1,4 mio. kr.-inut aammalu 2023-2025-imi 1,7 mio. kr.-inut qaffariartussatut Naalakkersuisunit tagginneqarput. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Sammisag 5-ip ataani allannguutissatut siunnersuutit nr. 51-53 **akuerineqassasut** ataatsimiititaliamit **inassutigineqarpoq**.

5. Oqaasertaliussanut allannguutissatut siunnersuutit

Aningaasanut inatsimmi oqaasertaliussanut allannguutissatut siunnersuutit 10-nik Naalakkersuisut siunnersuuteqarput. Naalakkersuisut tunngavilersuutaat ilanngullugit taakku ataatsimiititaliamit matuma kinguliani naatsumik nassuiaatigineqassapput. Allannguutissatut siunnersuutit imminnut attuumassuteqaraangata ataatsimoortillugit suliarineqartarput.

Allannguutissatut siunnersuut nr. 54 aamma nr. 61: Sammisaaq 3-mi oqaatigineqartutut ASIAQ-mut tunngatillugu oqartussaaffinnik allannguineq allannguutissatut siunnersuuteqarnermik malitseqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 55: Oqaasertaliussat uku aqqutigalugit konto pingaarneq 20.10.35 (immikkut ittumik ikiorsiineq – Karrat Kangerluannut tunngasoq) pillugu oqaasertaliussamik 2022-mi aningaasanut inatsimmi ilanngussisoqarnissaa Naalakkersuisut kissaatigaat. Oqaasertaliussaq ilassutitut aningaasaliissuteqarnissaaq nr. 21-942 aqqutigalugu Aningaasaqarnermut Ataatsimiititaliamit akuerineqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuutit 56 aamma 57: Atuortoq 18-it inorlugit ukiulinnik qatannguteqarpat angajoqqaat akiliutaata appartinneqartarnissaa pillugu immikkoortumik ilanngussinissaaq oqaasertaliussat uku aqqutigalugit Naalakkersuisut kissaatigaat. Tamanna konto pingaarnermut 40.10.06-imut (Kalaallit Nunaanni efterskolit ingerlannerinut tapiissuteqarnerut tunngasumut) aamma konto pingaarnermut 40.10.12-imut (efterskolinut tunngasumut) atuuppoq. Tamanna 2019-imi aningaasanut inatsit ilanngullugu atuussimavoq, kisiannili 2020-mi aammalu 2021-imi aningaasanut inatsisini oqaasertaliussanut ilaasimanani. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 58: Konto pingaarnermut 40.91.03-mut (pikkorissartitsinernut tunngasumut) oqaasertaliussap matuma ilanngunneqarnissaa Naalakkersuisut qinnutigaat. Suliassat konto pingaarnermi siunertarineqartut ataanniittut isumagineqarnissaannut avataanit suleqatigineqartunut ukiunut arlalinnut atuuttunik isumaqatigiissuteqarnissamut Naalakkersuisut oqaasertaliussakkut piginnaatinneqarput. Aningaasat ungasinnerusumut isiginnilluni naapertuunnerusumik atorneqarnissaa qulakkeerniarlugu oqaasertaliussat ilanngunneqarnissaa qinnutigineqarpoq. Oqaasertap assinga aningaasanut inatsisissatut siunnersuummi konto pingaarnermut 31.07.02-mut (piginnaasanik ineriartortitsiviusumik

pikkorissarnernut tunngasumut) ilanngunneqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 59: Allannguutissatut siunnersuutit tamatuma allannguutissatut siunnersuutit 36 aamma 37 sammisaq 2-mi pineqartut malitsigaat. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 60: Oqaasertaliussanut allannguutissatut siunnersuutikkut matumuuna højskolini sapaatip akunneranut holdimut ataatsimut tapiissutit efterskolimi atuartunut tapiissutit annertussuseqartinneqalernissaat Naalakkersuisunit kissaatigineqarpoq. Tamatuma kingunerisaanik sapaatip akunneranut holdimut ataatsimut tapiissutit 2500 kr.-init 525 kr.-inut ikilineqassapput.

Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 62: Oqaasertaliussanut allannguutissatut siunnersuutikkut matumuuna konto pingaarnernut 73.04.08-mut (savaaqqanik toqoraavinnut il.il. kiffartuussinissamik isumaqatigiissummut tunngasumut) oqaasertaliussaq nr. 2-p oqaatstigit iluarsineqarnissaa Naalakkersuisunit kissaatigineqarpoq.

Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Allannguutissatut siunnersuut 63: Oqaasertaliussanut allannguutissatut siunnersuutikkut matumuuna konto pingaarnernut 85.50.20-mut (takornariartitsinermi sanaartornernut tunngasumut) oqaasertaliussat 1-2 peerneqarnissaat Naalakkersuisunit kissaatigineqarpoq. Konto pingaarnernut AIS-22-mi ilannginnera tamatumunnga tunngavilersuutigineqarpoq. Tamatumunnga Aningaasaqarnermut Ataatsimiititaliaq allanik oqaaseqaatissaqanngilaq.

Oqaasertaliussanut allannguutissatut siunnersuutit nr. 54-63 **akuerineqassasut** ataatsimiititaliamit **inassutigineqarpoq**.

6. Aningaasaqarnermut Ataatsimiititaliap inassuteqaatai

Sammissaq 1-ip ataani allannguutissatut siunnersuutit nr. 1-34 **akuerineqassasut** ataatsimiititaliamit **inassutigineqarpoq**.

Sammissaq 2-p ataani allannguutissatut siunnersuutit nr. 35-45 **akuerineqassasut** ataatsimiititaliamit **inassutigineqarpoq**.

Sammissaq 3-p ataani allannguutissatut siunnersuutit nr. 46-49 **akuerineqassasut** ataatsimiititaliamit **inassutigineqarpoq**.


Sammissaq 4-p ataani allannguutissatut siunnersuut nr. 50 **akuerineqassasoq** ataatsimiititaliamit **inassutigineqarpoq**.

Sammissaq 5-ip ataani allannguutissatut siunnersuutit nr. 51-53 **akuerineqassasut** ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 54-imit 63-imut **akuerineqassasut** ataatsimiititaliamit **inassutigineqarpoq**.

Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninnissat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq**.

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappassaaniigassanngortippaa.




Jens Napaattoq
Siulittaasoq



Erik Jensen
Siulittaasup tullia




Hans Aronsen



Agathe Fontain



Vivian Motzfeldt



Jens-Frederik Nielsen



Aqqalu Jerimiassen



Ilanngussaq Bilag A

Aningaasaqarnermut Nunamullu Namminermut
Naalakkersuisoq

/MAANI

Assilineri: Inatsisartut ataatsimiititaliaat

Ulloq: 15-09-2021

J.nr.: 01.31.11-00018

1. Aallarniut

Aningaasaqarnermut Akileraartarnermullu Ataatsimiititaliap 2022-mi aningaasanut inatsisissatut siunnersuummut aallarniutitut apeqqtai oqaaseqaataalu matumuuna nassiuqqarpot. Aningaasaqarnermut Akileraartarnermullu Ataatsimiititaliap 2021-mi aggustimi Nuummi missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misissuina apeqqtunut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutit kalaallisuaanut innersuussutaapput.

2. Ilusiliinermut tunngasumik oqaaseqaatit:

Suliassaqaqfinnik allannguinerup nassataanik konto pingaarnertut sumit nuunneqarsimanera kontonut pingaarnertut arlalinnut missingersuutitut ilanngussani allassimanngimmat ataatsimiititaliamit aallarniutigalugu oqaatigineqassaaq. Tamatuma saniatigut ukiut siuliini atuinertut takussutissiaq takussutissiani amigaataavoq, naak kontonit allanit nuutaagaluartut. Taakku ilanngunneqartariaqarpot, tamannalu malunnartumik atuaruminarnerulersitsissalluni.

3. Nassuiaatit nalinginnaasut

- 3.1. Ilusiliinikkut kukkunerit iluarsineqartussatut ataatsimiititaliamit kissaatigineqartut:
- a) Quppernertut 209/210-mi aamma 171-mi kalaallisuaq danskisuaq imminnut naapertuutinnigillat. Tamatumani pineqarpoq qupperneq kalaallisuaq 209/210-mi "Utoqqarnut aningaasaliissutit" ataanni immikkoortumi siullermi aammalu "Meeqqanut immikkoortumi suliniuteqarneruneq"-rup ataanni immikkoortumi siullermi naapertuutinnigisoqarnera.
- 3.2. Qupperneq 191/192-mi takussutissiami kommunit ukiup naanerani aningaasaataasa tigoriaannaat nalunaarneqarnissaat ataatsimiititaliamit ujjartorneqarpoq. Paasissutissap tamatuma 2020-mi naatsorsuutit aallarnertigalugit ilanngunneqarnissaa ataatsimiititaliamit naapertuuttutut isigineqarpoq.
- 3.3. COVID-19 tamatumalu nunatsinni inuussutissarsiornermut kingunerisai pissutigalugit nunatta aningaasaqarnera piffissami tassani nalorninartorsiorfiusimasoq ataatsimiititaliamit nassuerutigineqassaaq.
- a) Suliniutinik nutaanik nunatta karsianut isertitaqaataasinnaasunik qanoq ittunik Naalakkersuisut pilersaaruteqarpat?

- b) Inuussutissarsiornermi periarfissat nutaat aqutugalugit isertitat amerlinissaannut suut periarfissaasutut Naalakkersuisunit isigineqarpat?
 - c) Inuussutissarsiornikkut periarfissat taakku assersuutugalugu inatsisitigut akileraartarnikkullu iliuutsit (taakkuinnaanngitsulli) aqutugalugit Naalakkersuisunit qanoq siuarsarneqarniarpat?
- 3.4. Urandimik piiaanissamik akuersaanngilluinnarnerup atuutilersinneqarnissaa Naalakkersuisunit kissaatigineqarpoq.
- a) Tamanna aatsitassamik piiaanissamut nunat allamiut aningaasaliinerannut aningaasatigut qanoq kinguneqartussatut Naalakkersuisunit naatsorsuutigineqarpa?
 - b) Aningaasatigut kinguneqarpat: AIS22-p suliarineqarnerani taakku Naalakkersuisunit qanoq atorineqarpat?
- 3.5. Nassuiaatini nalinginnaasuni aalisarnermut tunngasut pillugit:
- a) Aalisakkat ilaannut avammut tunisinermi akit appariarnerat nunatta karsianut siunissami qanoq sunniuteqassava?
 - b) Aalisarnerup iluani suliniutit nutaat suut Naalakkersuisut isumaat malillugu aallartinneqassappat?
- 3.6. Meeqqat inuusuttullu nassuiaatini nalinginnaasuni annertunerusumik sammeneqarnissaat ataatsimiititaliamit amigaatigineqarpoq.
- a) Kalaallit Nunaanni Politiit 2020-mut ukiumoortumik kisitsisitigut paasisutissaataat malillugit imminut toqunnissamik soorasaarinerit 2020-mi 1200-uupput, imminut toqoriarnerit 120-iullutik aammalu imminnut toquttut 41-lutik. Kisitsisit taakku assut qaffasippallaarujussuartutut ataatsimiititaliamit isigineqarput. Aningaasanut inatsisissatut siunnersuummi matumani aningaasaliissutit aqutugalugit kisitsisit taakku 2022-mi ikilisinneqarnissaannut suliniutit Naalakkersuisunit qanoq pingaarnersiorneqassappat?
 - b) Meeqqat inuusuttullu ulorianartorsiorlut pillugit sulianik suliarinnittarnerup sivilissusia Naalakkersuisunit qanoq sivikinnerulersinneqalersaarpa?
 - c) Ilaqutariit qitiutillugit meeqqanut inuusuttunullu siusissuklut suliniuteqarnermi angajoqqaat Naalakkersuisunit qanoq ikiorneqarsinnaappat?
 - d) Suliamik suliarinninneq kisiat aqutiginagu aammali paasisitsiniaaneq aqutugalugu ilaqutariit aallaavigalugit meeqqanut/inuusuttunut inuuniarnikkut ulorianartorsiorlutut ikiorsiisarneq Naalakkersuisunit qanoq nukittorsarneqarsinnaava?
- 3.7. Nunatsinni piitsuunermut pisortatigoortumik killiliinissamik Naalakkersuisut suliniuteqarnerat ataatsimiititaliamit akuersarneqarpoq.
- a) Sumi najugaarneq apequtaatillugu piitsuussutsimut killiliussatut naleqqersuutit assigiinngissinnaanerit Naalakkersuisunit qanoq ilanngullugu naliliutigineqalersaarpa? Tamatumani assersuutugalugu nerisassanik (ilaannakortumik) imminut pilersornissamut periarfissaqarpat?
- 3.8. Naalakkersuisooqatigiinnermut isumaqatigiissusiornermi meeqqanut/inuusuttunut suliaasaqarfimmik, AIS22-mi suliaasaqarfik 30.10-tut, Naalakkersuisut pilersitsippat. 2022-mi aningaasaliissutitut nutaatut 5 mio. kr.-it Naalakkersuisunit immikkoortinneqarsimasut ataatsimiititaliamit maluginiarneqarpoq.
- a) Suliaasaqarfik Naalakkersuisunit aningaasaliissutitigut soq annertunerusumik pingaarnersuiffigineqanngila?

- 3.9. Illoqarfinni nunaqarfinnilu arlalinni tuniluuttoqarneratigut peqqinnissaqarfik 2021-mi COVID-19-imit sunnerneqarpoq.
- Peqqinnissaqarfiup suliassaqarfiani COVID-19-imut tunngassuteqanngitsumik kinguaattoortoqartoq Naalakkersuisut naliliippat?
 - Kinguaattoorutit taamaattut aningaasaliissutitigut Naalakkersuisunit qanoq iliuuseqarfigineqalersaarpat?
 - COVID-19 pillugu peqqinnissaqarfimmi suliniutit Naalakkersuisunit qanoq naliliiffigineqalersaarpat?
- 3.10. DIN-imut MR-scannerimik pisinissaq ataatsimiititaliamit assut pitsaasutut isigineqarpoq, neriutugineqarporlu tamanna kræftimut akiuniarnermut nukittorsaataassasoq. Maskiinalli taamaattut akisusinnaasut ataatsimiititaliamit aamma naluneqanngilaq.
- Assersuutigalugu maskiinanut atugassanik aningaasaateqarfiit peqqinnissaqarfimmut aningaasaliissuteqarnissaat anguniarneqartarpa?
- 3.11. Akileraartarnermut suliassaqarfimmi, ilinniagaqarnermi suliffeqarnermilu, inuussutissarsiutinik siuarsaanermi suliffinnillu pilersitsinermi, ineqarnermut politikkitimi kiisalu qitiusumik allaffeqarfissuarmi aaqqissuusseqqinnerit tallimaasut Naalakkersuisunit nassuiaatini nalinginnaasuni (quppernemi 193/194) naatsumik saqqummiunneqarput. Suliassaqarfiit ataasiakkaat iluanni Naalakkersuisut naalakkersuinikkut kissaataasa itisilerneqarnissaat ataatsimiititaliamit nalinginnaasumik kissaatigineqarpoq.
- 3.12. Tamatuma saniatigut Naalakkersuisut kissaatigaat "FN-ip 2030-mut attassinissamut anguniagai sulinermi uuttuutigineqassasut".
- FN-ip 2030-mut attassinissamut anguniagai aaqqissuusseqqinnissamut qanoq uuttuutigineqassappat?
- 3.13. Immikkoortumut ima qulequtalimmut "*Aningaasaqarnermi akileraartarnermilu immikkoortumi ataqatigiissumik aaqqissuusseqqinneq*" ataatsimiititaliaq ima apeqquutissaqarpoq:
- Akileraartarnikkut aaqqissuusseqqinneq isumaginninnermut utoqqarnullu suliassaqarfinni aaqqissuusseqqinnernut qanoq ittunut ataqatigiissinnissaa Naalakkersuisunit kissaatigineqarpa?
- 3.14. Immikkoortumut ima qulequtalimmut "*Inuussutissarsiutinik siuarsaaneq suliffinnillu pilersitsineq*" ataatsimiititaliaq ima apeqquutissaqarpoq:
- Suliniutit suut nunani allani suleqatigisanik attaveqarnermi siuarsaataasinnaasut Naalakkersuisunit siuarsarneqalersaarpat?
 - Inuussutissarsiornikkut akileraartarnermi allannguutissat suut Naalakkersuisunit isumaliutigineqarpat?
- 3.15. Immikkoortumut ima qulequtalimmut "*Ineqarnermut politikki ersarissaq, ullutsinnut naapertuuttoq siunissamullu ungasissumut sammisoq*" ataatsimiititaliaq ima apeqquutissaqarpoq:
- Pisortat inissanik aqutsinerat tamarmiusoq pisariillisarniarlugu aaqqissuunniarlugulu suliniutit qanoq ittut Naalakkersuisunit isumaliutigineqarpat?
- 3.16. Immikkoortumut ima qulequtalimmut "*Qitiusumik allaffeqarfissuup aaqqissuuteqqinnera pisortallu ingerlatsivianni pitsaanerusumik ataqatigiinnerusumillu suliassanik isumaginninneq*" ataatsimiititaliaq ima apeqquutissaqarpoq:

- a) Kommunit Namminersorlutillu Oqartussat akornanni suliassanik agguataarineq Naalakkersuisunit immikkut nassuiaatigineqarpoq. Tamatumani Namminersorlutik Oqartussani Naalakkersuisoqarfiit akimorlugit iliuuseqarnissamut Naalakkersuisut pilersaarutaat aamalu suleqatigiinnerup tamatuma siunissami qanoq nukittorsarneqalersaarnera ataatsimiititaliamit ujartroneqarput?
- b) Immikkoortup tamatuma ataani Naalakkersuisut aqqissuusseqqinnikkut *"Nakkutigineqartumik isumagisassat annertunerusut kommuninut tunniunneqarsinnaasut"*. Tassunga atatillugu ataatsimiititaliamit apeqqutigiumaneqarpoq isumagisassat suut kommuninut nuunneqartussatut Naalakkersuisunit isigineqarnerisut?
- c) *"Digitaalinnngorsaanermi suliniutit naapertuuttut"*-nik oqarnermi suna pineqarpa?
- d) Pisariaqanngitsumik allaffissorneq Naalakkersuisunit qanoq annikillisarneqassava?

3.17. Immikkoortumut ima qulequtalimmut *"Tunumi imartap avataani aalisakkanik nakkutilliinermik annertusaaneq"* ataatsimiititaliaq ima apeqqutissaqarpoq:

- a) Pinngortitaleriffiup piginnaasaasa saniatigut piginnaasat allat ilanngunneqarnissaat ilaqutaasinnaasoq ataatsimiititaliaq isumaqarpoq. Assersuutigalugu piniarnermik nakkutilliisut Tasiilami atorineqarsinnaanerisut pillugu Naalakkersuisut qanoq isumaliuteqarpat?

4. Suliassaqarfik 10 - 12 Naalakkersuisut Siulittaasuat

4.1. Konto pingaarneq 10.01.28 Tunngaviusumik inatsisitaarnissamik isumalioqatigiissitaq aamma allattoqarfik

Nunatsinni tunngaviusumik inatsisissatut missingiummik tunngaviusumik inatsisitaarnissamik isumasioqatigiissitaq kingusinnerpaamik 31. december 2021 tunniussissaaq. Tamatuma kingorna taanna UPA2022-mi Naalakkersuisunit saqqummiunneqassaaq. *"2022-mi decembarimi allattoqarfiup sulinerminik naammassinninnissaa maannakkut naatsorsuutaasoq"* tunngavilersuutigalugu aningaasaliissutit taamaallaat 31.12.2022-mut tunniunneqarput.

- a) Missingiutit tunniunneqarnerisut 31.12.22-p tungaanut allatseqarfik sulerissava?
- b) UPA2022-mi saqqummiussinerup kingorna tunngaviusumik inatsisitaarnissamik isumasioqatigiissitaq suliaa Naalakkersuisunit qanoq nanginneqassava?
- c) Tamanna aningaasaliissutitigut kinguneqassava, taamaassappallu sunik?

4.2. Konto pingaarneq 10.13.10 Akitaateqarluni ingerlatseqatigiiffinnit iluanaarutit, agguagarsiassat tunisinerillu

- a) KNI 2021-mi iluanaarutinit 20 mio. kr.-inik Namminersorlutik Oqartussanut tunniussivoq. KNI 2022-mi iluanaarutinit qanoq amerlatigisunik tunniussissussatut Naalakkersuisunit naatsorsuutigineqarpa?

4.3. Konto pingaarneq 10.13.11: Akitaateqarluni ingerlatseqatigiiffinnut aningaasanngorlugit aningaasartuutit

Kalaallit Airport A/S-imut ukiumut 50 mio. kr.-it aningaasaliissutit Namminersorlutik Oqartussat aktiaateqarluni ingerlatseqatigiiffinnit immikkut ittumik pissarsiat aqutitigalugit aningaasalersorneqartassasut missingersuutitut ilanngussami allassimavoq.

- a) Kalaallit Airport A/S-imut aningaasaliissutit qaqugu naammassineqartussatut Naalakkersuisunit naatsorsuutigineqarpat?

- b) Kalaallit Airport A/S-imut aningaasaliissutit naammassineqarpata immikkut ittumik pissarsiat Naalakkersuisunit taamaatinneqassappat imaluunniit taakku suliniutinut allanut ingerlateqqinneqalersaarpat?

5. Suliassaqarfik 20-24 Aningaasaqarnermut Nunamullu Namminermut Naalakkersuisoq

5.1. Konto pingaarneq 20.05.34: Partiit gineqqusaarnissaannut tapiissutit

- a) Quppernermi 320-mi takussutissiami isumaqarnarpoq partiit Siumut Suleqatigiissitsisullu paarlaanneqarsimasut. Tamanna uppernarsaqqullugu iluarseqqullugulu Naalakkersuisut qinnuigineqarput.

5.2. Konto pingaarneq 20.05.40: Naalagaaffiup ataatsimoortumik tapiissutai

- a) 2021-mut sanilliullugu 2021-mut aningaasat 1,1 procentimik iluarsiiqqineqartut kalaallisuuni allassimavoq. Taanna danskisuuaniut tassaasussaassaaq 2022. Tamanna uppernarsaqqullugu iluarseqqullugulu Naalakkersuisut qinnuigineqarput .

5.3. Konto pingaarneq 20.10.35: Suliniutissat immikkut ittut – Karrat Kangerluat

- a) Piffimmut taaguut eqqortoq atorineqassasoq Aningaasaqarnermut Ataatsimiititaliamit inassutigineqarpoq (Umiammakku).
- b) Uummannap pigisaani nunaqarfinnit piffinnillu pineqartunit nutsernerit sumut killippat?
- c) Nuunnermut atatillugu qimataminnit inissianut attartornermut qaffasinnerusumik akiliuteqarfiusunut innuttaasut nalinginnaasumik nuuttarput. Nuunnermi qularnaveeqqutitut akiliutip kinguartinneqarneratigut atorunnaarsinneqarneratigulluunniit tamanna Naalakkersuisunit ikiorsiissutigineqalersaarpa?

5.4. Konto pingaarneq 20.11.70: Suliniutinut nutaanut sillimmatit

Nuummi sulisunut inissialiornermut ukiumut 3 mio.-inik Naalakkersuisut immikkoortitsipput. Tamatuma saniatigut ineqarnermut akiliutinit (Naalakkersuisut malillugit) ukiumut 3,6 mio.-it sipaarutigineqassapput.

- a) Attartortitsisartunut namminersortunut attartornermut akiliutinut tunngatillugu sipaarutissat tamakkiisut pissarsiarineqarnissaat Naalakkersuisunit qaqugu naatsorsuutigineqarpa?
- b) Suliniutip imaraa Nuummi sulisunut inissianik 60-inik sanaartornissaq. Tamanna Nuummi Peqqinnissaqarfimmi sulisunut inissianik pisariaqartitsinermut tamarmiusumut matussusiiva?
 - i) Pisariaqartitsineq tamakkiisoq matuneqanngippat Nuummi Peqqinnissaqarfimmi sulisunut inissianik pisariaqartitsineq tamarmiusoq qanoq annertutigaa?
- c) Nuup avataani Peqqinnissaqarfiup sulisunut inissianik pisariaqartitsinera qanoq ippa?

5.5. Konto pingaarneq 24.01.01: Akileraartarnermut Aqutisisoqarfik, allaffissorneq

- a) Sulisunut atuinissamut naatsorsuutigisat pillugit takussutissiami (qupperneq 354) "AI21"-p nalaani sulisut atukkat nalunaarneqarsimanngitsut ataatsimiititaliamit maluginiarneqarpoq. Tamanna Naalakkersuisut iluarsillugulu kisitsisit ataatsimiititaliamut paasissutissiissutigissagaat ataatsimiititaliamit kissaatigineqarpoq.
- b) December 2020-mi ilassutitut aningaassaliissuteqarnissap Aningaasaqarnermut Ataatsimiititaliamilli akuerineqarmat (ataatsimiititaliap suliaa nr. 01.31.06/20-00921) ERP-

atortup nutaap atorineqaleriartornerata killiffia paasissutissiissutigineqassasoq
ataatsimiititaliamit kissaatigineqarpoq.

- i) ERP-atortup 2022-p qanoq ilinerani tamakkiisumik atorineqalertussatut
Naalakkersuisunit naatsorsuutigineqarpa?

5.6. Konto pingaarneq 24.11.20: Akitsuutit, akiliilluni pinarneq aalisarlu

Konto pingaarnermi tassani 300 tkr.-inik isertitaqarnissaq Naalakkersuisut missingerpaat,
tassungalu ilaapput umimmanniarnissamut akuersissutinit 90-init isertitat. 2021-mi
umimmanniarnissamut akuersissutit 30-iunissaat missingersuutigineqarpoq.

- a) Taama isertitaqarnissamik missingiineq Naalakkersuisullu juuli 2021-mi nalunaarutaat
naapertorlugu juulip qaammataani tammajuitsussarsiniartitsilluni
umimmanniartoqannginnera qanoq imminnut ataqtigiippat?
- b) Isertitassanik nutaanik periarfissaqarnissaq eqqarsaatigalugu tammajuitsussarsiniartitsilluni
aallaaniartitsinermi Naalakkersuisut qanoq anguniagaqarpat?

**6. Suliassaqaarfik 30 Meeqqanut, Inuusuttunut, Ilaqutariinnut Inatsisillu
Atuutsinneqarnerannut Naalakkersuisoq**

6.1. Suliassaqaarfik ataatsimut isigalugu:

- a) Inatsisinik atuutsitsinermit suliassaqaarfik Ineqarnermut, Attaveqarnermut,
Aatsitassanut, Inatsisinik Atuutsitsinermit Naligiissitaanermullu Naalakkersuisumut
nuunneqarpoq. Suliassaqaarfinnik allanngineq kingulleq assigalugu
Aningaasaqaarnermut Ataatsimiititaliamut ilisimatitsissuteqartoqassava aammalu
kontonut pilersaarut AIS22-mi matumani iluarsineqassava?

6.2. Konto pingaarneq 30.01.03 Isumaginninneq pillugu pikkorissartitsisarnerit
ilinniartiteqqittarnerillu

- a) Ilinniarsimanngitsut pikkorissarnissamut ilinniaqqinnissamullu periarfissaasa
annertusarnissaannut Naalakkersuisut qanoq eqqarsaateqarpat?

6.3. Konto pingaarneq 30.10.37 Nuna tamakkerlugu meeqqanut inuusuttunullu paaqqinnittarfiit

- a) Innarluutilinnut naleqquttuunissaq eqqarsaatigalugu nuna tamakkerlugu ulloq unnuarlu
paaqqinniffiit inatsisinik malinnittutut Naalakkersuisunit isumaqarfigineqarpat?
- b) Kommunit attaveqarneq nukittorsarniarlugu, taamaalillunilu kommunit
Namminersorlutillu Oqartussat akornanni anguniakkanik ataatsimoorussinissap
anguneqarnissaanut, Naalakkersuisut qanoq iliuuseqarpat?
- c) Kommunit Namminersorlutillu Oqartussat akornanni marloqiusamik allaffissorneq qanoq
annertutigaa?
- d) Ulloq unnuarlu paaqqinniffinni illoqarfinni ataatsimiittuni ingerlatsinermit
aningaasartuutit ataatsimoorinneqarnerat iluaqutissarsiffiillunilu
sipaaruteqarfiusinnaasoq ataatsimiititaliaq naliliivoq. Isumaginninnermut siunnersortit
saniatigut matumani ilaatigut eqqarsaatigineqarput biilit, umiatsiat, qamuteralaat il.i.
Naalakkersuisut ataatsimiititaliaq isumaqatigaat aammalu ataatsimooritsinerup
iluqutissarsiffiunissaa anguniarlugu Naalakkersuisut qanoq pilersaaruteqarpat?

- e) Paaqqinnittarfiit meeqqanut assersuutigalugu autismeqartunut, tusilartunut, ADHD-tunut, borderlinertunut il.il. naleqqussarneqarnerat Naalakkersuisunit qanoq qulakkeerneqartarpa?
- f) Inissat qupperneq 403-mi taaneqartut amerlassusiat nutarterneqarsimasorinanngilaq. Inissat qanoq naatsorsorneqarpat, tamannalu inatsisinut naapertuuttumik piva?
- g) Ulloq unnuarlu paaqqinniffinni inissat 2022-mi ukiunilu missingersuusiorfiusuni tamakkiisumik atorneqarnerat qupperneq 403-mi allassimammat inissat amerlineqarnissaannut Naalakkersuisut pilersaarutaat ataatsimiititaliamit apeqqutigineqarput?

6.4. Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

- a) Ingerlatani meeqqap pisariaqartitaasa, angajoqqaatut oqartussaassuseqartut aammalu ilaqutariit paarsisut aningaasaqarnikkut atugaasa akornanni immikkut isiginiagassaqaqarnerani ulluinnarni naapertuutinngitsunik Naalakkersuisut paasisaqarsimappat?
- b) Tamatumani pineqartoq tassaasinnaavoq ilaqutariit paarsisut piniariarneranni imaluunniit nunanut allanut sulinngiffeqarlutik angalaneranni meeqqap paarisap ilaasinnaannginnera, tassa meeqqap paarisap peqataanissaanut aningaasanik immikkoortitsinissamut periarfissaqaqarsimanani imaluunniit assersuutigalugu angajoqqaatut oqartussaannermi isiginiagassat pingaarnerusimanerat.
- c) Ilaqutariit paarsisut aningaasaqarnikkut, tassungalu ilanngullugu akileraartarnikkut akiligassanik aqutsinerlunnerat pissutigalugu paarsinerup taamaattariaqarsimaneranik imaluunniit allatut akornuserneqarsimaneranik Naalakkersuisut paasisaqarsimappat?
- d) Tamanna Naalakkersuisunit eqqumaffigineqarpa aammalu ajornartorsiut Naalakkersuisunit qanoq iliuuseqarfigineqalersaarpa? Ajornartorsiut tamanna taamaaliornikkut iluarsineqarsinnaappat aningaasaqarnikkut aqutsinermik ilaqutariit paarsisartut assigisaallu pikkorissartinneqarnissaasa neqeroorutigineqarnissaa Naalakkersuisunit isumaliutigineqarsimava?
- e) Arnanut meeralinnut persuttagaasimasunut nuna tamakkerlugu qimarnguillunilu katsorsaavik qupperneq 407-imi takussutissiami innersuussutigineqarpoq. Naligiissitaanerup aqqani periarfissaq taanna angutitut aamma piusariaqartoq ataatsimiititaliaq isumaqarpoq. Angutitut qimarnguinnik pilersitsinissaq pillugu Naalakkersuisut qanoq isumaliuteqarpat?

6.5. Konto pingaarneq 30.10.48 Isumaginninnikkut peqqissutsikkullu pinaveersaartitsineq

- a) Pineqartut angajoqqaatut piginnaasaasa nukittorsarneqarnissaannut nunaqarfiit ilaanni MANU-p pisariaqartinneqarnera annertunerusoq ataatsimiititaliaq isumaqarpoq. Pisariaqartitsinerup tamatuma iliuuseqarfigineqarnissaanut Naalakkersuisut qanoq iliulersaarpat?
- b) Pinerluuteqarsimasut nakuusertartullu ilaqutaasa isumaginninnikkut suliniuteqarnikkut ilitersorneqarnissaat aallunneqarnerusariaqartoq ataatsimiititaliamit kissaatigineqarpoq. Tamatuma aningaasanut inatsisissatut siunnersuummut ilanngunneqarnissaanut Naalakkersuisut qanoq pilersaaruteqarpat?

6.6. Konto pingaarneq 30.10.49 Sumiginnagaasarneq akiorniarlugu isumaginninnikkut suliniutit

- a) Qupperneq 412-imi immikkoortup aappaani pingajuanilu ukiut 2019 aamma 2020 innersuunneqarput. taakku tassaassannginnerput 2020 aamma 2021?

- 6.7. Konto pingaarneq 30.13.07 Danmarkimi Kalaallillu inissiinermut gitiusumik immikkoortitat
a) Innarluutilinnut Danmarkimut inissitanut Kalaallit Nunaat - allaat immaqa ukiut 30-t qaangiunneranni – suli akiliuteqartuassanersoq Naalakkersuisunit isummerfigineqassasoq ataatsimiititaliamit kissaatigineqarpoq.
- 6.8. Konto pingaarneq 30.13.41 Innarluutilinnut angerlarsimaffiit
a) Qupperneq 418-imi takussutissaq (suliassami kisitsisissatut naatsorsuutigisat) eqqortumik takutitsisorinanngitsoq ataatsimiititaliamit eqqumaffigeqquneqassaaq. Taamaattumik takussutissaq eqqortoq ataatsimiititaliamit qinnutigineqarpoq.
- 6.9. Konto pingaarneq 30.13.43 Pissarsiffik
a) Pisassarfik qanoq annertutigisumi atorneqarpa?
- 6.10. Konto pingaarneq 30.14.31 Meeqqat Pisinnaatitaaffiit Suliffeqarfik
a) Quppernermi 429-mi takussutissiami / missingersuutit immikkoortiternerini ersarissunngorlugu nalunaagaq kukkusumik inissinneqarsimasoq aammalu nalunaarsukkat ataatsimik amerlanaagaasimasut ataatsimiititaliamit eqqumaffigeqquneqassapput, taamaattumillu iluarsisut ataatsimiititaliamit qinnutigineqarpoq.
- 6.11. Konto pingaarneq 30.30.04 Innarluutillit Illersuisuat
a) Suliassaqaarfik pingarnerusunngortinneqarlunilu nukittorsarneqartariaqartoq ataatsimiititaliaq isumaqarpoq. Tamatumunnga assersuutissatut taaneqarsinnaavoq tusilartunik paarsisut tamarmik ussersorsinnaanissaat. Tamanna Naalakkersuisut qanoq isumaqarfigaat?
- 6.12. Konto pingaarneq 30.30.06 Inuit Pisinnaatitaaffii pillugit Siunnersuisoqatigiit
a) 1,5 mio. kr.-inik qaffaaneq siunnersuisoqatigiit suliassaminnik isumaginninnissaannut naammannersoq ataatsimiititaliamit apeqquuserneqarpoq. Konto pingarnermut matumunnga aningaasanik amerlanerusunik immikkoortitsisoqarnissaa Naalakkersuisunit naatsorsuutigineqarpa?

7. Suliassaqaarfik 31 Isumaginninnermut Sulisoqarnermullu Naalakkersuisoq

- 7.1. Konto pingaarneq 31.02.01 Inersimasunut inuunikkut atugarliortunut suliniutit
a) Innuttaasut sinnerissap sinneranit Nuummut nutsertut, inissarsinngitsoortulli, nassatarisaannik ajornartorsiutit iliuuseqarfiginiarlugit Naalakkersuisut qanoq iliuuseqarnissamik pilersaaruteqarpat?
b) Angerlarsimaffeqanngitsut adresseqanngitsullu immikkoortinneqartariaqartut ataatsimiititaliaq isumaqarpoq. Angerlarsimaffeqanngivissortut qanoq amerlatiginerat Naalakkersuisunit ilisimaneqarpa, taakkulu amerlassusiannik naatsorsuusiordermi periuseq qanoq ittoq atorneqalersaarpa?
c) Oqaloqatigiittarfinnik pilersitsinissaq eqqartorneqarsimavoq. Suliassaqaarfiup ineriartortinneqarnissaanut Naalakkersuisut qanoq allanik pilersaaruteqarpat?
d) Aningaasaliissutit immikkoortunut marlunnut avitaasut, tamannalu periuserineqartussap ersernerlunneranik kinguneqartoq ataatsimiititaliaq naliliivoq. Inersimasunut inuunikkut

atugarliortunut suliniutissat pillugit Naalakkersuisut nuna tamakkerlugu qanoq periuseqarpat?

- e) Aningaasaliissutit ikinnerannut sanilliullugu konto pingaarnermi matumani iliuusissanut tunngatillugu kommunit qanoq atuuffeqarpat?
- f) Konto pingaarnermut matumunnga suliasami kisitsisit ataatsimiititaliamit amigaatineqarput.

7.2. Konto pingaarneq 31.02.07 Utoqqaat Illersuisuat

- b) Illersuisut sinnerinut sanilliullugu utoqqaat illersuisuannut aningaasaliissutit ikinnerupput. Sooq taamaappa?
- c) Namminerisamik allatseqarfimmik il.il. utoqqaat illersuisuat pilersitsissasoq paasissutissiissutigineqarpoq, aningaasaliissutilli sulisunik atorfinitsitsinissamut angalanissamulluunniit periarfissiinnngillat. Illersuisoq iliuusissanik nutaanik siunnersuuteqarsinnaasoq missingersuutitut ilanngussami allassimavoq. Illersuisoq siunnersuuteqarsimanersoq paasissutissiissutigineqassasoq ataatsimiititaliamit kissaatigineqarpoq. Kiisalu utoqqaat illersuisuannut naatsorsuutigisat suunersut erseqqissaatigeqqullugit Naalakkersuisut qinnuigineqarput.
- d) Suliasami isumaginissaannut aningaasat sulisullu naammattut pisariaqartullu utoqqaat illersuisuannut atugassanngortinneqarnissaat ataatsimiititaliamit pingaartinneqarpoq.
- e) Utoqqarnut suliasaqarfimmi kommunit annertuunik aamma suliasaqarput. Qulequtaq pillugu Namminersorlutik Oqartussat kommunillu akornanni suleqatigiissinnaaneq ataatsimiititaliamit ujarorneqarpoq.
- f) Konto pingaarnermut matumunnga suliasami kisitsisit ataatsimiititaliamit amigaatineqarput.
- g) Utoqqaat illersuisuata suliasai utoqqaat kattuffiata ataaniittariaqannginnerpat?

7.3. Konto pingaarneq 31.02.12 Danmarkimik eqqartuunneqarsimasunik oqaloqatiginnittartoqarneq

- a) Suliasaqarfimmi maleruagassat aqqissuuteqqinneqarnerarneqarput. Maleruagassatigut tunngavinnik allannguiniarneq sumut killippa?

7.4. Konto pingaarneq 31.03.20 Ineqarnermut tapiissutit

- a) Assersuutigalugu innarluutilimmik paasinnermut atatillugu ilaqutariit imaluunniit rollatorinik atuisut ineeqqamik allamik pisariaqartitsisinnaanerit suliasaqarfimmi ilanngullugu isiginiarneqarneq ajortoq aammalu maleruagassat maannatut itsillugit ineeqqamik allamik peqarnissamik apeqqummut tunngatillugu naammagittaalliornissamut periarfissaqanngitsoq ataatsimiititaliamit oqaluuserineqarpoq. Tamanna Naalakkersuisunit qanoq isumaqarfigineqarpa?

7.5. Konto pingaarneq 31.03.34 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqarneq

- a) Aningaasaliissutit konto 30.10.34-mit nuunneqartut AIS22-p danskisuuani allassimavoq. Kalaallisuanili allassimalluni konto 31.10.34-mit nuunneqartoq. Kukkuneq iluarseqqullugu Naalakkersuisut qinnuigineqarput.

7.6. Konto pingaarneq 30.03.36 Ininermi ullormusiat

- a) Konto pingaarnep qulequtaani 30.03.36 allassimavoq aammalu konto pingaarnep 31.03.36-mit nuunneqarsimasoq. Qinersinerup kingorna suliassaqaqarfinnik allanngineq pillugu Naalakkersuisunit Aningaasaqarnermut Ataatsimiititaliamut ilisimatitsisummi ima allassimavoq: *"konto pingaarnep, 30.10.36 Erminermi ullormusiat, 34.305.000 kr.-nik ilanngarneqassasoq aamma konto pingaarnep, 31.03.36 Erminermi ullormusiat, 34.305.000 kr.-nik ilaneqassasoq."* Kukkuneq iluarseqqullugu Naalakkersuisut qinnuigineqarput.

7.7. Konto pingaarnep 31.07.03 Nuttarnersitsiniarluni aningaasaliissutit

- a) Aaqqissuussineq Naalakkersuisunit qanoq misilittagaqarfigineqarpa aammalu iluatsittut amerlassusiat misissorneqarsimava?
- b) Aaqqissuussineq atornerlunneqartartoq ataatsimiititaliamit ilaatigut oqaluuserineqarpoq. Aaqqissuussinerup atornerlunneqannginnissaa aammalu pissarsisut sakkortunerusumik piumasaqarfigineqarnissaat Naalakkersuisunit qanoq qulakkeerneqassava?
- c) Sulinermi kommunit annertunerusumik akuutinneqarnissaat Naalakkersuisut isumaat malillugu pisariaqartinneqarpa?
- d) Suliffeqarsimannginnermit ullormut akunnerni arfineq pingasuni sulilernermi ikaarsaarnepur annertuallaarnepa pissutigalugu sivisuumik suliffeqarsimanngitsut katataasarnepat ataatsimiititaliamut ilisimaneqarpoq. Suliffeqalernermit ataasiakkaat pisariaqartitarisinnaasaasa isiginiarneqarnissaannut Naalakkersuisut qanoq periuseqarpat?

7.8. Konto pingaarnep 31.07.04 Piginnaanngorsaqqinneq

- a) Aaqqissuussinerup amerlanerusunit atorneqarnissaanut ilitsersuinerullu sukumiinerusup taakkununga atorneqarnissaa pillugu Naalakkersuisut qanoq periuseqarpat?

7.9. Konto pingaarnep 31.07.05 Majoriaq.

- a) Majoriap iluatsitsiviunera killeqarpoq. Majoriamik aaqqissuussineq atuarnit amerlasuunit ajorluartumik paatsoorneqarsimavoq, taakkuninngalu ilinniarfivittut isigineqarluni. Tamatuma Naalakkersuisunit oqaaseqarfigineqarnissaa ataatsimiititaliamut kissaatigineqarpoq.
- b) Ataatsimiititaliap paasinninnera malillugu ilinniagaqareersimasut ilinniarnerninnillu naammassinneqqammersut arlallit Majoriami ingerlatsinerni arlalinni peqataasarput. Majoriap siunissaa Naalakkersuisunit qanoq isigineqarpa aammalu ungasinnerusoq isigalugu aaqqissuussinerup atorunnaarsinnissaa naapertuunnerussanngila? Taarsiullugu aningaasaliissutit annertoqisut pineqartut atuarfimmut aningaasaliissutigineqartariaqannginnerpat?
- c) Majoriani atuarnitsineq pillugu kommunit qaninnerungaartumik suleqatigineqartariaqarput. Tamatumalu peqatigisaanik atuarfimmik qimatsinerup kingorna ilinniarnissaq imaluunniit suliffeqalernissaq atuarfinni angajullernit annertunerungaartumik sammineqartariaqarpoq.

8. Suliassaqaqfik 34 Peqqissutsimut Naalakkersuisoq

8.1. Konto pingaarnep 34.11.04 Kalaallit Peqqissartut Illuat

- a) Kalaallit nerisassaannut 0,4 mio. kr.-it naammannersut nassuiaatigeqqullugu Naalakkersuisut qinnuigineqarput.

8.2. Konto pingaarnep 34.11.08 Atornerluisunik katsorsaanissamut pilersaarut

- a) Aaqqissuussinerup pissarsissutaasarnera katsorsarneqarnermillu inuit qanoq ingerlaqqittarnersut tamakkiisumik ilisimaneqarpa?

8.3. Konto pingaarneq 34.12.03 Napparsimasunik angallassinerit pinasuartumillu angallassinerit il.il.

- a) Danmarkimut pinasuartumik angallanneqarnermut atillugu toqusoqartillugu toqusup nunatsinnut utertinneqarneranut qimagaasut akiliisussanngortinneqartarput. Tamanna illerfinnut zinkinut poorlugit manna tikillugu pisarsimavoq, toqusunulli puut (bodybags) atorlugit toqukkut qimaguttup angerlaanneqarsinnaalernissaanik isumaqatigiinniarnert ingerlanneqarnerneqarput. Isumaqatigiinniarnert taakku killiffiat paasissutissiissutigeqqullugu Naalakkersuisut qinnuigineqarput?

9. Suliassaqarfik 40 Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

9.1. Konto pingaarneq 40.10.10 Kalaallit Nunaata avataani atuartinneqarnissamut neqeroorutit

- a) Taanna Namminersorlutik Oqartussat susassaqaifiini aningaasartuutaava imaluunniit danskit susassaqaifiiniittussaagaluarpa?

9.2. Konto pingaarneq 40.10.11 Ado Lyngep Atuarfia

- a) Konto pingarnermi 84.40.18-imi, Atuarfiup illutaanut allanut tunngasumi, suliassamut nutaamut 103.50.148-mit, Ado Lyngep Atuarfianut illunik pisinermut tunngasumut, aningaasaliissutit 2021-mi amerlineqarnissaat pillugu ilassutitut aningaasaliissuteqarnissamik qinnuteqaat Aningaasaqarnermut Akileraartarnermullu Ataatsimiititaliamit ulloq 18. august 2021-mi akuerineqarpoq (Ataatsimiititaliap suliaa nr. 01.31.06/21 – 00946). Tassunga atatillugu 1 mio. kr.-it Ado Lyngep Atuarfiata iluarsaannissaata pilersaarusiornissaanut, illutaata pitsanngorsarnissaanut nukimillu atuinerup pitsanngorsarnissaanut immikkut atugassanngortinneqartut 2021-mi aningaasanut inatsimmut tunngatillugu isumaqatigiisummi taaneqartut ataatsimiititaliamit apeqqutigineqarput. Suliaq taaneqartoq taanna qanoq ingerlanersoq paasissutissiissutigineqarnissaa ataatsimiititaliamit kissaatigineqarpoq.

9.3. Konto pingaarneq 40.91.08 Kalaallisuuliornermik Ilinniarfik

- a) Atuarfiup allamik pitsaaneruseqarullu avatangiisilimmik nammineq illuuteqalernissaa anguniarlugu Naalakkersuisut qanoq suliniuteqarpat?
- b) Kalaallit Nunaanni sumiiffinni allani atuarfinnik taamak ittunik sanaartortoqarnissaa Naalakkersuisunit isumaliutigineqarsimava?

9.4. Konto pingaarneq 40.91.14 Kalaallit Nunaanni Imarsiornermik Ilinniarfik

- a) Suliat annertussusaat aningaasaliissutaasullu aalisarnerup imarsiornerullu inuiaqatigiinnut pingaaruteqassusaannut Naalakkersuisut isumaat malillugu naapertuuppat ?
- b) Atuarfimmud qinnuteqartarneq qanoq ippa?
- c) Naammassisarutut ilimagineqartumiit ikileriarsimanerat Naalakkersuisunit ernumassutigineqarpa?

- d) Immikkoortortat marluk illoqarfinnut marlunnut immikkut avinneqarsimanerat atuarfiup ingerlanneqarneranut inernerineqartartunullu qanoq sunniuteqarpa?
- e) Immikkoortortani taakkunani marluusuni suliat kisitsisinngorlugit agguataaqqanerat qanoq isikkoqarpat?
- f) Immikkoortortani taakkunani marluusuni ilinniartunngortussat nutaat aallartittut naammassisullu amerlassusiat qanoq ippa?
- g) Atuarsimanermik uppersaasatit pissarsiarineqarsimasut ingerlaavartumik nutarterneqarsinnaaqqullugit qaffassarneqarsinnaaqqullugilluunniit, taamaallunilu imarsiornermi suliffeqarnissamut piginnaasat qulakkeerneqarsinnaaqqullugit, atuarfiup suliassaqarfiata iluani ilinniaqqinnissamut pisariaqartitsinermit atuarfik qanoq naammassinissinnaava?
- h) Nunani tamalaani atorneqarsinnaasunik ilinniarnissamik pisariaqartitsineq atuarfimmit qanoq naammassineqarsinnaava, taamaallunilu nunani tamalaani suliffeqalernissaq periarfissinneqarluni?
- i) Umiarsuup naalagaa ajutoornernik tassanngaannartunik passusisinnaanngorlugu aammalu pisariaqarnera malillugu nakorsaasisinnaanngorlugu ilinniarnernit aaqqissuunneqarsimappat?
- j) Aalisarnermik/imarsiornermik inuussutissarsiorneq qanoq ilinniakkap pitsaassusaanut qaffasissusaanullu ineriartortitsinissamut tapersiisinnaatigiva?

9.5. Konto pingaarneq 40.91.16 Niuernermik Ilinniarfik, Nuuk

- a) Atuarfiup illutaata qanoq inissisimanagera pillugu ataatsimiititaliaq malinnaatinneqarumavoq.
- b) Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq malillugu atuarfiup qaffasinnerusumik ilinniarnissamut neqeroorutai pillugit ataatsimiititaliaq malinnaatinneqarumavoq.

9.6. Konto pingaarneq 40.91.20 Perorsaanermik Ilinniarfik

- a) Kandidatitut qaffasissusilimmik ilinniarnernit neqeroorutigineqarnissaat Naalakkersuisunit pilersaarutigineqarpa?
- b) Najugaq qimannagu ilinniartitaaneq Naalakkersuisut qanoq ajornartorsiutitaqarsoraat tamannalu pillugu Naalakkersuisut qanoq pilersaaruteqarpat?

9.7. Konto pingaarneq 40.91.23 Campus Kujalleq

- a) Akissarsianut aningaasartuutit qaffanneqarnerat sulisoqarnermullu atuinerup appariaateqarnera qanoq imminnut ataqtigippat?
- b) Najugaq qimannagu ilinniartitaaneq Naalakkersuisut qanoq ajornartorsiutitaqarsoraat tamannalu pillugu Naalakkersuisut qanoq pilersaaruteqarpat?

9.8. Konto pingaarneq 40.91.26 Isumaginninnermut tunngasuni ilinniartitaanikkut suliniutit

- a) Akissarsianut aningaasartuutit qaffanneqarnerat sulisoqarnermullu atuinerup appariaateqarnera qanoq imminnut ataqtigippatppat?
- b) Najugaq qimannagu ilinniartitaaneq Naalakkersuisut qanoq ajornartorsiutitaqarsoraat tamannalu pillugu Naalakkersuisut qanoq pilersaaruteqarpat?

9.9. Konto pingaarneq 40.94.12 Nunatta Katersugaasivia Allagaateqarfialu

- a) Suliffeqarfiup illutaasa aserfallatsaalineqarnerat qanoq ippa?

- b) Suliffeqarfiup illutaani inissaqarniarneq qanoq ippa?

9.10. Konto pingaarneq 40.94.13 Timersornermut tapiissutit

- a) Kalaallit Nunaanni peqatigiiffinni sulinerup ingerlatsinerullu pitsaassusaa nikerartorujussuuvog, taamaattumik peqatigiiffinni allaffissornikkut sulinermi pikkorissartitsisarnissamut aningaasaliissuteqarnerusarnikkut suliap taassuma pitsaanerulersinnissaa pingaaruteqarpoq.
- b) Apeqquut a-mi taaneqartutut pikkorissartitsisarneq qanoq annertutigisumik ingerlanneqartarpa, tamatumani Naalackersuisut qanoq pilersaaruteqarpat?

9.11. Konto pingaarneq 40.94.16 Najukkani Radiukkut aamma TV-kkut ingerlatsinermut tapiissutit

- a) Suliassami kisitsit kingulliit suliassamilu kisitsisissatut naatsorsuutigisat takussutissiatut ilusilikkat paasinartut missingersuutitut ilanngussami aalajangersimasumik ilanngunneqarnissaat ujartorneqarput.

9.12. Konto pingaarneq 40.94.17 Kalaallit Nunaata Radioa – KNR

- a) Raadiukkut tv-kkullu aallakaatitassiorsinnaasut Kalaallit Nunaanni sumiiffinniittut allat siuarsaaffigineqarnissaannut annertuumik suliniuteqarnissaq ataatsimiititaliamit ujartorneqarpoq.
- Nunat allat tusagassiorfiini takuneqarsinnaasutut KNR-ip tusagassiorfittut kalaallit inuiaqatigiit tamat oqartussaassusaannik nukittorsaataaqataasussatut annertunerusumik, pissaaneqarnerusumik pisariaqarnerusumillu inissisimasuunissaa ataatsimiititaliamit kissaatigineqarpoq. Taamaattumik ataatsimiititaliaq isumaqarpoq tusagassiorfiit inuiaqatigiit akornanni oqartussaaqataanerat nukittorsarniarlugu nutaamik eqqarsartoqartariaqartoq. Tamanna KNR-imik tullianik isumaqatigiinniarnissami ilanngullugu isiginiaqqullugu ataatsimiititaliap Naalackersuisunut inassutigaa, taamaaliornikkullu aningaasaliissutit ilaasa KNR-imit peerneqarnerisigut najukkani ataasiakkaani aallakaatitassiorlutik. Pisariaqartitsineq malillugu siamasinnerusumik nutaarsiassiinissamut periarfissinneqarlutik. Piffissap aallakaatitseqqinnernut uningaannarnermulluunniit KNR-imit atorineqartup annertuup ilaannaataluunniit taarsenissaanut inissaqarlualuarpoq. Naalackersuinikkut oqallisaasut aallakaatitassiat aqutugalugit tusagassiorfinnit isumagineqaleraluarpata ataatsimiititaliap isumaa malillugu alloriarnerussaaq annertooq, taamaaliornikkut tusarnaaginarnatik aallakaateqqeqattaakkanillu isiginnaaginnaratik innuttaasut qulequttani ullutsinnut aammalu inuiaqatigiinnut tunngasuni peqataallutillu qisuariaateqarsinnaalersillugit.

i. Ataatsimiititaliap inassutaa Naalackersuisunit qanoq isumaqarfigineqarpa?

- b) Nunatta karsiata ilanngaattissat ilanngaatigereerlugit aningaasartuutaasa qaffannerisa aammalu aallakaatitassiat 20 %-imik ikilinnissaannik naatsorsuuteqarnerup ataqatigiinnerisa paasissutissiissutigineqarnissaa ataatsimiititaliamit kissaatigineqarpoq.
- c) KNR-ip nammineerluni tv-kkut aallakaatitassiai ukiumi pineqartumi aallakaatitassiatut (akunninngorlugit) nalunaarneqartarnersut imaluunniit ukiut siuliini tv-kkut aallakaatitassiarineqarsimasut kisitsisunut taakkununga aamma ilanngunneqartarnersut eqqortussaq pillugu paasissutissiissutigineqassasoq ataatsimiititaliamit kissaatigineqarpoq.
- d) Ukiumoortumik tv-kkut aallakaatit ilaat qanoq amerlatigisut ukiumi siuliini aallakaateriikkaneersuuppat ilaallu qanoq amerlatigisut ukiumi pineqartuminnganneersuuppat ?

- 9.13. Konto pingaarneq 40.94.29 Nunatsinni tusagassiuutitut naqitanut ingerlatsinermut tapiissutit
- a) Aningaasaliissutit appariartortut ataatsimiititaliap paasivaa. Aningaasat naapertuunnerusumik isumaqarnerusummilu atorneqarsinnaaneritut Naalakkersuisut isumaliuteqarpat?
 - b) Tamanna soqutiginninnginnermik ersersitsiva?
 - c) Tusagassiuutit naqitat qanoq allatut nukittorsarneqarsinnaanersut pillugu Naalakkersuisut isumassarsiassaqqarpat? Inuiaqatigiinni tamat oqartussaaqataanerannik ingerlatsisuni KNR-ip atuuffia pillugu apeqquumi ilaani ujartuini ataatsimiititaliap innersuussutigissavaa. Assersuutigalugu takuuk apeqq. 9.13 b) siuliani allassimasoq.
- 9.14. Konto pingaarneq 40.95.01 Kultureqarnermut tapiissutit allat
- a) Suliassami kisitsisit aningaasat sumorpiaq atorneqarsimanerannik erseqqinnerusumik ersersitsisut aammalu assersuutigalugu pissarsisut qassiusimanerat ataatsimiititaliamit ujartorneqarput.
 - b) Aningaasaliissutit inuiaqatigiit pissarsiaat qanoq paasiumarnerulersinneqarsinnaanersut Naalakkersuisunit isumaliutigineqarsimava?

10. Suliassaqqarfik 50-51 Aalisarnermut Piniarnermullu Naalakkersuisoq

- 10.1. Konto pingaarneq 50.01.09 Ilaasortaanermut akiliutit
- a) Nunarsuup immikkoortuini nunanilu tamalaani suleqatigiiffinit, missingersuutitut ilanngussami taaneqartunit, nunatta ilaasortaajunnaarnissaa nunatsinnut qanoq kingunerluuteqassava?
- 10.2. Konto pingaarneq 50.01.17 Aalisarneq pillugu EU-mik isumaqatigiissutit aamma konto 51.02.02 Aalisarsinnaatitaassutit tunisineq
- a) Naalakkersuisooqatigiit 2021-mi isumaqatigiissutaanni ima allassimavoq "Aalisarnerup iluani siunissamut siunnerfeqarnissaq pisariaqarpoq, Naalakkersuisooqatigiit isumaqatigiissutigaat aalisakkat EU-mut aalisagartassiissutigineqartartut siunissami nunaqqatitsinnit aalisarneqartalerinissaat siunnerfiussasoq".
 - i. Pisassiissutit nunatsinni aalisartunit namminernit qaqugu aalisarneqarsinnaalissasut Naalakkersuisut isumaqarpat?
 - ii. Anguniakkat taakku angunissaannut suut ajornartorsiutaappat?
 - iii. Qulequtaq pillugu Naalakkersuisut qaqugu EU-mut saaffiginnilersaarpat?
 - b) Aalisarneq pillugu isumaqatigiissummik ilassummillu naammaginatut peqartillugu Kalaallit Nunaat aalisakkanik EU-mi niuerfinni pituttugaanani naligiimmillu tunisisinnaasoq aalisarneq pillugu tunngaviummik isumaqatigiissummi allassimavoq. Tassunga atatillugu ataatsimiititaliaq ima apeqquaqarumavoq:
 - i. Pisassiissutit nunatsinni aalisartunit namminernit aalisarneqarpata EU-mi niuerfinni tunisisinnaanerimut qanoq kinguneqartussatut Naalakkersuisunit nalilerneqarpa?
 - ii. Kingunerisassat taakku Naalakkersuisunit piareersimaffigineqarpat?
- 10.3. Konto pingaarneq 50.01.20 Aalisarneq piniarnerlu
- a) Aningaasaliissutit 2022-mi 1 mio. kr.-inik ikilinerqarnissaat sooq Naalakkersuisunit siunnersuutigineqarpa?

10.4. Konto pingaarneq 50.06.50 Aalisarnerup ineriartortinneqarnissaanut immikkoortitat
Konto pingaarnermi matumani 2022-mit siumullu 10,5 mio. kr.-inik immikkoortitsisoqarpoq.
Aningaasaliissutit ilaatigut angallatinik nutaanngilisunik isaterinermut atorineqarsinnaapput.

- a) Angallatit qanoq amerlatigisut isaterneqarnissamut utaqqippat?
- b) Ajornartorsiut tamanna Naalakkersuisunit qanoq aaqqiiffigineqalersaarpa?

10.5. Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma piniarnermik nakkutilliisoqarneq

- a) Sinerissap isorartunera nunatsinnilu illoqarfiit nunaqarfiillu amerlanerat eqqarsaatigalugu nunatsinni piniarnermut nakkutilliisut naammattut Naalakkersuisut isumaqarpat?
- b) Missingersuutitut ilanngussaqaq naapertorlugu *"nakkutilliisussat allanngortinneqarnissaat pisariillisaavigineqarnissaallu"* KANUAANA-mit qanoq piviusumik sulissutigineqarpa?
- c) KANUAANA-p nutaamik angallatitaarnissaanut ilassutitut aningaasaliissuteqarnissamik qinnuteqaat Aningaasaqarnermut Ataatsimiititaliap december 2020-mi itigartitsissutigaa (01.31.06/21-009) aalajangiinnerminilu ima allalluni: "Taamaattumillu angallatinik nakkutilliissutinik pisariaqartitsineq pillugu pilersaarummik tamakkiinerusumik suliaqarnissaq aammalu taassuma 2022-mi aningaasanut inatsisissatut siunnersuutip isumaqatigiinniutigineqarneranut ilanngunneqarnissaa Naalakkersuisunit inassutigineqarpoq."
- d) Angallatit nakkutilliissutit pillugit pilersaarummik ataqatigiisumik nunarput peqaleqqullugu Aningaasaqarnermut Ataatsimiititaliap kaammattuutai Naalakkersuisunit malinneqalersaarpat?

11. Suliassaqaarfik 62 aamma 64 Inuussutissarsiornermut, Niuernermut, Nunanut Allanut Silallu Pissusaata Allanngoriartorneranut Naalakkersuisoq

11.1. Konto pingaarneq 64.10.03 Northern Periphery and Arcticimut Kalaallit Nunaata tapersiissutai

- a) Business Greenland A/S-imik taaguuteqarani ullumikkut Innovation Greenlandimik taaguuteqarmat ataatsimiititaliamit inussiarnersumik Naalakkersuisunit eqqumaffigeqquneqassaaq.

11.2. Konto pingaarneq 64.10.30 Puisit amiinik tunisineq

- a) Minkit tamakkerlugit Danmarkimi toqorarneqarnerat nunatta puisit amiinik avammut tunisinissamik periarfissaanut qanoq sunniuteqartussatut Naalakkersuisunit nalilerneqarpa?

11.3. Konto pingaarneq 64.10.31 Takornarianut sullissiviit nunatsinnilu takornariagassat

- a) Ilulissani takornariat ornittagassarsuata pilersinneqarnermi kingorna isertitaqarnissamut periarfissai Naalakkersuisunit qanoq nalilerneqarpat?

11.4. Konto pingaarneq 64.20.07 Inuit Circumpolar Council

- a) ICC-mut aningaasaliissutit marloriaatinngortinneqassasut Naalakkersuisut tusagassiorfinnut nalunaarutikkut nalunaarutigaat¹. Taamaattorli AI21-mi 1,5 mio. kr.-it immikkoortinneqarput AIS22-milu 2 mio. kr.-it immikkoortinneqarlutik. Imminnut assortuuttunik nalunaaruteqarneq Naalakkersuisunit qanoq nassuiaatissaqartinneqarpa?
- b) Nunani ICC-mi ilaasuni inatsisartutigoortumik suleqatigiinnerup tapersersorneqarnissaa Naalakkersuisunit pilersaarutigineqarpa?
 - i. Sooq/taamaanngippat sooq?

11.5. Konto pingaarneq 64.20.14, 64.20.15 aamma 64.20.17

- a) Kontot matumani pineqartut kalaallisuui danskisuuilu imminnut naapertuutinngitsut ataatsimiititaliamit paasineqarpoq. Danskisuuani oqaaseq "sinniisoqarfik" atorineqarpoq, kalaallisuanili oqaaseq "aallartitaqarfik" atorineqarluni. Tamanna iluarseqqullugu Naalakkersuisut qinnuigineqarput.

12. Suliassaqaarfik 66 – 67 Ineqarnermut, Attaveqatigiinnermut, Aatsitassanut Naligiissitaanermullu Naalakkersuisoq

12.1. Konto pingaarneq 67.01.02 Geologiimut immikkoortortaqaarfik

- a) Aatsitassanut Naalakkersuisoqarfiup aamma Aatsitassanut Ikummatissanullu Aqutsisoqarfiup saniatigut immikkoortortaqaarfiup sulinera ilisimatusartutut suleqatigisat avataaneersut, soorlu GEUS universitetillu, qanimut suleqatigalugit ingerlanneqassasoq missingersuutinit ilanngussami allassimavoq. Assersuutigalugu GEUS immikkoortortaqaarfimmit suleqatigineqareernersoq paasissutissiissutigineqanngilaq. Suleqatigisanik avataaneersunik soorlu GEUS-imik suleqateqarneq sutigut ingerlanneqassasoq naatsorsuutigineqarpa?
- b) Tamatuma peqatigisaanik paasissutissiissutigineqarpoq immikkoortortaqaarfik nunanik ilisimatuussutsikkut qaffasissumik misissuinerimik suliaqartoq, tamatumanilu siunertaasoq nunap sannaanut aamma aatsitassatigut isumalluutinit paasisaqarnerulernissaq. Tamatumani suliaqarfiit siusinnerusukkut killeqartumik ujarlerfiusimasut immikkut pineqarnerarneqarput. Ilisimatuussutsikkut misissuinerit suut pineqarnersut aammalu misissuinerit taakku immikkoortortaqaarfiup nammineq ingerlannerai erseqqissaateqarfigeqqullugu Naalakkersuisut qinnuigineqarput.
- c) Piffissaq ungasinnerusoq eqqarsaatigalugu geologiimut immikkoortortaqaarfiup namminersortutut ilisimatusarfinngortinneqarnissaa sulissutigineqartoq paasissutissiissutigineqarpoq. Taamaaliornikkut susassaqaarfimmi inuiaqatigiit pingaarnertigut anguniagassaat anguniarlugit paasissutissat ajunnginnerpaamik siamasissumillu atorineqarnissaat ilaatigut qulakkeerniarneqarpoq. Paasissutissat immikkoortortaqaarfiup nammineq ilisimatusarnermik suliaqarnermini aammalu avataaneersunik assersuutigalugu GEUS-imik suleqateqarnikkut pissarsiarineqartut pigineqarnerat atorineqarsinnaanerallu qanoq ippa?

¹ Fx: <https://sermitsiaq.ag/node/231316>

- d) Kalaallit Nunaata paasissutissanik pitsaanerpaamik pissarsinissaanik qulakkerinnittunik GEUS-imut isumaqatigiissummut ilassutitut suleqatigiinnissamik allanik assersuutigalugu USA-mik isumaqatigiissuteqartoqarpa? Taamaattoqarsimappat taakku sumut killippat?

12.2. Konto pingaarneq 67.01.08 Qaqqami sisoortoqarnissaanik misissuinermut Kalaallit Nunaata akiliutaa

- a) Qaqqami sisoortoqarnissaanik misissuinertik Naalakkersuisut sumut killippat aammalu suliap 2022-mi naammassineqartussatut naatsorsuutigineqarnera Naalakkersuisunit aalajangiusimaneqarpa?

13. Suliassaqaarfik 70 – 72 Ineqarnermut, Attaveqatigiinnermut, Aatsitassanut Naligiissitaanermullu Naalakkersuisoq

13.1. Konto pingaarneq 70.01.07 Sanaartornermi oqartussaassuseq

- a) Konto pingaarnerup 70.01.07-ip, Sanaartornermut oqartussaassutsimut tunngasup, ataani Namminersorlutik Oqartussat sanaartornikkut suliniutaannik qitiusumik sanaartortitsisussap suliassai pillugit Sanaartornermut immikkoortortap isumaginninnera nassuiarneqarpoq. Nutaamik sanaartornernik tamanik kiisalu iluarsartuussinermut, aserfallatsaaliinnermut aammalu isaterinnermut suliniutinik aqutsineq immikkoortortani tamani, Peqqinnissaqarfiup illutai Namminersorlutillu Oqartussat allaffissornikkut illuutaat minillugit, sanaartortitsisussap suliassaanut ilaapput. Ulluinnarni allaffissorneq taakkuninngalu suliniutinik aqutsineq Iluarsartuussinermut Aqutsisoqarfimmit isumagineqarput. Konto pingaarnerup matumani pineqartup ataani taamatut nassuiaateqarnerup ilanngunneqarnera immikkut ittumik tunngaveqarpa?

13.2. Konto pingaarneq 70.01.14 Iluarsartuussinermut Aqutsisoqarfik

- a) Aqutsiveqarfimmik nutaamik pilersitsisoqarnissaanut tunuliaqutaasup nassuiarluarneqarnissaa ataatsimiititaliamit kissaatigineqarpoq.
- b) Konto pingaarnermi matumani suliassat naalakkersuisoqarfiup ataani Sanaartornermut immikkoortortaqarfiup ataaniinnginnerinut suna tunuliaqutaava, tassaniami ilaatigut iluarsartuussinermut, aserfallatsaaliinnermut aammalu isaterinnermut suliniutinik aqutsineq isumagisaareeraluarmat?
- c) Iluarsartuussinermut Aqutsisoqarfik Kaajallaasitami 23. april 2021-meersumi kiisalu Kaajallaasitami 6. august 2021-meersumi suliassat agguataarneqarnerannut (suliassaqaarfiit agguataarneqarnerat) ilanngunneqarsimanngitsoq ataatsimiititaliamit paasineqarpoq. Taamaattoarli kaajallaasitami 6. augustimeersumi qulaani taaneqartumut ilanngussami Iluarsartuussinermut Aqutsisoqarfik taamaallaat eqqaaneqarsimasoq ataatsimiititaliamit paasineqarpoq. Ilanngussaq kaajallaasitaq assigeqqissaarlugu allaqqiinnagaarpasippoq, assigiinngissuserivaali ilanngussami Iluarsartuussinermut Aqutsisoqarfik kisimi allaqqammat kaajallaasitamilu mininneqarsimalluni. Iluarsartuussinermut Aqutsisoqarfik qanga pilersinneqarsimanersoq pillugu erseqqissaasoqarnissaa ataatsimiititaliamit kissaatigineqarpoq.
- d) Ilanngussami qulaani taaneqartumi Iluarsartuussinermut Aqutsiveqarfik immikkoortortatut naalakkersuisoqarfimmut naammagittaalliuteqarsinnaasutut taakkartorneqarpoq, inatsisitigut allatut aalajangiisoqarsimanngippat. Ileqqorissaarnissaq eqqarsaatigalugu Namminersorlutik Oqartussani iluarsartuussinermut, aserfallatsaaliinnermut aammalu

isaterinnermut suliniutitut sanaartortitsissusut aqutsiveqarfiup suliassanut tunngatillugu tamanna sukumiinnerusumik erseqqinnerusumillu nassuiaateqarfigineqassasoq ataatsimiititaliamit kissaatigineqarpoq.

- e) Tamanna konto pingaarnermut oqaasertaliussamut qanorpiat atorneqassava?
- f) Immikkoortoq kingulliup tullia, ilaatigut nassuiaateqarnissamut pilersaarutit suliaqarnissamut tunngassuteqartoq, ataatsimiititaliamit imatut paasineqassanerluni nalunaarusiat allanik suliaqartoqarnissaa pisariaqartinneqaqqilereersimasoq?

13.3. Konto pingarneq 72.06.08 Illuliortiternernut aningaasalersuineq

- a) Nunatsinni kommunini tallimaasuni borgmesterit ataatsimoorlutik Aningaasaqarnermut Nunamullu Namminermut Naalakkersuisumut kiisalu **Ineqarnermut, Attaveqarnermut, Aatsitassanut Naligiisitaanermullu Naalakkersuisumut** allagaasa assilinerannik Aningaasaqarnermut Akileraartanermullu Ataatsimiititaliaq ukioq manna juli naalersoq tigusaqarpoq. Aningaasat ukiuanni 2022-mi tamatumalu kingorna inissialiornissamut aningaasaliissutit kommuninut ataatsimoorlutik tapiissutit aqutugalugit amerlineqarnissaat allakkami kommuninut kissaatigineqarpoq. Aningaasat immikkoortinneqarsimasut assersuutugalugu namminersortunut tapiiffigineqarlutik inissialiortunut naammaginarnersut naammaginanginnersulluunniit pillugu oqallinnissamut ataatsimiititaliaq mannakuugallartoq peqataanngilaq. 2021-mut aningaasanut inatsississat siunnersuummi 35,225 mio. koruuniunikuusut 2022-mut aningaasanut inatsississat siunnersuummi 35,542 mio. koruunit immikkoortinneqassasut siunnersuutigineqartoq ataatsimiititaliamit maluginiarneqarpoq. Taamaattorli kommuninut aningaasat tunniunneqarsimasut siunertanut tamakkiisumik atorneqartarsimangippata ataatsimiititaliamit tamanna ajornartorsiutitut isigineqarpoq. Kommuninut aningaasat tunniunneqarsimasut aningaasaliissutigineqartut siunertaannut aamma atorneqartariaqartut ataatsimiititaliaq isumaqarpoq. Innuttaasut aamma taamatut naatsorsuuteqarnissaat ataatsimiititaliamit ilimagilluinnarneqarpoq. Naalakkersuisut kommuninut akissuteqaataanni kommunit sanaartornermut iluarsartuussinermullu aningaasaateqarfiliornissaannut pisinnaatitsissuteqalernissamut siunnersuut Naalakkersuisunit eqqaaneqarpoq. Taamaaliornikkut kommunit sanaartornermut aningaasaliissutinik aqutsinissaminut periarfissagissaarnerulissasut Naalakkersuisunit naatsorsuutigineqarpoq. Naalakkersuisut naatsorsuutigisaat ataatsimiititaliamit ilalerneqarput. Kommuninut Nunatta Karsianiit aningaasaliissutaasut inissialiornermut atorneqarnissaat qanoq Naalakkersuisunit qulakkeerneqarsinnaanersoq pillugu nassuiaat kiserngoruppoq. Nunatta karsianiit aningaasaliissutit siunertarisaminut atorneqarnatik siunertanut allanut immaq atorneqartussanngortinneqarnerat siunertaanngitsutut ataatsimiititaliamit isumaqarfigineqarpoq. Sineriak tamakkerlugu sanaartornissamut aningaasaliissutissat amigaatigineqareertigisut, tassunga ilaallutik illuliortitsinermut aningaasat. Tamatuma akerlianik kommuninut piviusumik pisariaqartitanik takutitsinnaasunut sanaartornissamut aningaasaliissarnissaq siunertaqarluartutut ataatsimiititaliamit isigineqarpoq.
- b) Inissialiortiternermut aningaasaliissutit aalajangersimasumut atorneqartussanngortitat eqqarsaatigalugit Naalakkersuisut sunik sakkussaateqarnersut ataatsimiititaliamit paaserusunneqarpoq, taamaaliornikkut aningaasaliissutit kommuninut siunertanut atorneqartarnissaat qulakkeerneqarsinnaaqqullugu innuttaasullu tassuunakkut pisinnaatitaaffimminnik angusaqarsinnaaqqullugit?

13.4. Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

UKA2020/112-ip aalajangiiffigisassatut siunnersuutip suliarineqarnerani tamatumani Ineqarnermut Attaveqatigiinnermullu Naalakkersuisuusoq akissuteqaatimini ima ilaatigut allappoq:

“Taamaattumik ineqarneq tamakkerlugu eqqarsarnissaq Naalakkersuisunit pisariaqartinneqarpoq. Ineqarnermut akiliutinik aqqissuusseqqinnermi suliaasaqarfik tamarmi isiginiarneqartussaavoq, ineqarnermut akiliutit immikkoortui kisimik pineqaratik. Pisortat inissiaataat pitsaasuussapput, peqqinnartuussapput aammalu akuersaarneqarsinnaasumik pitsaassuseqarnissamut malinnissallutik. Tamannarpiaq Naalakkersuisut Inissianut Tamarmiusunut Pilersaarut malillugu sulissutigaat.”

- a) Tamanna tunngavigalugu Naalakkersuisut nutaat suliamik taassuminnga ingerlatitsiinnarniarnersut ataatsimiititaliamit paaserusunneqarpoq. Taamaassimassappat suliamut tassunga killiffik ataatsimiititaliamit ilutigalugu ujartorneqarpoq.

13.5. Konto pingaarneq 72.20.10 Usinik assartuineq

- a) Royal Arctic Line A/S-ip Islandimi umiarsuaateqarfimmik Eimskipimik qanittukut assartueqateqartalerna konto pingaarnermut matumani pineqartumut ingerlatseqatigiiffiup suliaaminik kivitsisinnaaneranut qanoq sunniuteqarpa?
- b) Assartueqateqartalernerup nunatsinni niuertunut taamaalillunilu aamma nioqqutissat akiinut pitsaasumik sunniuteqarnissaa naatsorsuutigineqarsimava?
- c) Suleqatigiinneq nutaaq atorlugu nunatta avataanut nassiussanik assartuinerneq pitsaasumik angusaqartoqarpa?
- d) Usinik nunatsinnit avammut assartuinerup pitsaasumik ineriartorsinnaaneranut periarfissaqartoq Naalakkersuisut isumaqarpat?
 - i. Eqqakkat ulorianartut nunatsinnit avammut assartorneqartalersinnaanerut Naalakkersuisut periarfissaqarsoraat?

13.6. Konto pingaarneq 72.26.02 Mittarfeqarfiit

- a) Mittarfeqarfiit Nunatta Karsianut akiitsuisa appartinneqarnissaannut, aningaasaleeqqinnissaannullu aningaasanik immikkoortitsinissamik ilassutitut aningaasaliissuteqarnissamik qinnuteqaat ulloq 17. december 2020-mi Aningaasaqarnermut Akileraartarnermullu Ataatsimiititaliamit itigartitsissutigineqarpoq – (Ataatsimiititaliap suliaa nr. 01.31.06/20 – 00918). Taamaattumillu Naalakkersuisut aningaasaliissuteqarnissamut periarfissamik allamik, Mittarfeqarfiit aningaasaqarnerannut siunissamut ungasinnerusumut pilersaarummik imalimmik, nassaarniarnissaat ataatsimiititaliamit inassutigineqarpoq. Siunissamut ungasinnerusumut pilersaarut sumut killinnersoq pillugu ataatsimiititaliaq paasisaqarusuppoq.

14. Suliaasaqarfik 73-77 Nunalerinermut, Imminut Pilersornermut, Nukissiuutinut Avatangiisinullu Naalakkersuisoq

14.1. Konto pingaarneq 73.04.03 Taarsigassarsiarititat ernialersugaanngitsut akilersuutitaqanngitsullu aamma 73.04.05 Taarsigassarsiat erniallit

2021-2030-mi nunalerinermut periusissaq Naalakkersuisunit 2020-mi saqqummiunneqarpoq. Piffissami pineqartumi pilersaarummi anguniakkat anguniakkat immikkuualuttut ilanngullugit pilersaarutip quppernerani 29-mi allassimapput.

- a) Periusissaq Naalakkersuisunit AIS22-mi qanoq ilanngunneqarpa?
- b) Periusissaq aallaavigalugu suliniutit suut aallartinneqarnissaat Naalakkersuisunit kissaatigineqarpa?
- c) Anguniagaq 1.4 ima oqaasertaqarpoq: *"Nutaamik inatsisiliornissamik qulakkeerinninneq, nunaateqarfimmik nangitsinissap nutaamilluunniit pilersitsinissap pisariinnerulersinniarlugu"*. Nunalerinermik maanna tigusinissaq nunalerisunut maanna ajornartorsiutitaqarpoq, tassami akiitsuusimasinnaasut taakkunannga ilanngullugit tiguneqartussaammata. Tamanna aamma periusissami immikkut taaneqarpoq. Ajornartorsiut taanna Naalakkersuisunit qanoq iliuuseqarfigineqalersaarpa?

14.2. Konto pingaarneq 73.04.08 Savaagqanik toqoraavinnut il.il. kiffartuussinissamik isumaqatigiissut

- a) Kangerlussuami umimmannik ukiuunerani toqoraaneq KNI-mit/Neqimit ingerlateqqinneqalersaarpa?
 - i. Taamaattoqassappat, tamanna missingersuutitut ilanngussami aamma/imaluunniit oqaasertaliussami allassimasariaqanngila?
- b) Toqoraavimmi tunisassiorneq sulinerlu ukiup ilaani sivilisunerusumi ingerlanneqarsinnaaqqullugu savaagqanik nunatsinni tunisassiornerup annertusarneqarnissaanut Naalakkersuisut qanoq pilersaaruteqarpat, tak. 2021-2030-mi nunalerinermut periusissami anguniagaq 1?

14.3. Konto pingaarneq 73.04.09 Missingersuutitut iluarsiiissutit

- a) KNI-mik kiffartuussinissamik isumaqatigiissummi sipaarutissat qanoq piviusunngortinneqartussatut Naalakkersuisunit naatsorsuutigineqarpat?
- b) KNI-p ingerlatseqatigiiffiit namminersortut unammilleqatigalugit illoqarfinni nioqqutissanik pilersuineramik ingerlatsisinnaanissaanut periarfissat Naalakkersuisunit misissorneqassasut missingersuutitut ilanngussami allassimavoq. Tamanna piviusumik qanoq ingerlanneqarsinnaasutut Naalakkersuisunit naatsorsuutigineqarpa?
 - i. KNI-p illoqarfinni niuertarfinnik pilersitsinissaanut Naalakkersuisut piffissaliisimappat?
 - ii. KNI-p illoqarfinni niuertarfinnik pilersitsinissaanut Naalakkersuisut aningaasatigut killiliisimappat?
- c) KNI-p illoqarfinni ingerlatsineratigut sipaarutissat tamarmiusut anguneqarsinnaanngippata pissarsiassanut annertunerusumik akiliinikkut missingersuutitut iluarsineq anguneqarsinnaasooq missingersuutitut ilanngussami aamma allassimavoq.
 - i. Tamanna qanoq piviusunngortinneqarsinnaasutut Naalakkersuisunit isumaqarfigineqarpa?

14.4. Konto pingaarneq 73.94.02 Nukissiorfiit

Nukissiorfiit 2020-mi 153 mio. kr.-inik amigartooruteqarput. Assigiimmik akeqartitsineq amigartooruteqarnermut annertuumik pissutaasutut Nukissiorfiit namminneq tikkuarpat.

- a) Nukissiorfiit aningaasaqarnerat Naalakkersuisunit qanoq pitsanngortinneqalersaarpa?
- b) Assigiimmik akeqartitsinermik aaqqissuussineq Naalakkersuisunit aaqqissuuteqqinneqalersaarpa?

14.5. Konto pingaarneq 77.01.05 Qaartiterutissat, qatserisogarneq upalungaarsimanerlu

- a) Ilusiliinikkut kukkunerit: sulisorisanik atuineq pillugu takussutissiap kalaallisoortani kukkuneqarpoq (qupperneq 734-mi, tassani sulisorisat agguataarsimanerat allassimangilaq). Tamatuma iluarsineqarnissaa ataatsimiititaliamit kissaatigineqarpoq.
- b) Kommunini upalungaarsimasut najukkani amerlasuutigut ilisimasaqarluartuusut Naalakkersuisunit qanoq siuarsaavigineqalersaarpat?
- c) Upalungaarsimaneq eqaannerusunngortinneqarsinnaava, taamaaliornikkut sukkannerusumik qisuariartoqarsinnaaqullugu, taamaattoqarpallu suut pisariaqartinneqarpat?
- i. Danmarkimit ikiuiartortoqartillugu kikkut akiliisarpat?

14.6. Konto pingaarneq 77.05.02 Pinngortitaleriffik

- a) Missingersuutitut ilanngussami ima allassimavoq "... *ilisimatusarnermullu umiarsuaq nutaq "Tarajoq" sanaarlaaq 2021-mi angalassutigineqarnissaa naatsorsuutigineqarpoq*". Tamatumani angallat 2021-mi angalassutigineqalersimanersoq imaluunniit tamanna aatsaat 2022-mi pissanersoq ataatsimiititaliamit apequtigineqassaaq?

15. Suliassaqarfik 80 – 89 Sanaartugassat

- 15.1. "80-89 – Sanaartugassat" aammalu "80 – Sanaartugassat" kalaallisuuanni qupperneq 743-mi takussutissiami taaguut "sanaartugassat" atorineqartussaagaluq taaguut "sillimmatit" atorineqarpoq. Quppernerup aallaqqaataa aamma taama kukkuneqarpoq.

15.2. Konto pingaarneq 80.00.01 Nuussinissamut sillimmatit

- a) Sillimmatit ingerlatsinerimi aamma tapiissutitut aningaasaliissutini aningaasartuutaanerusunut aningaasalersuutitut atorineqarsinnaasut missingersuutitut ilanngussap immikkoortuani kingullermi allassimavoq. Inatsisartut imaluunniit Aningaasaqarnermut Akileraartarnermullu Ataatsimiititaliaq akuersissuteqarsimatinagu aningaasartuuteqartoqarsinnaannginnera aammalu oqaasertaliussakkut piginnaatitsissuteqarnikkut konto pingaarnerit akornanni aningaasaliissutinik nuussisoqarsinnaanera ataatsimiititaliamit eqqaasitsissutigineqassaaq. Konto pingaarnermi matumani aningaasaliissutit ingerlatsinerimi aamma tapiissutitut aningaasaliissutini aningaasartuutaanerusunut aningaasalersuutitut atorineqarsinnaanerat aningaasanut inatsisissatut siunnersuummi inatsisiniluunniit allani sumi aningaasaliissutitigut pisariaqartumik tunngavissinneqarsimanersoq paasissutissiissutigineqassasoq ataatsimiititaliamit kissaatigineqarpoq.
- b) Konto pingaarnermut matumunnga tunngatillugu nuussinissamut pisariaqartumik piginnaatitsissuteqartoqarsimanngippat aningaasanut inatsisissatut siunnersuutip aappassaaneerineqarnissaanut allannguutissatut siunnersuuteqarnikkut missingersuutitut ilanngussami immikkoortup kingulliup (qupperneq 744-mi) peerneqarnissaa ataatsimiititaliamit Naalakkersuisunut inassutigineqarpoq.

15.3. Konto pingaarneq 80.24.01 Akileraartarnermut Aqutsisoqarfimmi allaffissornermi atortorissaarutit il.il.

- a) Suliniut nr. 90027 Timimut ikiaroorartumullu skannerutit. Suliniummi pineqarpoq skannerut Nuummi mittarfissami nutaami inissitassaq. Skannerutinik taamaattunik nunatsinni piffinni

allani, assersuutigalugu umiarsuarnik tikinneqartartuni imaluunniit nunanit tamalaanit tikinneqartartuni, inissiinissaq Naalakkersuisunit isumaliutigineqarsimava?

-----o-----

Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqquutinut siuliani allassimasunut akissutigisamik siornagut apeqquutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik pingasunngorneq ulloq sisamanngorneq ulloq 13. oktober 2021, nal. 12.00 Aningaasaqarnermut Akileraartarnermullu Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik nickla@ina.alla.gl-imut nassiateqquneqarpoq.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga



Paneeraq Olsen

Aningaasaqarnermut Akileraartarnermullu Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
Att.: Nicklas Lauritzen

Ilanngussaq
Bilag B

**AIS2022-mut tunngatillugu Aningaasaqarnermut Akileraartarnermullu
Ataatsimiititaliamit apeqqutitut akissutit**

Brevdato: 13-10-2021
Sags nr. 2021 - 5421
Akt id. 17982590

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

2022-mut Aningaasanut Inatsisissatut Siunnersuummut tunngasunik
Aningaasaqarnermut Akileraartarnermullu Ataatsimiititaliamit aallarniutaasumik
apeqqutitut 15. september 2021-meersunut akissutit matumuuna nassiunneqarput.

Naalakkersuisoqarfiit susassaqtut akissutaat pissarsiarineqarsimapput
Aningaasaqarnermut Nunamut Namminermullu Naalakkersuisoqarfimmit
katersorneqarlutik, piffssaritaasullu iluani pitsaasusissaat qulakkerniarlugit
kukkunersiorneqarlutik.

1. Ilusiliinermut tunngasumik oqaaseqaatit:

Suliassaqarfinnik allannguinerup nassataanik konto pingaarnernut sumit
nuunneqarsimanera kontonut pingaarnernut arlalinnut missingersuutitut
ilanngussani allassimanngimmat ataatsimiititaliamit aallarniutigalugu
oqaatigineqassaaq. Tamatuma saniatigut ukiut siuliini atuinernut takussutissiaq
takussutissiani amigaataavoq, naak kontonit allanit nuutaagaluartut. Taakku
ilanngunneqartariaqarput, tamannalu malunnartumik
atuaruminarnerulersitsissalluni.

Akissut: AI2022-ip katiterneqarnerani teknikikkut allannguiniikkut
naqqinneqassapput.

2. Nassuiaatit nalinginnaasut

**3.1. Ilusiliinikkut kukkunerit iluarsineqartussatut ataatsimiititaliamit
kissaatigineqartut:**

- a) Quppernemi 209/210-mi aamma 171-imi kalaallisuaa danskisuuvalu
imminnut naapertuutinngillat. Tamatumani pineqarpoq qupperneq
kalaallisuuani 209/210-mi "Utoqqarnut aningaasaliissutit" ataanni
immikkoortumi siullermi aammalu "Meeqqanut immikkoortumi
suliniuteqarneruneq"-rup ataanni immikkoortumi siullermi
naapertuutinngitsoqarnera.

Akissut: Kalaallisut nassuiaatini nalinginnaasuni oqaaseqatigiit amigalaanerat
ataatsimiititaliamit eqqortumik maluginiarneqarsimavoq. Ataatsimiititaliap
erseqqissaateqarneranut Naalakkersuisut qujapput taamaasillutillu
ataatsimiititaliap isumaliutissiissutissaani pissutsit aqqinneqarumaarlutik.

Utoqqarnut aningaasaliissutit ataanni kalaallisut ima allaqqassaaq: (oqaasit amigaatigineqartut **silittumik allanneqarsimapput**):

"Maannangaaq Naalakkersuisut anguniagaasa piviusunngortinneqarnissaannut aningaasanik, 2022 aallarnerfigalugu ukiumoortumik utoqqarnut aningaasaliissutinik 15 mio. kr.-nik immikkoortitsisoqareerpoq, **2023 aallarnerfigalugu ukiumut 30 mio. kr.-nik qaffakkiartortussanik.**

Meeqqanut tunngasunik suliniutit annertusinissaanut oqaaseqaatigiit kingulliit amigaataapput, takkulu imatut allassimassapput:

Aammattaaq ukiumut 1 mio. kr.-t angajoqqaarsiaassanut immikkoortinneqarput.

3.2. Qupperneq 156-mi takussutissiami kommunit ukiup naanerani aningaasaataasa tigoriaannaat nalunaarneqarnissaat ataatsimiititaliamit ujartorneqarpoq. Paasissutissap tamatuma 2020-mi naatsorsuutit aallarnerfigalugit ilanngunneqarnissaa ataatsimiititaliamit naapertuuttut isigineqarpoq.

Akissut:

(1.000 kr.-nngorlugit)	Avannaata	Qeqertalik	Qeqqata	Sermersooq	Kujalleq
Aningaasaatit tigoriaannaat 31.12	46.137	72.404	NA	47.858	NA

Nalunaarsugaq: NA – paasissutissat pissarsiarineqarsinnaangillat, kommuni naatsorsuutini nittartakkamigut sulii saqqummersissimangimmagit.

3.3. COVID-19 tamatumalu nunatsinni inuussutissarsiornermut kingunerisai pissutigalugit nunatta aningaasaqarnera piffissami tassani nalorninartorsiorfiusimasooq ataatsimiititaliamit nassuerutigineqassaaq.

a) Suliniutinik nutaanik nunatta karsianut isertitaqaataasinnaasunik qanoq ittunik Naalakkersuisut pilersaaruteqarpat?

Akissut: Inuussutissarsiutit annertusarnissaat assigiinngisitaartuunissaallu Naalakkersuisut kissaatigaat. Taamaattumik nutaanik aningaasarsiorfiusinnaasunik ujartuinissaq pisariaqarpoq ilutigisaanillu inuussutissarsiutit taakkulu aqqissorneqarsimaneri pioreersut nukittorsarneqarlutillu eqaallisarneqartariaqarput.

Tassunga atatillugu inuussutissarsiutinik nutaanik taamaasillunilu nutaanik aningaasarsiorfissarsiornermi nutaaliorneq aallarnisaanerlu tunngavissaapput pingaarutilerujussuit. Taamaattumik suliniutit inuussutissarsiutillu pioreersut Naalakkersuisut eqaallisarniarpaat siunissamilu pitsaaneruseqarsinnaasut sinaakutissiinissaq sulissutiginiarlugu. Nutaaliornerup aallarnisaanerillu ukkarineqarnerisigut aallarnisaasut inuusuttut nunatsinni suliffeqarfinnik aallartitsinissaat kauminnarnerulerlunilu soqutiginarsarneqassaaq. Taamaattumik nutaaliornermi aallarnisaanerimilu sinaakutissat pitsaanerulersinnissaanut pikkorinnerusariaqarpugut. Najukkani suliffissuaqarfioreersuni - aamma

sineriammi - nutaaliornermik suliaqartartut nukittorsarniarlugit inussutissarsiutinik siuarsaanissamik aaqqissuussinerit tassungalu atatillugu siunnersuisarnerit nunap imikkoortukkaarnerusumik inngerlanneqartarnissaat Naalakkersuisut sulissutiginiarpaat.

Inuussutissarsiutinik siuarsaallu suliaqarnermi pingaaruteqarportaaq taamatut ineriartortitsinerup kalaallit Nunaannut tunngaveqarnerusumik ingerlanneqarnissaa pingaaruteqartorujussuuvoq. Kalaallit Nunaannut tunngaveqarnerusumik ingerlatsilrneq periusissiornermik inatsisiliornernillu malitseqartinneqassaaq. Taamaasiornikkut nunatsinni aningaasaqarniarneq ilisimasanillu katersisarneq pitsanngortinneqassaaq Kalaallit Nunaatalu pissarsinerusalernissaa qulakkeerneqarluni.

Takornariaqarneq eqqarsaatigalugu timmisartunut mittarfiliortiternerit tunngavigalugit takornariaqarnermik inuussutissarsiutip piujuartitsinermik tunngaveqarluni ineriartortinneqarsinnaanissaa qulakkeerneqassaaq. Takornariartitsinermik ineriartortitsinerit najukkani ataasiakkaani ullumikkornit aallaveqarlutillu tunngaveqarnerunissaat Naalakkersuisut siunertaraat. Takornariartitsinermik ingerlatat arlalissuit Kommunitut arlalinnut siammerlutik ingerlanneqartareerput. Taamaattunmik takornariaqarnermik inuussutissarsiutip nunap immikkoortuinit aallaaveqarlutillu tunngaveqartumik ineriartortinneqarnissaa nittarsaneqartarnissaalu aamma pisariaqarpoq.

Inuussutissarsiutit assigiinngitsut siunissami aningaasaqarnikkut isaatitsissutaalersussat ineriartortinneqarnissaat Naalakkersuisunittaaq sulissutigineqarpoq. Isumalluutit uumassusillit siunissaq ungasinnerusoq eqqarsaatigalugu aningaasarsiornerutissinnaasagunarpaatsigut, ilisimatuussutsikkut misissueqqaarnerit atuinissamik sukkannerusumik kinguneqartinneqartalerisigut. Qeqqussat eqqarsaatigalugit inuussutissarsiutissaq taana piorsarneqaleruttorpoq, soorlu tamanna Nuummi qeqqussat pillugit isumasioqatigiissitsisoqarsimaneratigut uppersarsarneqartoq. Angisuunik suliaqarnermut inatsit naapertorlugu inussutissarsiutinik angisuunik ingrltsinissamat qinnuteqarsinnaaneq suli periarfissaavoq. Assersuutigalugu uani aluminiumiliorfissuit aatsitassarsiorfissuillu suliniutaat akuerineqarsinnaassapput, kaaviiartitat amerlinerinik Kalaallit Nunaanilu akileraarutitigut tunngvissat pitsaanerulerneranik kinguneqartumik. Inussutissarsiutit pineqartut sinaakkutissaat tassalu inatsisit pigineqareerput. Massakkut suliassarput tassaavoq suliniutit aalajangersimasut aallartisinneqarsinnaanissaasa misissornissaat.

Inussutissarsiutini nilannut imermullu tunngasut piffissami kingullermi soqutigineqarnerpaapput. Tassunga atatillugu covid-19 "nipilersoqatasimavortaaq" taamaattorli suliniutip ukiuni marlussunni ingriartorteqqinissaa naatsorsuutigineqarpoq. Naalakkersuisut qanittukkut aalajngerput nilannut sikunullu tunngatillugu periusissamik nutaamik suliaqartoqassasoq. Suliassaq pingarneq tassaasallu suliniutip Kalaallit Nunaannut tunngaveqarnerusumik ingerlanneqarnissaa, taamaasiornikkut ilisimasat, piginnittut isertitallu massakkumit annertunerusumik Kalaallit Nunaaniiginnarnissaat qulakkeerneqassammat.

- b) Inuussutissarsiornermi periarfissat nutaat aqutigalugit isertitat amerlinissaannut suut periarfissaasutut Naalakkersuisunit isigineqarpat?

Akissut: Suliniutit siuliani saqqummiuneqartut (apeqqummut 3.3. a-mut naapertuutut) aqutigalugit najukkani ataasiakkaani nunalu tamakkerlugu suliffissanik amerlanerusunik pilersitsinissaq taamaasillunilu akilerarutitigut isertittakkat annertusinerisigut Kalaallit Nunaata iertittagassai qulakkeerneqassallutik. Inuussutissarsiutit assignngisitaarnerusut aallaavigalugit aningaasarsiornikkut suliffissat ataavartuunerusut pilersinneqassapput isertitassatigummi tunngavissat inuussutissarsiutinit assignngisitaarnerusunit tunngaveqassammata. Taamaasiornikkut eqqorneqaratarsinnaanitta aarlerinassusaa annikillisinneqassaaq, inuussutissarsiutinit allanit aningaasarsiorsinnaaneq periarfissaatillugu inuussutissarsiummit ataatsimit isumalluuteqarluni aningaasatigut isertitakkat apparnerisa sunniutissaat annikinnerussammata.

Landskarsimut aningaasatigut isertitsinerussutaasinnaasoq allaa taassaavoq nunanut allanik niueqateqartarnerup annertusineqarnera. Taamaattumik nunanik niueqatigisatakkanut soorlu USA-mik Tuluut Nunaanik Asiamillu niueqateqartarnerit Naalakkersuisut annertusarniarpaat taamatullu ineriartortitsinissap pisariaqartissappagu nunani tamalaani aallartitaqarfinnik ammaasinnaannissat ingerlaavartumik nalilersortarniarlugit. Tamaattumik Kalaallit Nunaanni inuussutissarsiutit eqqarsaatigalugu siunissami pitsaasunik atugassaqaqtitsinissaq pingaaruteqartorujussuuvoq taamaasiornikkummi Kalaallit Nunaanni siuariartornermik pilersitsisoqarsinnaammata nunanut allanut nioqqutissiornerup annertusineranik malitseqartumik.

Kalaallit Nunaanni aningaasatigut kaaviiartitsinerussutaalersinnaasoq alla tassaavoq inuussutissalerineq. Inuussutissalerinermit oqartussaaffiup tiguneqarnissaa Naalakkersuisut sulissutiginiarpaat, taamaasiornikkut tassunga tunngatillugu ilisimasat Kalaallit Nunaaniiginnarnissaat qulakkeerneqassammata namminerlu pilersornerulernissatsinnut sakkussatut atorineqarsinnassalluni. Tamanna pitsaasumik piareersarnqartariaqarpoq.

- c) Inuussutissarsiornikkut periarfissat taakku assersuutigalugu inatsisitigut akileraartarnikkullu iliuutsit (taakkuinnaanngitsulli) aqutigalugit Naalakkersuisunit qanoq siuarsarneqarniarpat?

Akissut: Kalaallit Nunaanni inuussutissarsiuteqartunut sinaakkutitigut atugassarititat ingerlaavartumik pitsanngorsartarniarpaat inuiaqatigiinilu ineriartorneq naapertorlugu pisaqartinneqalersut naapertorlugit atugassarititat allanngortittarniarlugit. Assersuutigalugu nilannut imermullu periusissaq nutaaq misissoqqissaarneqassaaq tassani sinaakkutitigut atugassarititat allagortittariaqarsinnaanerata nalilersinnaajumallugu. Ukioq manna ukiakkut atatsimiinnissami inuussutissarsiutinit tunngatillugu inatsisinut tunngassuteqartut arlallit suliarineqartussaapput tassaasut apeqqutit suliffeqarfiit aningaasalersortarnerinit, suliffeqarfinnik piginnittuinnut, aningaasaateqarfiit inuussutissarsiutinik ingerlatsisinnaanrinit il.il. tungassuteqartut. Taammatumik inatsisit Kalaallit Nunaanni inuussutissarsiutinit tunngassuteqartut ingerlaavartumik naleqqussarneqartarput.

Kalaallit Nunaanni inuussutissarsiutinik ineriartortitsinissamut pitsaanerpaamik tunngavissaqartitsiniarlutik isumassarsiortartussanik pilersitsinissaq Naalakkersuisut eqqarsaatersuutigaat. Inuussutissarsiutit ineriartortinnissaannut isumassarsiortartussat qinikkanut siunnersuisassapput tamatuma saniatigut nammineq pilersornerulernissatsinnut taamaasillutalu Imminut napatittumik aningaasaqalernissamut sulinitinnut nukittorsaaqqataasallutik. Misissueqqissaarnernit inernerit oqallissaarutillu aqqutigalugit inuussutissarsiutit nutaamik inerirtortinneqarsinnaanissaat periarfissinneqassaaq. Isumassarsiortartussat misissueqqissaarnernik oqallissaarutinillu suliaqartassaaq tamatumalu saniatigut pisortat aamma namminersorlutik inuussutissarsitigalugu suliffeqarfiutaat pillugit arlaannaannulluunniit attuumassuteqanngitsunik inassuteqaateqartassallutik.

3.4. Uranimik piiaanissamik akuersaanngilluinnarnerup atuutilersinneqarnissaa Naalakkersuisunit kissaatigineqarpoq.

- a) Tamanna aatsitassamik piiaanissamut nunat allamiut aningaasaliinerannut aningaasatigut qanoq kinguneqartussat Naalakkersuisunit naatsorsuutigineqarpa?

Akissutit: Uranisiornissamut misissueqqaarnissat, ujarlernissat piiaanissalluunniit itigartinnerisigut nunat allamiut aningaasaliinerannut aningaasatigut kingunissat Naalakkersuisunit misissoqqissaarneqarnikuunngillat. Piiaasoqannginnissaanik aalajangernerup saniatigut pissutsit allat nunani allani aningasaliisartunut sunniuteqartussat tamatumunnga pissutaapput taamaattumillu misissueqqissaarneq annertuumik nalorninartortaqaassalluni. Aatsitassarsiormik ingerlataqartut ilaatigut aatsitassat piumaneqassusaat nunarsuarmilu akigitinneqartut aammalu pilersarutit atasiakkaat najukkani sulisoqarnikkut, najukkani attaveqaatersuutit, najukkani akileraartarnikkut atugassarititaasut assigisaallu aallaavigalugit sulisarput. Uranimut apeqqummut tunngatillugu akuersissutinik utertitsisoqarnikuunngilaq, taamaattorli pingaartumik suliniutit inatsisinik aporaafeqartut sunerneqassapput.

- b) Aningaasatigut kinguneqassappat: Aningaasatigut kinguneqarpat: AIS22-p suliarineqarnerani taakku Naalakkersuisunit qanoq atorineqarpat?

Akissut: Apeqqummut 3.4 a-mut akissutit takukkit. Nunatsinni aatsitassarsiorneq eqqarsaatigalugu siunissamut naatsorsuutigisinnaasat aningaasanut inatsimmut nalinginnaasumik ilanngunneqarneq ajorput, nalorninartoqarpallaarmata.

3.5. Nassuiaatini nalinginnaasuni aalisarnermut tunngasut pillugit:

- a) Aalisakkat ilaannut avammut tunisinermi akit appariarnerat nunatta karsianut siunissami qanoq sunniuteqassava?

Akissut: Aalisakkat avatitsinnut tunineqartartut annertussusaat allanngunngikkaluarlutik akii appassappata tamanna ingerlatseqatigiiffiit akileraarutaat, pisuussutinik atuinermi akitsuutillu aqqutigalugit Nunatta Karsiata isertitarisartagaanut sunniuteqassaaq. Tamatuma saniatigut aalisariutini inuttat peqataasunut agguagarsiassat aqqutigalugit aalisarnermi isertitaqartartut akileraarutaat aqqutigalugit isertinneqartartunut tamanna sunniuteqassaaq.

Nunatta avataanut tunisaasartut akiisa apparnersigut akileraarutigut akitsuutitigullu sunniutissat erseqqeqqissaartumik oqaatigineqarsinnaanngillat. Tassani appariaatsit qanoq annertutigineri aammalu aalisagaqatigiit ataatsit pineqarnersut apeqqutaassaaq. Aalisakkat avammut nioqqutigineqartartut pisuussutinik atuinnermi akitsuutitaat eqqarsaatigalugit akit apparnersigut avammut tunineqartartut nlingi kisimik appariarnaviannngillat avammut nioqqutigineqartut akitsuutaat procentinngorlugit aamma appariartussaasammata avammut nioqquteqarnermi akit agguaqatigiissinnerisigut akittsuutit annertussusissaat aalajangersarneqartarmata.

Akit appariarneri sivisuumik atuunnissat naatsorsuutigisariaqanngilaq. Aningaasaqarnermut Siunnersuisoqatigiit nalunaarusiaminni kingullermi allapput Asiami (Kangiani) inunnit isertitaasartut annertusiartorneri inuillu amerliartornerisa kingunerisaanik aalisakkat qaleruallillu akii kigaatsunnguamik 2030-p tungaanut qaffakkiartornissat OECD-imit naatsorsuutigineqartoq.

b) Aalisarnerup iluani suliniutit nutaat suut Naalakkersuisut isumaat malillugu aallartinneqassappat?

Akissut: Aalisarnermut Inatsisissap nutaap atuutilersinnissaanut atatillugu Aalisarnermut Ataatsimiititaliaruup isumaliutissiissutaasa suliarinearnissai eqqarsaatigalugit Naalakkersuisunit pilersaarusiortoqaleruttorpoq. Aalisarnerup ineriartorteqqissinnaajumjallugu siunnersuuteqarnissap tungaanut isumaliutissiissutip suliarineqarnissaa eqqarsaatigalugu inuussutissarsiuteqartunik, aalisartunik inatsisartunillu qanittumik suleqateqarnissaq Naalakkersuisut pingaartippaat. Isumaliutissiisut saqqummiunneqareerniartorlu suliaq tamanna aallartinneqassaaq.

Aalisarnermik inuussutissarsiut eqqarsaatigalugu suliffissaqartitsiniarnermut ilinniartitaanermullu tunngatillu misissuisussanik suleqatigiissitaliamik Naalakkersuisut pilersitsipputaaq.

3.6. Meeqqat inuusuttullu nassuiaatini nalinginnaasuni annertunerusumik sammineqarnissat ataatsimiititaliamit amigaatigineqarpoq.

a) Kalaallit Nunaanni Politiit 2020-mut ukiumoortumik kisitsisitigut paasissutissaataat malillugit imminut toqunnissamik siorasaarinerit 2020-mi 1200-uupput, imminut toqoriarnerit 120-iullutik aammalu imminnut toquttut 41-lutik. Kisitsisit taakku assut qaffasippallaarujussuurtutut ataatsimiititaliamit isigineqarput. Aningaasanut inatsisissatut siunnersuummi matumani aningaasaliissutit aqutigalugit kisitsisit taakku 2022-mi ikilisinneqarnissaannut suliniutit Naalakkersuisunit qanoq pingaarnersiorneqassappat?

Akissut: Imminut toquttarnerup pinaveersaartinnissaanut periusissaq suliarineqaleruttorpoq. Periusissap nutaap 2022 naajartornerani naammassineqarsimanissaa naatsorsuutigineqarpoq.

Suliassaqarfimmi tassani ingerlaavartumik iliuusseqartoqartarnissaa periusissiornikkut qulakkeerneqassaaq suliniutit aallartineqareersimasut malitseqartinneqartarneri nalilesorneqartarnerilu isiginiarlugit. Tamatuma

saniatigut periusissaq aqutigalugu suliniuteqarfissat nutaat ineriartortinneqartarsinnaassapput. Periusissaq nutaaq innuttaasut pisariaqartitaat najukkanilu pissutsit aallaavigalugit suliarineqarsimavoq. Taamaattumik pitsaasumik peqqittumillu inuusaaseqarneq qanoq paasisariaqarnersoq innuttaasunut paasisitsiniaarnermut piffissami atuisoqartariaqarpoq inuttaasullu siunissamut ungasissumut aqqiissutissarsiornermi peqataatillugit. Kalaallit Nunaanni innuttaasut inooriasiat inuunermillu pitsaasumik isiginnittaasiat aallaavigalugit iliuusseqartoqassappat pingaartumik inuusuttut utoqqaallu siunissamut isiginninnerat paasissallugu pingaaruteqarput.

Suliassa qarfiit ukkatarineqareersut

Nammineq toqunnermi, nammineq toqoriarnermi nammineq toqunnissamillu siorasaarnermi iliuusissat atuutsilersinneqareerput. Tamakku peqqinnissaqarfiup, politiit kommunillu susassa qarfiit akimorlugit pitsaasumik suleqatigiinnermik aallaaveqarpoq. Iliuusissat aqutigalugit suliassa qarfiit akimorlugit pitsaalluinnartumik suleqatigiitoqarnissaa qulakkeerneqassaaq tamatumalu saniatigut kommunini, politiini peqqinnissaqarfimmilu iliuussissanik pilersitsinermik kinguneqassalluni. Nammineq toquttarnerit pinaveersaartinnissaat iliuusissanillu timersoqatigiiffinni, ilinniagaqarfinni, ulloq unnuarlupaaqqinnittarfinni il.il. suliqaarnissaa sulissutigienqassaaq.

Nammineq toquttarnerit pinaveersaarniarlugit oqaloqatiginnittarnerit pillugit pikkorissarnissamut periarfissaqareerpoq, tassani siunertaalluni innuttaasunik nammineq toqunnissamut ulorianartorsiortunik oqaloqatiginnittarnerit pillugit tamakkuninnga suliqaartartuni piginnaasat annertusarneqarnissaat.

- b) Meeqqat inuusuttullu ulorianartorsiortut pillugit sulianik suliarinnittarnerup sivilissusua Naalakkersuisunit qanoq sivilinnerulersinneqalersaarpa?

Akissut: Sulianik suliarinnittarnerit sivilissusui kommuninit tamakkiisumik akisussaaffigineqarpoq. Isumaginninnermut Aqutsisoqarfik kommuninik ikorfartuisarpoq ilaatigut makkunatigut:

- Meeqqanut inuusuttunullu tunngatillugu suliata tamarmiut nalunaarsorneqartarneri. Taamaasillutik suliassat qanoq isikkoqarneri kommuninit malinnaaffigineqarsinnaalissapput - tassunga ilanngullugu ernumanassutsimut uuttuut malillugu suliassanik pingaarnersiyuisarnerit.
- Kommunini suliassat ikilisarniarlugu suliassanik suliarinnittartunik Danmarkimeersunit ikiorserneqartarneq
- Nuna tamakkerlugu ESDH-system-imik atuilerneq - tassunga ilanngullugu systemi atorlugu isumaginninnermi suliassanik ilinniartitsisarnerit.
- Suliassanut tunngatillugu tamakkiisumik piginnaanngorsartarnerit - tassunga ilanngullugit herunder meeqqanut inuusuttunullu tunngatillugu suliassanik suliassanik isumaginnittartussatut ikiorsiartortunik Isumaginninnermi Aqutsisoqarfinni Task Force-nit ilinniartitsisarnerit.

- c) Ilaqutariit qitiutillugit meeqqanut inuusuttunullu siusissukkat suliniuteqarnermi angajoqqaat Naalakkersuisunit qanoq ikiorneqarsinnaappat?

Akissut:

Suliniuummi *“Ilaqutariinni naartusortalinni siusissumi iliuuseqarneq”-imi* tamakkiisumik isiginnilluni pinaveersaartitsisarnissaq aallaavigineqarpoq, tassuunakkut siunertarineqarluni sumiginnaasarnerit pinaveersaartinnissaat aammalu inersimasut angujoqqaallu toqqissisimasumik isumassuillutillu perorsaanerisigut meeqqat inuunerminnik aallartitsilluartarnissaat qulakkeerniarlugu.

Siusinnaartumik iliuuseqartanissamik suliniuummi siunertarineqartut ikorfartorniartarlugit suliniut 2 aallartinneqapoq *Kalaallit Nunaanni meeqqanut inuusuttunullu atugarliortunut pitsaannerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq*, tassani siunertarineqarlutik:

- Najukkami kommunini sullissisut peqqinnissamullu tunngasutigut sullissisut akornanni suleqatigiinnermik pitsanngorsaanissap ilusissaanik ineriartortitsinissaq, taamaasiornikkut siusinnaartumik iliuuseqartarnissamik suliaq sunniuteqarluarnerusussamik pitsaannerusumillu aaqqissuunneqarsinnaaqqullugu meeqqamut aamma/imalluunniit siuariarfiusussamik
- Siunnersuisarnermi atuutsilrsirsisarnernilu ikorfartuisarnissamut periutsit ineriartorteqqinneri, taamaasiornikkut najukkami iliuuseqartartut pisariaqalersillugu siunnersorneqartarnissaat ajornannginnerusumik ingerlanneqarsinnaaleqqullugu.

Suliniuummi tassani saaffigineqartut tassaanerupput suliassanik ilisimasaqarluartut, massakkut suliniutaareersup *Ilaqutariinni naartusortalinni siusissumi iliuuseqarneq-imi* ataanni suleqatigiissitani (iliuuseqartartut) peqataasareersut. Iliuuseqartartut tassaapput suliamik ilisimasaqarluartut meeqqanik inuusuttunillu pilersaarummi ilaatinneqartuni suliaqartut.

Suliniuummi qitiusumik saaffigineqartut tassaapput ilaqutariit sanngiinnerusut ajornartorsiuteqartullu 0-3 ukiulinnik meerartallit kiisalu angajoqqaangortussat ikiorneqarnissamik immikkut pisariaqartitsisut takkulu susassaqarfiit akimorlugit suleqatigiinnermi aallaaviupput.

- d) Suliamik suliarinneq kisiat aqputiginagu aammali paasisitsiniaaneq aqputigalugu ilaqutariit aallaavigalugit meeqqanut/inuusuttunut inuuniarnikkut ulorianartorsiortunut ikiorsiisarneq Naalakkersuinit qanoq nukittorsarneqarsinnaava?

Akissut: Inuuneritta III ataani peqqissuunissamik siuarsaaffiusunik suliniutit pinaveersaartitsinissamillu suliniutit Paarisamit suliarineqartarput. Inuuneritta III ataani suliniutissat paasisitsiniaanerillu tamakkiisumik isiginninneq aallaavigalugu aammalu peqataatitsinikkut ineriartortinneqartarput tassuunakkut kommunini nammineerluni iliuuseqartarnissat siuarsarniarlugit. Tassa imaappoq qaammarsaanissamik suliniutissat ineriartortinneqartillugit saaffigineqartut ataasiakkaat akuutsinenqartarnissaat pingaartinneqarpoq. Peqqinnerulernissamik

suliat periarfissanik eqqarsaataareersimasunik aallaaveqartarput naqqaniillu qummut (bottom-up) isiginneriaaseqarluni suliarineqartarlutik. Peqqinnerulernissamik suliani innuttaasut angajoqqaallu naleqartitaat kulturiilu qulakkiikamik ilaatinneqartarput.

3.7. Nunatsinni piitsuunermut pisortatigoortumik killiliinissamik Naalakkersuisut suliniuteqarnerat ataatsimiititaliamit akuersaarneqarpoq.

- a) Sumi najugaqarneq apeqputaatillugu piitsuussutsimut killiliussatut naleqqersuutit assigiinngissinnaanerat Naalakkersuisunit qanoq ilanngullugu naliliutigineqalersaarpa? Tamatumani assersuutigalugu nerisassanik (ilaannakortumik) imminut pilersornissamut periarfissaqarpat?

Akissut: Pisortanit ikiorsiissutit aaqqissusseqqiffiginerisigut Naalakkersuisut aalajngersimasumik annertussusilinnik ikiorsiisarneq eqqussimavaat. Naalakkersuisut isumaqarpit pisortanit ikiorsiissutit aaqqissusseqqiffiginerisigut pisartakkat annertussusaatb aqutigalugit piitsuussutsimut killigititamik tunngaviliisinnaasoqalissagunartoq. Tamatuma saniatigut ataatsimiititaliamit tunngaviummik apeqput pingaarutilik saqqummiunneqarpoq. Tassunga tunngatillugu Aningaasaqarnermut Siunnersuisoqatigiit ilaatigut inuuniarnermi pingaarutillit ilaasa pinngitsoorneqarsinnaaneri atorunnaarsinneqarsinnaaneriilluunniit misissueqqissaarnermik (afsavnsanalyse) ingerlatsisoqarsinnaanera tikkuarpaat, taamaattoorli misissueqqisaarnerit taamaatut nukissamik annertuumik atuinani ingerlanneqarsinnaaneri suli nalorninarpoq.

3.8. Naalakkersuisooqatigiinnermut isumaqatigiissusiorderminni meeqqanut/inuusuttunut suliassaqaarfimmik, AIS22-mi suliassaqaarfik 30.10-tut, Naalakkersuisut pilersitsipput. 2022-mi aningaasaliissutitut nutaatut 5 mio. kr.-it Naalakkersuisunit immikkoortinneqarsimasut ataatsimiititaliamit maluginiarneqarpoq.

- a) Suliassaqaarfik Naalakkersuisunit aningaasaliissutitigut sooq annertunerusumik pingaarnersiuffigineqanngila?

Akissut: Ataatsimiititaliap oqaasit atugai naapertorlugit suliassaqaarfik pineqartoq pingaartinneqanngitsutut nalilerneqarsinnaavoq. Tamanna eqqunngilaq. Meeqqanut tunngatillugu suliassat kigaappallaamik naammaginangitsumilluunniit suliarineqartarneri ajornartorsiutaasut qaangnernerlugit Danmarkip 80 mio. kr. aningaasaliissutigisimasaa saniatigut namminersorlutik oqartussat tapiliussatut aningasaliissutai 20 mio. kr.-iusut suliniutaareersut saniatigut suliniutaapput. 100 mio. kr.-it danskit-kalaallit aningaasaliissutaat immikkut suliniuteqarnissatut isigineqartariaqarput.

3.9. Illoqarfinni nunaqarfinnilu arlalinni tuniluuttoqarneratigut peqqinnissaqaarfik 2021-mi COVID-19-imit sunnerneqarpoq.

- a) Peqqinnissaqaarfiup suliassaqaarfiani COVID-19-imut tunngassuteqanngitsumik kinguaattoortoqartoq Naalakkersuisut naliliippat?

Akissut: Inuiaqatigiinni killilersuisoqarnera kiisalu COVID-19-ip kingunerisaanik peqqinnissaqaarfimmi suliassaqaarfiani makkunatigut kinguaattoortoqarpoq:

A. Kalaallit Nunaanni Danmarkimilu napparsimasunut pilersaarutigineqareersut (katsorsrtinnissamut pilersaautaareersut).

B. Sulisut piginnaanngorsaqqinnissaat

C. Illuutinik aserfallatsaaliineq

- i. Kinguaattoorutit taamaattut aningaasaliissutitigut Naalakkersuisunit qanoq iliuuseqarfigineqalersaarpat?

Akissut: A-mut Kalaallit Nunaanni Danmarkimilu napparsimasunut pilersaarutigineqareersut:

Siunertamut kontomi 34.11 Immikkut ittumik katsorsaaneq oqaasertaliussani allassimavoq Naalakkersuisut kontomi pingaarnermi atuinerunernik atuinikinnerunernilluunniit ukiumut aningaasanut inatsiseqarfiusumut tullermut nuussinissamut piginnaatinneqartut, ukiumi aningaasanut inatsiseqarfiusumi kontoni ataasiakkaani aningaasaliissutit amerlanerpaamik 10%-iinik. Ukiup naanerani naatsorsuineri ukiut aningaasaliiffiusut akornanni nuussinissaq pisariaqartoq paasinarsippat Peqqissutsimut Naalakkersup piginnaatitsissut pineqartoq atorniarpaa.

B-imut Sulisut piginnaanngorsaqqinnissaat:

Siunertamut kontomut 34.11-mut akissutit siuliani allaaserineqartut innersuussutigineqarput.

C-imut Illuutinik aserfallatsaaliineq

Konto pingarneq 34.10.02 Namminersorlutik Oqartussat illuutaanik aserfallatsaaliuineq oqasertaliussat naapertorlugit atuinerussutit atuinikinnerussutinilluunniit ukiumut aningaasanut inatsiseqarfiusut akornanni nuutsisinnaanissamut Naalakkersuisut piginnaatinneqarput. Aningaasaliissutit amerlanerpaamik 50 %-it nuunneqarsinnaapput. Ukiup naanerani naatsorsuineri ukiut aningaasaliiffiusut akornanni nuussinissaq pisariaqartoq paasinarsippat Peqqissutsimut Naalakkersup piginnaatitsissut pineqartoq atorniarpaa.

- b) COVID-19 pillugu peqqinnissaqarfimmi suliniutit Naalakkersuisunit qanoq naliliiffigineqalersaarpat?

Akissut: COVID-19-imut tunngatillugu COVID-19-imik katsorsaasarnermut, suliaqartarnermut, napparsimalersimasunik passussisarnerit, misissortittarnerit akiuussutissanillu kapiuisarnernut misilittagaqqortusiartorneq naapertorlugu Peqqinnissaqarfimmit ingerlaavartumik nalilersorneqartarput. Innuttasut sulisullu misilittagaat naalakkersuinikkullu kissaatit tusarniarneqartarlutillu naqqissorneqartarput, Tamatuma inerneratut suliffimmi namminermi maleruagassat ingerlaavartumik naleqqussarneqartarput, akiuussutissanik kapitittarnerit misissortittarnerillu eqqarsaatigalugit aaqqissuussinerit naleqqussarneqartarput soorluttaaq innuttaasut naatsorsuutigisaat naammassisinnaajumallugit pitsaasumillu sullinneqarnissaanik kissaataat naammassisinnaajumallugit misissortittarnerit akiuussutissanillu kapiuisarnerit naleqqussarneqartarput.

3.10. DIN-imut MR-scannerimik pisinissaq ataatsimiititaliamit assut pitsaasutut isigineqarpoq, neriuutigineqarporlu tamanna kræftimut akiuiniarnermut

nukittorsaataassasoq. Maskiinalli taamaattut akisusinnaasut ataatsimiititaliamit aamma naluneqanngilaq.

- a) Assersuutigalugu maskiinanut atugassanik aningaasaateqarfiit peqqinnissaqarfimmut aningaasaliissuteqarnissaat anguniarneqartarpa?

Akissut: Namminersortunit aningaasaliissutaat ilaatigooriarluni periarfissatut atorineqartarput, taamaaliortarnerli annertuumik allaffissortarnermik kinguneqartarpoq. Assersuutitut taaneqarsinnaavoq MR-scanner massakkut atorineartoq namminersortunit akilernerqarsimavoq soorluttaaq Dronning Ingridip Peqqissaavia aammalu pilattaasarfik kiisalu ajoqusersimasunut passussisarfik namminersortunit akilersimasut. Taaneqartut saniatigut COVID-19-imut atatillugu atortunik aalajangersimasunik pisiortornerit namminersortunik akilernerqarsimapput.

3.11. Akileraartarnermut suliassaqarfimmi, ilinniagaqarnermi suliffeqarnermilu, inuussutissarsiutinik siuarsaanermi suliffinnillu pilersitsinermi, ineqarnermut politikkimi kiisalu qitiusumik allaffeqarfissuarmi aqqissuusseqqinnerit tallimaasut Naalakkersuisunit nassuiaatini nalinginnaasuni (quppernemi 193/194) naatsumik saqqummiunneqarput. Suliassaqarfiit ataasiakkaat iluanni Naalakkersuisut naalakkersuinikkut kissaataasa itisilernerqarnissaat ataatsimiititaliamit nalinginnaasumik kissaatigineqarpoq.

Akissut: Napatitsinermut siuariartortitsinissamullu pilersaarutip nutaap piareersarneranut atatillugu sinaakkutissat pillugit isummernissamut tunngavissiaq Aningasaqarnermut Nunamullu Namminermut Naalakkersuisumit piareersarneqaleruttarpoq. Pilersaarut pingaarnertut nalerassanik, anguniakkanik pilersaarummullu atatillugu periusissanik kiisalu aqqissuusseqqinnissami illinissatut naatsorsuutigisat eqqarsaatigalugit pingaartut imarisassanik imaqassaaq.

Isummernissamut tunngavissiaq naammassiniariartorlu assilinerqarnera Aningasaqarnermut Akileraartarnermullu Ataatsimiititaliamut nassiunneqassaaq. Taamaasiortoqassaaq pilersaarutip ilusilersornissaanut sulinivik aallartitsinnagu ataatsimiititaliamik pitsaasumik anguniagaqarfiusumilu oqaloqareqartarnissaq siunertaralugu kiisalu pilersaarutit siunissami piviusunngoriartornri malillugit ataatsimiititaliamik suleqatigiissuteqarsinnaanissaat eqqarsaatigalugu.

3.12. Tamatuma saniatigut Naalakkersuisut kissaatigaat ”FN-ip 2030-mut attassinissamut anguniagai sulinermi uuttuutigineqassasut”.

- a) FN-ip 2030-mut attassinissamut anguniagai aqqissuusseqqinnissamut qanoq uuttuutigineqassappat?

Akissut: Inuiaqatigiit pisariaqartitaat aammalu SDG-anguniakkat aallaavigalugit pilersaarummi anguniakkat naatsorsuutigisallu eqqarsaatigalugit ataqatigiissitsinissaq pissusissamisuusaaq. Pissutsit tamakku immikkoortoq 3.11-imi taaneqartutut isummernissamut tunngavissiami ataatsimiititaliamut nassiunneqartussami nassuiarneqassapput.

3.13. Immikkoortumut ima qulequtalimmut *Aningaasaqarnermi akileraartarnermilu immikkoortumi ataqatigiissumik aaqqissuusseqqinneq* ataatsimiititaliaq ima apeqquutissaqarpoq:

- a) Akileraartarnikkut aaqqissuusseqqinneq isumaginninnermut utoqqarnullu suliaasaqarfinni aaqqissuusseqqinnernut qanoq ittunut ataqatigiissinnissaa Naalakkersuisunit kissaatigineqarpa?

Akissut: Meeqqanut, innarluutilinnut inuit piginnaatitaafiinullu tunngatillugu arlalinnik periusissiaqarlunilu suliniutissaqarpoq soqutiginarsinnasunik. Assersuutitut taaneqarsinnaapput sulil atualinngitsunut tunngassuteqartunut inissat eqqarsaatigalugit innersuuneqartatut nalilersorneqarnissaasa aallartinneqartussaanneri. Assersuut alla tassaavoq erninnermut atatillugu sulinngiffeqartarnermut tunngasut nalilersorneqarnissaat, tassunga atatillugu suaassutsinik naliigiissitsinerusoqarnissaa, ataataasut sulinngiffeqarnerusarnissaat aammalu ernineq pitinnagu atukkat opitsanngorsarneqarnissaat kissaatigineqarmat. Assersuutitut taaneqartut marluusut aningaasaqarnermut akileraartarnermullu tunngatillugu ataqatigiissitsisussamik aaqqissuusseqqinnissani ilanngunneqarsinnaapput.

3.14. Immikkoortumut ima qulequtalimmut *Inuussutissarsiuutinik siuarsaaneq suliffinnillu pilersitsineq* ataatsimiititaliaq ima apeqquutissaqarpoq:

- a) Suliniutit suut nunani allani suleqatigisanik attaveqarnermi siuarsaataasinnaasut Naalakkersuisunit siuarsarneqalersaarpas?

Akissut:

Nunani allani suleqatissaniik attaveqarfigeqatigiittarnermik pilersitsisarneq Kalaallit Nunaanut pingaaruteqartorujussuavoq. Suleqatinik nunanit allaneersunik attaveqartarnerit pitsanngorsarniarlugit Naalakkersuisut suliniutinik assiginngitsunik arlalinnik aallartitsipput.

Joint Committee allarteqqippaq, tassani USA-p Kalaallit Nunaatalu nunat marluusut akornanni suleqatigiinnerit ataatsimoorluni nukittorsarneqartussaallutik. Suleqatigiissitat sisamat Nunanut Allanut, Inuussutissarsionermut, Niuernermut Silap Pissusaanullu Naalakkersuisoqarfiup ataani pilersinneqarlutillu aquneqartut suliffeqarfiit nunanit pineqartuni marluusuneersut akornanni suleqatigiissinnaanerinit periarfissat misissorniarlugit aammalu Kalaallit Nunaanit USA-mut nioqquteqartarnerit annertusarniarlugit sulinertik aallartippaat. Takornariaqarneq eqqarsaatigalugu pitsaarusumik suleqatigiinnissaq ineriartortuinniarlugu suleqatigiissitap sulinini ingerlappaa suliniutissallu arlalissuit piviusunngortinneqalerlutik.

Island nunat sanilitta qaninneraaraat suleqatigiinnerpullu pitsaasumik ingerlalluni, tamannalumi nunanut marluusunut iluaqutaavoq. Tassunga atatillugu Kalaallit Nunaata Islandillu akornanni suleqatigiinneq annertusarniarlugu inassuteqaatinik arlalinnik imaqartussamik nalunaarusiamik saqqummiisinnanissartik Naalakkersuisut neriutigaat.

Europa eqqarsaatigalugu Kalaallit Nunaanik suleqateqarusussuseq annertoorujussusoq malunnarpoq. Kaalaallit Nunaata Europamilu nunat akornanni suleqatigiinnerit nukittorsarniarlugit Kalaallit Nunaanni allaffimmik ammaanissaq EU-p eqqarsaateqarsuutigaa. Ilaatigut namminersorlutik

inuussutissarsiuteqartunit aammalu ilisimatusarnermut suliaqartunit soqutiginnittoqarpoq. EU-mi suligisartakkatsinnut tunngatillugu pitsaanerusumik attaveqartalernissatsinnut allaffiup iluaqusiisinaanera taamaattumik eqqumaffigarpot. Tamatuma saniatigut Kalaallit Nunaat inuussutissarsiutit siuarsarneqarnissaanut europami suliniaqatigiiffinni marluusuni peqataasareerpoq tassalu NORA-mi NPA-milu. Suliniaqatigiiffinnut marluusunut inuussutissarsiutinik ineriartortitsinissamut aningaasanik quinnuteqartoqarsinnaavoq, nunani avannarlerni allani suleqateqarnikkut.

- b) Inuussutissarsiornikkut akileraartarnermi allannguutissat suut Naalakkersuisunit isumaliutigineqarpat?

Akissut: Naalakkersuisut isumaginninnermut tunngatillugu inatsisit pisariaqartut, tassunga ilanngullugu utoqqalinersianut inatsisit, ilaatillugit akileraartarnikkut ataqatigiisumik attanneqarsinnaasumillu aqqissuuseqqittoqarnissaa kissaatigaat. Taamaattumik inuussutissarsiornikkut akileraartarnermi immikkut suliniutissanik Naalakkersuisut massakkuugallartoq tikkuusisinnaangillat. Kalaallit Nunaata naligiinnerusumik atugassa qarfiulersussanngorlugu ineriartortinneqarnissaa Naalakkersuisut angunigaraat. Tamanna inuussutissarsiornikkut akileraartarnermi atugassanik allanngortiterinernik naleqqussaanernillu kinguneqarsinnaavoq. Ingerlatseqatigiiffinnut anginerusunut tunngatillugu kinguaariit nikinnerisigut ajornartorsiutaasartut pingaaruteqarsinnaapput. Inunnut inuussutissarnikkullu akileraarusuisarnernut tunngatillugu pilersaarutit Attassisinnaanermut ileriartortoqarnissaanullu Pilersaarut II aqqutigalugu ersarissarneqarsinnaanissaat Naalakkersuisut neriutigaat.

3.15. Immikkoortumut ima qulequtalimmut *"Ineqarnermut politikki ersarissoq, ullutsinnut naapertuuttoq siunissamullu ungasissumut sammisoq"* ataatsimiititaliaq ima apeqqutissaqarpoq:

- a) Pisortat inissanik aqutsinerat tamarmiusoq pisariillisarniarlugu aqqissuunnarlugulu suliniutit qanoq ittut Naalakkersuisunit isumaliutigineqarpat?

Akissut: Ineqarnermut tamakkiisumik pilersaarut pillugu sulineri aqutsisoqatigiinnik pilersitsisoqarpoq, taakkulu qulakkeertussaallugu ineqarnermut siunissamut isigisumik politikkeqarnermut sinaakkusiiniarluni sulineq immikkoortut akimorlugit suleqatigiinnissaasa qulakkeernissaat, siunissami ineqarnermut politikkip ilaatigut sulisinnaasut, ilinniarnernut tunngasuni inuussutissarsiornernillu oqartussaasut pillugit suliniutinik ikorfartornissaa qulakkeerneqarniassalluni. Tassani siunertarineqarpoq ineqarnermut siunissamut ungasinnermut isigisumik politikkip ersarissumik piffissamullu naleqquttumik ingerlatsinissap qulakkeernissaa, taamaaliornikkullu qulakkeerniarneqarluni siunissami aserfallatsaaliinerit, nutarsaanerit nutaanillu sanaartorerit siunissami qulakkeernissaannut isumannaatsumik tunngavissinnissaat.

Ineqarnermut tamakkiisumik pilersaarummi aqutsisoqatigiit ukunannga inuttaqartoq pilersinneqarpoq:

Ineqarnermut, Attaveqatigiinnermut Naligiissitaanermullu Naalakkersuisoqarfik - siulittaasoqarfik

Aningaasaqarnermut Nunamullu Namminermut Naalakkersuisoqarfik -
siulittaasoqarfiup tullia
Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfik
Isumaginninnermut Sulisoqarnermullu Naalakkersuisoqarfik
Nunalerinnermut, Imminut Pilersornermut, Nukissiuuteqarnermut Avatangiisinullu
Naalakkersuisoqarfik
Nunanut Allanut, Inuussutissarsiornermut, Niuernermut Silallu Pissusianut
Naalakkersuisoqarfik

Aamma ataqatigiissaarisunik pilesitsisoqarpoq kommuninit allallu
avataaneersunit susassaqtunit peqataaffigineqartoq.

Suliami ilaatigut ilaatinneqarpoq ineqarnermut maanna allaffissornerup
pitsanngorsarneqarnissaanut isumaliusersuutit. Isumaliutersuutit taassumalu
kingorna inassuteqaatit ininik attartornermut inatsisissamut UKA 2022-mi
Inatsisartunut saqqummiunneqartussat pilersaarutaasumut
ilanngunneqassapput. Aamma Namminersorlutik Oqartussat inissiaataannik
kommunit tunniussinissami kommuninit kissaatigiumaagaat
isiginiarneqassapput. Attartortarneq pillugu inatsisissaq ima
aaqqissuunneqassaaq, tassa attartortitsisup attartortullu akornanni pissutsit kisimik
tassani pineqassallutik.

3.16. Immikkoortumut ima *qulequtalimmut "Ineqarnermut politikki ersarissaq,
ullutsinnut naapertuuttoq siunissamullu ungasissumut sammisoq*
ataatsimiititaliaq ima apeqqtissaqarpoq:

- a) Kommunit Namminersorlutillu Oqartussat akornanni suliassanik
agguataarineq Naalakkersuisunit immikkut nassuiaatigineqarpoq.
Tamatumani Namminersorlutik Oqartussani Naalakkersuisoqarfiit
akimorlugit iliuuseqarnissamut Naalakkersuisut pilersaarutaat aamalu
suleqatigiinnerup tamatuma siunissami qanoq nukittorsarneqalersaarnera
ataatsimiititaliamit ujartorneqarput?

Akissut: Naalakkersuisoqarfiit akimorlugit suleqatigiinnerup
patajaallisarneqarnissaanut tunngasunik assigiinngitsunik suliniuteqarpoq.
Naalakkersuisut Siulittaasuata Naalakkersuisoqarfia ilaatigut ingerlaavartumik
ineriartortinneqartartussamik piginnaasat pillugit pilersaarummik
suliaqarsimavoq. Taassuma saniatigut tunngaviumik aqutsineq aamma
suliarineqarpoq tassanilu aaqqissuussami tamarmi akimut suleatigiinneq
immikkoortut ilaralugu.

- b) Immikkoortup tamatuma ataani Naalakkersuisut aaqqissusseqqinnikkut
*"Nakkutigineqartumik isumagisassat annertunerusut kommuninit
tunniunneqarsinnaasut"* ". HeTassunga atatillugu ataatsimiititaliamit
apeqqutigiumaneqarpoq isumagisassat suut kommuninit
nuunneqartussat Naalakkersuisunit isigineqarnersut?

Akissut: Namminersorlutik Oqartussat kommunillu akornanni suliassanik
avitsinissat ingerlaavartumik isumaliutigineqarput. Apeqqt taanna pisuni
assigiinngitsuni qaqinneqartarpoq kommuninit namminersorlutillu oqartussat
akornannanni ataatsimut tapiissutinik ukiumoortumik oqaloqatigiinnernut aamma

ilaasarluni. Tassunga sinaakkutissat kommunit namminersorlutillu oqartussat akornanni missingersuusiornermut suleqatigiinnissamut isumaqatigiisummi tunuliaqutaasarpot. Tassalu:

- *"Suliassat oqartussanut suliassap pitsaanerpaamik isumagineqarfigisassanut inissinneqarnissaat aallaaviuvoq. Tassunga atatillugu naapertuunnerpaanermik naliliinerni pisortat ataatsimoorlutik isumaginninnerannik periarfissaq aamma ilanngunneqarsinnaavoq, tassani pisortat ingerlatsinerata digitalinngorsarneqarneranut atatillugu.*
- *Ingerlatsinermik isumaginninneq kiisalu sanaartornermut aningaasaliissutit tassunga atasut oqartussamit ataatsimit isumagineqarnissaat pingaarnertut anguniarneqarpoq. Tamatuma malitsigisaanik ingerlatsinerit sanaartornermillu akimorlugit aningaasalersuinernik aaqquissuussinerit avitseqatigiiffiusut, pissutsit immikkuullarissut malitsigisaannik immikkut iliornerinnarni pisassapput."*

Namminersorlutik oqartussanit kommuninut suliat annerit tunniunneqartussat tulliat tassaavoq namminersorlutik oqartussat inissiaataat. Tassunga tunngasumik annertuumik sukumiisumillu piareersaneq aallartinneqarpoq. Tunniussineq piviusorsiorluni siusinnerpaamik 2023-mi pisinnaassaaq.

c) *"Digitaalinnorsaanermi suliniutit naapertuuttut"*-nik oqarnermi suna pineqarpa?

Akissut: Kommunit Namminersorlutillu Oqartussat ukiuni arlalinni ataatsimut digitalimik ineriartortitsinissaq ukkatarisimavaat. Tamanna ataatsimut digitalimik oqaloqatigiittarfimmik Pisortat ataatsimut IT-imik atuinerat pillugu aqutsisoqatigiinnik (FOIS) taasanik pilersitsinermik kinguneqarsimavoq. Tassani ukkatarineqarpoq Naalakkersuisut nuna tamakkerlugu Digitalinnorsaanissamut periusissiaannik piviusunngortitsinissaq.

Digitaliseeriinermut aqutsiviup nuna tamakkerlugu digitaliseeriinermut periusissiaq pillugu killiffik maanna naammassissallugu suliaqarpoq, taannalu ukioq manna atorunnaassaaq. Aningaasaqarnermut Akileraartarnermullu Ataatsimiititaliaq taamaammat taassuma assilinera pissavaa taanna Naalakkersuisunit akuerineqariapat. Tassannga uiggiullugu digitaliseeriinnermi periusissiaq nutaq ukiunut arlalinnut atortussaq piareersarneqarpoq, tassanilu imarissavai anguniakkat, periaatsit suliniutillu. Taanna 2022-p aallartinnerani naammassismanissaa naatsorsuutaavoq. Digitaliseeriinermut periusissiasami nutaami Attanneqarsinnaasumik aningaasarsiornikkut siuarsaanissamullu Pilersaarummi aaqquissusseqqinnermi periaaseq malinneqassaaq, tassanilu sammeneqassallutik pisortani aaqquissusseqqinnerit. Kingulleq pillugu saqqummiussissutissami nassuiarneqassaaq, aamma takuuk apeqqummut 3.11-mut akissutigineqartoq.

d) Pisariaqanngitsumik allaffissorneq Naalakkersuisunit qanoq annikillisarneqassava?

Akissut: Pisariaqanngitsumik allaffissorneq pillugu oqaatsimut pissutsinut arlalinnut tunngatinneqarpoq, matumanilu:

- Suli at isumalluutit ikinnerit atorlugit suli arineqartarnerat, matumanilu suli assat oqimaatsut inuit suli arisariaqartagaannik digitaali usumik aaqqiissuteqarnikkut.
- Innuttasunut suliffeqarfinnullu kissaatigineqartumik inatsisit iluaqutaanerannik isumaliuteqaqqinneq, imaluunniit tassannga allaffissornerup iluaqutaasumik pisariillisarneqarsinnaanera, imaluunniit inatsisiliorneq ilaatigut suli assaqarfiit ilaanni tamakkiisumik pinngitsoorneqarsinnaanera. Apeqqut tamanna pillugu amerlasuutigut Inatsisartut Naalakkersuisullu suleatigiinnerisigut nalinginnaasumik aaqqinneqarsinnaassaaq.
 - Tamatumunnga assersuutigineqarsinnaavoq pisortat ikiorsiisarnerat pillugu aaqqiissusseqqinnissamut siunnersuut maanna tusarniaassutigineqarpoq. Matumani anguniarneqarpoq ikiorsiissutit assigiinngitsut naatsorsueqqaarnikkut tunniunneqaratik atungassarititat aalajangersimasut ersarissarneqartut atorlugit innuttaasumut ingerlaannartumik tunniussisarneq. Tamanna Inatsisartunit akuerineqariarpat isumalluutit kommunini innuttaasunut qanimut sullissinernut atorneqarsinnaalissapput.
- Ataatsimut suli assaqarfinnik aaqqiineq pingaartumik pisortani tamani sullissinerni assigiinngitsuni tunngasuni aaqqiinikkut allaffissorneq ataatsimut isigalugu millisaataasinnaassaaq.

3.17. Immikkoortumut ima *qulequtalimmut "Tunumi imartap avataani aalisakkanik nakkutilliinermik annertusaaneq"* ataatsimiititaliaq ima apeqqutissaqarpoq:

- a) Pinngortitaleriffiup piginnaasaasa saniatigut piginnaasat allat ilanngunneqarnissaat ilaqaataasinnaasoq ataatsimiititaliaq isumaqarpoq. Assersuutigalugu piniarnermik nakkutilliisut Tasiilami atorneqarsinnaanerat pillugu Naalakkersuisut qanoq isumaliuteqarpat?

Akissut: Tunumi avataasiortunik aalisartunik nakkutilliineq ullumikkut Kalaallit Nunaata Aalisarsinnaanermut Akuersissutinik Nakkutilliisoqarfiata aalisarnermut nakkutilliisuinit Issittumilu Sakkutooqarfimmit angallatinut ikinikkut nakkutigineqartarput. Kalaallit Nunaata Aalisarsinnaanermut Akuersissutinik Nakkutilliisoqarfia (KANUAANA) taakku saniatigut Tasiilamut nakkutilliartortarpoq. Kingullermik nakkutilliisut marluk maajimi Tasiilami nakkutilliipput. Taakku saniatigut KANUAANA-p Pinngortitaleriffik aalisartut pisaannik misiligutinik tiguisarnernut tunngatillugu suleqatigisarpaa. Aamma angallatit peqquneqartarput pisaminnit misiligutissanik Pinngortitalerivimmut nassiusseqqullugit.

3. Suli assaqarfik 10 - 12 Naalakkersuisut Siulittaasuat

4.1. Kontu pingaarneq 10.01.28 Inatsisinut tunngaviusussanut isumalioqatigiissitaq aamma allattoqarfik

Nunatsinni tunngaviusumik inatsisissatut missingiummik tunngaviusumik inatsisitaarnissamik isumasioqatigiissitaq kingusinnerpaamik 31. december 2021 tunniussissaaq. Tamatuma kingorna taanna UPA2022-mi Naalakkersuisunit saqqummiunneqassaaq. *"2022-mi decembarimi allattoqarfiup sulinermik*

naammassininnissaa maannakkut naatsorsuutaasoq” tunngavilersuutigalugu aningaasaliissutit taamaallaat 31.12.2022-mut tunniunneqarput..

- a) Missingiutip tunniunneqarneranit 31.12.22-p tungaanut allatseqarfik sulerissava?

Akissut: Kalaallit tunngaviusumik inatsiseqalernissaannut missingiutip kingusinnerpaamik ullormut 31. december 2022-mi Naalakkersuisunut tunniunneqassaaq, Naalakkersuisut taamaalillutik missingiut Inatsisartunut 2023-mi upernaakkut ataatsimiinnissaannut saqqummiussinnaassammassuk.

Taamaalilluni immikkoortumi missingersuutitut ilanngussami kukkusoqarsimavoq, tassanilu allaqqalluni kalaallit tunngaviusumik inatsiseqalernissaannut missingiutip Naalakkersuisunut kingusinnerpaamik 31. december 2021-mi tunniunneqassaq. Tamanna allannguutissatut siunnersuummi aaqinniarneqarpoq.

- b) UPA2022-mi saqqummiussinerup kingorna tunngaviusumik inatsisitaarnissamik isumasioqatigiissitap suliaa Naalakkersuisunit qanoq nangingneqassava?

Akissut: Tunngaviusumik inatsisissatut siunnersuutip naammassinerata kinguninngua, tassa 1. januar 2023-p, suliasat taassuma kingorna Namminersorlutik Oqartussani Tunngaviusumik inatsisissamut immikkoortortaqaarfimmut tunniunneqassapput. Tunngaviusumik inatsisissamik missingiut suliarineqarsimalerpat Namminersorlutik Oqartussat illoqarfinnut nunaqarfinnullu tamanut misissingiut annguniarumaarpaat. Namminersorlutik Oqartussat innuttaasut naapinniassavaat missingiullu saqqummiullugu ataatsimiititaliarsuullu suliaasaanik pissutsit piviusut, tunngaviusut pingaartitalu pillugit isumaliutersuutit qanoq qisuariarfigineqarneri piniarlugit. Namminersorlutik Oqartussat sulinermit tassani ataatsimiinnerit nalinginnaasut, isumasioqatigiissitsinerit kiisalu attaveqaatit nutaaliat oqallittarfillu il.il. atorsinnaavai.

- c) Tamanna aningaasaliissutitigut kinguneqassava, taamaassappallu sunik?

Akissut: Tunngaviusumik inatsisissanik ataatsimiititaliarsuarmut aningaasartuutit konto pingarneq, 10.01.28 Tunngaviusumik inatsisitaarnissamut isumalioqatigiissitap allattoqarfillu atorlugu akilerneqassapput. 2022-mut aningaasanut inatsisissatut siunnersuummi 5,7 mio. kr.-it illikartinneqarsimapput, tassa ataatsimiititaliarsuup ukiumi nalinginnaasumi aningaasaliissutaasa assingi.

4.2. Konto pingarneq 10.13.10: Akitaateqarluni ingerlatseqatigiiffinnit iluanaarutit, agguagarsiassat tunisinerillu

- a) KNI 2021-mi iluanaarutit 20 mio. kr.-inik Namminersorlutik Oqartussanut tunniussivoq. KNI 2022-mi iluanaarutit qanoq amerlatigisunik tunniussisussat Naalakkersuisunit naatsorsuutigineqarpa?

Akissut: Naalakkersuisut KNI A/S-ip aqutsisunit ukiumut 2020/21-mut nalunaarusiaannut tunngasumik maannalu misissuinerannut tunngasunik nalunaaruteqarnissaat suli utaqqivaat, taassumalu kingorna ingerlatseqatigiiffiup siulersuisuisa inassuteqaatigisinnaassallugu ukiumut naatsorsuuseriviusumut 2020/21-mut pissarsianit tunniussisoqassanersoq inassutigisinnaassallugu.

4.3. Konto pingaarneq 10.13.11: Aktiaateqarluni ingerlatseqatigiiffinnut toqqaannartumik aningaasartutit

Kalaallit Airport A/S-imut ukiumut 50 mio. kr.-it aningaasaliissutit Namminersorlutik Oqartussat aktiaateqarluni ingerlatseqatigiiffiannit immikkut ittumik pissarsiat aqutugalugit aningaasalersorneqartassasut missingersuutitut ilanngussami allassimavoq.

- a) Kalaallit Airport A/S-imut aningaasaliissutit qaqugu naammassineqartussatut Naalakkersuisunit naatsorsuutigineqarpat?

Akissut: Kalaallit Airports Holding A/S siornatigut ingerlatsinermut aningaasalersuinemullu pilersaarutimini ilisimatitsissutigaa Namminersorlutik Oqartussat aningaasaliissutaasut kingulliit 2027-mi pissasut naatsorsuutigalugu. Tamannali allannguuteqarsinnaavoq Qaqortumi mittarfissap qanoq takitigiinarnera pillugu Inatsisartunit aalajangiiffigineqarneranut atatillugu.

- b) Kalaallit Airport A/S-imut aningaasaliissutit naammassineqarpata immikkut ittumik pissarsiat Naalakkersuisunit taamaatinneqassappat imaluunniit taakku suliniutinut allanut ingerlateqqinneqalersaarpat?

Akissut: Namminersorlutik Oqartussat ingerlatseqatigiiffiutaat immikkut ittunik pissarsiaqarnikkut mittarfinnut aningaasalersuinemik tapiissuteqartartoq tassatuaavoq Tele Greenland. Ingerlatseqatigiiffiup ukiuni kingullerni niuernikkut ingerlalluarnarata takutippaa ingerlatseqatigiiffimmit naatsorsuutaasutut pissarsissutaasartut ingerlaavartumik nalimmassaanissaanut tunngavissaqartoq, tassa sinneqartoorutit amerlisinnaallugit akiutiminillu arlalinnik appaasinnaalluni. Immikkut pissarsissutaasartut taamaammat siunissaq ungasinnerusoq isigalugu eqqarsaatigineqarput pissarsissutaasartutut nalinginnaasutut inissinnissaat.

5. Suliassaqaarfik 20-24 Aningaasaqarnermut Nunamullu Namminermut Naalakkersuisoq

5.1. Konto pingaarneq 20.05.34: Partiit qineqqusaarnissaannut tapiissutit

- a) Quppernermi 320-mi takussutissiami isumaqarnarpoq partiit Siumut Suleqatigiissitsisullu paarlaanneqarsimasut. Tamanna uppernarsaqqullugu iluarseqqullugulu Naalakkersuisut qinnuigineqarput.

Akissut: Tamanna kukkuneqartoq uppernarsarneqarpoq. Allannguussummut siunnersuummi tamanna aqqinniarneqassaaq.

5.2. Konto pingaarneq 20.05.40: Naalagaaffimmit ataatsimoortumik tapiissutit

- a) 2021-mut sanilliullugu 2021-mut aningaasat 1,1 procentimik iluarsiiiffigineqartut kalaallisuuani allassimavoq. Taanna danskisuuaniut tassaasussaassaaq 2022. Tamanna uppernarsaqqullugu iluarseqqullugulu Naalakkersuisut qinnuigineqarput.

Akissut: Tamanna kukkuneqartoq uppernarsarneqarpoq. AI2022-ip katiterneqarnerani teknikikkut allannguinnikkut naqqinneqassapput.

5.3. Konto pingaarneq 20.10.35: Suliniutissat immikkut ittut – Karrat Kangerluat

- a) Piffimmut taaguut eqqortoq atorneqassasoq Aningaasaqarnermut Ataatsimiititaliamit inassutigineqarpoq (Umiammakku).

Akissut: AIS2022-mut kalaallisoortaanik ataatsimoortitsinikkut teknikkikkut allannguinnikkut tamanna aaqinneqarsinnaavoq.

- b) Uummannap pigisaani nunaqarfinnit piffinnillu pineqartunit nutsernerit sumut killippat?

Akissut: 20. september 2021-mi killiffik tassaavoq illoqutigiit 18-init nuunnissamut allatsissimapput:

- Taakkunanga 7-t nuukkusunnertik unitsiinnarsimavaat.
- 8-t nunaqarfimmiit illoqarfimmut nuuffigerusutaminnut nuussimapput.
- 3-t illoqarfimmut nuuffigerusutaminni inissiamik kissaatiminnut naleqquttumik suli inimik neqeroorfigineqarnissartik utaqqivaat.

- c) Nuunnernut atatillugu qimataminnit inissianut attartornermut qaffasinnerusumik akiliuteqarfiusunut innuttaasut nalinginnaasumik nuuttarput. Nuunnermi qularnaveeqqutitut akiliutip kinguartinneqarneratigut atorunnaarsinneqarneratigulluunniit tamanna Naalakkersuisunit ikiorsiissutigineqalersaarpa?

Akissut: Attartortarneq pillugu inatsisip sinaakkusiussaasa iluanni attartortut qularnaveeqqusiissutinik akiliisassapput. Attartortut qinnutigisinnaavaat qularnaveeqqusiissutimi ataatsikkut akilernagu qaammatini 12-t tikillugit akilersorniarlugu. Taakku saniatigut attartortut kommuni qinnuteqarfigisinnaavaat inissiami isumaginninnermi inissiamik tunineqaqqullutik illoqutigiit aningaasaqarnerat isumaginninnikkullu atugaat tamatuminna pisariaqartitsippat. Pisuni taamaattuni kommunip qularnaveeqqusiissut akilissavaa.

5.4. Konto pingarneq 20.11.70: Suliniutinut nutaanut sillimmatit

Nuummi sulisunut inissialiormut ukiumut 3 mio.-inik Naalakkersuisut immikkoortitsipput. Tamatuma saniatigut ineqarnermut akiliutinit (Naalakkersuisut malillugit) ukiumut 3,6 mio.-it sipaarutigineqassapput.

- a) Attartortitsisartunut namminersortunut attartornermut akiliutinut tunngatillugu sipaarutissat tamakkiisut pissarsiarineqarnissaat Naalakkersuisunit qaqugu naatsorsuutigineqarpa?

Akissut: Peqqinnissaqarfiup naatsorsuutigaa immikkut attartortitsisarnini annerpaaq unitsissinnaassallugu taamaaliornikkullu 3,6 mio. kr.-inik sipaarluni Peqqinnissaqarfiup inissaqarniarnikkut pisariaqartitai allatut aaqqiinnikkut matussuserneqarsinnaassappata. 5.4b-mut aamma 5.4bi-mut akissutinut itisiliinerit.

- b) Suliniutip imaraa Nuummi sulisunut inissianik 60-inik sanaartornissaq. Tamanna Nuummi Peqqinnissaqarfimmi sulisunut inissianik pisariaqartitsinerit tamarmiusumut matussusiiva?

Akissut: Ilumoorpoq suliniummiipput sulisunut inissiat 60-it sanaartornissaat. Suliniummut assersuusiami piumasaqaataavoq illup Oasen-ip isaternissaa inuinnarnillu attartortitsinerit unitsillugit atorunnaarsinnissaat. Oasen 24-nik attartugassaateqarpoq Peqqinnissaqarfillu inuinnarnut 28-nut attartortitaqarluni, attartukkat aappaat akunnittarfittut ittunik 14-it attartugassat ataasiinnarmik initallit. Tamanna tunulequtaralugu Peqqinnissaqarfimmi sulisunut inissianik tunineqaqqissanngilaq, taamaallaat inissianik allannguisoqaannassalluni.

Taamaattoq aamma isiginiarneqassapput ass. Oasen-imi inissiat attartortakkat arlallit piffissami sivilisunermi oqoqarnerat pissutigalugu ingerlanneqarsimanngimmata.

Peqqinnissaqarfik sulisunut inissiat/utaqqiisaasumik inissiatai 400 missaanniipput immikku tattartukkat 28-it ilanngullugit Nuummilu peqqinnissaqarfimmi qaammammusiaqarlutik sulisut 700-uupput ineqartinneqarsinnaasut. Maanna aalajangersimasumik sulisunut 47-nut sulinermut atatillugu inissianut utaqqisuupput ukiullu ataatsip missaani utaqqisoqartarluni. Taamaammat Nuummi Peqqinnissaqarfimmi sulisunut inissiat maanna amerlassusaat naammanngitsut nalilerneqarpoq. Taamaattoq aamma ilanngunneqassaaq sulisut ilaat namminneq inissarsisimammata, assersuutigalugu inissiamik namminneq pisinermikkut.

- i) Pisariaqartitsineq tamakkiisoq matuneqanngippat Nuummi Peqqinnissaqarfimmi sulisunut inissianik pisariaqartitsineq tamarmiisoq qanoq annertutigaa?

Akissut: Peqqinnissaqarfimmit erseqqissaatigissallugu pisariaqarpoq inissiat amerlassusaat kisiisa iginiartariaqanngimmata inissiali pitsaasusaat, pisoqaassusaat sumilu inissisimaneri sulisussarsiortarnermi tigumminniinarniartarnermilu aamma isiginiartariaqartarmata. Sulisut inissiani naammaginatsumik pitsaasusilinni toqqissisimanartunilu sanilit soorlu suleqatit ilisarisimallugit najugaqarsinnaanissaat sulisussarsiortarneq tigumminniinartarnerlu eqqarsaatigalugit iluaqutaapput.

Suliassanik amerlanerujuartuinnartunik tiguisarneq naapertorlugu Peqqinnissaqarfiup Nuummi sulisunut inissianik pisariaqartitsinera annertusiartortarpoq, soorlu Steno Diabetes Center Grønland-imik pilersitsineq 20-nik nutaanik atorfinittitsisariaqarnermik kinguneqarsimavoq. Tamatuma saniatigut inuiaqatigiit katitigaanerata agguataarsimanera eqqarsaatigalugu ineriartorneq, Nuummi innuttaasut ingerlaavartumik amerliartorneranik kinguneqartoq Dronning Ingridip Peqqissaavianut tatisimatitsiartorpoq sulisunik amerlanerusunik atorfinittitsisariaqartarnermik kinguneqartumik. Nuna tamakkerlugu inuit inuuneqqortusiartornerput Dronningip Ingridip Peqqissaaviani nuna tamakkerlugu sullinneqartartut eqqarsaatigalugit tatisimannikkiartornermik kinguneqartumik. Tatsimanninnerit Peqqinnissaqarfimmit misigineqartut misigineqartussatullu naatsorsuutigineqartut kingunerisaanik Peqqinnissaqarfiup Nuummi suliassaqrnerulerneranik kinguneqassaaq tamatumalu kingunerisaanik inissianik amerlanerusunik pisariaqartitsinermik kinguneqassalluni.

Peqqinnissaqarfiup nalilerpaa ukiuni tullerni 10-ni inissiat pisariaqartinneqartussat 120-inik amerlissasut. Kisitsisit pineqartut ima ersarissarneqarsinnaapput Steno Diabetes Center Grønland-imi sulisut inissaat 20 missaat, Dronning Ingridip Napparsimavissuani Peqqissaavianilu tatisimanninnerit annertusiartornerisa kingunerisaanik sulisunut inissiat 20-t. Tamatuma saniatigut inissiat 80-it missaat pisariaqartinneqassapput, inissiat peqqissaqarfimmi sulisunit nammineq ineeraqarlutik ataatsimoorussamilli igaffeqarlutik najugaqatigiiffigisartagaasa atorunnaarsinnissaat Peqqinnissaqarfiup kissatigimmagu. Tamatuma saniatigut inissianik namminersortunit attartortarnerup atorunnaarsinnissaa kissaatiginartinneqarpoq

taarsiulluugulu inissiaatileqatigiiffiit aqquutigalugit inissaqartitsisoqartarnissaa kissaatigineqarluni.

- c) Nuup avataani Peqqinnissaqarfiup sulisunut inissianik pisariaqartitsinera qanoq ippa?

Akissut: 4.5-imi taaneqartutut atorfinittisarnerit eqqarsaatigalugit inissiat pitsaasusaat pisoqaasusaallu eqqarsaatigalugit inissianik ullutsinnut naleqquttunik pisariaqartitsisoqarpoq. Tamatuma saniatigut najukkat ilaanni inissiat ilaqutariit amerlassusaat eqqarsaatigalugit pisariaqartinneqartunit inissaqarnerusut neqroorutigineqartarput. Region Diskomi Aasianni inissianik nutaanik 5-inik pisariaqartitsivoq INI-mit inissanik neqeroorfiginiarneqartarneq sivisoorujussuusarmat inissiallu pioreersut nungullarsimammata. Region Kujataani nalilerpoq inissiat 10-t missaat ullutsinnut naleqquttut Narsami 5-it Nanortalimmilu 5-it pisariaqartinneqassasut, tamatumalu saniatigut Qaqortumi inissiat 5-inik amerlineqatmissaat kissaatigineqarluni. Region Avannaani Qaanaammi Uummannamilu inissiat 4-5-inik ilaneqarnissaat pisariaqartinneqarpoq. Pingaartumik Uummannamut tunngatillugu tamanna annertuumik unammilligassartaqarpoq. Ilulissani inissiat 6-7-it amigaatigineqarput soorluttaaq massakkut inissiat atorineqartut inissianik pitsaanerusunik taarserneqarnissaat kissaatigineqartoq. Inissianik pitsaanngitsunik inissaqartitsisarneq sulisussarsiornermut sulisunillu tigumminniinartarnermut tunngatillugu ajornartorsiutinik pilersitsisarpoq.

Konto pingaarneq 24.01.01: Akileraartarnermut Aqutsisoqarfik, allaffissorneq

- a) Sulisunut atuinissamut naatsorsuutigisat pillugit takussutissiami (qupperneq 354) "AI21"-p nalaani sulisut atukkat nalunaarneqarsimanngitsut ataatsimiititaliamit maluginiarneqarpoq. Tamanna Naalakkersuisut iluarsillugulu kisitsisit ataatsimiititaliamut paasissutissiissutigissagaat ataatsimiititaliamit kissaatigineqarpoq.

Akissut: AI2022 ataatsimiissutiginerani teknikkikkut allannguinermi aqqinneqarumaarpoq.

- b) ERP-system nutaaq atuuttussanngortinneqanerani siumukariartorneq pillugu killiffik Ataatsimiititaliap kissaatigaa, Aningaasaqarnermummi Ataatsimiititaliap ilassutitut aningaasaliissutit december 2020-mi akuerinikummassuk (Ataatsimiititaliap suliaa nr. 01.31.06/20-00921).

Akissut: Akileraartarnermut Aqutsisoqarfimmi ERP-system januar 2021-mi atorineqarluni aallartippoq, systemi atorineqalersimavoq aprilip naggataani. Kommunimi kingullermi atorineqalernissaa aallartinneqarpoq.

- i) ERP-atortup 2022-p qanoq ilinerani tamakkiisumik atorineqalertussatut Naalakkersuisunit naatsorsuutigineqarpa?

Akissut: Kommune kingullermi, Kommune Kujallermi ERP-system atorineqalernissaa ulloq 1. september 2021 aallartippoq, kommunilu september naanerani ERP-systemimut tamakkiisumik atuisuulissallutik. Oktoberimi novemberimilu kommunimi saniatigut ikiuisoqassaaq ingerlatsinermullu tapiissuteqartoqarluni. Tamatuma saniatigut ukiup naaneranut atatillugu

Akileraartarnermut Aqutsisoqarfimmut saniatigut ingerlatsinermut
tapiissuteqartoqassaaq decemberimi. Matuma kingorna ERP
atuuttussanngortinneqarnera naammassissaaq.

Taamaakkaluartoq pingaaruteqarpoq erseqqissaatigissallugu IT-systemimik taamak annertutigisumik, assersuutigalugu ERP-systemi ingerlaavartumik iluarsissuteqartarnissaaq naleqqussaasarnissarlu pisariaqarmat, assersuutigalugu IT-ilerinerup tungaatigut nutaamik inatsiseqalernikkut ineriartornikkullu. Systemip atuuttussanngortinneqarnerata naammassineqarnera siunissami systemimik ineriartortitsinissamut naleqqusaqqinnissamullu aningaasaliissutinik pisariaqartitsisoqassinnavianngitsutut naatsorsuutigineqassanngilaq.

5.5. Konto pingaarneq 24.11.20: Akitsuutit, akiliilluni piniarneq aalisarnerlu
Konto pingaarnermi tassani 300 tkr.-inik isertitaqarnissaaq Naalakkersuisut missingerpaat, tassungalu ilaapput umimmanniarnissamut akuersissutinit 90-init isertitat. 2021-mi umimmanniarnissamut akuersissutit 30-iunissaat missingersuutigineqarpoq.

- a) Taama isertitaqarnissamik missingiineq Naalakkersuisullu juuli 2021-mi nalunaarutaat naapertorlugu juulip qaammataani tammajuitsussarsiniartitsilluni umimmanniartoqannginnera qanoq imminnut ataqatigiippat?

Akissut: Aningaasanut inatsimmik AI2021-mik suliaqarnermut atatillugu isertitat missingersuutaat suliarineqarpoq, tassa 2020 aallartissimalermat. Umimmannik tuttunillu akiliisitsilluni piniartitsisarneq pillugu pisassiissutit tusarniaavigineqarnerat upernaap 2021-mi pivoq. Piffissaaq ukiunik pingasunik sivilussusilik tusarniaassutigineqarpoq, aasaq 2021-mit ukioq 2024 ilanngullugu. Taamaasilluni Outfitterit periarfissinneqassapput ukiut pingasut siumut pilersarusiorfigissallugit. Pisassiissutinik aalajangersaanerit piffissarlu piniarfiusussaaq nalunaarut ukiut pingasut atuuttoq naapertorlugu aalajangersarneqarput. Kingullermik 2018-imiit 2021-ip (ukioq) tungaanut atuuttussaaq aalajangersarneqarpoq. Pisassiissutinik aalajangersaanerit piffissarlu piniarfiusussaaq aalajangiiffigineqannginneranni tusarniaassutigineqartarpoq tamannalu ukioq manna aamma pivoq. 2021-mi qinersereernerup Naalakkersuisunillu inissiinerup kingorna tusarniaaneq naammassivoq. APN-illi nassuerutigaa taama kingusitsigisumik tunngaviusumik atugassarititaasut allanngortinneqarnera pissusissamisuunngitsoq. Naalakkersuisut nutaat inissinneqareernerisa kingorna aatsaat APN-ip tusarniaaneq nassiussinnaasimavaat.

Tusarniaanermut akissuteqaat aalajangernissamut pingaaruteqartoq tassaavoq inuussutissarsiutigalugu piniartut, sunngiiffimmi pinialuttartut kiisalu tammajuitsussarsiniarluni piniarnermik aqqissuussisut ataatsikkut aallartinnissaat. Taamaalilluni piniarneq tammajuitsussarsiniarlunilu piniarneq 1. augustimiit tamanut atuuttumik aallartippoq. Tamanna ilutigalugu nunaqavissut piniarneq avataaneersunit kingulliullutik aallartittannginnissaanut kissaateqarneq pingaarutilerujussuusimavoq.

Naalakkersuisut kommuninit, assersuutigalugu Qeqqata Kommuniani inuussutissarsiutigalugu piniartunit tusarniaanermut akissuteqaataat tusaassallugit

aalajangersimapput, taakkulu piffissaq piniarfiusussaq allanngortinneqarnissaanik kissaateqarsimapput, taamaasilluni inuussutissarsiutigalugu piniartut 1. augustimiit piniarsinnaalernissaat pitsanngorsarneqarluni. Kommunit inuussutissarsiutigalugulu piniartut ukiut arlallit akiliisitsilluni piniarnermut piffissaq piniarfiusussaq allanngortinneqarnissaanut kissaatigisarsimavaat, taamaasilluni inuussutissarsiutigalugu piniartut isiginiarneqarnerussammata. Julimi akiliisitsilluni piniarneq uumasut sumiiffinnut portunerusunut qimaasittarpai taamaasillunilu inuussutissarsiutigalugu piniartunut ajornarsisitsisaruni.

2020-mi akiliisitsilluni piniarneq COVID-19-imik sunnigaavoq piniarneq annikillisillugu imaluunniit piniartoqanngiivilluni, tamatumalu kingunerisaanik isertitat annikipput. Tamanna aamma ukiumi tammajuitsussarsiniarluni piniarnermut atatillugu pivoq.

- b) Isertitassanik nutaanik periarfissaqarnissaq eqqarsaatigalugu tammajuitsussarsiniartitsilluni aallaaniartitsinermi Naalakkersuisut qanoq anguniagaqarpat?

Akissut: Siunissami sulinissamut tunngatillugu aamma piffissami sunnertissimanermi piffissamik tunngasumik naleqqussaannermut APN iliunniuteqarpoq.

Minnerunngitsumillu isertitaqarnissamut periarfissaqaannarpoq tammajuitsussarsiniarluni piniarnermut aaqqissuussisut akuersissutinik neqeroorutinik atuarluaaneratigut taavalu nittarsaassilluarnerunikkut. 2017-imi akuersissutit neqeroorutigineqartut isigigaanni Kangerlussuup sumiiffini akiliisitsilluni piniarnerit tamangajammik ulikkaaqqapput. Sumiiffik akuersissuteqarfigisinnaasaq ataasiinnaavoq. Outfitterinut isertitatigut tunngaviit peernissai kissaatigineqanngilaq. Piniagassanut mikisunut akiliisitsilluni piniarsinnaanissaanut periarfissaqarluassaaq ukiaru.

Kangerlussuup tungaaniinnaanngitsumi aamma sumiiffinni allani akiliisitsilluni piniarneq ineriartortinneqarnissaanut periarfissaqarpoq. Tuttunik umimmannillu akiliisitsilluni piniarnermut pisassiissutit agguarneqarsimasut atorluarneqarneq ajorput. Akuersissutit tunniunneqartut qanoq atorneqartigineri misissorneqarneratigut allannguisoqarsinnaasoq naatsorsuutigineqarpoq, taamaasilluni allanut inissaqartitsisoqarsinnaalerluni imaluunniit aaqqissuisut ingerlatsinngitsut imaluunniit ingerlatserpiannngitsut taarseneqarsinnaalissallutik.

Kalaallit Nunaanni akiliisitsilluni piniarnermut aaqqissuussinermut ilinniarsimasut ukiut ingerlaneranni 40-t 50-illu missaaniipput. Suli ilai akiliisitsilluni piniarnerit ingerlallugit aallartinngilaat imaluunniit akiliisitsilluni piniarneq pillugu nalunaarut naapertorlugu akuersissummik qinnuteqarnikuunngillat.

Taassuma saniatigut Naalakkersuisut takornariaqartitsinermi ineriartortitsinissamut pilersaarummut innersuussipput.

6. Suliassaqarfik 30 Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalakkersuisoq

6.1. Suliassaqarfik ataatsimut isigalugu:

- a) Inatsisinik atuutsitsinermik suliassaqarfik Ineqarnermut, Attaveqarnermut, Aatsitassanut, Inatsisinik Atuutsitsinermut Naligiissitaanermullu Naalakkersuisumut nuunneqarpoq. Suliassaqarfinnik allannguneq kingulleq assigalugu Aningaasaqarnermut Ataatsimiititaliamut ilisimatitsissuteqartoqassava aammalu kontonut pilersaarut AIS22-mi matumani iluarsineqassava?

Akissut: Suliassaqarfinnik allannguneq AI2022-imi allannguutissatut siunnersuutini suliaineqarnissaa naatsorsuutigineqarpoq. Taamaallilluni suliassaqarfinnik allannguinissaq eqqarsaatigalugu aningaasaliinissaq 1. januar 2022-miit atuutilertussatut naatsorsuutigineqarpoq.

6.2. Konto pingaarneq 30.01.03 Isumaginninneq pillugu pikkorissartitseqqinnerit ilinniartitseqqinnerillu

- a) Ilinniarsimanngitsut pikkorissarnissamut ilinniaqqinnissamullu periarfissaasa annertusarnissaannut Naalakkersuisut qanoq eqqarsaateqarpat?

Akissut: Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq 2020-2023-mi ilaatigut isumaginninnermut meeqqanik inuusuttunillu suliassaqarfinni pikkorissarneqarnissamut piginnaasallu ineriartortinnissaat erseqqissarnissaat suliniutigineqarpoq.

Siunertaavoq neqeroorutit kommunit pisariaqartitaanut annertuumik naammassinnissinnaanissaat qulakkiissallugu, ingerlaavartumik misissorneqartartussat. Maassakkuugallartoq suliniutit arlallit aallartinneqarput, taakku immikkut pikkorissarnernut inatsisitigut pisussaaffiusunut aningaasaliissutinut siornatigut immikkoortinneqarsimanngitsunut atorneqarneqarnissai qitiutinneqassapput. Aammattaaq meeqqanut, inuusuttunut inarluutilinnullu ilaqutariinnut sullissivinni, qimarnguinni aamma ulloq unnuarluluaqinnittarfinni sulisunut ilinniarsimanngitsunut pikkorissaanernik ukiuni 2021-2023 ineriartortitsinissaq siunertaavoq. Assersuutaavoq ilinniarsimanngitsunut perorsaanermut tunngasumik kursusernerit qulingiluat kiisalu piginnaasavinnik nalilersuinerit minnerpaamik marluk naammassereersimanissai taamaasilluni qulaajarneqassaaq ilinniarneqanngitsut periarfissinneqarnissaat isumaginninnermi ikiortitut ilinniarnernup ilaanut piginnaasaanik akuersissummik pinissaq. Tamatuma saniatigut Isumaginninnermut Aqutsisoqarfiup immikkoortortaqaqfiini piginnaasanik ineriartortitsinermut ataatsimiitsitaliaq pilersinneqarpoq, tassani Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, ilinniarfeqaqfiit aamma allallu attuumassuteqartut kommunit pisariaqartitai ersersinniarlugit pikkorsissaanernik aaqquissuussissapput ilinniarnernullu tungaatigut suliniutinik inassuteqassallutik. Aammattaaq Isumaginninnermut Aqutsisoqarfiup nittartagaanut atatillugu pikkorissartitsinerit

ammaassiviannik pilersitsisoqalerpoq. Pikkorissartitsinerit ersinnerulernissai pissarsiareriaannanngornissaalu ammaassiviup siunertarai.

6.3. Konto pingaarneq 30.10.37 Nuna tamakkerlugu meeqqanut inuusuttunullu paaqqinnittarfiit

- a) Innarluutilinnut naleqquttuunissaq eqqarsaatigalugu nuna tamakkerlugu ulloq unnuarlu paaqqinniffiit inatsisinik malinnittutut Naalakkersuisunit isumaqarfigineqarpat?

Akissut:

Meeqqat inuusuttullu ulloq unnuarlu paaqqinnittarfinnut inissinneqarsimasut tarnikkut, eqqarsartaatsikkut imaluunniit malussarissutsikkut ajornartorsiuteqakkajuttarput taakkulu alliarternermi sumiginnagaanermik imaluunniit sakkortuumik misigisaqarsimanermik kingunerluutaasarlutik. Ajornartorsiutit pineqartut meeqqat inuusuttullu ulloq unnuarlu paaqqinnittarfiini inissaqartinneqartarput.

Meeraq timikkut innarluuteqarpat innarluutillit paaqqinnittarfianni, pineqartup ikiorneqarnissaminut pisariaqartitsisup naammassineqarsinnaasumi inissaqarnermut periarfissat misissorneqassapput.

Paaqqinnittarfiit nutaat sanaartorneqarput aqqissuunneqarlutillu, tassani inuit innarluutillit isersinnaanissaat atuisinnaanissaallu qulakkeerneqarnissaa aallaaviussaaq.

- b) Kommunit attaveqarneq nukittorsarniarlugu, taamaalillunilu kommunit Namminersorlutillu Oqartussat akornanni anguniakkanik ataatsimoorussinissap anguneqarnissanut, Naalakkersuisut qanoq iliuuseqarpat?

Akissut: Isumaginninnermut Aqutsisoqarfik qaammatikkaartumik kommunit ataatsimeeqatiginissanut aggersaasarput, tassani suliniutinik ataqatigiisaa sarput illugiillutillu ilisimatitsissuteqartarlutik. Kommunit assigiinngitsunik kissaateqaraangata Isumaginninnermut Aqutsisoqarfik ammasorujussuusarpoq.

- c) Kommunit Namminersorlutillu Oqartussat akornanni marloqiusamik allaffissorneq qanoq annertutigaa?

Akissut: Ulloq unnuarlu paaqqinnittarfinnut atatillugu kommunit Namminersorlutillu Oqartussat akornanni marloqiusamik allaffissortoqanngilaq. Kommunit qitiusumik innersuussinnermut systemi aqqutigalugu innersuussisarput, taannalu meeqqat ulloq unnuarlu paaqqinnittarfinnut inissinneqartarnerannut atatillugu paasiuminartuunissaa anguniarlugu pilersinneqarnikuulluni.

- d) Ataatsimiitsitaliap nalilerpaa ulloq unnuarlu paaqqinnittarfiit illoqarfinni ataatsimoortut ingerlatsinikkut aningaasartuutaat katersorneratigut sunneeqatigiittoqarsinnaasoq taamaasillunilu sipaartoqarsinnaalluni. Isumaginninnermut siunnersortit saniatigut matumani ilaatigut eqqarsaatigineqarput biilit, umiatsiat, qamuteralaat il.i. Naalakkersuisut ataatsimiititaliaq isumaqatigaat aammalu

ataatsimoortitsinerup iluaqutissarsiffiunissaa anguniarlugu
Naalakkersuisut qanoq pilersaaruteqarpat?

Akissut: Sunneeqatigiinnissaq taamaasillunilu sipaarnissaq anguniarlugu suliniummik aallartitsisoqareerpoq. Assersuutaasinnaavoq Tasiilami Nuummilu Isumaginninnermut Aqutsisoqarfimmut ulloq unnuarlu paaqqinnittarfii qitiusumik naatsorsuuseriveqalerput. Sisimiuni naatsorsuuseriviit ataatsimoortinneqarnissai aallartinneqarpoq taannalu Isumaginninnermut Aqutsisoqarfiup aningaasaqarnermut immikkoortortaqarfiata ataani immikkoortortaqarfivaraassalluni. Aammattaaq Sisimiuni sunneeqatigiinneq aallartippoq, umiatsiaq, qamuteralaat illuaqqallu agguaqatigiinneratigut. Qanittumi sineriami aamma taamaalisogarnissaa naatsorsuutigaarput.

- e) Paaqqinnittarfiit meeqqanut assersuutigalugu autismeqartunut, tusilartunut, ADHD-tunut, borderlinertunut il.il. naleqqussarneqarnerat Naalakkersuisunit qanoq qulakkeerneqartarpa?

Akissut: Ulloq unnuarlu paaqqinnittarfimmut inissiinissaq pillugu kommunit saaffiginnisseqareeraangata nalilersorneqartarpoq sumut meeraq inissinneqassanersoq, meeqqap pisariaqartitai eqqarsaatigalugit ulloq unnuarlu paaqqinnittarfik sorleq piginnaasaqarfigai.

Ulloq unnuarlu paaqqinnittarfiit sulisuutini pikkorissarnernik/ingerlaavartumik ilisaritsitsinernik neqeroorfigisarpai ulloq unnuarlu paaqqinnittarfiit sullitaanut tunngasunik. Aamma periarfissaavoq paaqqinnittarfiit allat ass. autisme, ADHD, Bordeline il.il. misilittagaqarfigippassuk paasissutissanik aallerfigissallugit.

PI/SPS-imi upernaag 2021-mi ilinniarsimanngitsut pikkorissarnissaannut neqeroorfigineqassapput. Konto pingaarneq 30.01.03-mit aningaasaliiffigineqassapput taakku. Isumaginninnermut Aqutisoqarfik PI / SPS qanimut suleqatigalugit pikkorissarnerit taakku ineriartortippaat.

- f) Inissat qupperneq 403-mi taaneqartut amerlassusiat nutarterneqarsimasorinanngilaq. Inissat qanoq naatsorsorneqarpat, tamannalu inatsisinut naapertuuttumik piva?

Akissut: Kukkuneq AIS2022-p aappassaaneerneqarnerani allannguutissatut siunnersuutini iluarsineqarnissaa ujartorneqassaaq, 2022-mi inissat amerlassusaaq naatsorsuutigineqartut kommunit isumaqatiginninniarneqarneratigut naatsorsorneqarput, inissaqartitsinerillu amerlassusaaq tamakkerlugit takutinneqarlutik.

- g) Ulloq unnuarlu paaqqinniffinni inissat 2022-mi ukiunilu missingersuusiortiusuni tamakkiisumik atorneqarnerat qupperneq 403-mi allassimammat inissat amerlineqarnissaannut Naalakkersuisut pilersaarutaat ataatsimiititaliamit apeqquutigineqarput?

Akissut: Tamakkiisumik atorneqarnerat 100%-iunissaa naatsorsuutigineqarpoq, kommunillu pisariaqartitaanut naapertuuttumik inissat amerlinissaanut sulissuteqartoqarluni. Naalakkersuisut taamaallaat meeqqat qitiusumik Inissiinissamut innersuussisarfiimmit innersuunneqartut ilisimavai. Pisariaqartitaviit ilisimaneqarnissai pisariaqarpoq kommunillu inissiinissamut

innersuussisarfiit ilisimatissavai nammineq meeqqanut immikkut pisariaqartitsisunut suliniutit suut pilersississimanerlugit.

6.4. Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

- a) Ingerlatani meeqqap pisariaqartitaasa, angajoqqaatut oqartussaassuseqartut aammalu ilaqutariit paarsisut aningaasaqarnikkut atugaasa akornanni immikkut isiginiagassaqaarnerani ulluinnarni naapertuutinningsunik Naalakkersuisut paasisaqarsimappat?

Akissut: Suliassaqaarfik kommunit susassaqaarfigaat taamaammallu apeqqutigineqartoq Naalakkersuisut aalajangersimasumik misilittagaqarfiginnigilaat.

- b) Tamatumani pineqartoq tassaasinnaavoq ilaqutariit paarsisut piniariarneranni imaluunniit nunanut allanut sulinnigiffeqarlutik angalaneranni meeqqap paarisap ilaasinnaanneginnera, tassa meeqqap paarsap peqataanissaanut aningaasanik immikkoortitsinissamut periarfissaqaarsimanani imaluunniit assersuutigalugu angajoqqaatut oqartussaannermi isiginiagassat pingaarnerusimanerat.

Akissut: Apeqqut 6.4. a-mut akissut innersuussutigineqarpoq.

- c) Ilaqutariit paarsisut aningaasaqarnikkut, tassungalu ilanngullugu akileraartarnikkut akiligassanik aqutsinerlunnerat pissutigalugu paarsinerup taamaattariaqaarsimaneranik imaluunniit allatut akornuserneqaarsimaneranik Naalakkersuisut paasisaqarsimappat?

Akissut: Apeqqut 6.4. a-mut akissut innersuussutigineqarpoq.

- d) Tamanna Naalakkersuisunit eqqumaffigineqarpa aammalu ajornartorsiut Naalakkersuisunit qanoq iliuuseqarfigineqalersarpa? Ajornartorsiut tamanna taamaaliornikkut iluarsineqarsinnaappat aningaasaqarnikkut aqutsinermik ilaqutariit paarsisartut assigisaallu pikkorissartinneqarnissaasa neqeroorutigineqarnissaa Naalakkersuisunit isumaliutigineqarsimava?

Akissut: Naalakkersuisut ilisimavaat ilaqutariit paarsisartunut tunngasuni unammilligassaqaartoq arlalinnik taakkulu pillugit kommunit oqaloqatigineqarput.

- e) Arnanut meeralinnut persuttagaasimasunut nuna tamakkerlugu qimarnguiullunilu katsorsaavik qupperneq 407-imi takussutissiami innersuussutigineqarpoq. Naligiissitaanerup aqqani periarfissaq taanna angutitut aamma piusariaqartoq ataatsimiititaliaq isumaqarpoq. Angutitut qimarnguinnik pilersitsinissaq pillugu Naalakkersuisut qanoq isumaliuteqarpat?

Akissut: Naalakkersuisut ilisimavaat angutit persuttagaasartut aamma neqeroorfigineqarnissaminnut pisariaqartitsisartut. Pisariaqartitsineq qulaajaneqaaqqaartariaqarpoq suliniutit suut pisariaqartinneqaarnersut isumaliutiginitinnagit. Angutit persuttagaasimasut pillugit paqumisuttarneq tassunga atatillugu aamma aporfiusinnaavoq.

6.5. Konto pingaarneq 30.10.48 Isumaginninnikkut peqqissutsikkullu pinaveersaartitsineq

- a) Pineqartut angajoqqaatut piginnaasaasa nukittorsarneqarnissaannut nunaqarfiit ilaanni MANU-p pisariaqartinneqarnera annertunerusoq ataatsimiititaliaq isumaqarpoq. Pisariaqartitsinerup tamatuma iliuuseqarfigineqarnissaanut Naalakkersuisut qanoq iliulersaarpat?

Akissut: *Kalaallit Nunaanni meeqqanut inuusuttunullu atugarliortunut pitsaanerusemik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq-mi suliniut 1 aqqutigalugu ilaqutariit mianerisassat sullinnissaanut kommunini tamani marluk atorfinitsinnissaanut missingersuusiortoqarpoq, taakkulu immikkut MANU-mit angajoqqaannngortussanik piareersaanermi pikkorissaasussaallutik. Tassunga atugassat suliarineqarput.*

Suliniut *Ilaqutariinni naartusortalinni siusissumi iliuuseqarneq* tamakkiisumik pinaveersaartitsinermik aallaaveqarlutik periuseqassapput, taakkulu sumiginnaasarneq pinaveersaartinnissaa siunertaraat aamma meeqqat inuunermi aallartilluarnissaat ilaqttani toqqissisimanartuni isumassuisunilu alliatornissaat qulakkeerniarlugu.

Ilaqutariinni naartusortalinni siusissumi iliuuseqarneq pingaarnertut siunertaa anguniarlugu *Kalaallit Nunaanni meeqqanut inuusuttunullu atugarliortunut pitsaanerusemik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq* ataani suliniut 2 aallartinneqarpoq. Suliniutip siunertaraa:

- kommunini sagsbehandlerit peqqissutsimullu tunngasuni sulisut akornanni suleqatigiinneq nukittorsariniaarlugu periutsimik ineriartortitsinissaq (aaqqitaq), taamaalilluni siusissukkut iliuuseqarnissamut sulinnissaq aaqqissuussaallu arnerussaaq aamma meeqqamut aamma/imaluunniit angajoqqaanut siuariarneq qitiutillugu suliniut pitsaassusaanik tapersiisoqassalluni.
- siunnersuisarnermut atortussanngortitsisarnermullu taperseruinerit ineriartorteqqinnissai taamaasilluni nunagisami suliniuteqartartut siunnersorneqarnissaminnut pisariaqartitsileraangamik pissarsiareriaannanngussavaat atoriaannanngorlugillu.

- b) Pinerluuteqarsimasut nakuusertartullu ilaqutaasa isumaginninnikkut suliniuteqarnikkut pitsaaliuinissaq aallunneqarnerusariaqartoq ataatsimiititaliamit kissaatigineqarpoq. Tamatuma aningaasanut inatsisissatut siunnersuummut ilanngunneqarnissaanut Naalakkersuisut qanoq pilersaaruteqarpat?

Akissut: Paasissutissiisutigineqarsinnaavoq pinerliisut nakuusersimasullu Alliami katsorsarnertik ingerlatilereermassuk. Aamma nereroorummi aappariit oqaluussinermi peqataasinnaanissaat periarfissaavoq. Taamaasilluni ilaqtatt sunnertissimasut siunissami suliniuteqarnikkut pinaveersaartitsineq qulakkeerneqassaaq.

6.6. Konto pingaarneq 30.10.49 Sumiginnagaasarneq akiorniarlugu isumaginninnikkut suliniutit

- a) Qupperneq 412-imi immikkoortup aappaani pingajuanilu ukiut 2019 aamma 2020 innersuunneqarput. taakku tassaassannginnerput 2020 aamma 2021?

Akissut: Aningaasaliissutit 20 mio. kr.-nit ulloq 18. december 2019 ilassutitut aningaasaliissutigineqarput, taamaammallu 2019-imut 2020-mullu innersuunneqarput.

6.7. Konto pingaarneq 30.13.07 Danmarkimi Kalaallillu inissiinermut qitiusumik immikkoortitat

- a) Innarluutilinnut Danmarkimut inissitanut Kalaallit Nunaat - allaat immaqa ukiut 30-t qaangiunneranni – suli akiliuteqartuassanersoq Naalakkersuisunit isummerfigineqassasoq ataatsimiititaliamit kissaatigineqarpoq.

Akissut: Aningaasaliissutit immikkoortitat ukiuni missingersuusiorfiusuni annertuumik millisinneqarput. Immikkoortinneqartut ingammik Danmarkimi inissiinernut akisunernut, taamalu pisariunernut atorneqartarput. Kalaallit Nunaanni inunnut innarluutilinnut najugaqarfissatut neqeroorutininik sanaartortoqartillugu ilimagineqartariaqarpoq siunissami pisiariaqartitsineq annikilliartuaarnissaa.

Eqqaasissutissiissutigineqassaaq inuit innarluutillit pineqartut tamarmik Danmarkimi isumaginninnikkut oqartussaasunit Kalaallit Nunaaneersunit inissinneqarmata, pissutigalugu inissinneqarfiup nalaani Kalaallit Nunaannit naleqquttumik najugaqarfissatut neqeroorutissaqanngimmat. Innuttaasut taakku Kalaallit Nunaannut attaveqaveqarput, kisiannili aamma Danmarkimut attaveqalernikuullutik sivisuumik inissinneqarnikuunertik pillugu.

Ersersinneqassaaq Danmarkimi inissinneqarsimasut Kalaallit Nunaanni najugaqarfissatut neqeroorutininut suliamut ilisimasaqartutalinnut utersinnaassammata. Tassani inissinneqarsimasup kissaatai pingaaruteqarput.

6.8. Konto pingaarneq 30.13.41 Innarluutilinnut angerlarsimaffiit

- a) Qupperneq 418-imi takussutissaq (suliassami kisitsisissatut naatsorsuutigisat) eqqortumik takutitsisorinanngitsoq ataatsimiititaliamit eqqumaffigeqquneqassaaq. Taamaattumik takussutissaq eqqortoq ataatsimiititaliamit qinnutigineqarpoq.

Akissut: Kukkuneq AIS2022-p aappassaaneerneqarnerani allannguutissatut siunnersuutini iluarsineqarnissaa ujjartorneqassaaq,

6.9. Konto pingaarneq 30.13.43 Pissassarfik

- a) Pisassarfik qanoq annertutigisumi atorneqarpa?

Akissut: 2020-mi pikkorissartitsinerit innuttaasunullu tunngasunik ingerlatsinerit ukuupput:

- Innuttaasunut, ilaqtutanut/qanigisanut, sagsbehandlerinut suliamullu tunngasunik ilisimasallit pikkorissaatit arfineq-pingasut pilersaarusiorneqarput, tassanilu pikkorissarnerit pingasuinnaat naammassipput COVID-19 peqqutaalluni.

- Innuttaasunut, sagsbehandlerinut suliamullu tunngasunik ilisimasallit pikkorissarneqarput, tassani pikkorissaanerit pingasut Human Insight isumagai. Pikkorissartitsinerimi 89-it peqataasimapput.
- 41 innuttaasunut tunngasuni nuna tamakkerlugu innuttaasut 41-ut, tassani 44-t ingiaqataasuupput.

6.10. Konto pingarneq 30.14.31 Meeqqat pisinnaatitaaffii pillugit suliffik

- a) Quppernermi 429-mi takussutissiami / missingersuutit immikkoortiternerini ersarissunngorlugu nalunaagaq kukkusumik inissinneqarsimasoq aammalu nalunaarsukkat ataatsimik amerlanaagaasimasut ataatsimiititaliamit eqqumaffigeqquneqassapput, taamaattumillu iluarsissut ataatsimiititaliamit qinnutigineqarpoq.

Akissut: AI2022 ataatsimiissutiginerani teknikkikkut allannguinerimi aaqqinneqarumaarpoq.

6.11. Konto pingarneq 30.30.04 Innarluutillit Illersuisuat

- a) Suliassaqarfik pingaarnerusunngortinneqarlunilu nukittorsarneqartariaqartoq ataatsimiititaliaq isumaqarpoq. Tamatumunnga assersuutissatut taaneqarsinnaavoq tusilartunik paarsisut tamarmik ussersorsinnaanissaat. Tamanna Naalackersuisut qanoq isumaqarfigaat?

Akissut: Innarluutilinnut tunngatillugu tamakkiisumik iluaqutissartalimmik nukittorsarneqarsinnaanera tunngaviusumik Naalackersuisut isumaqataapput. Tusilartunik paarsisut tamarmik ussersornissaanissaanut siunnersuummut atatillugu pissusissamisuussagaluarpog tusilartunut paarsisut ussersorluni attaveqatigiittarnermut pikkorissarnikkut tulluarniarlugit periarfissanik ujaasinissaq. Paarsisut tamakkerlugit ussersorluni tamakkiisumik attaveqarnermut ilikkarnissaat pivusorsiortuunngitsutut nalilerneqarpoq, kisianni ussersornerup iluani attaveqatigeeriaaseq pillugu paasisimasaqarnerulissapput paarsisuuffigisartillu attaveqatiginerusinnaalissavaat ussersornikkut nutserisut ilinniarsimasut pikkorissaanerisigut.

6.12. Konto pingarneq 30.30.06 Inuit Pisinnaatitaaffii pillugit Siunnersuisoqatigiit

- a) 1,5 mio. kr.-inik qaffaaneq siunnersuisoqatigiit suliassaminnik isumaginninnissaannut naammannersoq ataatsimiititaliamit apeqquserneqarpoq.

Konto pingaarnermut matumunnga aningaasanik amerlanerusunik immikkoortitsisoqarnissaa Naalackersuisunit naatsorsuutigineqarpa?

Akissut: Siunnersuisoqatigiit ukiumut 1,5 mio. kr.-nik ilaqqiissutitut tapiiffigineqartarnerani suliartik naammassisinnaagaat Naalackersuisut isumaqarput, tassani siunnersuisoqatigiit allatuulli allaffissornikkut immikkoortortaqaqfeqarmata nammineerlutik aningaasaqarnertik ingerlaavartumik aqunnissaat uukkatarisussaavaat aamma suliassartik pissusissamisoortumik pingaarnersiornissaat qulakkiissavaat.

7. Suliassaqarfik 31 Isumaginninnermut Sulisoqarnermullu Naalakkersuisoq

7.1. Konto pingaarneq 31.02.01 Inersimasunut inuunikkut atugarliortunut suliniutit

- a) Innuttaasut sinerissap sinneranit Nuummut nutsertut, inissarsinngitsoortulli, nassatarisaannik ajornartorsiutit iliuuseqarfiginiarlugit Naalakkersuisut qanoq iliuuseqarnissamik pilersaaruteqarpat?

Akissut: Naalakkersuisut angerlarsimaffeqanngitsunut periusissamik suliaqarnertik aallartippaat, tassani ajornartorsiutigineqartoq ilaavoq.

- b) Angerlarsimaffeqanngitsut adresseqanngitsullu immikkoortinneqartariaqartut ataatsimiititaliaq isumaqarpoq. Angerlarsimaffeqanngivissortut qanoq amerlatiginerat Naalakkersuisunit ilisimaneqarpa, taakkulu amerlassusiannik naatsorsuusiordermi periuseq qanoq ittoq atorineqalersaarpa?

Akissut: Naalakkersuisut ilisimavaat angerlarsimaffeqanngitsuunerup pisariunera taavalu angerlarsimaffeqanngitsuuneq arlalinnik peqquteqarsinnaasoq. Naalakkersuisut Angerlarsimaffeqanngitsut pillugit oqallittarfimmik pilersitsereerpoq tassani kommunittut, INI A/S, politittut, peqqinnissaqarfik, Allorfik, Kofoed Skole, Pinerluttunik Isumaginnittoqarfik, Ilisimatusarfik, Isumaginninnermut Aqutsisoqarfik aamma Namminersorlutik Oqartussani Naalakkersuisoqarfiit arlallit ilaatinneqarput. Tullissaani ataatsimiinnermi taakku angerlarsimaffeqanngitsuuneq nassuiaasarsussavaat, nassuiaammilu angerlarsimaffeqanngitsut najugaqanngitsullu akornanni ataatsimiititaliap immikkoortitsinissaa ilaassaaq.

Angerlarsimaffeqanngitsut amerlassusaat pillugit arlalinnik misissuisoqareerpoq kisianni kisitsisit paasissutissiissutigineqartut nalorninartinneqarnikuupput. Taamaattumik Ilisimatusarfik angerlarsimaffeqanngitsut kisinnissaanut isumaqatigiissuteqarfigisimavaa upernaak 2022 naammassinissaa naatsorsutigineqarpoq. Angerlarsimaffeqanngitsut pillugit oqallittarfik, oqallisseqataasullu angerlarsimaffeqanngitsuusut angerlarsimaffeqanngitsunut periuseq suliarissavaat.

- c) Oqaloqatigiittarfinnik pilersitsinissaq eqqartorneqarsimavoq. Suliassaqarfiup ineriartortinneqarnissaanut Naalakkersuisut qanoq allanik pilersaaruteqarpat?

Akissut: Apeqqummut a-imut b-mullu akissuteqaatit Naalakkersuisut innersuussutigivaat.

- d) Aningaasaliissutit immikkoortunut marlunnut avitaasut, tamannalu periuserineqartussap ersernerlunneranik kinguneqartoq ataatsimiititaliaq naliliivoq. Inersimasunut inuunikkut atugarliortunut suliniutissat pillugit Naalakkersuisut nuna tamakkerlugu qanoq periuseqarpat?

Akissut: Naalakkersuisut angerlarsimaffeqanngitsunut periuseq suliarissallugu eqqarsaatigaa suliniutillu siulliit aallartereerlutik.

- e) Aningaasaliissutit ikinnerannut sanilliullugu konto pingaarnermi matumani iliuusissanut tunngatillugu kommunit qanoq atuuffeqarpat?

Akissut: Konto pingaarnermi matumani pilersinneqarpoq tapersiissutit suliniutinut kajumissutsiminullu suleqataasunut agguarnissaa siunertaralugu. Angerlarsimaffeqanngitsuut periusissaq suliarineqarneranut atatillugu konto pingaarnermut qanoq kommune sunniuteqassanersut erseqqissarneqarumaarpoq.

- f) Konto pingaarnermut matumunnga suliasami kisitsisit ataatsimiititaliamit amigaatigineqarput.

Akissut: Sulianut atatillugu kisitsisinik paasissutissiissuteqartoqarsinnaasimanngilaq. Sulianut atatillugu kisitsisinik

peqalerpat suliami ilaatinneqarumaarput.

7.2. Konto pingarneq 31.02.07 Utoqqaat Illersuisuat

- b) Illersuisut sinnerinut sanilliullugu utoqqaat illersuisuannut aningaasaliissutit ikinnerupput. Sooq taamaappa?

Akissut: Utoqqaat illersuisuat allaffissornerup tungaatigut Meeqqat Illersuisuattut Innarluutillillu Oqaaseqartartuattut pisussaataaanginnera peqqutaavoq.

- c) Namminerisamik allatseqarfimmik il.il. utoqqaat illersuisuat pilersitsissasoq paasissutissiissutigineqarpoq, aningaasaliissutilli sulisunik atorfinitsinissamut angalanissamulluunniit periarfissiinnngillat. Illersuisoq iliuusissanik nutaanik siunnersuuteqarsinnaasoq missingersuutinut ilanngussami allassimavoq. Illersuisoq siunnersuuteqarsimanersoq paasissutissiissutigineqassasoq ataatsimiititaliamit kissaatigineqarpoq. Kiisalu utoqqaat illersuisuannut naatsorsuutigisatik suunersut erseqqissaatigeqqullugit Naalakkersuisut qinnuigineqarput.

Akissut: Naalakkersuisut nalilerpaat aningaasaliissutit inunnut marlunnut akissarsiaqartitsinissamut kiisalu angalanissaannut naammattut. Aningaasaliissutini aamma allatseqarfimmik pilersitsinissamut inimullu akiliutissanut aningaasassaqqarpoq, soorlu aamma aningaasanik avataanit immikkut ilisimasaqartumik pisinissamut annikitsumik immikkoortitsisoqarpoq.

Siuliani Utoqqaat illersuisuat angalanermut ukiumullu nalunaarummik suliaqarnikuuvooq, taakkunani siunnersuuteqarpoq. Angalanermut nalunaarummi angerlarfimaaffimmi ikiortit pillugit kommunit innuttaasullu oqaloqatigineqarat tunngavigalugit aalajangersimasumik siunnersuuteqartoqarpoq. Ukiumut nalunaarut arfineq-pingasunik immikkoortoqarpoq, tassani pingasut siunnersuutaapput tallimallu kissaataallutik.

Utoqqaat illersuisuat utoqqaat pillugit ilisimasani politikkerinut, oqartussanut, kattuffinnut innuttaasunullu ingerlatseqqissagai naatsorsuutaavoq. Utoqqaat Illersuisuat utoqqaat soqutigisai qaammarsassavai aamma uukkatasissavai kiisalu inuiaqatigiinni utoqqaat atugaat pillugit ilisimatitsiisassalluni. Utoqqaat Illersuisuat innuttaasunut utoqqaanerusunut, oqartussaasunut, kattuffinnut peqatigiiffinnullu siunnersuisalluni ilitersuussissallunilu. Utoqqaat illersuisuat inuiaqatigiinni oqallinnermi peqataasarnissaa, utoqqaat sinnerlugit

oqaaseqartussatut kiisalu inatsisinik suliniuteqarnermi utoqqarnut tunngasunut tusarniaaffigineqartarnissaa naatsorsuutigineqarpoq.

- d) Suliassami isumaginissaannut aningaasat sulisullu naammattut pisariaqartullu utoqqaat illersuisuannut atugassanngortinneqarnissaat ataatsimiititaliamit pingaartinneqarpoq.

Akissut: Naalakkersuisut isumaqataapput aamma Naalakkersuisut aningaasanut inatsississatut siunnersuummi matumani taamaattoqassasoq naliliivoq.

- e) Utoqqarnut suliassaqaarfimmi kommunit annertuunik aamma suliassaqaarput. Qulequtaq pillugu Namminersorlutik Oqartussat kommunillu akornanni suleqatigiissinnaaneq ataatsimiititaliamit ujartorneqarpoq.

Akissut: Naalakkersuisut utoqqarnut periusissamik suliaqalerput. Aqutsisoqatigiinni kommuni sinniisoqarpoq kiisalu periusissiornermi suliassaqaarfiit sisamat suliaqarfigeqataassallugit. Kommunit taamaasillutik siunissami utoqqarnut tunngasuni patajaallutik peqataassapput.

- f) Konto pingaarnermut matumunnga suliassami kisitsisit ataatsimiititaliamit amigaatigineqarput.

Akissut: Sulianut atatillugu kisitsisinik paasissutissiissuteqartoqarsinnaasimanngilaq. Sulianut atatillugu kisitsisinik attuumassulilinnik peqalerpat ilanngunneqarumaarput.

- g) Utoqqaat illersuisuata suliassai utoqqaat kattuffiata ataaniittariaqannginnerpat?

Akissut: Illersuisut tamaasa taamak suliaqarnissai pissusissamisoorsorineqarsinnaavoq. Naalakkersuisut taamaallaat isummorsorfigisinnaavaat Inatsisartut aalajangiunnikuummassuk allaffissortussamik atorfirmik utoqqaat illersuisuattut pilersistsissallutik. Inatsisartut allamik aalajangiissagaluarpata Naalakkersuisut isummorsorfigiumaarpaat.

7.3. Konto pingarneq 31.02.12 Danmarkimik eqqartuunneqarsimasunik oqaloqatiginnittartoqarneq

- a) Suliassaqaarfimmi maleruagassat aaqqissuuteqqinneqarnerarneqarput. Maleruagassatigut tunngavinnik allannguiniarneq sumut killippa?

Akissut: Naalakkersuisut paasissutissiissutigisinnaavaa malittarisassat tunngaviat allanngortinneqassappata

danskit Illersornissamat ministeriaqarfianit aaqqinneqassammata. Ministeriaqarfiup paasissutissiissutigaa eqqartuunneqarsimasunik oqaloqatiginnittartut pillugit nalunaarut allanngortinneqartoq ukiamullu 2021-mi tusarniaassutigineqarnissaa naatsorsuutigineqarluni.

7.4. Konto pingarneq 31.03.20 Ineqarnermut tapiissutit

- a) Assersuutigalugu innarluutilimmik paasinermut atatillugu ilaqutariit imaluunniit rollatorinik atuisut ineqqamik allamik pisariaqartitsisinnaanerit suliassaqaarfimmi ilanngullugu isiginiarneqarneq

ajortoq aammalu maleruagassat maannatut itsillugit ineeqqamik allamik peqarnissamik apeqqummut tunngatillugu naammagittaalliornissamut periarfissaqanngitsoq ataatsimiititaliamit oqaluuserineqarpoq. Tamanna Naalakkersuisunit qanoq isumaqarfigineqarpa?

Akissut: Qitiusumik malittarisassaq tassaavoq ineqarnermut tapiissuteqartoqarsinnaanngitsoq init najugarineqartut najugaqartunut naleqqiullugu sinnerneqarsimappata, saneqqunneqarsinnaavorli ineqarnermut tapiissutit pillugit Inatsisartut inatsisaat § 3, imm. 5 naapertorlugu. Immikkut akuersissuteqartoqarsinnaavoq piumasaqaataappat, assersuutigalugu meeraq angerlarsimaffiup avataanut inissittariaqarpat, ilaqtariit meeqqap sinittarfia paarisinnaavaat angerlartinneqaqqinnissaa eqqarsatigalugu. Oqaaseqaatini allaqqavoq aalajangersakkap inissaqartikkaa inuppalaartumik silatusaartumillu mianerinninnissaq pissutsit takutippassuk tamanna pisariaqartinneqartoq. Tamanna ilutigalugu inuit innarluutillit tapersersorneqarnissaannut Inatsisartut inatsisaat siunertaani Naalakkersuisut isumaqarput inissiani attartortittakkani ineqarnermut tapiissutit pillugit inatsimmi § 3, imm. 5 tunngaveqarluartumik naliliisoqarpat atorsinnaassasoq inunnut innarluutilinnut paarsisut eqqarsaatigalugit inimik ataatsimik atorfissaqartistsisoqarsinnaanera.

7.5. Konto pingaarneq 31.03.34 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqarneq

- a) Aningaasaliissutit konto 30.10.34-mit nuunneqartut AIS22-p danskisuuani allassimavoq. Kalaallisuanili allassimalluni konto 31.10.34-mit nuunneqartoq. Kukkuneq iluarseqqullugu Naalakkersuisut qinnuigineqarput.

Akissut: AI2022 ataatsimiissutiginerani teknikkikkut allannguinermi aaqinneqarumaarpoq.

7.6. Konto pingaarneq 30.03.36 Ininermi ullormusiat

- a) Konto pingaarnerup qulequtaani 30.03.36 allassimavoq aammalu konto pingaarneq 31.03.36-mit nuunneqarsimasoq. Qinersinerup kingorna suliassa qarfinnik allanguineq pillugu Naalakkersuisunit Aningaasaqarnermut Ataatsimiititaliamut ilisimatitsisummi ima allassimavoq: "*konto pingaarneq, 30.10.36 Erninermi ullormusiat, 34.305.000 kr.-nik ilanngarneqassasoq aamma konto pingaarneq, 31.03.36 Erninermi ullormusiat, 34.305.000 kr.-nik ilaneqassasoq* ." Kukkuneq iluarseqqullugu Naalakkersuisut qinnuigineqarput.

Akissut: AI2022 ataatsimiissutiginerani teknikkikkut allannguinermi aaqinneqarumaarpoq.

7.7. Konto pingaarneq 31.07.03 Nuttarnersitsiniarluni aningaasaliissutit

- a) Aaqquissuussineq Naalakkersuisunit qanoq misilittagaqarfigineqarpa aammalu iluatsittut amerlassusiat misissorneqarsimava?

Akissut: 2020-mi nuttarnersitsiniarluni aningaasaliissutit annertuumik apparuarujussuarput 2019-imut naleqqiullugu. Naalakkersuisoqarfiup nalilerpaa innuttaasut ataatsimut isigalugit piffissami aalajangersimasumi sulinissami angalaneq ornigunartikkunnaarneqariartuaartoq. Tamatuma saniatigut covid-19 peqqutaataasorineqarpoq, piffissami tassani nunap iluaniiginnarluni angalanerit

qaammaterpassuit taamaatinneqarmata taassumallu nalaa aalisakkeriviit tunitsiviunerpaasarualutik.

2020-mi atorfik ataasiinnaq taamaallaat nuttarnersitsiniarluni aningaasaliissummik tunineqarpoq. Piffissaq aalajangersimasumi sulisut 43-ut aningaasaliissutigineqarualuput 2020-mi. Annertunerpaamik piffissami aalajangersimasumi aalisakkerivinni sulisut (inuit 21-it) Kommuneqarfik Sermersuumeersuupput, Tunuminngaanniit. Annertunerpaap tulleraa nuttarnersitsiniarluni aningaasaliiffigineqartut piffissami aalajangersimasumi Kommune Kujallermeersuupput inuillu 13-iullutik. Piffissami aalajangersimasumi sulisartut 30%-ii kommuninit allaneersuupput.

Nuttarnersitsiniarluni aningaasaliissutit 15-it 2021-mi ulluleneqarput, tassani aningaasaliissutit 14-it piffissami aalajangersimasumi sulisartunut Tasiilameersunut Avannaani aalisakkerimiittussat.

Nuttarnersitsiniarluni aningaasaliinissamut periarfissaq aallaqqaataani najugaqarfik qimallugu suliffeqarsinnaanermut periarfissiinissaq tunngaviusimavoq aamma sulisinnaasoq aningaasatigut artukkerneqannginniassammat nuunnissaanut angalanissaanullu ikiuisoqarsinnaalluni.

Nuttarnersitsiniarluni aningaasaliissutit piffissami aalajangersimasumi sulisartunut angalanermut aningaasartuutit 2014-imili periarfissaalersimavoq. Tassani ilaqutaasut nuunnermi akiliunneqarnissaat ilaatinneqanngilaq. Piffissami aalajangersimasumi sulisartut aningaasaliiffigineqartarnert nuttarnersitsiniarluni aningaasaliissutinit annertuumik qaffariarsimavoq.

Piffissami aalajangersimasumi sulisartut sivisuumik suliffissaannik tunineqarneq ajorput, aamma aalisakkerivinni piffissami aalajangersimasumi sulisartut tapiissutit tunineqaannavinninnissaat ingalasimaartinniarlugit, Naalakkersuisut suliassaqaqfimmi tassani maleruagassat allanngortinnissaat eqqarsaatigaat. Naalakkersuisut naleqquttumik tapiisoqaannarnissaa qaulakkiisavaat, sulerusuttoq nuna ilaanut allamut suliartorumasinnaalluni tassani suliffissaq atorfiniffigisinnaanngikkaluartoq.

- b) Aaqquissuussineq atornerlunneqartartoq ataatsimiititaliamit ilaatigut oqaluuserineqarpoq. Aaqquissuussinerup atornerlunneqannginnissaa aammalu pissarsisut sakkortunerusumik piumasaqarfigineqarnissaat Naalakkersuisunit qanoq qulakkeerneqassava?

Akissut: Nuttarnersitsiniarluni aningaasaliissutit qinnuteqaatit pillugit Naalakkersuisut kommunit qanimut ingerlaavartumik attaveqarfigisarpai. Kommunit nalunngilaat aaqquissuussineq atornerlunneqarpat Naalakkersuisoqaqfimmut nalunaarutigissalugu. Aammattaaq pineqartoq nammineerluni suliunnaarpat imaluunniit nammineq pisuussutigalugu suliunnaarsinneqarpat tapiissut utertinneqarnissaa piumasaqaataassaaq Nuttarnersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-meersumi aalajangersagaq naapertorlugu.

Naalakkersuisut 2019-imi pisoq ilisimavaat, tassa inuit sisamat (piffissaq aalajangersimasumi sulisartut) aalakoortut aserortersimanerat eqqunngitsumillu pissusilersorsimanerat. Pineqartut suilsutsisumik suliunnaarsinneqarput Naalakkersusoqarfimmullu angerlamut angalanertik utertittussanngorlugit.

2021-mi Naalakkersuisut ilisimatinneqarput inuk aalakoortoq (piffissaq aalajangersimasumi sulisartuq) akuerineqarsinnaanngitsumik aalakoortut pissusilersorsimasuq taamaattumillu Naalakkersuisoqarfimmit angerlarnera akileqquneqarluni. Naalakkersuisut aqqissuussamik kommunit sulisitsisulluunniit sulisussaminnik katersuisartut aqqissuussinermi taparserneqarlutik, atornerluisimanersut maluginiarsimanngilaat.

- c) Sulinermi kommunit annertunerusumik akuutinneqarnissaat Naalakkersuisut isumaat malillugu pisariaqartinneqarpa?

Akissut: Nuttarnersitsiniarluni aningaasaliissutinik sulineq pillugu kommunit oqaloqatigilluarneqarput. Naalakkersuisut paasinninnerat malillugu kommunit sapinngisamik akuutinneqartarput.

- d) Suliffeqarsimannginnermit ullormut akunnerni arfineq pingasuni sulilernermi ikaarsaernerup annertuallaarnera pissutigalugu sivisuumik suliffeqarsimanngitsut katataasarnerat ataatsimiititaliamit ilisimaneqarpoq. Suliffeqalernermi ataasiakkaat pisariaqartitarisinnaasaasa isiginiarneqarnissaannut Naalakkersuisut qanoq periuseqarpat?

Akissut: Sulisitsisut (oqartussaasuni imaluunniit namminersortuni) suliffeqarfiutimini sulisussarsiortarput. Kina atorfinisanersoq imaluunniit nuttarnersitsiniarluni aningaasaliissutit pillugit qinnuteqassanersoq Majoriap sunniuteqarfiginngilai.

Innuttaasut sivisuumik suliffeqanngitsut imaluunniit sulisinnaanermut atatillugu peqqissutsikkut killillit piginnaanngorsaqqinneq pillugu malittarisassat naaportorlugit suliffeqarfinnut utertinneqarnissaanut ikiorneqarsinnaapput. Apeqqutinut 7.8.akissut aamma takuuk.

7.8. Konto pingaarneq 31.07.04 Piginnaanngorsaqqinneq

- a) Aqqissuussinernerup amerlanerusunit atornerneqarnissaanut ilitsersuinerullu sukumiinerusup taakkununga atornerneqarnissaa pillugu Naalakkersuisut qanoq periuseqarpat?

Akissut: Piginnaanngorsaqqiinissaq aallartinneqannginnerani piginnaanngorsaqqittussat tamakkerlugit qulaajarneqaaqqaarnissaat inatsisitigut piumasaqaataalerpoq 1. juli 2017 aallarnertigalugu.

Qulaajaanermi sulisinnaassuseq qulaajarneqassaaq aamma suliffeqarfinnut ilisaritinnertut ingerlassalluni. Qulaajaanissamut periuseq Naalakkersuisoqarfimmit ineriartortinneqartoq kommuninullu atorsinnaanngortinneqarnikoq sapaatit akunneranik pingasunik sivisussuseqarpoq ataatsikkullu ilisaritinnertaqarluni. Periuseq ateqarpoq VM-forløb

(Ilitsersuunneqarneq kaammattorneqarnerlu). Periuseq taanna Naalakkersuisut nalilerpaat ajunngitsutut tulluurtutullu.

Piginnaanngorsaqqiinermut kommunit aningaasartuutaat 50%-ii konto pingaarnermut aningaasaliiffigineqarput. Malittarisassat atuuttut naapertorlugit piginnaanngorsaqqiinissamut pisariaqartitsinerup annertusinerata takutippaa kommunit missingersuutiminna aningaasaliissutit qaffattariaqassagaat taamaasilluni piginnaanngorsaqqiisut (suliffeqarfinni piginnaanngorsaqqiisut) aamma aalajaatsumik suliffeqarttsisut kommunit suliffeqarfiutaanni sulisinnaalissasut.

7.9. Konto pingaarneq 31.07.05 Majoriaq.

- a) Majoriap iluatsitsiviunera killeqarpoq. Majoriamik aaqqissuussineq atuartunit amerlasuunit ajoraluartumik paatsoorneqarsimavoq, taakkuninngalu ilinniarfivittut isigineqarluni. Tamatuma Naalakkersuisunit oqaaseqarfigineqarnissaa ataatsimiititaliamit kissaatigineqarpoq.

Akissut: Majoriaqarfiit assigiinngitsunik neqerooruteqarput, assersuutigalugu piorsaaverneq, FA (meeqqat atuarfianni soraarummeerutissaq) taanna atuagarsornikkut piginnaasaqarnerulersitisarpoq, piginnaanngorsaqqinneq, qulaajaaneq il.il. inunnut assigiinngitsunut suliffeqarsinnaalersitsisussat imaluunnit ilinniarsinnaaqqilersitsisussat. Pissusissamisuunngilaq Majoriaq atuartunut inaarutaasumik isigineqarnera. Tassunga isumaliutigineqarpoq suliffeqarfinnut tunngasuni suliaq ingerlateqqinneqassasoq.

- b) Ataatsimiititaliap paasinninnera malillugu ilinniagaqareersimasut ilinniarnerminnillu naammassinneqqammersut arlallit Majoriami ingerlatsinerni arlalinni peqataasarput. Majoriap siunissaa Naalakkersuisunit qanoq isigineqarpa aammalu ungasinnerusoq isigalugu aaqqissuussinerup atorunnaarsinnissaa naapertuunnerussanngila? Taarsiullugu aningaasaliissutit annertoqisut pineqartut atuarfimmuut aningaasaliissutigineqartariaqannginnerpat?

Akissut: Naalakkerusisut 2020-mut 2021-mullu atuartunut tapiissutit pillugit kisitsisitigut paasissutissat suliarai, kisitsisitigut paasissutissat aallaavigalugit misiliutissanik tigusisoqarpoq. Misiliutissat taakku takutippaat Kommune Kujallermi aamma Avannaata Kommuneani atuartut aamma kommuneqarfik Sermersuumik atuartut affai Majoriami piginnaanngorsartut ilinniarsimannngitsuusut.

2020-mi 2021-milu innuttaasut 493-it FA ingerlappaat nuna tamakkerlugu Majoriaqarfinni. Innuttaasut 116-t Majoriaq aqutitigalugu sulilernissaminut sungiusarput, innuttaasut 99-it Majoriami piorsaaverput aamma innuttaasut 73-it Majoriami atuarsimapput atuagarsornertaqanngitsumik. Inuusuttut 16-it 29-illu akornanni akiullit 677-it aamma innuttaasut 30-it 60-illu akornanni ukiullit 113-it piginnaanngorsaqquinnissamut neqeroorut Majoriami tigusimavaat. Majoriaq aamma innuttaasunut atuagarsornertaqanngitsumik ingerlasussat ilaanni højskolernissamut aaqqissuussaqqarpoq. Innuttaasut Majoriaqartut tamarmik iliuusissatut pilersaaruteqarput, tassani innuttaasup piginnaanngorsaqquinnissaa

siunertaralugu allaaseineqartarpoq, Majoriamit ilinniaqqinnissammata imaluunniit sulilerniassammata.

Naalakkeruisut isumaqarput Majoriap piginnaanngorsaqqiinissamut neqeroorut atorunnaarsissappassuk inuiaqatigiinni inuusuttuty sanngiinnerpaat eqqorneqassasut. Inuusuttut ilinniaqqinnissamut ingerlariaqqittussat karakteritik pitsanngorsarnissaanut pisariqartitsisut; Inuusuttut inersimasunngornerminni siunissami sumik suliaqarusunnerlutik suliffimmik misileraasut; Inuusuttut piffissaq eqqorlugu takkunnissartik aamma inuunertik qanoq akisussaaffiginerlugu ilinniartut assatillu atorlugit sulinissartik ilinniaraat porsaavimmiittartut; Inuusuttut ittuutunertik qaangerniarlugu, inuit allat akornaniinnermi oqalunnissaminut ilinniartut aamma ilinniarnep naammassinissaanut tunngatillugu piginnaasanut ineriartortitsinermi atuagarsornertaqanngitsumik ilinniartut. Naalakkersuisut allatut ajornartumik inuusuttunut pikkoriffinnik pitsanngorsaanissamut pisariaqartitsisunut, matumani soraarummeernermut uppersaammik ingerlariaqqinnissaminut ikiuutaasussamik peqarnissaannut allanik periarfissanik ujaasisariaqassapput.

Ataatsimoortumik tapiissutit pillugit kommunit isumaqatigiinniarnermi meeqqat aturfianik ingerlatsinermi aningaasaliissutit allanngortinneqarpata ilaatinneqassapput. Majoriamut aningaasaliissutit atorneqarsimanngippata qanoq annertutigisut meeqqat atuarfiannut nuunneqassanersuli politikikkut isumaqatigiinniarssutigineqassaaq.

- c) Majoriani atuartitsineq pillugu kommunit qaninnerungaartumik suleqatigineqartariaqarput. Tamatumalu peqatigisaanik atuarfimmik qimatsinerup kingorna ilinniarnissaq imaluunniit suliffeqalernissaq atuarfinni angajullernit annertunerungaartumik sammineqartariaqarpoq.

Akissut: Majoriap suliassaata ilagaa suleqatigiissitamik pilersitsissalluni, tassani peqataassapput Majoriamit sinniisut, isumaginnittoqarfik aamma meeqqat atuarfiat. . Suleqatigiissitaq aqqutigalugu Majoriaq 18-it sinnerlugit ukiullit inuusuttut pillugit atuarfiit kommunit ataaniittut suleqatigissallugit pisussaataaassaaq. Majoriaq atuartut soraarummeertussat pillugit iliuusissatut pilersaarut meeqqat aturfianit assilisaq tigusarpaat kiisalu atortussat allat pisariallit inuusuttut Majoriamut oqaloqateqarnissaminut pisariaqartut.

Majoriap suliassaata ilaattut ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq malillugu Majoriap aamma pisussaaffigaa inuusuttunut 18-iliineqanngitsunut siunnersuinissartik. Tamanna isumaqarpoq Majoriap suliassaata ilagigaa meeqqat atuarfianni angajulliit siunnersussallugit. Majoriami siunnersuisartut meeqqat atuarfianni atuartut periarfissat pillugit oqaluttuuttussaavaat. Siunnersuisartut aamma Majoriaq oqaluttuuttarpaat suliassaata pillugit aamma Majoriaq ilinniartuunngitsut kisianni karakterinik qaffassaaffik kiisalu inuusuttunut pitsaanerusoq meeqqat atuarfianni karakterererusutag anguniarneqassasoq Majoriami piginnaanngorsaqqiinissamut neqeroorut aqqutiginaq.

Angusassat pillugit isumaqatigiissut malillugu Majoriami anguniakkat allaaserineqarput. Anguniakkani ilaavoq inuusuttut 30-it inorlugit ukiullit ilinniakkamik aallartissimanngitsut imaluunniit suliffeqanngitsut ornillugit siunnersornissai. Ukiut tamaasa Majoriaq inuusuttunik 30-it inorlugit ukiulinni ilinniakkamik aallartitsinngitsunik imaluunniit suliffeqanngitsunik siunnersorneqarnissaat anguniarlugu aggersaasarput.

8. Suliassaqarfik 34 Peqqissutsimut Naalakkersuisoq

8.1. 34.11.04 Kalaallit nakorsiartut najugaqarfiat

- a) Kalaallit nerisassaannut 0,4 mio. kr.-it naammannersut nassuiaatigeqqullugu Naalakkersuisut qinnuigineqarput?

Akissut: 400.000 kr.-nit kalaallit neqaanik, soorlu puisu, umimmak, tuttu aamma sava sapaatip akunnerani marloriarlutik sassaallerfigineqarsinnanissaanik qulakkeerinnissutaapput, neqi pissarsiarisinnaanerani. Nerinnermi ataatsimi neqi 30 kg missaa atorineqartarpoq, agguaqatigiissillugu akia kilomut 100 kr. missaaniittarpoq tassa nerinnermi ataatsimi 3000 kr. missat atorineqartarpoq. 3000 kr. sapaatip akunneranut marloria 6000 kr.-mik naleqarpoq, sapaatip akunneranullu 52-inut 312.000 missaaniippoq. Panertunut aalisakkanullu aningaasartuuteqartoqartarpoq, taakku aningaasat sinneruttunit kiisalu nerisassanut missingersuutinit nalinginnaasunit akilerneqartarlutik.

Nerisarneq pillugu ataatsimiinnermi nakorsiartut najugaqarfianni pisartumi aalajangerneqarnikuuvoq nakorsiartut najugaqarfianni aalajangersimasumik nerisassanik piniartarfiat qallunaat nunaaniittoq aalisakkanik suliareqqitaanngitsunik pisiniartassallutik, aalisagaataat pitsaassusaa ajunngimmat, ataatsimiinnermi nakorsiartut peqataatinneqarput. Aalisakkat sapaatip akunneranut marloriaq pingasoriarlunniit sassaalliutigineqartarput.

8.2. Konto pingarneq 34.11.08 Atornerluisunik katsorsaanermut pilersaarut

- a) Aaqqissuussinerup pissarsissutaasarnera katsorsarneqarnermillu inuit qanoq ingerlaqqittarnersut tamakkiisumik ilisimaneqarpa?

Akissut: Katsorsartinnissaq innersuussutigalugu innuttaasut aangajaarniutininik pinnguaatinillu ajornartorsiutaasa suussusaat annertussusaallu nalinginnaasumik allassimasunut naapertuupput. Ajornartorsiutip suussusaa annertussusaalu innuttaasup katsorsartinnissamik neqeroorutigineqartussanut nalilersuinerup ilaatinneqartarput taamaasillunilu Inatsisartut Inatsisaat nr. 10 12. juni 2019-imeersoq § 14 imm. 1 piumasaqaataasunik naammassineqartarluni.

Tamatuma saniatigut innuttaasup inuttut pisariaqartikkunagai eqqarsaatigalugit, katsorsaareernerup kingorna ingerlanissamut pilersaarusiortoqartarpoq. Inatsimmi § 14, imm. 6-imi allassimasut naapertorlugit tamanna kommunimit suliarineqassaaq. Pissutsini pisariaqanngitsutut imaluunniit pisussaannngitsutut nalilerneqartuni katsorsartereernerup kingorna pilersaarut suliassaq Allorfimmit nammeneq suliarineqartarpoq. Katsorsartereernerup kingorna pilersaarut pisariaqalerfiatigut imaluunniit katsorsartinnerup qiteqqunnerani malitseqartinneqartassaaq allanngortitsisariaqarnissaaq nalilersinnaajumallugu.

Katsorsartinnerup aallartinnerani Allorfik inatsimmi §14 imm. 2 naapertorlugu innuttaasup inuttut tunuliaqutai, innuttaasup inuttut massakut inissisimanera, ineqarnikkut inissisimanera, timikkut tarnikkullu nappaateqarnera, pinerlussimanera, suliffeqarnera, ilinniarsimasai inuttullu atugai paasiniarneqassapput. Taamatut misissuineq katsorsartinnerup kingorna qaammatit 6-it ingerlareernerani katsorsartinnerulluunniit naammassiartornerani malitseqartinneqassaaq.

Katsorsartinnerup malitseqartinnera kapitali 5-imi § 17 aamma § 18 Nuna tamakkerlugu katsorsartinnermik nalunaarsuiffik naapertorlugu katsorsartinnerup naammassineranit qaammatit 3, 6 aamma 12 ingerlareernerani pisarpoq.

Kapitalimi § 18, imm 3, naapertorlugu kommunini oqartussat katsorsartinnerup naammassinerata kingorna qaammatit pingasut aamma aqqaneq-marluk qaangiuppata katsorsaanernik nuna tamakkerlugu nalunaarsuiffimmut katsorsartinnerup sunniutai pillugit nalunaaruteqartassapput, qaammatit arfinillit qaangiunnerani pisussaaffik katsorsaaffiup isumagisassaralugu. Kommunit suliakkerneqarneranut inatsimmi siunertaavoq susassaqrarfiit akimorlugit suleqateqarneq katsorsartinnissamut neqeroorummik atuisup katsorsartinnerup kingorna pinngitsuisinnaajunnaarnermut uteqqinnani ingerlaannarnissaanik aamma meeqqat ilaqutariinni pinngitsuisinnaajunnaarnermik eqqugaasimasuniittut atugarissaarnerannit immikkut eqqumaffiginninnissamik qulakkeerinnittuussaaq. (§ 15 imm. 1).

Katsorsartereernerup kingorna pisussaaffiit kommuninit kivinnekarsinnaasimanngimmata suliassaq taanna Allorfiup nammineerluni isumagisalersimavaa, katsorsartinnerup ingerlasimanera pillugu naliliinnermit paasissutissat innuttaasup pisariaqartitai periarfissaasullu aallaavigalugit katsorsartinnissaat pitsaanerpaaq neqeroorutigisinnaajumallugu, katsorsartinnissamut neqeroorutaasartut assigiinngisitaartumik ingerlanneqarsinnaaneritut allannqortissinnaanerinulluunniit pingaaruteqarmata.

8.3. Konto pingaarneq 34.12.03 Napparsimasunik angallassinerit pinasuartumillu angallassinerit il.il.

- a) Danmarkimut pinasuartumik angallanneqarnermut atillugu toqusoqartillugu toqusup nunatsinnut utertinneqarneranut qimagaasut akiliisussanngortinneqartarput. Tamanna illerfinnut zinkinut poorlugit manna tikillugu pisarsimavoq, toqusunulli puut (bodybags) atorlugit toqukkut qimaguttup angerlaanneqarsinnaalernissaanik isumaqatigiinniarnert ingerlanneqarnerarneqarput. Isumaqatigiinniarnert taakku killiffiat paasissutissiisutigeqqullugu Naalakkersuisut qinnuigineqarput?

Akissut: Toqusut timaannik Danmarkimiit nunatsinnut assartuineq qallunaat inatsisaat malillugu malittarisassaqtartinneqarpoq. Toqusut timaannik toqusut puui atorlugit nunatsinnut assartuinnermi qallunaat nappaatit tunillaassuuttut pillugit inatsisaata allannqortinneqarnissaa, tassunga ilanngullugu Danmarkimi Folketingimi suliarineqarnissaa piumasaqaataavoq. Peqqissutsimut

Naalakkersuisoqarfik Danmarkimi inatsimmik allanngortitsinissamut suliamik aallartitsisoqarsimaneranik ilisimasaqanngilaq.

9. Suliassaqarfik 40 Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

9.1. Konto pingaarneq 40.10.10 Kalaallit Nunaata avataani atuartinneqarnissamut neqeroorutit

- a) Taanna Namminersorlutik Oqartussat susassaqarfiini aningaasartuutaava imaluunniit danskit susassaqarfiiniittussaagalarpa?

Akissut: Aningaasanut inatsisip oqaasertaani takuneqarsinnaasutut, aningaasaliissutit ilinniartitsisunut, meeqqanik imaluunniit meeqqaniit inersimasunut nunatsinneersunik, Rigshospitalimi katsorsartikkiartortunik atuartitsisartunut akissarsianut pingaarnertut atugassaapput. Ukiorpaalunni taamatut sulisoqartarnera tunngavigalugu Namminersorlutik Oqartussat suliassarisaattut nalilerneqarpoq, peqqinnissaqarfik Danmarkimit tiguneqarnikuummat. Herstedvesterimi atuartitsisarneq qallunaat susassaqarfigissaneraat apeqqutaavoq ammasoq, qallunaallu oqartussaasuinut apeqqutigineqarsinnaasoq. Paarnaarussivimmili atuartitsinissamut periarfissaq ukiorpaalunni atorneqarsimanngilaq.

9.2. Konto pingaarneq 40.10.11 Ado Lyngep Atuarfia

- a) Konto pingaarnermi 84.40.18-imi, Atuarfiup illutaanut allanut tunngasumi, suliassamut nutaamut 103.50.148-mit, Ado Lyngep Atuarfianut illunik pisinermut tunngasumut, aningaasaliissutit 2021-mi amerlineqarnissaat pillugu ilassutitut aningaasaliissuteqarnissamik qinnuteqaat Aningaasaqarnermut Akileraartarnermullu Ataatsimiititaliamit ulloq 18. august 2021-mi akuerineqarpoq (Ataatsimiititaliap suliaa nr. 01.31.06/21 – 00946). Tassunga atatillugu 1 mio. kr.-it Ado Lyngep Atuarfiata iluarsaannissaata pilersaarusiornissaanut, illutaata pitsanngorsarnissaanut nukimmillu atuinerup pitsanngorsarnissaanut immikkut atugassanngortinneqartutut 2021-mi aningaasanut inatsimmut tunngatillugu isumaqatigiissummi taaneqartut ataatsimiititaliamit apeqqutigineqarput. Suliaq taaneqartoq taanna qanoq ingerlanersoq paasissutissiissutigineqarnissaa ataatsimiititaliamit kissaatigineqarpoq.

Akissut: Aningaasat 475.000 kr.-t kontumit pingaarnermi, 40.40.01 Ilinniartitaanermut Aqutsisoqarfik, kontumut pingaarnermut 84.40.18 Atuarfiup illutaanut allanut tunngasumut nuunneqarnerat eqqorpoq.

Aningaasat aningaasanut inatsiseqarfiusumi 2020-mi aatsaat nuunneqartussaasimagalarput, taamaakkaluartoq tamanna iluatsimmanngilaq taamaattumillu ukioq manna kontumut pingaarnermut siuliani taaneqartumut nuunneqarsimallutik.

Tamatuma kingunerisaanik Ado Lyngep Atuarfiata pilersaarusiorneqarnissaata nutarternissaatalu aallartinnissaa kinguaattoorsimavoq.

Illorsuarmi ernartoqarpoq, ingammik kujammut sammisumi taamaattumillu Ado Lyngep Atuarfia tamatuma siullertut pilersarusiorfigineqarnissaa kissaatigisimavaa.

Aningaasat ukununga agguarneqarput;
Pilersarusiornermut Siunnersorti 150.000 missaanniittut
Adop Lyngep Atuarfiata ALA-p aserfallatsaaliorneqarnera 850.000 missaanniittut

Aningaasat tunniunneqarnerannik Naalakkersuisut ilisimasaqaleriarpata suliniut 2022-mi upernaakkut aallartinneqarnissaa naatsorsuutigineqarpoq. Tamatuma saniatigut Ilinniartitaanermut, Kultureqarnermut Ilageeqarnermullu Naalakkersuisoqarfik pilersarusiornermut tunngatillugu erseqqissaassaaq.

9.3. Konto pingaarneq 40.91.08 Kalaallisuuliornermik Ilinniarfik

- a) Atuarfiup allamik pitsaannerusumillu avatangiisilimmik nammineq illuuteqalernissaa anguniarlugu Naalakkersuisut qanoq suliniuteqarpat?

Akissut: Siornatigut Naalakkersuisuusimasut Kalaallisuuliornermik Ilinniarfimmu illumik nutaanik pilersitsinissamik sulissuteqarsimapput. Atuarfiup pisortaa kiisalu ilinniartitaanermut ataatsimiititaliaq illumut nutaamut siunnersuummik nassiussaqaarsimagaluarpot, taanna Ilinniartitaanermut Naalakkersuisoqarfiup tigusimavaa. Siunnersuut pingaarnerpaatinneqaarsimanngilaq. Ajornartorsiut maannakkut Naalakkersuisuni sulii qaqqinneqaarsimanngilaq.

- b) Kalaallit Nunaanni sumiiffinni allani atuarfinnik taamak ittunik sanaartortoqarnissaa Naalakkersuisunit isumaliutigineqaarsimava?

Akissut: Naamik, siornatigut maannakkulluunniit Naalakkersuisut maani nunami sumiiffinni allani atuarfinnik taamaattunik isumaliuteqaarsimanngillat.

9.4. Konto pingaarneq 40.91.14 Kalaallit Nunaanni Imarsiornermik Ilinniarfik

- a) Suliat annertussusaat aningaasaliissutaasullu aalisarnerup imarsiornerullu inuiaqatigiinnut pingaaruteqaassusaannut Naalakkersuisut isumaat malillugu naapertuuppat ?

Akissutit: Naalakkersuisut isumaqarput, aningaasaliissutaasut suliallu maannakkorpiaq sumiiffinni arlalinni naapertuutinngitsut. Atuarfik holdinik amerlanerusunik aallartitserusuppat, ilinniartunut holdinut tapiissutit holdinut taxameteri malillugu ingerlaannartumik iluarsineqaassapput. Imarsiornermik Ilinniarfik ininik nutaanik naleqqunnerusunilluunniit peqalerpata – maannakkut taakku attartugaapput – siunissaq ungasinnerusoq eqqarsaatigalugu nalunangitsumik aningaasaliissutit qaffanneqarnissaat pisariaqartinneqalissaaq. Naalakkersuisut isumaqarput, umiarsuup naalagaatut ilinniartut amerlanerusariaqartut. Umiarsuulli naalagaattut ilinniarnermut suliffissanik sungiusarfissanik ajornartorsiuteqarpoq. Atuarfimmi teknikkimik atortorissarutit nutarterneqarnissaat aamma kinguaattooqqavoq.

- b) Atuarfimmu qinnuteqartarneq qanoq ippa?

Akissut: Ukiup sulianut sanilliullugu ukioq manna qinnuteqartut amerlanerusimapput – ingammik sumiissusersiortutut ilinniarfinnut qinnuteqartut amerlanerusimapput.

- c) Naammassisartut ilimagineqartumiit ikileriarsimanerat Naalakkersuisunit ernumassutigineqarpa?

Akissut: Naamik – Naalakkersuisut naammassisartut ikileriarsimanerat ernumassutiginnilaat, tassami Coronamik nappaalanersuaqarnermat kingunerisaanillu sineriammi pikkorissartitsinissat pilersaarutigineqartut arlallit aallartinneqarsimanatik piffissamulluunniit allamut nuunneqarlutik.

- d) Immikkoortortat marluk illoqarfinnut marlunnut immikkut avinneqarsimanerat atuarfiup ingerlanneqarneranut inernerineqartartunullu qanoq sunniuteqarpa?

Akissut: Attaveqatigiinnermut angalasarnermullu tunngatillugu aningaasartuuteqarpoq atuarfiup suliaanut tamanut soorunami akisunerulersitsisunik. Soorunami illuutitigut atugassarititaasunut tunngatillugu ataqatigiittoqarneruppat aammalu ilinniartitaanerit akornanni pitsaanerulersitsisumik sunneeqatigittoqarpat tamakku angusanik pitsaanerulersitsissapput.

- e) Immikkoortortani taakkunani marluusuni suliat kisitsisinngorlugit agguataaqqanerat qanoq isikkoqarpat?

Akissut:

Paamiut:

- skibsassistentit umiartornermik misilittagaqanngitsut holdit tallimat
- qalulerisut holdeq ataaseq
- aalisartut holdeq ataaseq

Nuuk:

- umiarsuup naalagai holdit arfinillit
- skibsassistenit umiartornermik misilittagaqanngitsut holdeq ataaseq
- Sineriak tamakkerlugu pikkorissartitsinermik suliat

- f) Immikkoortortani taakkunani marluusuni ilinniartunngortussat nutaat aallartittut naammassisullu amerlassusiat qanoq ippa?

Akissut:

Paamiut:

- Ukiumut ilinniartut 80-90 tiguneqartarput taakkunanngalu 50-60%-it naammassisarput.

Ukioq manna Nuummi:

- 1. gradimik sætteskipperit aamma fiskeskipperit -
- Januar/juni – tiguneqartut nutaat qulingiluat – semesterip siuliani arfinillit – katillugit 15-it – semesterimi uani naammassisut marluk
- Juli/december – tiguneqartut nutaat arfineq-marluk – semesterip siuliani qulingiluat – katillugit 16-it – arfinillit/arfineq-marluk naammassissangatinneqarput.

- 3. gradimik kystfiskerit aamma fiskefiskerit –
- Januar/Juni – tiguneqartut nutaat arfineq-pingasut – semesterimi uani naammassisut sisamat

• Juli/december – tiguneqartut nutaat qulit – arfineq-pingasut naammassissangatinneqarput.

- g) Atuarsimanermik uppersaartit pissarsiarineqarsimasut ingerlaavartumik nutarterneqarsinnaaqullugit qaffassarneqarsinnaaqullugilluunniit, taamaalillunilu imarsiornermi suliffeqarnissamut piginnaasat qulakkeerneqarsinnaaqullugit, atuarfiup suliassa qarfiata iluani ilinniaqqinnissamut pisariaqartitsinermit atuarfik qanoq naammassinnissinnaava?

Akissut: Maannakkut Nuummi qatserisartoqarfik suleqatigalugu sungiusarfissamik pilersarusiortoqarpoq, taamaalilluni imarsiornerup iluani pikkorissartitsinerit amerlanerusut ingerlanneqarsinnaaniassammata.

- h) Nunani tamalaani atorineqarsinnaasunik ilinniarnissamik pisariaqartitsineq atuarfimmit qanoq naammassineqarsinnaava, taamaalillunilu nunani tamalaani suliffeqalernissaq periarfissinneqarluni?

Akissut: Kalaallit Nunaanni Imarsiornermik Ilinniarfiit nunani tamalaani STCW-mik najoqqutassat malittarisassiarineqarsimasut malillugit aqqissugaapput. Imarsiornermut Aqutsisoqarfiup taakku malinneqarnersut ukiut tamaasa nakkutilliiffigisassavai – ornigulluni misissoriartortassavai.

- i) Umiarsuup naalagaa ajutoornermik tassanngaannartunik passusisinnaangorlugu aammalu pisariaqarnera malillugu nakorsaasiisinnaangorlugu ilinniarnertit aqqissuunneqarsimappat?

Akissut: Aap – sumiissusersiortut nakorsaataasivinnut pikkorissartussanngorlugit taamaalillutik taamatut piginnaanillit ataasiakkaat tassanngaannartumik passussisinnaalersillugit ilinniarnertit aqqissuunneqarnikuupput.

- j) Aalisarnermik/imarsiornermik inuussutissarsiorneq qanoq ilinniakkap pitsaassusaanut qaffasissusaanullu ineriartortitsinissamut tapersiisinnaatigiva?

Akissut: Inuussutissarsiutit ilinniarfiit pitsaassusaannik qaffasissusaannillu ineriartortitsinissamut tunngatillugu isumassarsiassanut siunnersuutinullu pingaaruteqarnerpaapput. Imarsiornermik Ilinniarfimmi siulersuisut inuussutissarsiutinut attaveqarluarput suleqateqarlutillu. Taakkuupput aalisarnermut imarsiornermullu suliassa qarfiup ineriartortinnissaanut tunngatillugu isumassarsiallit.

9.5. Konto pingarneq 40.91.16 Niuernermik Ilinniarfik, Nuuk

- a) Atuarfiup illutaata qanoq inissisimanera pillugu ataatsimiititaliaq malinnaatinneqarumavoq.

Akissut: 2018-imi § 37 akissut nr. 166-imi taamani Naalakkersuisuusimasut aalajangerpaat Nuummi illorsuarnik nutaanik sanaartornissamut pilersaaruteqanngitsoq. Niuernermik Ilinniarfik suli ukiuni qulini piusinnaasoq Naalakkersuisut nalilersimavaat. Maannakkut Naalakkersuisut ajornartorsiummut suli isummersimangillat. Ilinniartitaanermut, Kultureqarnermut Ilageeqarnermullu Naalakkersuisoqarfiup kingusinnerpaamik AIS23-p saqqummiunneqannginnerani illuutit tamarmik qanoq issusaannik nalilersuissapput.

- b) Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq malillugu atuariup qaffasinnerusumik ilinniarnissamut neqeroorutai pillugit ataatsimiititaliaq malinnaatinneqarumavog.

Akissutit:

Atuariup qaffasinnerusumik ilinniartitaanerit tullinnguuttut neqeroorutigai:

- Ilinniagartuuttut ilinniartitaanerit:
- Nunani tamalaani niuernerq aamma niuernermit tuniniaaneq
- Nunat tamalaat akornanni angallassineq aamma ataqatigiissitsineq
- Aningaasaqarneq aamma pigisanik nalilinnik aqutsineq
- BA:

Aningaasaqarnermi aamma pigisanik nalilinnik aqutsinermit BA

- Nunani tamalaani niuernermit aamma niuernermit tuniniaanermit BA
- Ilinniarfissat nutaat:
- Finansøkonomitut ilinniartitaaneq

Ilinniakkat aqqissuussaaneq Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq naapertorlugu akuerineqarnikuupput.

9.6. Konto pingaarneq 40.91.20 Perorsaanermik Ilinniarfik

- a) Kandidatitut qaffasissusilimmik ilinniarnert neqeroorutigineqarnissaat Naalakkersuisunit pilersaarutigineqarpa?

Akissut: Perorsaanermik Ilinniarfik pineqarpat, Naalakkersuisut maannakkorpiaq perorsaanermik ilinniarfimmik kandidatitut qaffasissusilimmik neqerooruteqarnissamik pilersaaruteqanngillat. Killormulli Naalakkersuisut isumaqarput, ilinniartitaanerit pioreersut aallaavigalugit perorsaanermik ilinniagaqarsimasut amerlineqarnissaat pitsaaquteqartoq; perorsaat agguaqatigiissillugit ukioqqortunerat takugaanni ukiuni aggersuni atorfik taanna inuttassaarukkiartuaassasoq ersippoq.

- b) Najugaq qimannagu ilinniartitaaneq Naalakkersuisut qanoq ajornartorsiutitaqarsoraat tamannalu pillugu Naalakkersuisut qanoq pilersaaruteqarpat?

Akissutit: Naalakkersuisut perorsaanermut tunngasuni najugaq qimannagu ilinniarfimmik neqeroorutaareersunik neqerooruteqaannarnissartik pilersaarutigaat. Najugaq qimannagu ilinniarfimmik neqerooruteqarneq ilinniakkanik neqerooruteqartarneq eqqarsaatigalugu aningaasartuuteqarnerusitsivoq. Najugaq qimannagu ilinniarfinnut inissanik unammilligassaqarpoq.

9.7. Konto pingaarneq 40.91.23 Campus Kujalleq

- a) Akissarsianut aningaasartuutit qaffanneqarnerat sulisoqarnermullu atuinerup appariaateqarnera qanoq imminnut ataqatigiippat?

Akissut: AIS 22-mi kukkusoqarsimavog – "Sulisunut atuinerit katillugit" ataani 70-imik allaqqanani 95-imik allassimasussaavog. Allannguutissatut siunnersuummi tamanna iluarsineqassavog.

- b) Najugaq qimannagu ilinniartitaaneq Naalakkersuisut qanoq ajornartorsiutitaqarsoraat tamannalu pillugu Naalakkersuisut qanoq pilersaaruteqarpat?

Akissut: Campus Kujalleq (CAK) najugaq qimannagu ilinniartinnik neqerooruteqanngilaq. Naalakkersuisut maannakkut CAK-imit najugaq qimannagu ilinniartinnik neqerooruteqarnissamut pilersaaruteqanngillat.

9.8. Konto pingaarneq 40.91.26 Isumaginninnermut tunngasuni ilinniartitaanikkut suliniutit

- a) Akissarsianut aningaasartuutit qaffanneqarnerat sulisoqarnermullu atuinerup appariaateqarnera qanoq imminnut ataqtigiippat?

Akissutit: Apeqqut paatsoornermik tunngaveqarpasippoq. AIS 22-mi kontumi pingaarnermi 40.91.26-mi akissarsianut aningaasartuutit qaffattussanngortinneqarnikuunngillat, soorluttaaq kontumi pingaarnermi sulisoqarnermut aningaasartuutit nalunaarsorneqarsimanngitsut.

- b) Najugaq qimannagu ilinniartitaaneq Naalakkersuisut qanoq ajornartorsiutitaqarsoraat tamannalu pillugu Naalakkersuisut qanoq pilersaaruteqarpat?

Akissut: Kontumi pingaarnermi 40.91.26-imi najugaq qimannagu ilinniartinnik neqerooruteqartoqanngilaq.

9.9. Konto pingaarneq 40.94.12 Nunatta Katersugaasivia Allagaateqarfialu

- a) Suliffeqarfiup illutaasa aserfallatsaalineqarnerat qanoq ippa?

Akissutit: Naalakkersuisut suliffeqarfiup illut, kulturikkut pigisanik toqqortaateqarfigisat qanoq issusaannut tunngatillugu kiisalu inissaqarniarneq eqqarsaatigalugu unammilligassaa arajutisimanngilaat. Naalakkersuisut taamaattumik NKA-mut immikkoortunut pilersaarusiornermik, eqqartueqqinnissamut aningaasaqarnikkullu naatsorsuinnermut tunngaviliisusaniik aallartisisimapput. Immikkoortunut pilersaarut 2022-p aallartinnerani naammassissangatinneqarpoq.

- b) Suliffeqarfiup illutaani inissaqarniarneq qanoq ippa?

Akissutit: Apeqqummut 9.9.a-mut akissut takuuk.

9.10. Konto pingaarneq 40.94.13 Timersornermut tapiissutit

- a) Kalaallit Nunaanni peqatigiiffinni sulinerup ingerlatsinerullu pitsaassusaa nikerartorujussuvoq, taamaattumik peqatigiiffinni allaffissornikkut sulineri pikkorissartitsisarnissamut aningaasaliissuteqarnerusamikkut suliap taassuma pitsaanerulersinnissaa pingaaruteqarpoq.

- b) **Akissut:** Apeqqummut B-mut akissut takuuk. Apeqqut a-mi taaneqartutut pikkorissartitsisarneq qanoq annertutigisumik ingerlanneqartarpa, tamatumani Naalakkersuisut qanoq pilersaaruteqarpat?

Akissutit a aamma b: Naalakkersuisut kontumit pingaarnermi uannga Kalaallit Nunaanni Timersoqatigiit Kattuffiannut aamma Elite Sportimut, nuna tamakkerlugu nunallu tamalaat akornanni timersornermut tunngasunik isumagisaqartunut aningaasaliisoqarnissaa akuerivaat. Taamaallutik Naalakkersuisut peqatigiiffiup sulinerata pitsaassusaata ingerlatsineratalu

pitsaassusaat qanoq qanorlu annertutigisumik siuarsarnejassanerannut toqqaannartumik sunniuteqarsinnaanngillat.

Kalaallit Nunaanni Timersoqatigiit Kattuffiat pikkorissartitsinissamut 1,5 mio. kr.-t immikkoortippai, taakku aalajangersimasunik timersuutillit kattuffiata timersoqatigiillu kattuffeqanngitsut qinnuteqarfigisinnaavaat. Kajumissutsimik suleqataasarneq pillugu pikkorissartitsisoqassaaq; sungiusaasunik pikkorissartitsinerit, peqatigiiffinnik inerisaanermut pikkorsissartitsinerit, suliniutinik aqutsineq, ajoqusernissamut pinaveersaataasinnaasunik pikkorissartitsinerit assigisaalu. Aningaasaliissutigineqartut sinnerlugit qinnuteqartoqarsimavoq Kalaallillu Nunaanni Timersoqatigiit Kattuffiata sineriammi timersoqatigiiffiit tamaasa sapinngisamik nakkutigivai.

9.11. Konto pingarneq 40.94.16 Najukkani Radiukkut aamma TV-kkut ingerlatsinermut tapiissutit

- a) Suliassami kisitsit kingulliit suliassamilu kisitsisissatut naatsorsuutigisat takussutissiatut ilusilikkat paasinartut missingersuutitut ilanngussami aalajangersimasumik ilanngunneqarnissaat ujarorneqarput.

Akissut: Suliassami kisitsisit AIS2022-p aappassaaneerneqarneranut allannguutissatut siunnersuutitigut ilanngunniarneqassapput.

9.12. Konto pingarneq 40.94.17 Kalaallit Nunaata Radioa – KNR

- a) Raadiukkut tv-kkullu aallakaatitassiorsinnaasut Kalaallit Nunaanni sumiiffinniittut allat siuarsaaffigineqarnissaannut annertuumik suliniuteqarnissaq ataatsimiititaliamit ujarorneqarpoq.

Nunat allat allat tusagassiorfiini takuneqarsinnaasutut KNR-ip tusagassiorfittut kalaallit inuiaqatigiit tamat oqartussaassusaannik nukittorsaataaqataasussatut annertunerusumik, pissaaneqarnerusumik pisariaqarnerusumillu inissisimasuunissaa ataatsimiititaliamit kissaatigineqarpoq. Taamaattumik ataatsimiititaliaq isumaqarpoq tusagassiorfiit inuiaqatigiit akornanni oqartussaaqataanerit nukittorsarniarlugu nutaamik eqqarsartoqartariaqartoq. Tamanna KNR-imik tullianik isumaqatigiinniarnissami ilanngullugu isiginiaqqullugu ataatsimiititaliap Naalakkersuisunut inassutigaa, taamaaliornikkullu aningaasaliissutit ilaasa KNR-imit peerneqarnerisigut najukkani ataasiakkaani aallakaatitassiorlut pisariaqartitsineq malillugu siamasinnerusumik nutaarsiassiinissamut periarfissinneqarlutik. Piffissap aallakaatitseqqinnernut uningaannarnermulluunniit KNR-imit atornejartup annertuup ilaannaataluunniit taarsernissaanut inissaqarlualuarpoq. Naalakkersuinikkut oqallisaasut aallakaatitassiat aqqutigalugit tusagassiorfinnit isumagineqaleraluarpata ataatsimiititaliap isumaa malillugu alloriarnerusaaq annertoq, taamaaliornikkut tusarnaaginnarnatik aallakaateqqeqattaakkanillu isiginnaaginnarnatik innuttaasut qulequttani ullutsinnut aammalu inuiaqatigiinnut tunngasuni peqataallutillu qisuariaateqarsinnaalersillugit.

i. Ataatsimiititaliap inassutaa Naalakkersuisunit qanoq isumaqarfigineqarpa?

Akissut:

Naalakkersuisut ataatsimiititaliap inassutaa malissinnaalluarpaat.
Naalakkersuisulli KNR-ip aqqissuisoqarnikkut kiffaanngissuseqarnera

ataqqisussaavaat aqqissuisoqarfiillu inuiaqatigiinni oqartussaaqataa nerminnik pilersaarusi ornerannik namminersortinneqarlutik. Innuttaasunut kiffartuussinermi angusassatut isumaqatigiissutip isumaqatiginninniutigineqarneranut atatillugu sammisaq Naalakkersuisunit qaqinneqarsinnaanera matumunnga atatillugu oqaatigineqassaaq. Najukkami tunisassiortunut annertunerusumik tapiissuteqarniarluni KNR-imut aningaasaliissutit annikillineqarnissaannik ataatsimiititaliaq inassuteqarsimasooq Naalakkersuisut maluginiarpaat. Aaqqiissut taanna KNR-imik pitsaanerulersitsinissaa Naalakkersuisut takujuminaatsippaat. KNR-i ineriartortitassanut arlalinnut kissaatigineqartunut tunngatillugu Aningaasanut inatsimmit tapiissuteqartoqarnissaanut tamaviaarluni sulissuteqartareerpoq. KNR-ip Naalakkersuisunut ilisimatitsissutigisimavaa, KNR-imi ineriartortitsineq nutarsaanerlu killiffiat tassaasoq ineriartortitseqqinnissamut periarfissat tunisassiornerit allat akigalugit pisariaqalersimasut, tassa imaappoq KNR 2022-mi ineriartornermut aningaasalersuisinnaassanngilaq, KNR-imi arlaanni tunisassiorneq kalluarneqartinnagu.

KNR-ip tamatuma saniatigut Naalakkersuisunut ilisimatitsissutigisimavaa, akunnerit Innuttaasunut kiffartuussinermi angusassatut isumaqatigiissummi piumasarineqartut KNR-ip tunniunnissaat ajornakusoortikkaat, tassanilu avataaniit raatiukkut TV-kkullu isiginnaagassiat tusarnaagassiallu akunnerit naammattut anguneqarsinnaanatik. KNR ukiuni kingullerni arlalinni KNR-ip avataani Kalaallit Nunaanni tunisassiortunit tunisassianik pisiortortarsimavoq siornatigullu pingaartumik radiumik Tv-millu peqatigiiffinnit kiffartuunneqartarsimalluni, aningaasaqarnerulli pitsaasuunnginnera pissutigalugu ukiuni kingullerni radioqarfiit tv-qarfiillu amerlanerit matusimapput. Matumunnga ilisimatitsissutigineqassaaq najukkami radiomik tv-millu peqatigiiffiit matunerat arlalinnik pissuteqarput, amerlanertigut najukkami suliffeqarfinnit neqeroorutinit isertitatik tunngavigisarpaat, ullutsinnili interneti inuillu attaveqatigiiffii niuerfiup tamatuma annertunerpaartaa tiguarsimavaat najukkamilu ingerlatallit arlallit niuerfimmu tassunga naleqqussarsinnaasimanatik. Atuisut streamertarfiit atugaalersut akikitsuaraasullu takusimavaat najukkamilu peqatigiiffinni atuisuunermut akisuupilussuarnut taarsiullugu taakkunganna atuisuunissartik orniginartinnerullugu.

KNR-ip ilisimatitsissutigisimavaa, ukiuni kingullerni najukkani peqatigiiffiit radiukkut aallakaatitassanik KNR-imut tunniussisinnaasut ikittuinnaasut, soorluttaaq najukkami tv-mik peqatigiiffiit ingerlasut pingasuinnaasut, taakkunanngalu sineriammit tv-kkut aallakaatitassanik kissaatigisatut pitsaassusilinnik amerlassusilinnillu tunniussaqsarsinnaasoq ataasiinnaasoq. Taamaattumik sineriammi illoqarfinnit arlalinnit, pingaartumik Qeqqata Kommunanit Qeqertarsuup Tunuaniit sapaatit akunnikkaartumik ilanngutassiassaqarniarluni KNR ukiuni kingullerni sineriammi najukkani tunisassiortunik suleqateqarnissani isiginiarsimavaa.

KNR ukiuni kingullerni pingasuni qaammammut aalajangersimasumik akissarsititsisarlu pilersuisumik aalajangersimasumik pilersitsiniarsarisimavoq, matumani assersuutigalugu Tv-kkut akunnernik aalajangersimasunik tuniussisarnissaat piumasaqaatigalugu, soorluttaaq illoqarfinnut

nunaqarfinnulluunniit qanittunukarsinnaanissaminut qaammammut angalanissamut missingersuuteqarsimasoq. KNR-ip ilisimatitsissutigisimavaa najukkani radioqarfiit tv-qarfiillu tunniussisarnerat pissusissamisoortuunngitsumik ingerlakkajuttartut aalajangersimasunillu isumaqatigiissuteqaraluartoq qatangiinnaasartut. Tamatuma kingunerisaanik piffissaliunneqartut malinneqarneq ajorput naak aallakaatitassat tulleriiareerneqareeraluartut. Najukkani filmiliortartunik sulisitsisarneq KNR-imit aamma ukkatarineqarpoq. Periarfissaqaraangat akillu KNR-imut iiuminaraangata suleqatigiittoqartarpoq.

Nunami soorlu nunatsinni tusagassiornermi kiffaanngissuseqarnerup pitsanngorsarniarnera akisuvoq, innuttaasunut kiffartuussineq akisuvoq, kisianni paarlattuanik innuttaasut aamma peqataanerulersinneqartarput. Najukkani (radiomik) ingerlatsisunik taamaallaat atuinani nuna tamakkerlugu tusagassiorfeqarnerup, ajornanngippat nunap immikkoortuini "radioqarfinnik" ajornanngippallu nunap immikkoortukkaartunik pilersitsinikkut pitsanngorsaneqarnissaa kissaatiginarsinnaavoq. Taamaaliortoqassappalli immikkoortorta qarfinnik pilersitsisoqartariaqarpoq, soorlu nalunngisatsitut Avannaata Radio-a/kujataata Radio-anik taamaasiortoqarnikuusoq – ingerlalluassappalli aningaasaqarneq ullutsinnullu sanilliullugu annertunerusumik tunisassiornissamut inuttassaqarnersoq aamma isiginiarneqartariaqarput.

Naalakkersuisut AIS22-mi KNR-imut aningaasaliissutit qaffassimavaat tamatumalu kingorna pisariaqartinneqartut allat amerlasuut aningaasanut inatsisitigut matussuserneqartussat eqqarsaatigalugit aningaasaliissutit naleqquttuusoralugit.

- b) Nunatta karsiata ilanngaattissat ilanngaatigereerlugit aningaasartuutaasa qaffannerisa aammalu aallakaatitassiat 20 %-imik ikilinnissaannik naatsorsuuteqarnerup ataqatigiinnerisa paasissutissiissutigineqarnissaa ataatsimiititaliamit kissaatigineqarpoq.

Akissut: Suliassami kisitsisissatut siunnersuutigisani paasissutissat Innuttaasunut kiffartuussinermi angusassatut isumaqatigiissut atuuttoq ersersissavaat, missingersuutitut ilanngussani suliassami kisitsisissatut siunnersuutit AIS2022-p aappassaaneerneqarnissaanut allannguutissatut siunnersuuteqarnikkut ilanngunniarneqassapput.

- c) KNR-ip nammineerluni tv-kkut aallakaatitassiai ukiumi pineqartumi aallakaatitassiatut (akunninngorlugit) nalunaarneqartarnersut imaluunniit ukiut siuliini tv-kkut aallakaatitassiarineqarsimasut kisitsisunut taakkununga aamma ilanngunneqartarnersut eqqortussaq pillugu paasissutissiissutigineqassasoq ataatsimiititaliamit kissaatigineqarpoq.

Akissut: KNR-ip tv-kkut aallakaatitassiassatut (akunninngorlugit) pilersitai tassaapput aallakaatitat, ukiumi tassani pilersinneqarsimasut.

- d) Ukiumoortumik tv-kkut aallakaatitat ilaat qanoq amerlatigisut ukiuni siuliini aallakaateriikkaneersuuppat ilaallu qanoq amerlatigisut ukiumi pineqartuminnganneersuuppat ?

Akissutit: Avataanit tunisassioortunit kiisalu KNR-ip nammineerluni tunisassiaani imarisanik nutaanik piumasaqaatigineqartut Innuttaasunut kiffartuussinermi angusassatut isumaqatigiissut naapertorlugu akunnerit 815-iupput (2020-mi akunnerit tunniunneqartut 681-iupput). Innuttaasunut kiffartuussineq pillugu nalunaarusiaq naapertorlugu KNR TV 2020-mi akunnerni katillugit 4.561-ini aallakaatitsisimavoq.

9.13. Konto pingaarneq 40.94.29 Nunatsinni tusagassiutinut naqitanut ingerlatsinernut tapiissutit

- a) Aningaasaliissutit appariartortut ataatsimiititaliap paasivaa. Aningaasat naapertuunnerusumik isumaqarnerusummilu atorineqarsinnaanerintut Naalakkersuisut isumaliuteqarpat?

Akissut: Aningaasaliissutit 2,5 mio. kr.-t missaanniit ullumikkut 0,8 mio. kr.-t missaannut appariartorsimapput. Siornatigut Naalakkersuisuusimasut pingaarnersuiunerannut atatillugu appartitsisoqarsimavoq. Naalakkersuisut Kalaallit Nunaanni tusagassiutinik naqitanik ingerlatsinermut tapiissuteqartarnek sulii naapertuuttuusoq sulii isumaqarput.

- b) Tamanna soqutiginninnginnermik ersersitsiva?

Akissut: Nuna tamakkerlugu tusagassiutit naqitat tapiiffigineqarnissamut soqutiginnipput ukiullu tamaasa ingerlatsinermut aningaasaliissutinik qinnuteqartarput Aningaasanullu inatsimmi siunertamut immikkoortinneqarsimasunik tigusaqartarlutik. Tamatuma saniatigut apeqqummut 9.13. a-mut akissut innersuunneqarpoq.

- c) Tusagassiutit naqitat qanoq allatut nukittorsarneqarsinnaanersut pillugu Naalakkersuisut isumassarsiassaqarpat? Inuiaqatigiinni tamat oqartussaaqataanerannik ingerlatsisuni KNR-ip atuuffia pillugu apeqqummi ilaani ujartuinini ataatsimiititaliap innersuussutigissavaa. Assersuutigalugu takuuk apeqq. 9.13 b) siuliani allassimasoq.

Akissut: Nuna tamakkerlugu tusagassiutit naqitat KNR-imisulli inissisimapput, matumani pitsaanerusumik ineriartortoqassappat aningaasatigut isumalluutit kiisalu tusagassioortunik isumalluutit pisariaqartinneqarput.

Matumunnga atatillugu oqaatigineqassaaq tusagassioortunik isumalluutit sineriammi ikittuinnaammata, taamaattumillu tusagassiutit KNR-iunersoq imaluunniit tusagassiutit naqitat allat pineqarnersut apeqqutaatinnaq sineriammiissagaanni isumalluuterpassuarnik atuisoqartariaqarpoq, tassami tusagassioortunik ungasianiik sulineq amerlanertigut naammanneq ajormat.

9.14. Konto pingaarneq 40.95.01 Kultureqarnermut tapiissutit allat

- a) Suliassami kisitsisit aningaasat sumorpiaq atorineqarsimanerannik erseqqinnerusumik ersersitsisut aammalu assersuutigalugu pissarsisut qassiusimanerat ataatsimiititaliamit ujartorneqarput.

- b) Aningaasaliissutinit inuiaqatigiit pissarsiaat qanoq paasiumarnerulersinneqarsinnaanersut Naalakkersuisunit isumaliutigineqarsimava?

Akissutit a aamma b: Matumani kontumi pingaarnermi Eqqumiitsuliornermut Aningaasaateqarfik pilersinneqartoq nutaaq aqqutigalugu 2022-mi januarimi

eqqumiitsuliornermut aningaasanik agguaassaaq, Kalaallit Nunaanni Eqqumiitsuliornermut Aningaasaateqarfik pillugu Namminersorlutik Oqartussat nalunaarutaat nr. 43, 13. august 2021-mersooq takuuk. Eqqumiitsuliornermik Aningaasaateqarfiup siulersuisui aningaasaateqarfiup sulinera pillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmut ukiumoortumik nalunaarusiortarnissaannik nalunaarutitigut pisussaaffilerneqarput. Nalunaarut tamanut saqqummiunneqartassaaq ukiumilu tapiissutit agguataarneri nassuiarneqartassallutik, taakku imatut agguataarneqassapput: eqqumiitsuliornermik suliassaqarfiit ataasiakkaat, tapeeriaatsit ataasiakkaat, tapiiffigineqartut najugaat, kommuninut, tapiiffigineqartut suaassusaannut, tapiiffigineqartut ukiuinut naatsorsorlugit, ukiut amerliartuaarnerannut naapertuuttumik naatsorsorlugit, aningaasaateqarfimmit maannakkut siusinnerusukkullu tapiiffigineqartut kiisalu aningaasaateqarfimmit maannakkut siusinnerusukkullu itigartinneqartut.

10. Suliassaqarfik 50-51 Aalisarnermut Piniarnermullu Naalakkersuisoq

10.1. Konto pingaarneq 50.01.09 Ilaasortaanermut akiliutit

- a) Nunarsuup immikkoortuini nunanilu tamalaani suleqatigiiffinnit, missingersuutitut ilanngussami taaneqartunit, nunatta ilaasortaaajunnaarnissaa nunatsinnut qanoq kingunerluuteqassava?

Akissut:

a)-mut

Aalisarnermut tunngasut:

Kalaallit Nunaat nunarsuup immikkoortuini suleqatigiiffinnit anissaguni Kalaallit Nunaanni aalisarnermut annertooujussuarmik kinguneqassaaq, nunat tamalaat imartanni aalisarsinnaanerput ilaasortaanitsinnut ilaatigut tunngaveqarmat. Pinngortitaleriffik nunarsuup immikkoortuini suleqatigiiffiit ilisimatusarnikkut siunnersuisoqatigiivnut peqataapput taamaalillutillu Kalaallit Nunaata imartaani aalisagaqassutsinut tamanut tunngatillugu nunani tamalaani akuerisaasumik NAFO aamma ICES aqqutigalugu siunnersortittarluni. Taakku saniatigut avammut nioqquteqarnermut, nakkutilliinermut paasissutissanillu nunanik suleqatigisatsinnik avitseqateqartarnermut tunngatillugu ajornartorsiutinik annertuunik pilersitsissaaq, nakkutilliinissamut, aalisarnermut ataatsimullu isigalugu nunat tamalaat akornanni suleqatigiinnermut malittarisassat aallaaviatigut nunarsuup immikkoortuini suleqatigiiffinni isumaqatiginniniutigineqartarmata aalajangersarneqartarlutillu. Taamaalilluni aninikkut Kalaallit Nunaat sunniuteqarsinnaajunnaassaaq nunanillu allanik suleqateqarnitsinnut niueqatigiinnitsinnullu killilersuisoqarnissaanik aarlerinartoqalissalluni.

Peqatigisaanittaaq Kalaallit Nunaat aniguni Imartanut Pisinnaatitaaffiit pillugit Isumaqatigiisummi nunat tamalaat akornanni pisussaaffinnik naammassinnissinnaajunnaassaaq.

Tamatuma saniatigut Kalaallit Nunaat, Savalimmiut aamma Kalaallit Nunaat sinnerlugit Danmarkimi katitigaanermi ilaasortaapput, naalagaaffiit namminersortut suleqatigiiffinni taamaallaat ilaasortaasinnaammata. Tassa

imaappoq ilaasortaajunnaarnissarput kissaatigigutsigu tamanna pillugu Savalimmiut isumaqatigisariaqassarput aammalu aninissatsinnut Danmark piumaffigalugu.

a)-mut

Piniarnermut tunngasut:

Kalaallit Nunaat assersuutigalugu Atlantikup Avannaani Miluumasut Imarmiut pillugit Ataatsimiititaliarsuarmi (NAMMCO) aamma/imaluunniit Nunatta aamma Nunavut/Canadap akornanni qilalukkat qaortat aamma qernertat pillugit ataatsimiititaliarsuarmi ataatsimoorussami (JCNB) ilaasortaajunnaarnissamik aalajangerpat, Kalaallit Nunaata imaani miluumasunik ataatsimoorussanik suleqatigiinnisaaq pillugu Naalagaaffiit Peqatigiit Imartat pillugit isumaqatigiissutaataanni artikel 65 naammassisinnaassanngilaa. Kalaallit Nunaat artit pisisakkavut atorluartakkavullu aamma nunanik sanilerisanik avitseqatigiissutigisartakkavut pillugit nunani tamalaani aalajangikkanut toqqaannartumik sunniuteqarsinnaajunnaassaaq.

Kalaallit Nunaat NAMMCO-mit aamma/imaluunniit JCNB-mit aniguni uumassuseqarnikkut misissuinerit pillugit suleqatigiinnerit pingaarutilipilussuit taakkunatigullu ilisimasanik avitseqatigiittarnerit ataqatigiissaarinerlu Kalaallillu Nunaata ilanngussisinnaanermik periarfissaa annaaneqassapput. Artinik nunanik allanik avitseqatigisartakkatsinnik uumassuseqarnikkut misissuinerit pisariusupilussuit akisuupilussuillu Kalaallit Nunaata kisimiilluni isumagisinnaanngilai. Kalaallit Nunaat ilassuteqartarnikuuvoq nunanillu sanilerisanik suleqateqarluni ingerlatsinikkut suliniuteqarnermik ilikkagaqarnikupilussuulluni kiisalu piniariaatsit sakkullu pillugit ilisimasanik avitseqateqartarnikuulluni. Ilisimasanik misilittakkanillu avitseqatigiittarneq annaaneqassaaq. NAMMCO tassaavoq nunani tamalaani ataatsimiititaliarsuaq, Atlantikup Avannaani imaani miluumasunik piujuartitsineq, eqqarsaatigilluakkamik aqutsineq misissuinerillu pillugit siunnersortittarfiusoq suleqatigiiffiusorlu, arfernik mikisunik angisuunillu kiisalu puisinik aarrinillu isumagisaqartoq. NAMMCO-mi ilaasortat tassaapput nunat Avannaamioqatigiit imaani miluumasunik nerisaqartut taamaalillutillu kulturikkut naleqartitatta ilaattut taakku naleqartitallit.

Naggasiutigalugu oqaatigineqassaaq, Kalaallit Nunaat nunani tamalaani, nunarsuup immikkoortuani nunallu marluk akornanni isumaqatigiissutinit aniguni nunatta tatiginassutsini annaassavaa. Ullutsinni nunani tamalaani pisussaaffinnik isumaginninngikkaanni nunarsuaq tamakkerlugu pinissaq ajornakusoortorujussuuvoq, imaani isumalluuterpassuit nunanik sanilerisanik ataatsimoorunneqartarmata. Suleqatigiiffinnik uumasunik ataatsimoorussanik suleqatigiiffigisatsinnit anissagutta nunarsuup immikkoortuini nunanilu tamalaani ingerlatsinermik suliffeqarfinnit Kalaallit Nunaat nunanit tamalaanit tatisimaneqangaatsialernissaa ilimanarpoq. Kalaallit Nunaat kisimiilluni ingerlatsisinnaanngilaq.

10.2. Konto pingaarneq 50.01.17 Aalisarneq pillugu EU-mik isumaqatigiissutit aamma konto 51.02.02 Aalisarsinnaatitaassutininik tunisineq

- a) Naalakkersuisooqatigiit 2021-mi isumaqatigiissutaanni ima allassimavoq "Aalisarnerup iluani siunissamut siunnerfeqarnissaq pisariaqarpoq, Naalakkersuisooqatigiit isumaqatigiissutigaaat aalisakkat EU-mut aalisagartassiissutigineqartartut siunissami nunaqqatitsinnit aalisarneqartalernissaat siunnerfiussasoq".
 - i. Pisassiissutit nunatsinni aalisartunit namminernit qaqugu aalisarneqarsinnaalissasut Naalakkersuisut isumaqarpat?
 - ii. Anguniakkat taakku angunissaannut suut ajornartorsiutaappat?
 - iii. Qulequtaq pillugu Naalakkersuisut qaqugu EU-mut saaffiginnilersaarpat?

Akissut: a)-mut Naalakkersuisut Aalisarnermut Piniarnermullu Naalakkersuisoqarfimmit, Inuussutissarsiornermut, Niuernermut, Nunanut allanut Silallu Pissusaata Allanngoriartorneranut Naalakkersuisoqarfimmit, Aningaasaqarnermut Nunamullu Namminermut Naalakkersuisoqarfimmit aamma Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit inuttalernerqartumik suleqatigiissitamik, naatsorsuutigisatut 2022-p aallartinneraniit pisassiissutinik nunatsinnut tigusinerup aningaasaqarnikkut naatsorsuutigisatut kingunissaanik, Kalaallit Nunaata EU-mik suleqatigiinnermut isumaqatigiissutaanut allanut qanoq sapinngisamik annikinnerpaamik kalluaasinnaaneranik aammalu piffissami sorlermi tamatuma ingerlanneqarsinnaanerani misissuisussamik pilersitsissaaq.

Naalakkersuisut EU-mik isumaqatigiissummut tapiliussap, 2024-p tungaanut atuuttup taamaatinnissaanut pilersaaruteqanngillat.

- b) Aalisarneq pillugu isumaqatigiissummik ilassummillu naammaginartunik peqartillugu Kalaallit Nunaat aalisakkanik EU-mi niuerfinni pituttugaanani naligiimmillu tunisisinnaasoq aalisarneq pillugu tunngaviummik isumaqatigiissummi allassimavoq. Tassunga atatillugu ataatsimiititaliaq ima apeqquteqarumavoq:
 - i. Pisassiissutit nunatsinni aalisartunit namminernit aalisarneqarpata EU-mi niuerfinni tunisisinnaanermut qanoq kinguneqartussatut Naalakkersuisunit nalilerneqarpa?
 - ii. Kingunerisassat taakku Naalakkersuisunit piareersimaffigineqarpata?

Akissut: b)-mut Suleqatigiissitap taaneqartup aningaasaqarnikkut naatsorsuutigisatut kingunerisassat taakkualu kingunioratarsinnaasut pinaveersaartinneqarsinnaanersut annikillisinneqarsinnaanersullu misissoqqissaassavai.

10.3. Konto pingaarneq 50.01.20 Aalisarneq Piniarnerlu

- a) Aningaasaliissutit 2022-mi 1 mio. kr.-inik ikilineqarnissaat sooq Naalakkersuisunit siunnersuutigineqarpa?

Akissut: a)-mut 2019-imi Inatsisartut Tunumi, Qaanaami Qimusseriarsuarmilu aalisarnerup ineriartortinneqarnissaanut saniatigut 1 mio. kr.-nik kontumi matumani 2020-mi 2021-milu immikkoortitsisoqassasoq aalajangerput. Aningaasaliissutit taakku 2021-mi qaangiutissapput taamaattumillu 2022-mut aningaasanut inatsisissatut siunnersuummi ilaatinneqassanatik.

10.4. Konto pingarneq 50.06.50 Aalisarnerup ineriartortinneqarnissaanut immikkoortitat

Konto pingarnermi matumani 2022-mit siumullu 10,5 mio. kr.-inik immikkoortitsisoqarpoq. Aningaasaliissutit ilaatigut angallatinik nutaanngilisunik isaterinermit atorneqarsinnaapput.

a) Angallatit qanoq amerlatigisut isaterneqarnissamut utaqqippat?

Akissut: Aalisarnermut aningaasaliissutitut immikkoortitat pillugit Inatsisartut inatsisaata allanngortinneqarnera pillugu Inatsisartut inatsisaanni nr. 13, 2. december 2009-imeersumi (Angallatinik pisoqqanik sequtserinissamut tapiisarnermik atuutilersitsineq aamma angallatinik nutarterinermit tapiissutinik qaffaaneq) §17 naapertorlugu isaterinermit ataatsimiititaliamik, allaffissornikkut inaarutaasumik aalajangiisartumik pilersitsisoqarnikuuvoq. Qinnuteqaatit iluatsittumik tiguneqartarput ukiumullu ataasiarlutik-marloriarlutik suliarineqartarlutik. Ataatsimiititaliap ataatsimiinnermini kingullermi qinnuteqaatit tamaasa suliarisimavai, inatsimmilu siunertarineqartunik piunasaqaatinillu eqquutsitsisunut tamanut tapiissuteqarsimalluni. Tamatuma kingorna Naalakkersuisut ilisimanngilaat angallatit qanoq amerlatigisut isaterneqarumaarnersut, isaterisitsinissamut qinnuteqassanerluni angallammik piginnittup aalajangertussaammagu.

b) Ajornartorsiut tamanna Naalakkersuisunit qanoq aaqqiiffigineqalersaarpa?

Akissut: Apeqqummut a-mut akissut takuuk.

10.5. Konto pingarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarfik aamma piniarnermik nakkutilliisoqarneq

a) Sinerissap isorartunera nunatsinnilu illoqarfiit nunaqarfiillu amerlanerat eqqarsaatigalugu nunatsinni piniarnermut nakkutilliisut naammattut Naalakkersuisut isumaqarpat?

b) Missingersuutitut ilanngussaq naapertorlugu *"nakkutilliisussat allanngortinneqarnissaat pisariillisaavigineqarnissaallu"* KANUAANA-mit qanoq piviusumik sulissutigineqarpat?

c) KANUAANA-p nutaamik angallatitaarnissaanut ilassutitut aningaasaliissuteqarnissamik qinnuteqaat Aningaasaqarnermut Ataatsimiititaliap december 2020-mi itigartitsissutigaa (01.31.06/21-009) aalajangiinnerminilu ima allalluni: *"Taamaattumillu angallatinik nakkutilliissutinik pisariaqartitsineq pillugu pilersaarummik tamakkiinerusumik suliaqarnissaq aammalu taassuma 2022-mi aningaasanut inatsisissatut siunnersuutip isumaqatigiinniutigineqarneranut ilanngunneqarnissaa Naalakkersuisunut inassutigineqarpoq."*

Angallatit nakkutilliissutit pillugit pilersaarummik ataqatigiisumik nunarput peqaleqqullugu Aningaasaqarnermut Ataatsimiititaliap kaammattuutai Naalakkersuisunit malinneqalersaarpat?

Akissut:

a)-mut aamma b)-mut

Kalaallit Nunaanni Aalisarsinnaanermut Akuersissutinik Nakkutilliisoqarfik (KANUAANA) aalisarnermik piniarnermillu nakkutilliisut akornanni kinguaariit

nikileruttorput, taamaattumillu nakkutilliisunik nutaanik ukiuni marlunni ilinniarfimmik aallartitsisoqarsimavoq. Nakkutilliisut arfineq-marluk holdit pingajuanniittut 2021-mi decemberimi ilinniarnertik naammassissavaat. Holdit sisamaat 2022-mi decemberimi aallartinneqassaaq. Kalaallit Nunaanni sumiiffinni assigiinngitsuni aalisarnermik, piniarnernik aallaaniarnermillu aarlerinartoqarnera tunngavigalugu nakkutilliinissap nakkutilliinermillu paasititsiniaanerit pitsaasumik pilersaarusiorneqarsinnaaniassammata taakkulu naammassineqarsinnaaniassammata nakkutilliisutut ilinniarneq aalisarnermik, piniarnernik aallaaniarnermillu nakkutilliisinnaangorlugit aaqqissuunneqarsimavoq.

c)-mut

Kalaallit Nunaanni Aalisarsinnaanermut Akuersissutininik Nakkutilliisoqarfik nakkutilliinermi angallammik anginerusumik ataatsimik, ilaatigut sineriak tamakkerlugu sumiiffinni avinngarusimanerusuni ukioq naallugu piffissani sivisunerusuni namminersorluni ingerlasinnaasumik pisariaqartitsivoq. Taamatuttaaq nakkutilliinermi angallatit ukiunik 20-nik pisoqaassusillit nakkutilliinermi angallatinik sukkasuulianik nutaanik pingasunik, Ilulissani, Sisimiuni Nuummilu nunap immikkoortuini pingasuni allaffeqarfinnut pingasunut inissinneqartussanik taamatuttaarlu ukioq naallugu ingerlasinnaasunik taarserneqarnissaat pisariaqartinneqarpoq. Tamanna maannakkorpiaq isumaliutersuutigineqarpoq. Isumaliuutersuutini taakkunani ilaatigut nakkutilliinermi angallat annerusoq siunertanut allanut taamaalillunilu sunniivigeqatigiinnermik kinguneqarsinnaanissaanut periarfissat ilaapput.

11. Suliassaqarfik 62 aamma 64 Inuussutissarsiornermut, Niuernermut, Nunanut Allanut Silallu Pissusaata Allanngoriartorneranut Naalakkersuisoq

11.1. Konto pingaarneq 64.10.03 Northern Periphery and Arcticimut Kalaallit Nunaata tapersiissutai

- a) Business Greenland A/S-imik taaguuteqarani ullumikkut Innovation Greenlandimik taaguuteqarmat ataatsimiititaliamit inussiarnersumik Naalakkersuisunut eqqumaffigeqquneqassaaq.

Akissut: AI2022-mi ataatsimiinnermi teknikikkut allannguinnermi iluarsineqarumaarpoq.

11.2. Konto pingaarneq 64.10.30 Puisit amiinik tunisineq

- a) Minkit tamakkerlugit Danmarkimi toqorarneqarnerat nunatta puisit amiinik avammut tunisinissamik periarfissaanut qanoq sunniuteqartussatut Naalakkersuisunit nalilerneqarpa?

Akissut: Minik tamakkerlugit Danmarkimi toqorarneqarnerat minkit amiinik nittarsaanermut piffissami qanittumi allanngortitsigaarunnanngitsoq Great Greenlandip naatsorsuutigaa. Kopenhagen Fur minkit amiinik sulii amerlasuunik uninngasuuteqarpoq ukiunilu marlunni tullinnguuttuni nalinginnaasumik akitsorterussisoqarnissaa naatsorsuutigineqarluni.

Danmarkimi minkit amii pitsaalluinnartutut ilisarnaateqartuaannarnikuupput, nunanili allani minkit amiinik aamma tunisassiorartoqartarpoq: Polen aamma

Ukraine tunisassiornerfik unitsissallugu pilersaarsimapput, tunisassiornerli Danmarkimi matusinermut atatillugu ingerlaannarnissaa naatsorsuutigineqarpoq, soorluttaaq amernik annertuumik atuisut Ruslandip aamma Kinap tunisassiornerfik annertusissagaat naatsorsuutigineqartoq.

Taamaattumik siunissami ungasinnerusumi minkit amiinik ataatsimut isigalugu nittarsaanermi allanngortoqarnissaa qularnarpoq.

Tamanna Great Greenlandip puisip amiinik kusassatinillu nunarsuarmi niuerfimmut nittarsaassineranut soorunami sunniuteqassanngilaq. Minkit amiinik siunissami tunisassiorneq tamarmiusoq qaffannissaa apparnissaalu apeqqutaatinagu Great Greenlandip ukiuni aggersuni takornariaqarnerup ingerlalluaqqileranerani— nunani allani atuisunut nutaanut umiarsuarnilu takornariartaatini ilaasunut – tuniniaanikkut periarfissat amerlinissaat naatsorsuutigaa.

11.3. Konto pingaarneq 64.10.31 Takornarianut sullissiviit nunatsinnilu takornariagassat

- a) Ilulissani takornariat ornittagassarsuata pilersinneqarnermi kingorna isertitaqarnissamut periarfissai Naalakkersuisunit qanoq nalilerneqarpat?

Akissut: Kangiata Illorsua nalunanngitsumik takornariaqarnermik pisariaqartitsivoq, takornariallu Ilulissanukartartut amerlinerisigut illorsuup isertitaanut pitsaasumik soorunami kinguneqassaaq.

Ukiumi siullermi isertitatigut naatsorsuutit killeqarput, nunarsuulli ammariartornera ilutigalugu takornariallu angalarusussusillit angallatilerpata isertitat pitsaanerulernissaat naatsorsuutigineqarpoq. Takornariaqarnermik siuarsaalluni ataatsimut isigalugu sulineq aamma Kalaallit Nunaata tikiffissatut soqutigineqarneruleriartornera isertertut amerlassusaannut kinguneqarluassapput.

Kangiata Illorsua ingerlatsinissamut pilersaaruteqarpoq. Ingerlatsinissamut pilersaarut mianersortumik suliarineqarsimavoq, isertitassatullu tunngaviup annertunerunissaata qulakkeernissaanut illorsuup ukiup pinerani takornariakiffimmi qanoq atorineqarsinnaanerani nalilersuilluni.

Tamatuma saniatigut ingerlatsinissamut pilersaarummi ukioq naallugu piffissaq takornariaqarluarfimmiinnersoq takornariakiffimminiinnersorluunniit apeqqutaatinagu aalajangersimasumik akeqartitsinissaq aallaavigineqarpoq. Najukkami inuiaqatigiit eqqarsaatigalugit ukioq naallugu isissutissamik akikitsumik paarlattuarnik pilersitsisoqarpoq ukiullu pinerani takornariakiffiani najukkami innuttaasunit illorsuup atorineqartarnissaanut tunngaviliilluni taamatullu cafémi isertitaqarnerulersitsilluni.

Isertitalli pingaartumik takornarianinngaanneernissaat naatsorsuutigineqarpoq, umiarsuullu takornariartaatit annertuumik isertitaqarfiusarnerat naatsorsuutigineqarpoq, tamanna takornariat Ilulissanut tikinnginneranni ingerlatseqatigiiffinnik isumaqatigiissusiorfigineqarnissaat sulissutigineqassaaq. Kangiata Illorsuanut isernissaq angalanerani aqqissuuteriikkani ilaatillugu

angalanernik aaqqissuussisartunik allanik isumaqatigiissusiornissamut periarfissat aamma misissorneqassapput.

Covid-19 eqqarsaatigalugu takornariaqarnerlu ingammillu umiarsuit takornariartaatit nalinginnaasumut qaqugu uteqqinnissaat nalornissutigalugu Kangiata Illorsuanut isertitassatut tunngavissaq sulit nalornissutigineqarpoq. Ingerlatsinissamut pilersaarummi naatsorsuinerit mianersuunneqaraluartut ukiut tulliini pitsaasumik angusaqarnissamik takutitsipput. 2021-mi angusat takuneqarsinnaaleriarpata ingerlatsinermut pilersaarutip iluarsaanneqarnissaa pisariaqassaaq.

11.4. Konto pingaarneq 64.20.07 Inuit Circumpolar Council

- a) ICC-mut aningaasaliissutit marloriaatinngortinneqassasut Naalakkersuisut tusagassiorfinnut¹ nalunaarutikkut nalunaarutigaaq. Taamaattorli AI21-mi 1,5 mio. kr.-it immikkoortinneqarput AIS22-milu 2 mio. kr.-it immikkoortinneqarlutik. Imminnut assortuuttunik nalunaaruteqarneq Naalakkersuisunit qanoq nassuiaatissaqartinneqarpa?

Akissut: AI2021-mi takuneqarsinnaavoq ICC-mut aningaasaliissutit 2022-miit ilanngullugulu ukiumut 1 mio. kr.-nut appartinneqartut. AIS2022-mi ukiumut aningaasaliissutit 2 mio. kr.-nut allanngortinneqarsimapput. AIS2022-mi aningaasaliissutit 1 mio. kr.-niit 2 mio. kr.-nut qaffanneqarnissaa siunnersuutigineqarpoq, taakku AI2021-mi ukiumut missingersuusiorfiusumut 2022-mi tunngavimmut sanilliullugu marloriaataapput.

- b) Nunani ICC-mi ilaasuni inatsisartutigoortumik suleqatigiinnerup tapersersorneqarnissaa Naalakkersuisunit pilersaarutigineqarpa?

i. Sooq/taamaanngippat sooq?

Akissutit: Naalakkersuisut ICC-mi suleqatigiinneq aningaasaliissutit qaffannerisigut tapersersorpaat, tamanna ICC-p sulinerata, tassunga ilanngullugu ICC-mi immikkoortortat aamma ICC International akornanni sulinerup ingerlaannarsinnaanissaanut qulakkeerinninnertut isigineqarpoq.

11.5. Konto pingaarneq 64.20.14, 64.20.15 aamma 64.20.17

- a) Kontot matumani pineqartut kalaallisuui danskisuuilu imminnut naapertuutinnigitsut ataatsimiititaliamit paasineqarpoq. Danskisuuani oqaaseq "sinniisoqarfik" atorneqarpoq, kalaallisuanili oqaaseq "aallartitaqarfik" atorneqarluni. Tamanna iluarseqqullugu Naalakkersuisut qinnuigineqarput.

Akissut: AI2022-mi ataatsimiinnermi teknikikkut allannguinnermi iluarsineqarumaarpoq.

12. Suliassaqaarfik 66 – 67 Ineqarnermut, Attaveqatigiinnermut, Aatsitassanut Naligiissitaanermullu Naalakkersuisoq

12.1. Konto pingaarneq 67.01.02 Geologiimut immikkoortortaqaarfik

¹ Fx: <https://sermitsiaq.ag/node/231316>

- a) Aatsitassanut Naalakkersuisoqarfiup aamma Aatsitassanut Ikummatissanullu Aqutsisoqarfiup saniatigut immikkoortortaqaqarfiup sulinera ilisimatusartutut suleqatigisat avataaneersut, soorlu GEUS universitetillu, qanimut suleqatigalugit ingerlanneqassasoq missingersuutitut ilanngussami allassimavoq. Assersuutigalugu GEUS immikkoortortaqaqarfimmit suleqatigineqareersorq paasissutissiissutigineqanngilaq. Suleqatigisanik avataaneersunik soorlu GEUS-imik suleqateqarneq sutigut ingerlanneqassasoq naatsorsuutigineqarpa?

Akissut: Ujarassiornermut immikkoortortaqaqfik ukiuni arlalippassuarni kalaallit nunallu tamalaat suliffeqarfiannik assigiinngitsunik suleqateqartarsimavoq. Immikkoortortaqaqarfiup ilaatigut Asiaq, GEUS, USGS, amerikami nunanut allanut ministereqarfik ilisimatusarfinnilu ilisimatuut assigiinngitsut aamma Europamit, Canadamit, Asia-mit Australiamiillu siunnersortit suleqatigai.

Ujarassiornermik suliniutit Ujarassiornermut immikkoortortaqaqfiup aallartitai, suliniummiit suliniummut ujarassiornermik ilisimatuunik assigiinngitsunik pisariaqartitsipput, taamaattumik ilisimatusartunik suliniummi peqataasinnaasunik pitsaasumik attaveqaateqarnissaq pingaaruteqarpoq. Ilisimatusartunik avataaneersunik suleqateqarnissaq suliniutini pingaaruteqarpoq, suliniutinulli tamanut tunngatillugu Ujarassiornermut immikkoortortaqaqarfiup suliniutit sorliit aallartinneqassanersut pingaernerutinneqassanersullu erseqqissartassavaa. Suleqatigiinneq amerlanertigut tassaavoq nunap immikkoortuini misissueqqissaarnermik suliani, peqataasunik amerlasuunik aamma suliassaqarfinni assigiinngitsuni ilisimasani aammalu laboratoriami misissueqqissaarnissamut pisariaqartitsiffiusuni peqataaneq. Assersuutigalugu nunap assianganik 1:100 000 skalamik angissusilimmik suliqaarnissamut ujarassiuut 10-20 misaanniittut pisariaqartinneqakkajuttarput; ilaat qaarsuinnut, kinnernut, innermik anitsisartumit ujaqqanut, aatsitassaqaassutsinut, nunap sannaanut, ullulersueriaatsinut, GIS-imik suliqaarnermut paasissutissanillu katersivinnut tunngatillugu misilittagaqarput ilaallu pilersaarusiorneq logistikkilu isumagisarlugit.

Ujarassiornermut immikkoortortaqaqarfiup ullumikkut suliassarpasuit namminersorneq pillugu inatsisip akuerineqarneratigut GEUS-imit isumagineqartussatut naatsorsuutigineqartut isumagisarpai. Ilaatigut taakku tassaapput aatsitassarsiornermut periarfissap nittarsaanneqarnera, ingerlatseqatigiiffik pillugu paasissutissanik toqqorterineq, nunap pissusia pillugu siunnersuineq, paasissutissanik katersivinnik aqutsineq, nunap pissusaanik nakkutilliineq kiisalu Kalaallit Nunaannit aatsitassanut tunngatillugu paasissutissanik isumagininneq, nutarterineq attassinerlu. Suliassat allat suliniutaapput nutaat, GEUS-imit siornatigut ingerlanneqarsimanngitsut, soorlu: Suliassat aatsitassarsiornermut annikitsunut tunngasut (apeqqutilliinerit, nalilersuinerit pikkorissartitsinerillu), nunap pissusia pillugu kalaallisut siunnersuineq (immikkoortortami ujarassiuut affaat kalaaliupput) aamma tamanut tusarliineq (assersuutigalugu inoqatinut attaveqaatit, Kalaallit Nunaata sananeqaataa pillugu meeqqanut atuagaq, kulturisiorfik aamma ilisimatusarfimmil, Aatsitassarsiornermik atuarfimmi meeqqallu atuarfiini saqqummiineq). Suliassat taakku immikkoortortaqaqarfimmit

isumagineqaannarnissaat avataaniillu ilisimatuunik, GEUS ilanngullugu suleqateqateqarnermi taamaallaat nunap pissusianut tunngatillugu suliniutaannangajaat suleqatigiissutigineqassasut naatsorsuutigineqarpoq.

- b) Tamatuma peqatigisaanik paasissutissiissutigineqarpoq immikkoortortaqarfik nunanik ilisimatuussutsikkut qaffasissumik misissuinermit suliaqartoq, tamatumanilu siunertaasoq nunap sannaanut aamma aatsitassatigut isumalluutinik paasisaqarnerulernissaq. Tamatumani suliaqarfiit siusinnerusukkut killeqartumik ujarlerfiusimasut immikkut pineqarnerarneqarput. Ilisimatuussutsikkut misissuinerit suut pineqarnerisut aammalu misissuinerit taakku immikkoortortaqarfiup nammineq ingerlannerai erseqqissaateqarfigeqqullugu Naalakkersuisut qinnuigineqarput.

Akissut: Nunap pissusianik ilisimatusarnikkut misissuinerit Ujarassiornermut immikkoortortaqarfimmit aallartinneqartut suliarineqartullu paasissutissanik nutaanik, ingerlatseqatigiiffinnut misissuisartunut annikitsumillu aatsitassarsiornissamut pisinnaatitaaffilinnut nunap pissusia pillugu ilisimasaqarnerulersitsisinnaasunik pilersitsinissamik siunertaqarput taamaalilluni misissuinnikkut aningaasatigut aarlerinartut annikillisinneqarsinnaassallutik. Taamaaliornikkut nunatut aningaasaliiffigineqartussatut pilerinassuserput attatiinnarsinnaavartut.

Ujarassiornermut immikkoortortaqarfik nammineerluni allanillu suleqateqarluni nunap pissusianik ilisimatusarnikkut misissuisarpoq. Maannakkut ujarassiuut taamaallaat arfineq-pingasut immikkoortortaqarfimmiipput taamaattumillu suliniutini annertunerusunik suleqateqartariaqartoqartarpoq. Tamannali Nunap Pissusianik Misissuinerit GEUS-imuttaaq nalinginnaasuuvoq, matumani suliaqsaq suna naammassineqartussaasersoq apeqqutaalluni avataanit ilisimatuut assigiinngitsunik ilisimasallit ikiortigineqartarlutik.

Ujarassiornermut immikkoortortaqarfiup nunap pissusianik ilisimatusarnikkut misissuinerit assigiinngitsut ingerlattarpai, taakkunanngalu pingaarnerpaaq tassaalluni nunap immikkoortuani nunap assiginik 1:100 000 skalamik angitigisunik suliaqarneq. Taakku nunap pissusianik tunngaviummik ilisimatitsisarput ingerlatseqatigiiffinniillu misissuisartunit piumaneqartarlutik. Nunap assingi avataanit ilisimatuut suleqatigalugit pilersinneqartarput, soorlu GEUS imaluunniit ilisimatusarfinni ilisimatuut. Nunap assiliornerannik suliniutit ilaanni Ujarassiornermut immikkoortortaqarfik ataqtigiissaarisuusarpoq, nunalli assiliornerani ilisimatusarfinniit assigiinngitsuniit ilisimatuut aamma peqataasarlutik. Immikkoortortaqarfimmi ujarassiuut taamaalillutik misissuinermit suliaqartarput, titartaasarput, nalunaarusiortarput allaaserinnittarput il.il. Assersuutigalugu Maniitsup eqqaani nunap assinga ukioq manna saqqummersinneqassaaq. Nunap assiliorneranik suliani allani GEUS suliniummik ataqtigiissaarisuuvoq, Ujarassiornermut immikkoortortaqarfik misissuinermit suliami nalunaarummillu allaaserinninnermi suleqataalluni, assersuutigalugu Kalaallit Nunaata kangiaata avannaani Hudson Landip eqqaani nunap assiliornerani.

Nunap assiliorneri annikinnerusut naammassinissaanut immikkoortortap nammineq isumalluutissaqartippai. Suliniutitut taama ittunut assersuutigineqarsinnaavoq Maniitsup eqqaani ujaqqanik pinneraasiassanik Kalaallit Nunaatalu kujataani tugtupitinik piiiaffissanik nunap assiliornerit. Suliniutitut allat, soorlu Narsarsuup eqqaani Kimberlit 2021, GEUS peqatigalugu ingerlanneqarpoq. Allallu US Department of State suleqatigalugu, soorlu karbonatitimik suliniut ingerlanneqartarlutik.

Misissuinerit assersuutigalugu sumiiffimmi aalajangersimasumi imaluunniit aatsitassaq aalajangersimasoo pillugu katersuisut immikkoortumit nammineq imaluunniit avataaneersunit suliarineqartarput. Kalaallit Nunaanni ujaqqanik pinneraatinik peqassutsimik paasissutissanik katersat Ujarassiornermut immikkoortortaqarfimmit misissuinerit assersuutaapput. Misissuinerit tunngavigalugit paasissutissat katersakkuutaat assigiinngitsut, ingerlatseqatigiiffinnit misissuisartunit pissarsiarineqarsinnaasunngorneqartarput suliarineqartarput.

Ujarassiornermut immikkoortortaqarfiup aatsitassanut, assersuutigalugu guldinut kannugussanut tunngatillugu ilippanaatinik nalilersuinerit aamma aallartittarpai. Taakku ilippanaatinik nalilersuinerit avataanit suleqatigisat suleqatigalugit ingerlakkajunneqartarput. Ilippanaatinik nalilersuinerit nammineq aningaasalersukkat saniatigut Ujarassiornermut immikkoortortaqarfik Nunani avannarlerni nunap pissusaanik ilisimatusarnermik suliniutitut aamma peqataasarpoq, 2021-milu septemberimi Nunani avannarlerni aatsitassanik pissarsiariuminaatsunik piujuartitsisumik tunisassiornissamut periarfissaq pillugu Nunani Avannarlerni Ministerit Siunnersuisoqatigiivini Nunani Avannarlerni Nutaaliornermut nalunaarusiamik suliaqaqataasimavoq.

Siusinnerusukkut nunap immikkoortuata sananeqaataanik misissuinerit avataanit suleqatigisanit ingerlanneqarsimapput. Misissuinerit ingerlatseqatigiiffinnit misissuisartunit piumaneqartarput nunap sananeqaataanik assit nunap qaavanik iluanillu, nunap assingini takoriaannaanngisanik takutitsisarmata. Taamaattorli nunap sananeqaataanik misissuinerit akisoorujussuupput kontumiillu pingaarnemit 67.01.02-mit taamaallaat aningaasalersorneqarsinnaajunnaarnikuullutik. Nunap pissusianik suliniutitut aningaasat 2009-imi 16,7 mio. kr.-niit 2022-mut aningaasanut inatsisissatut siunnersuummi 6,0 mio. knr.-nut apparnikuupput. Aningaasat qillerilluni qallukkanik toqqortaasivinnut, nittarsaassinermut il.il. aningaasartuutitut akiliutaasussaapput, taamaalilluni nunap pissusianik suliniutitut aningaasat piviusut annikinnerujussuullutik.

Taamaattorli US Department State suleqatigalugu 2019-imi Kalaallit Nunaata kujataani silaannakkut hyperspektralimik misissuisoqarsimavoq. Paasissutissanik katersineq taakkulu nassuiarneri avataanit ilisimatuunit suliarineqarput, Ujarassiornermullu immikkoortortaqarfik logistikkimik pilersaarusiordermi misissuinerimillu suliaqarnermi suleqataalluni. Hyperspektralimik misissuinerit aamma akisupput taamaattumillu misissuineq US Department of State mit aningaasanik nuussisoqarneratigut taamaallaat piviusunngortinneqarsinnaasimavoq.

Ujarassiornermut immikkoortortaqrarfiup misissuinerit sapinngisamik nammineq ingerlanniartarpai, taamaalillutik ujarassiuut nunap pissusianut ilisimasaqalerniassammata. Tamatuma saniatigut suliaassat immikkoortortaqrarfimmit suliarineqartut GEUS-imi avataaniluunniit suleqatigisani allani suliaassat assingisa akiisa affaannik akeqarput. Taamatuttaaq aningaasat Kalaallit Nunaanniiginnartarput. Taamaattumik suliaassat nammineq suliarineqarnissaat isumatusaarneruvoq.

- c) Piffissaq ungasinnerusoq eqqarsaatigalugu geologiimut immikkoortortaqrarfiup namminersortutut ilisimatusarfinngortinneqarnissaa sulissutigineqartoq paasissutissiissutigineqarpoq. Taamaaliornikkut susassaqrarfimmi inuiaqatigiit pingaarnertigut anguniagassaat anguniarlugit paasissutissat ajunnginnerpaamik siamasissumillu atorneqarnissaat ilaatigut qulakkeerniarneqarpoq. Paasissutissat immikkoortortaqrarfiup nammineq ilisimatusarnermik suliaqrarnermini aammalu avataaneersunik assersuutigalugu GEUS-imik suleqateqarnikkut pissarsiarineqartut pigineqarnerat atorneqarsinnaanerallu qanoq ippa?

Akissut: Kalaallit Nunaanni nunap pissusianik ilisimatusarnikkut paasissutissat tamaasa ataatsimoorunniarlugit 2020-mi Aatsitassanut Inatsisinillu atuutsitsinermit Naalakkersuisoqarfik Sila pissusaanut, Nukissiornermut Pilersuinerimullu Ministereqarfik isumaqatigiisummik atsioqatigiippat. Paasissutissat qanoq ataatsimoorunneqassanersut, nutarterneqartassanersut ilisimatitsissutigineqartassanersullu pillugu najoqqutassat suliarineqaleruttorput 2021-llu naanerani taamaatinissaa naatsorsuutigineqarluni. Piginnittuuneq eqqartorneqanngilaq, paarlattuanik paasissutissanik atuinissamut assigiimmik pisinnaatitaaffeqarnissaq isiginiarneqarpoq.

Suliniutit GEUS-imik suleqatigiiffiusut amerlanerujussuit ataatsimut aningaasalersugaapput, matumani Ujarassiornermut immikkoortortaqrarfik aamma GEUS suliniummut aningaasaleeqataasarlutik. Taamatut pisoqartillugu paasissutissanik piginnittuuneq ataatsimoorunneqartartoq ataatsimut paasineqarsimavoq. Taamaakkaluartoq paasissutissanik piginnittuunermit tunngatillugu ajornartorsiut uteqqittarsimavoq, matumani GEUS-imit kalaallit nunap pissusianut paasissutissaataannut tamanut pissarsisinnaaneq siornatigut ajornartorsiutaasimavoq, allaat suliniutini suleqatigiiffigisani. Suleqatigisatsinnik allanik, suliniutinik ataatsimut aningaasalersueqatigisatsinnik siornatigut taama pisoqarnikuunngilaq. GEUS-ip ilisimatusarfittulli allatulli ilisimatusarneq pingaarnarpaatippaa ukiunilu arlalinni paasissutissat isertuunnissaannik kissaateqakkajuttarpoq, nunani tamalaani atuagassiani saqqummiussinnaanissaat anguniarlugu. GEUS taamatuttaaq ingerlatseqatigiiffinnut misissuisartunut niuernikkut siunnersuisarpoq matumanilu paasissutissanik ingerlatseqatigiiffinnit toqqaannartumik pissarsiarineqarsinnaanngitsunik toqqaateqarnissani soqutigisinnaallugu. Aatsitassanut Inatsisinillu atuutsitsinermit Naalakkersuisoqarfiup paasissutissanik tamat annertunerusumik pissarsisinnaanissaannut kissaataanut tamanna naapertuutinngilaq. Paasissutissanik piginnittuusarneq atornagu paasissutissanik avitseqatigiittarnissamut isumaqatigiittoqarneratigut ataatsimut aallaavimmik

pilersitsisoqarsimavoq, tamannalu Naalakkersuisoqarfiup GEUS-ilu isumaqataaffigaat.

Suliniutinik suleqatigiiffigisanik Ujarassiornermullu immikkoortortoqarfimmit tamakkiisumik aningaasalersorneqartunik piginnittuuneq immikkoortortoqarfimmiissaaq. Tamanna paasissutissanut taamaallaat Ujarassiornermut immikkoortortoqarfimmut tunniunneqartussanut aamma atuuppoq. Avataaniilli suleqatigisat killilinnik pisinnaatitaaffeqakkajuttarput, soorlu paasissutissanik atuinnissamut pisinnaatitaaffik suliamillu nersorneqartussaataaffik.

- d) Kalaallit Nunaata paasissutissanik pitsaanerpaamik pissarsinissaanik qulakkerinnittunik GEUS-imut isumaqatigiisummut ilassutitut suleqatigiinnissamik allanik assersuutigalugu USA-mik isumaqatigiisuteqartoqarpa? Taamaattoqarsimappat taakku sumut killippat?

Akissut: Aatsitassanut Inatsisinillu atuutsitsinermut Naalakkersuisoqarfik US Department of Statemik, paasissutissanik aqutsinermi siunnersuinemik, tassunga ilanngullugu paasissutissanik Kalaallit Nunaannut attuumassutilinnik sorlernik erseqqissaanermik ilaasitsisumik suleqateqarpoq. Suliaq Covid-19 pissutigalugu angallannerit killilersorneqarnerisigut kinguaattoorsimavoq, suliarli ingerlavoq. Paasissutissat pisoqaanerit toqqorsivinniipput, taamaalilluni Danmarkimi toqqorsivimmut ornigunnissaq pisariaqalerluni. Ornigunnissaq 2021-mi oktoberimi pisussatut pilersaarutigineqarpoq.

US Department of Statemik suleqatigiinnissamik isumaqatigiisummi ujarassiornermik suliniutit, nunap pissusia pillugu paasissutissanik nutaanik pilersitsiffiusut aamma ilaatinneqarput.

12.2. Konto pingaarneq 67.01.08 Qaqqami sisoortoqarnissaanik misissuinermut Kalaallit Nunaata akiliutaa

- a) Qaqqami sisoortoqarnissaanik misissuinerit Naalakkersuisut sumut killippaat aammalu suliaq 2022-mi naammassineqartussatut naatsorsuutigineqarnera Naalakkersuisunit aalajangiusimaneqarpa?

Akissut: Qaqqat sisoortarnerannik misissuinerit GEUS-ip isumagai. GEUS-ip 2020-mi aasakkut misissuinerit naammassisimavai, taamaalillunilu Kalaallit Nunaanni sumiiffiit aarlerinartorsiorfiusut 18-it tamarmik tikeraarsimallugit. Misissuinerup nalaani GEUS-ip ilaatigut Karrat 3 angallammik misissorsimavaa. GEUS-ip qaqqat sisoortarnerannik misissuinermik nalunaarusiorneq 2022-mi kvartalip pingajuata ingerlanerani naammassisinnaassallugu naatsorsuutigaa.

Qaqqat sisoortarnerannik misissuinerit aningaasaliissutit misissuinermik sulianut aamma misissuinerit tassunga sakkussanik pisariaqartinneqartunik pisiortornermut aningaasartuutitut taamaallaat atorineqarput. Alapernaarsuinermik, siumut ilisimatitsinermik kalerrisaarinermillu atortorissaarutinik pilersitseratarnissamut aningaasartuutit qaqqat sisoortarnerannut tunngatillugu suliniummi ilaangillat. Aatsitassanut Inatsisinillu atuutsitsinermut Naalakkersuisoqarfiup alapernaarsuinermik siumullu

ilisimatitsinermik atortorissaarutiniq pilersitsinissamut periarfissat misissuleruttorpai.

13. Suliassaqaarfik 70 – 72 Ineqarnermut, Attaveqatigiinnermut, Aatsitassanut Naligiissitaanermullu Naalakkersuisoq

13.1. Konto pingaarneq 70.01.07 Sanaartornermi oqartussaassuseq

- a) Kontumi pingaarnermi, 70.01.07 Sanaartornermi oqartussaassuseq, Sanaartornermut Immikkoortortaqaarfiup Namminersorlutik Oqartussani sanaartornermut suliniutinut qitiusumik sanaartornermut isumaginninnera allaaserineqarpoq. Sanaartornermut akisussaaffimmi suliassaqaarfinni tamani, matumani Peqqissutsimut suliassaqaarfik aamma Namminersorlutik Oqartussat allaffissornikkut illuutaat kisiisa pinnagit, nutaanik sanaartortitsinerit tamarmik kiisalu iluarsaanissanut, aserfallatsaaliuinnissanut isaterinissanullu suliniutit qitiusumik aqunneqarnerat pineqarput. Tamakku ulluinnarni aqunneqarnerat suliniutitigullu aqunneqarnerat Iluarsagassanut Aqutsisoqaarfimmi inissisimavoq. Konto pingaarnep matumani pineqartup ataani taamatut nassuiaateqarnerup ilanngunneqarnera immikkut ittumik tunngaveqarpa?

Akissut: Ineqarnermut suliassaqaarfimmi sanaartortitsinermut oqartussaaffimmut aningaasartuutit kiisalu tamanna pillugu immikkoortunut allanut siunnersuisarnerit sanaartortitsinermut oqartussaaffiup qitiusumik ingerlannissaata akuersissutiginnissaa sioqqullugu konto pingaarneq manna aqutugalugu akilerneqartarsimapput. Qitiusumik ingerlatsilernissamut atatillugu oqartussaaffiit allanngorneranni Sanaartortitsinermut Immikkoortortaqaarfiup allilernissaani sulisussaq ataaseq ilanngunneqarpoq, taamaammallu tassunga atatillugu aningaasartuutinngortut konto pingaarneq manna aqutugalugu akilertarnissaat tulluurtut isigineqarsimavoq.

13.2. Konto pingaarneq 70.01.14 Iluarsartuussinermut Aqutsisoqaarfik

- a) Aqutsiveqaarfimmi nutaamik pilersitsisoqarnissanut tunuliaqutaasup nassuiarluarneqarnissaa ataatsimiititaliamit kissaatigineqarpoq.

Akissut: Sanaartornerit, iluarsaanerit, aserfallatsaaliuinerit isaterinissallu nutaat pisariaqartumik tulleriaariffiginissaat qulakkeerniarlugit suliassat immikkoortunut marlunnut immikkoortinnissaat pisariaqarpoq. Sanaartornermut nutaanut sanaartornermut oqartussaaffiup nutaaliornerit ineriartortitsinerillu assigalugit Naalakkersuisoqaarfimmi Sanaartornermut Immikkoortortaqaarfimmi pingaarnertigut tulleriaarinissat aningaasaqarnikkullu aqutsinerit iluanni suliassat peqatigalugit aqqissuunneqassapput. Iluarsagassanut il.il. sanaartornermut oqartussaaffik Iluarsagassanut Aqutsisoqaarfimmi isumagineqarput.

Aqqissuussineq tamanna tamanna pillugu ineqarnermut suliassaqaarfimmi misilittakkanik immikkut tunngaveqarpoq, tassanilu nutaamik sanaartornerit iluarsaanerillu immikkoortunut marlunnut avinnerisa kingorna suliniutaasussat pisariallit pitsaaneruseq tamakkiisuunerusequllu tulleriaariffiginissaat takutinneqarput.

Misilittakkatigut taamaalilluni takutinneqarpoq Namminersorlutik Oqartussat sanaartornermi suliaasa nutaaliorfiginissaannut ineriartortitsiffiunissaannullu akisussaannerup qaffasisissumut naalakkersuinikkullu periutsinut qanittuunissaat pingaaruteqartoq. Peqatigitillugu misilittakkatigut paasinarsinikuuvoq suliaasat suliarinissaat qulakkeerniarlugu iluarsagassanut aserfallatsaaliunissamullu suliaasat sanaartornermit aallartereersunit avissaartillugit isumaginnissaasa ulluinnarni aqutsiviginissaat pingaaruteqarpoq.

- b) Konto pingaarnermi matumani suliaasat naalakkersuisoqarfiup ataani Sanaartornermut immikkoortortaqrifiup ataaniinnginnerinut suna tunuliaqutaava, tassanimi ilaatigut iluarsartuussinnermut, aserfallatsaaliinnermut aammalu isaterinnermut suliniutinik aqutsineq isumagisaareeraluarmat?

Akissut: 13.2a-mut akissutigineqartoq takuuk.

- c) Iluarsartuussinnermut Aqutsisoqarfik Kaajallaasitami 23. april 2021-meersumi kiisalu Kaajallaasitami 6. august 2021-meersumi suliaasat agguataarneqarnerannut (suliaasaqrifiit agguataarneqarnerat) ilanngunneqarsimanngitsaq ataatsimiititaliamit paasineqarpoq. Taamaattorli kaajallaasitami 6. augustimeersumi qulaani taaneqartumut ilanngussami Iluarsartuussinnermut Aqutsisoqarfik taamaallaat eqqaaneqarsimasooq ataatsimiititaliamit paasineqarpoq. Ilanngussaq kaajallaasitaq assigeqqissaarlugu allaqqiinnagaarpasipooq, assigiinngissuserivaali ilanngussami Iluarsartuussinnermut Aqutsisoqarfik kisimi allaqqammat kaajallaasitamilu mininneqarsimalluni. Iluarsartuussinnermut Aqutsisoqarfik qanga pilersinneqarsimanersooq pillugu erseqqissaasoqarnissaa ataatsimiititaliamit kissaatigineqarpoq.

Akissut: Sanaartornermut oqartussaaffiup qitiusumik ingerlanneqalernissaanut Naalakkersuisut akuersissuteqarnerisigut Iluarsagassanut Aqutsisoqarfiup kingusinnerpaamik ullormi 1. juni 2021 pilersinneqarsimanissaa peqatigitillugu aalajangiiffigineqarsimavoq. Namminersorlutik Oqartussani allaffissornikkut ineqqat qulaajarneqarneranni unammilligassat annertuut pissutaallutik aqutsisoqarfik aatsaat oktobarip qiteqqunnerani pilersinneqarsinnaassaaq.

- d) Ilanngussami siuliani taaneqartumi Iluarsagassanut Aqutsisoqarfik immikkoortortatut immikkut taaneqarpoq, tassani naalakkersuisoqarfimmut isertoqarsinnaavoq allanik inatsisitigut aalajangersaasoqarsimanngippat. Ileqqorissaarnissaa eqqarsaatigalugu Namminersorlutik Oqartussani iluarsartuussinnermut, aserfallatsaaliinnermut aammalu isaterinnermut suliniutinut sanaartortitsissusattut aqutsiveqarfiup suliaasaanut tunngatillugu tamanna sukumiinerusumik erseqqinnerusumillu nassuiaateqarfigineqassasoq ataatsimiititaliamit kissaatigineqarpoq.

Akissut: Iluarsagassanut Aqutsisoqarfik naalakkersuisoqarfimmi immikkoortortaavoq naalakkersuisoqarfimmullu attaveqartartuulluni.

- e) Tamanna konto pingaarnermut oqaasertaliussamut qanorpiaq atorneqassava?

Akissut: Suliniutitut aningaasaliissutit aqutsisoqarfiup suliarisartagai aningaasartuutit tassunga atassutillit akilersinniarneqartassasut oqaasertaliussatigit tunngavissinneqarpoq. Tamanna pisarpoq Namminersorlutik Oqartussat sanaartornermut suliniutaanni Sanaartornermut Iluarsagassanullu Aningaasaateqarfimmut ilanngunneqarsimasuni tamani. Teknikip tungaatigit isigalugu ukiup naalernerani suliniutini allaffissornermut aningaasartuutitut akiligassamik nassiussisoqartarpoq. Tamakku suliniutitut ukiup ingerlanerani massakkut piffissamik atuiffiusimasunut agguataarneqarput.

- f) Immikkoortoq kingulliup tullia, ilaatigit nassuiaateqarnissamut pilersaarutitik suliaqarnissamut tunngassuteqartoq, ataatsimiititaliamit imatut paasineqassanerluni nalunaarusianik allanik suliaqartoqarnissaa pisariaqartinneqarpoq?

Akissut: Tamanna eqqorpoq. Suliassaqaqfinnut tamanut immikkoortunut pilersaarutitik peqartoqanngilaq, taamaammallu tamakku suliarinissaat pisariaqartinneqarpoq, matumani siumut pilersaarusiornissaq, iluarsagassanillu kinguaattoortunik peqarsimappat tamakku qulaajaaffiginissaat ilanngullugu, eqqarsaatigalugu.

13.3. Konto pingaarneq 72.06.08 Illuliortiternermut aningaasalersuineq

- a) Nunatsinni kommunini tallimaasuni borgmesterit ataatsimoorlutik Aningaasaqarnermut Nunamullu Namminermut Naalakkersuisumut kiisalu Ineqarnermut, Attaveqarnermut, Aatsitassanut Naligiisitaanermullu Naalakkersuisumut allagaasa assilinerannik Aningaasaqarnermut Akileraartarnermullu Ataatsimiititaliaq ukioq manna juli naalersoq tigusaqarpoq. Aningaasat ukiuanni 2022-mi tamatumalu kingorna inissialiornissamut aningaasaliissutit kommuninut ataatsimoortumik tapiissutit aqutigalugit amerlineqarnissaat allakkami kommuninit kissaatigineqarpoq. Aningaasat immikkoortinneqarsimasut assersuutigalugu namminersortunut tapiiffigineqarlutik inissialiortunut naammaginarnersut naammaginannginnersulluunniit pillugu oqallinnissamut ataatsimiititaliaq maannakkuugallartoq peqataaniannigilaq. 2021-mut aningaasanut inatsisissatut siunnersuummi 35,225 mio. koruuniunikuusut 2022-mut aningaasanut inatsisissatut siunnersuummi 35,542 mio. koruunit immikkoortinneqassasut siunnersuutigineqartoq ataatsimiititaliamit maluginiarneqarpoq. Kommuninut aningaasat tunniunneqarsimasut aningaasaliissutigineqartut siunertaannut aamma atorneqartariaqartut ataatsimiititaliaq isumaqarpoq. Innuttaasut aamma taamatut naatsorsuuteqarnissaat ataatsimiititaliamit ilimagilluinnarneqarpoq. Naalakkersuisut kommuninut akissuteqaataanni kommunit sanaartornermut iluarsartuussinermullu aningaasaateqarfiliornissaannut pisinnaatitsissuteqalernissamut siunnersuut Naalakkersuisunit eqqaaneqarpoq. Taamaaliornikkut kommunit sanaartornermut aningaasaliissutitik aqutsinissaminut periarfissagissaarnerulissasut Naalakkersuisunit naatsorsuutigineqarpoq. Naalakkersuisut naatsorsuutigisaat ataatsimiititaliamit ilalerneqarput. Kommuninut Nunatta Karsianiit aningaasaliissutaasut inissialiornermut atorneqarnissaat qanoq Naalakkersuisunit qulakkeerneqarsinnaanersoq pillugu nassuiaat kiserngoruppoq. Nunatta karsianiit aningaasaliissutit

siunertarisaminut atorneqarnatik siunertanut allanut immaqa atorneqartussanngortinneqarnerat siunertaanngitsutut ataatsimiititaliamit isumaqarfigineqarpoq. Sineriak tamakkerlugu sanaartornissamut aningaasaliissutissat amigaatigineqareertigisut, tassunga ilaallutik illuliortitsinermut aningaasat. Tamatuma akerlianik kommuninut piviusumik pisariaqartitanik takutitsisinnaasunut sanaartornissamut aningaasaliisarnissaq siunertaqarluartutut ataatsimiititaliamit isigineqarpoq.

Akissut: Ataatsimiititaliap oqaaseqaatai tusaatissatut tiguneqarput, tamakkulu ataatsimoortumik tapiissutit pillugit kommuninik oqaloqateqartuarnissaq eqqarsaatigalugu Naalakkersuisut eqqarsaataaniissapput. Kommuninut ataatsimoortumik tapiissutit ilaasa immikkoortinneqartarnissaat qitiusumik aningaasaliissuteqartumit kissaatiginissagaluarpoq, tassungali atatillugu akerlianik erseqqissarneqarsinnaavoq ataatsimoortumik tapiissutit ataatsimut immikkoortinneqartarnerat kommunit tungaanniit qaqutigut kissaatigineqartarmat. Apeqqummut tullinnguuttumut akissutigineqartoq aamma takuuk.

- b) Inissialiortiternermut aningaasaliissutit aalajangersimasumut atorneqartussanngortitat eqqarsaatigalugit Naalakkersuisut sunik sakkussaateqarnerisut ataatsimiititaliamit paaserusunneqarpoq, taamaaliornikkut aningaasaliissutit kommuninut siunertanut atorneqartarnissaat qulakkeerneqarsinnaaqqullugu innuttaasullu tassuunakkut pisinnaatitaaffimminnik angusaqarsinnaaqqullugit?

Akissut: Immikkoortitsisoqartarnera sammisaasimavoq kommuninut ataatsimoortumik tapiissutinut tunngatillugu akuttunngitsumik saqqummertartoq.

Aallaaviusussaq tassaavoq eqqarsaatigineqartup "pisussanut akerliunera", tassami oqaatigineqartumut - ataatsimoortumik tapiissutit - akerliummat, tassanilu akisussaaneq tulleriaarinissarlugu tigusissamut inissinneqartarmat. Ataatsimoortumik tapiissutit pillugit isumaqatigiisummi aningaasat ilaat suliassaqaarfimmi killeqartumi atorneqartarnissaat naatsorsuutaammat qangaanerusoq massakkullu aaqqiissutaavoq. Kissaataasumut/piumasaqaataasumut kommunip eqqortitsisimanngippat pisunut pineqaatissiisarnissamut aalajangersakkanut isumaqatigiissuteqaranilu pisussaaffiliisoqarsimanngilaq.

13.4. Konto pingarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

UKA2020/112-ip aalajangiiffigisassatut siunnersuutip suliarineqarnerani tamatumani Ineqarnermut Attaveqaqatigiinnermullu Naalakkersuisuusooq akissuteqaatimini ima ilaatigut allappoq: *"Taamaattumik ineqarneq tamakkerlugu eqqarsarnissaq Naalakkersuisunit pisariaqartinneqarpoq. Ineqarnermut akiliutinik aaqqiissusseqqinnermi suliassaqaarfik tamarmi isiginiarneqartussaavoq, ineqarnermut akiliutit immikkoortui kisimik pineqaratik. Pisortat inissiaataat pitsaasuussapput, peqqinnartuussapput aammalu akuersaarneqarsinnaasumik pitsaassuseqarnissamut malinnissallutik. Tamannarpiaq Naalakkersuisut Inissianut Tamarmiusunut Pilersaarut malillugu sulissutigaat."*

- a) Tamanna tunngavigalugu Naalakkersuisut nutaat suliamik taassuminnga ingerlatitsiinnarniarnersut ataatsimiititaliamit paaserusunneqarpoq. ? Taamaassimassappat suliamut tassunga killiffik ataatsimiititaliamit ilutigalugu ujartorneqarpoq.

Akissut: Aap, Naalakkersuisut sulinerup tamassuma ingerlaannarnissaa toqqarsimavaat. Sulineq suliniuteqarfiusussat pilersaarusiortussallu pilersinneqartut ataanni suli ingerlavoq, tamakkulu Inissianut Tamakkiisumik Pilersaarummi inissisimapput.

Paasissutissanik katersuineq ineqarnermut akiliutit pillugit aaqqissuusseqqinnermut atatillugu misissueqqissaarnissanut tunngaviliissussaq qaammatit tulluuttut iluanni sukumiinerusumik misissueqqissaarnissanut piariissaaq. Taamaammallu misissueqqissaarnerit siunissami ineqarnermut akiliutinut ilusissamut siunnersuummut tunngaviliisussat qanittumi aallartinneqarsinnaassapput, taakkunanilu ilaavoq ineqarnermut tapiissutinut aaqqissuussinnermut nutaamut siunnersuut.

Siuliani taaneqartunut atatillugu qanoq iliorluni amigartumik iluarsaanerit siunissami aningaasalersornissaannut periutsimik pilersitsisoqarsinnaanersoq aamma misissorneqassaaq pilersinneqarlunilu.

Misissueqqissaarnerni siuliani taaneqartuni inissianik attartortitsisarnermi siunissami ingerlatsinnermut iluarsaannullu aningaasaqarnerup qulakkeernissaa siunertarineqarpoq, kisiannili amigartumik iluarsaanerit suliarinissaannut tunngalluni. Attartortut inissiamik isumannaatsumik peqqinnartumillu peqarnissaasa qulakkeernissaa siunertaavoq.

Misissueqqissaarnerit Inissianut Tamakkiisumik Pilersaarutip ataani suliarineqassapput, tassanilu periuserineqartussanut inerniliinerit siunnersuutillu ukioq manna Naalakkersuisunut saqqummiunnissaat ilimanarluni. Tassunga atatillugu suliassaqarfinnut siuliani taaneqartunut inatsisit nutaat allatullu inatsisinik allannguinerit pilersaarutaasut 2022-mi ukiakkut ataatsimiinnermi Inatsisartunut saqqummiunneqarumaarput.

13.5. Konto pingaarneq 72.20.10 Usinik assartuineq

- a) Royal Arctic Line A/S-ip Islandimi umiarsuaateqarfimmik Eimskipimik qanittukut assartueqateqartalernera konto pingaarnermut matumani pineqartumut ingerlatseqatigiiffiup suliassaminik kivitsisinnaaneranut qanoq sunniuteqarpa?

Akissut: Kontumut pingaarnermut, 72.20.10, siunertanut nassuiaatini atuarneqarsinnaavoq Nunatsinni nunaqarfiit isorliunerusullu kiisalu Kangaatsiaq Qeqertarsuarlu assartukkat tunngaartigut sullinneqartarnerat qulakkeerinniffiussasoq. Pingaarnertigut angalasarnernut pilersaarut tamanit pissarsiarineqarsinnaasoq naapertorlugu Kalaallit Nunaata Danmarkillu akornanni sapaatip akunnikkaartumik kiisalu nunaqarfinnut ullut 14-ikkaartumik tikittoqartarpoq. Tamatuma saniatigut Qaanaaq aamma Ittoqqortoormiit ukiumut marloriarluni Royal Arctic Line-mik isumaqatigiissutaasoq malillugu tikinneqartarput. Taamaammatt Royal Arctic Line-p Namminersorlutik Oqartussanut pisussaaffii eqqortinneqarput.

Kontop pingaarup uumma Eimskip-imilu assartueqateqartarnerit imminnut attuumassuteqartatut isigineqarsinnaanngitsut isumaqarfigineqarput. Assartueqatigiittalernikkut Kalaallit Nunaannit Kalaallit Nunaanullu akulikinnerusumik assartuisoqartalerpoq assartorneqartartullu amerlanerulersinnaalerlutik tamatumalu saniatigut nunarsuaq tamakkerlugu assartuiviusartunut pitsaannerusumik attaveqarsinnaalermik kinguneqarluni, ilutigisaanillu konto pingaarnaq una naapertorlugu inuiaqatigiinnut pisussaaffiit naammassineqartarlutik.

- b) Assartueqateqartalernerup nunatsinni niuertunut taamaalillunilu aamma nioqqutissat akiinut pitsaasumik sunniuteqarnissaa naatsorsuutigineqarsimava?

Akissut: Naalakkersuisut assartueqatigiinnerup nioqqutissanut ataatsimut akigitinneqartunut sunniuteqarnissaa naatsorsuutigisimanngilaat, tamakkumi nunami namminermi nunanilu tamalaani niuerfiit malimmatigik.

Taamaakkarluartoq paasissutissiissutigineqassaaq assartuinnermut akigitinneqartut umiarsuarnut nutaanut aningaasaliinerujussuit pisimagaluartut 2015-imi upernaamiilli allanngorsimanngimmata. Assartuinnermi akigitinneqartut nioqqutissat akiisa ataatsimut ineriartorfiunerannut qanoq pingaaruteqatiginerat sukumiinnerusumik misissuiffigineqarsimanngilaq.

- c) Suleqatigiinneq nutaaq atorlugu nunatta avataanut nassiussanik assartuinnermut pitsaasumik angusaqartoqarpa?

Akissut: Ingerlatseqatigiiffinnut Allattoqarfiup naatsorsuutininik misissuisimanera naapertorlugu ingerlatseqatigiiffiup ukiumoortumik nalunaarusiaani paasissutissiissutigineqarpoq assartueqatigiinnerup naatsorsuutigisamik sunniutissai tassaasut ingerlatseqatigiiffiup sullissineri maanna nunarsuaq tamakkerlugu pissarsiarineqarsinnaalersimmamata, taamaasillunilu niuernikkut periarfissat pilersinnaassammata. Kingullermik ingerlatseqatigiiffik DHL Global Forwarding-imik suleqateqalersimavoq, tamanna aqqutigalugu assartuinnerit avataaneersut aqqutigalugit Kalaallit Nunaannut aningaasanik isaatitsinissaq angusinnaajumallugu.

Assartueqatigiinneq aallartimmalli nunarsuaq tamakkerlugu niurneq Covid-19-imik nappaalanersuaqarneranik unammilligaasimammat erseqqissarneqassaaq. Tamanna nioqqutissat assigiinngitsorpassuit piumaneqarnerujunnaarnerannik kinguneqarsimavoq, taakkunungalugu ilaapput aalisakkanik tunisassiat, taamaammallu assartueqatigiinnerup massakkut killiffia eqqarsaatigalugu sunniutaasut naliliiffigissallugit ajornakusoorluni.

- d) Usinik nunatsinnit avammut assartuinnerup pitsaasumik ineriartorsinnaaneranut periarfissaqartoq Naalakkersuisut isumaqarpat?

Akissut: Ilaatigut nunanik killernik sanilerisatsinnik suleqateqarnerunikkut niueqateqarnerunikkullu pitsaasumik ineriartortitsinissamut periarfissaqarsinnaasoq takuneqarsinnaavoq.

- i. Eqqakkat ulorianartut nunatsinnit avammut
assartorneqartalersinnaaneratt Naalakkersuisut
periarfissaqarsoraat?

Akissut: Eqqaavilerisarneq Royal Arctic Line-p Namminersorlutillu Oqartussat akornanni akuersissummi ilaanngilaq, taamaalineranilu sullissisoq kinaassagaluarnerisooq malittarisassat atuuttut malillugit suliaasaqarfimmi avatangiisitigut inatsiseqartitsineq tunngavigalugu eqqagassanik assartuinissamut periarfissaqarneq naapertorlugu qinnuteqarsinnaassalluni.

Eqqakkanik ulorianartunik assartuisarnerup sutigut niuernikkut soqutiginaateqarnera massakkut naliliiffiginissaa periarfissaasimanngilaq.

13.6. Konto pingaarneq 72.26.02 Mittarfeqarfiit

- a) Mittarfeqarfiit Nunatta Karsianut akiitsuisa appartinneqarnissaannut, aningaasaleeqqinnissaannullu aningaasanik immikkoortitsinissamik ilassutitut aningaasaliissuteqarnissamik qinnuteqaat ulloq 17. december 2020-mi Aningaasaqarnermut Akileraartarnermullu Ataatsimiititaliamit itigartitsissutigineqarpoq – (Ataatsimiititaliap suliaa nr. 01.31.06/20 – 00918). Taamaattumillu Naalakkersuisut aningaasaliissuteqarnissamut periarfissamik allamik, Mittarfeqarfiit aningaasaqarnerannut siunissamut ungasinnerusumut pilersaarummik imalimmik, nassaarniarnissaat ataatsimiititaliamit inassutigineqarpoq. Siunissamut ungasinnerusumut pilersaarut sumut killinnersooq pillugu ataatsimiititaliaq paasisaqarusuppoq.

Akissut: COVID-19-imik nappaalanersuaqarnerup nunarsuaq tamakkerlugu eqquinnissaa sioqqullugu Mittarfeqarfinni akigititanut akiliisarnernullu najoqqutassanik eqqussisoqarsimavoq, tassanilu aningaasaqarnerup ukiumut 10 mio. kr.-nit missaannik pitsanngoriarnissaa naatsorsuutaasimalluni. Aningaasanut Inatsimmi Mittarfeqarfinni aningaasaleeqqinnissanut ukiumut 10 mio. kr.-nit immikkoortinneqarsimapput. Angalariaatsit nalinginnaasumik ingerlaqqilerpata Mittarfeqarfiit aningaasaqarnerata oqimaaqatigilernissaa qulakkeerniarlugu naammattumik sulisoqarsimanersooq paasinarsiumaarpoq. Taamaakkaluartoq Kalaallit Airports A/S-ip Nuummi Ilulissanilu mittarfinnik nutaanik atuilernera Mittarfeqarfinni isertitatigut annaasaqaataassaaq, tassanimi ilaasunit isertitarineqartut ilarpassui siunissami Kalaallit Airports A/S-imut akiliutigineqartalissammata.

Taamaammat piffissamut ungasissumut pilersaarusiornissamut tunngatillugu Naalakkersuisut maanna Mittarfeqarfiit suliffeqarfittut namminersortitamiit aktiaateqarluni ingerlatseqatigiiffittut allanngornissaa pillugu sulineramik aallartitsisimapput, matumani Kalaallit Airport Holding A/S-ip ingerlatseqatigiiffiutigisatut aningaasaliiffiginissaa siunertarlugu. Tamanna tunngavigalugu aningaasaqarnikkut naatsorsuutigisat sukumiinerusumik qulaajaaffiginissaat sulissutigineqarpoq, tassuunami taamatut iluseqartitsinissaaq tunngavissinneqassamat.

Siunissami Mittarfeqarfiit amigartoortarnissaa naatsorsuutaavoq,
amigartoorutissaniippullu:

- 1) mittarfinni qulimiguulinnullu mittarfinni sinneruttuni ingerlatsinermut ataatsimut amigartoorutit
- 2) mittarfinni qulimiguulinnullu mittarfinni sinneruttuni ingerlaavartumik iluarsaanerit, aamma
- 3) mittarfinni qulimiguulinnullu mittarfinni sinneruttuni aningaasaleeqqittarnissat.

Naalakkersuisut Mittarfeqarfiit ingerlatsinermut amigartoorutaat pingaarnertigut makkuninnga matussuserneqartassasut naatsorsuutigaat:

- 1) ilaasunit isertitatigut
- 2) Namminersorlutik Oqartussanik kiffartuussinissamik isumaqatigiissutitigut.

Pisussat sukumiinerusut aningaasaqarnikkullu sunniutaasussat maanna suliarineqarlutillu naatsorsuiffiqineqarput.

Mittarfeqarfiit aaqqissuussiffiqeqqinnerat immini Nunatta Karsianut akiitsorineqartunut aammalu aningaasaleeqqinnerni kinguaattoorutitut paasineqartunut sunniuteqarnavianngillat. Mittarfeqarfiit Kalaallit Airports Holding A/S-ip ataani aktiaateqarluni ingerlatseqatigiiffittut aaqqissuusseqqiffiqineratigut ingerlatseqatigiiffiup siunissaq ungasinnerusoq eqqarsaatigalugu pigisat pisarialimmik nutarteriffiqereernerisigut piareersaanissaanut pilersaarusiornissaanullu tunngavissat pitsaanerpaat aningaasaqarnikkullu naatsorsuutigisat anguneqarsinnaassapput.

Mittarfeqarfik ataasiinnaq aqqutigalugu sunneeatigiittarnissamut periarfissat aamma piviusunngortinneqassapput, soorluttaarlu suleqatigiiffik ataasiinnaq piginnaasanut sulisunullu il.il. unammillerfiunngitsoq atorlugu sunniutissat ikinnerussagaluartut

Naalakkersuisut 2022-mi ukiakkut ataatsimiinnermi Mittarfeqarfiit aktiaateqarluni ingerlatseqatigiiffittut allanngortinnissaa pillugu Inatsisartut inatsissisaattut siunnersuummik saqqummiussinissamik kissaateqarput. Mittarfeqarfiit Nunatta Karsianut akiitsui suliap matuma iluani suliarineqarnissaat naatsorsuutaavoq.

14. Suliassaqarfik 73-77 Nunalerineq Imminullu Pilersorneq, Nukissiorneq, Pinngortitaq Avatangiisillu

14.1. Konto pingarneq 73.04.03 Taarsigassarsiat erniallit aamma 73.04.05 Taarsigassarsianut ernialinnut akilersuutit

2021-2030-mi nunalerinermut periusissaq Naalakkersuisunit 2020-mi saqqummiunneqarpoq. Piffissami pineqartumi pilersaarummi anguniakkat anguniakkat immikkuualuttut ilanngullugit pilersaarutip quppernerani 29-mi allassimapput.

- a) Periusissaq Naalakkersuisunit AIS22-mi qanoq ilanngunneqarpa?

Akissut: Periusissaq ilaatigut nunalerinermik inuussutissarsiutilinnut tapiissutit tunniunneranni ilanngunneqartarpoq.

- b) Periusissiaq aallaavigalugu aallarnisaanissammut6 Naalakkersuisut suut suliniutit kissaatigaa?

Akissut: Naalakkersuisut ilaatigut suliniutissat makkununga tunngassutillit suliarinissaannut periarfissat misissuiffigissavaat:

- Tunisinermi tapiissutit aningaasartaat aalajangersimasunngortillugit allanngortinnissaat
- Akiligassallit pillugit periusissamik suliaqarnissaq
- ERFA-gruppinik (misilittagallit) misiliineq
- Nunalerinermik ilinniartitaanerup pitsanngorsarnissaa
- Inuussutissarsiutinik siuarsaanermut aningaasaliissutitut qinnuteqartitsisarnerup atulernissaa
- Inatsisinik nutarterisarnerit

- c) Anguniagaq 1.4 ima oqaasertaqarpoq: "*Nutaamik inatsisiliornissamik qulakkeerinnineq, nunaateqarfimmik nangitsinissap nutaamilluunniit pilersitsinissap pisariinnerulersinniarlugu*". Nunalerinermik maanna tigusinissaq nunalerisunut maanna ajornartorsiutitaqarpoq, tassami akiitsuusimasinnaasut taakkunanga ilanngullugit tiguneqartussaammata. Tamanna aamma periusissami immikkut taaneqarpoq. Ajornartorsiut taanna Naalakkersuisunit qanoq iliuuseqarfigineqalersaarpa?

Akissut: Nunalerinermut inuussutissarsiutinik siuarsaanissaq pillugu inatsit nutarteriffigalugu aallartinneqarsimavoq. Sulinermut tassunga atatillugu nunalerinermik tigusinermi unammilligassat qaangerniarnissaannut suut periarfissaanersut qulaajarneqassapput.

14.2. Konto pingaarneq 73.04.08 Savaaqqanik toqoraavinnut il.il. kiffartuussinissamut isumaqatigiissut

- a) Kangerlussuami umimmannik ukiuunerani toqoraaneq KNI-mit/Neqimit ingerlateqqinneqalersaarpa?

Akissut: Neqi A/S paasissutissiivoq Kangerlussuarmi ukiuunerani umimmalerisarnerit 2021-p aallartilaarnerani sulililersuiffigineqartut.

- i. Taamaattoqassappat, tamanna missingersuutitut ilanngussami aamma/imaluunniit oqaasertaliussami allassimasariaqanngila?

Akissut: Takuuk apeqqut 14.2 a)-mut akissut.

- b) Toqoraavimmi tunisassiorneq sulinerlu ukiup ilaani sivilisunerusumi ingerlanneqarsinnaaqullugu savaaqqanik nunatsinni tunisassiornerup annertusarneqarnissaanut Naalakkersuisut qanoq pilersaaruteqarpat, tak. 2021-2030-mi nunalerinermut periusissami anguniagaq 1?

Akissut: Naalakkersuisut sakkut assigiinngitsut periusissami taaneqartut sulissutigivaat, taakkulu inuussutissarsiummi tunisassiorsinnaanermut pitsanngorsaataassapput, uumasuutillu amerlanerulernissaannut nunalerisut akornanni piumassuseqarnerulersitsissallutik. Makku ilaapput:

- Savanut piaqqiortunut, savaaqqanut arnavissanut nersussuarnullu tapiissutit allanngortinneqareersimapput.
- 2022-p aamma 2023-p ingerlaneranni kinguaassiortitsinissamut programip Fjárvís-ip atulersinnaanera ukkatarineqarnerussaaq.
- Savaaqqanik tunisinermi oqimaassuseq kisiat pinnagu neqip pitsaassusaa malillugu Neqi A/S-ip akiliuteqarsinnaanera sulissutigineqarpoq. Tamannalu

pisinnaassappat atortunik kinaassusersiunngitsumik neqip pitsaassusaanik immikkoortitsisinnaasunik pisinissaq pisariaqarpoq.

- Najukkami containerini nerukkaatissanik tunisassiornermik (indoor farming) misileraanissaq aallartinneqarsinnaanersoq misissuiffigineqarpoq.
- Nunalerinermut Siunnersorteqarfimmi nunamik naasorissaanerup pitsanngorsarnissaanut sulineq, taamaasillunilu nerukkaatissani inuussutissartat pitsanngortinnissaannut sulineq, ingerlanneqarput.
- Inatsimmik allanngortitsinissamut siunnersuummik suliaqarnissaq, tamanna aqqutigalugu nunalerisut piginnittuulernissaat nunalerinernullu arlalinnut inuussutissarsiutinut tapiissuteqarsinnaaneq periarfissinneqassammata.

14.3. Konto pingaarneq 73.04.09 Missingersuutitut iluarsissutit

- a) KNI-mik kiffartuussinissamik isumaqatigiissummi sipaarutissat qanoq piviusunngortinneqartussatut Naalakkersuisunit naatsorsuutigineqarpat?

Akissut: Siparniuteqarnissamut sukumiinerusumik isummertoqarnissaa pigilertinnagu aningaasaqarnermut qulaajaanermi aallartereersumi inerniliunneqartut Naalakkersuisut utaqqeqaarniarpaat.

- b) KNI-p ingerlatseqatigiiffiit namminersortut unammilleqatigalugit illoqarfinni nioqqutissanik pilersuineramik ingerlatsisinnaanissaanut periarfissat Naalakkersuisunit misissorneqassasut missingersuutitut ilanngussami allassimavoq. Tamanna qanoq piviusunngortinneqarsinnaasutut Naalakkersuisunit isumaqarfigineqarpa?

Akissut: Kiffartuussinissamik isumaqatigiissutit avataatigut niuernikkut sammisarineqartut allilernissaat killilersuiffiginissaallu pillugit aalajangiinerit aalajangiinertut ingerlatseqatigiiffiup aqutsisunit aalajangerneqartutut Naalakkersuisut isigivaat. Illoqarfinni unammillertoqalissagaluarpasut niuerfinni unammilleqatigiinneq tunngavigalugu piumasaqarfiusuni aamma suliaqarfinni kiffartuussinissamik isumaqatigiissutitut akiliuteqarfiusuni naatsorsuutit avissaartilluinnartarnissaat pisariaqassaaq. Takuuk KNI pillugu inatsimmi 1994-imeersumi §4

- i. KNI-p illoqarfinni niuertarfinnik pilersitsinissaanut Naalakkersuisut piffissaliisimappat?

Akissut: Tamanna pillugu piffissaliussamut killiisoqarsimanngilaq. 2021-imut nioqqutissanik pilersuinissaq pillugu kiffartuussinissamut isumaqatigiissusiornernut atatillugu KNI A/S-ip oqaatigaa, illoqarfinnut unammillikkanut nutaanut suliaqarfiit allisarnissaannut soqutigisaqaratik.

- ii. KNI-p illoqarfinni niuertarfinnik pilersitsinissaanut Naalakkersuisut aningaasatigut killiliisimappat?

Akissut: Takuuk 14.3 i-mut akissutigineqartoq.

- c) KNI-p illoqarfinni ingerlatsineratigut sipaarutissat tamarmiusut anguneqarsinnaanngippata pissarsiassanut annertunerusumik akiliinikkut missingersuutitut iluarsineq anguneqarsinnaasoq missingersuutitut ilanngussami aamma allassimavoq.

- i. Tamanna piviusumik qanoq ingerlanneqarsinnaasutut Naalakkersuisunit naatsorsuutigineqarpa?

Akissut: Sipaarniuteqarnissamut sukumiinerusumik isummertoqarnissaa pigilertinnagu aningaasaqarnermut qulaajaanermi aallartereersumi inerniliunneqartut Naalakkersuisut utaqeqqaarniarpaat.

14.4. Konto pingaarneq 73.94.02 Nukissiorfiit

Nukissiorfiit 2020-mi 153 mio. kr.-inik amigartooruteqarput. Assigiimmik akeqartitsineq amigartooruteqarnermut annertuumik pissutaasutut Nukissiorfiit namminneq tikkuarpaat.

- a) Nukissiorfiit aningaasaqarnerat Naalakkersuisunit qanoq pitsanngortinneqalersaarpa?

Akissut: Assigiimmik akeqartitsinissamut aaqqissuusseqqinnerup kinguneranik immikkut ittumik annertuumik nalikilliliisimanerit Nukissiorfiit 2020-mi amigartoorsimaneranut ilaatigut pissutaapput. Naalakkersuisut Nukissiorfiit aningaasaqarnikkut inissisimanera imaannaanngitsutut isigivaat. Ingerlatseqatigiiffiup aningaasaqarnikkut inissisimanerata ingerlatsivitsigut kukkunersiorneqarnissaa aallartinneqarpoq, tamannalu ingerlatseqatigiiffiup aningaasaqarnera qanoq ililluni pitsanngortinneqarsinnaanersoq pillugu Naalakkersuisut inaarutaasumik isummernissaannut tunngaviusaaq. Ingerlatsivitsigut kukkunersiuneq 2021-mi oktobarip naalernerani naammassineqassasoq ilimagineqarpoq. Naalakkersuisut Nukissiorfinni piujuartitsinermik tunngaveqarluni aningaasernerup pilersinnissaa Naalakkersuisut pingaarlunnartutut isigivaat, tamannalumi pillugu ingerlatseqatigiiffik oqaloqatigineqarluni. Tamatuma saniatigut apeqqutip pineqartup aningaasanut inatsit pillugu isumaqatigiinniarnissanut ilanngunnissaa naatsorsuutaavoq.

- b) Assigiimmik akeqartitsinermik aaqqissuusseqqinnerneqalersaarpa?

Akissut: Naalakkersuisut assigiimmik akeqartitsinermik aaqqissuusseqqinnianngillat, kisiannili akit qaffaaffiginissaat ilaatigut pisariaqalersinnaavoq.

14.5. Konto pingaarneq 77.01.05 Qaartiterutissat, qatserisoqarneq upalungaarsimanerlu

- a) Ilusiliinikkut kukkunerit: Sulisorisanik atuineq pillugu takussutissiap kalaallisoortani kukkuneqarpoq (qupperneq 734-mi, tassani sulisorisat agguataarsimanerat allassimanngilaq). Tamatuma iluarsineqarnissaa ataatsimiititaliamit kissaatigineqarpoq.

Akissut: Tamanna AI2022-p ataatsimiissutiginerani teknikikkut iluarsineqarumaarpoq.

- b) Kommunini upalungaarsimasut najukkani amerlasuutigut ilisimasaqarluartuusut Naalakkersuisunit qanoq siuarsaavigineqalersaarpat?

Akissut: Sillimaniarneq ingerlalluartoq Naalakkersuisut pingaartitaraat. Naalakkersuisut najukkani sillimaniartut sulinerannut inatsisitigut tunngavigineqartut tapersersuiffigalugillu suliarisarpaat. Najukkani sillimasussat najukkaminni ilisimasaqarnerpaammata Naalakkersuisut isumaqatigaat, tamannalu ilaatigut najukkani annaassiniartarnermut sillimasussanut akisussaaneq kommuninut inissinneqarsimaneranut tunngaviuvoq.

Annaassiniarnissamut upalungaarsimanissamut minnerpaaffissaanut annertussusiliinermut nalunaarusiaq maannakkut suliarineqarpoq. Nalunaarutip najukkami pissutsinut tunngatillugu upalungaarsimanissamut aaqqissuinissamut kommunit annertunerusumik nammineersinnaanerulersissavai. Tamakku saniatigut kommunit upalungaarsimanissamut pilersaarusiaat pillugit Naalakkersuisut ingerlaavartumik tapersiipput.

- c) Upalungaarsimaneq eqaannerulersinneqarsinnaava, taamaasilluni sukkanerusumik qisuariartoqarsinnaalluni, aammalu taamaassappat sunik sakkussaqartitsoqassava?

Akissut: Naalakkersuisut isumaqarput kommunini annaassiniartarnermut sillimasussat ullumikkut eqaatsumik sulisartut. Annaassiniartarnermut sillimasussat assigiinngitsorpasuumik suliaqartarput, suliassarpasuumillu assigiinngitsut paarlaassinnaanerat pikkoriffigalugu. Sillimasussat namminnek suliassamik saniatigut peqqinnissaqarfimmut Politiinullu pisariaqartitsisoqaraangat ikiuuttarput. Annaassiniartarnermut sillimasussat suliassaasa minnerpaaffiitinnissaat pillugu nalunaarummik sulissuteqartoqarpoq, tamannalu sillimasussat najukkani pissutsinut tulluarsarnissaannut tunngatillugu kommuninut kiffaanngissuseqartitsinerulissaaq eqaannerulersitsissalunilu.

- i. Danmarkimit ikiuiartortoqartillugu kikkut akiliisarpasut?

Akissut: Sillimaniarnermut tunngatillugu Danmarkimiit ikiorneqarnissamik qinnuiginnittoqarnerani akuttunngitsumik akileeqqusisoqarneq ajorsimavoq. Assersuutigalugu 2017-imi Karrat Kangerluani ajunaarnersuaqarneranut 2019-imi pinngortitami ikuallattoqarneranut atatillugu Sillimaniarnermut Aqutsisoqarfiup ikiuussimaneranut Naalakkersuisut akiliuteqarsimanngillat. Ilaannakkooriarluni ikiuunnermut akileeqqusineq pisinnaasarpasut.

14.6. Konto pingarneq 77.05.02 Pinngortitaleriffik

- a) Missingersuutitut ilanngussami ima allassimavoq "... ilisimatusarnermullu umiarsuaq nutaaq "Tarajoq" sanaarlaraq 2021-mi angalassutigineqarnissaa naatsorsuutigineqarpoq". Tamatumani angallat 2021-mi angalassutigineqalersimanersoq imaluunniit tamanna aatsaat 2022-mi pissanersoq ataatsimiititaliamit apeqqutigineqassaaq?

Akissut: Tarajoq isumaqatigiissutaasoq naapertorlugu 2021-mi angalasarnissat sioqqullugit ullormi 30. november 2020 tunniunneqartussaasimagaluarpoq. Ajoraluartumilli Spaniami Covid-mik pisoq tunniussinissamik kinguartitsiffiusimavoq, ullorlu 24. september 2021 aallartiffigalugu tamatuma pinissaa ullormut 7. oktober 2021-mut inissinneqarsimavoq. Ulloq eqqortinneqassappat Tarajoq toqqaannartumik oktobarip qiteqqunnerani Tunumi angalalernissaa naatsorsuutaavoq, tassalu kilisassutissat angallamut ikkussuunneqareerpata.

15. Suliassaqarfik 80-89 Sanaartornermut suliassaqarfik

15.1. Konto pingarneq 80.00.01 Nuussinissanut sillimmatit

- a) Sillimmatit ingerlatsinermi aamma tapiissutitut aningaasaliissutini aningaasartuutaanerusunut aningaasalersuutitut atorneqarsinnaasut

missingersuutitut ilanngussap immikkoortuani kingullermi allassimavoq.
 . Inatsisartut imaluunniit Aningaasaqarnermut Akileraartarnermullu
 Ataatsimiititaliaq akuersissuteqarsimatinnagu
 aningaasartuuteqartoqarsinnaannginnera aammalu oqaasertaliussakkut
 piginnaatitsissuteqarnikkut konto pingaarnert akornanni
 aningaasaliissutit nuussisoqarsinnaanera ataatsimiititaliamit
 eqqaasitsissutigineqassaaq. Sillimmatit ingerlatsinermi aamma
 tapiissutitut aningaasaliissutit aningaasartuutaanerusunut
 aningaasalersuutitut atorneqarsinnaasut missingersuutitut ilanngussap
 immikkoortuani kingullermi allassimavoq.

Akissut: Kontumi pingaarnermi matumani aningaasaliissutit taamaallaat
 ilassutitut aningaasaliissutit aningaasat atortussanngortinnissaannut
 atorneqartarsimapput. Ilassutitut aningaasaliissutit tunniussisoqarnerani
 ingerlatsinermut tapiissutitullu aningaasaliissutit sanaartornermut
 aningaasaliissutit aningaasanik nuussisoqarneq ajornera ataatsimut ileqquuvoq.
 Oqaasertaliunneqartoq siuliani taaneqartoq kontumut pingaarnermut 12 mio. kr.-
 ninik immikkoortitsisoqarnerata kingorna siullermik AI2018-imik suliaqarnermi
 aningaasanut inatsimmut ilanngunneqarsimavoq. Tamatumunnga 2018-imi
 ingerlatsinermut ilassutitullu aningaasaliissutit aningaasartuutit
 pisariaqartitsisoqalersinnaanera tunngaviusimavoq, kisiannili aningaasanut
 inatsimmi tamanna pillugu paasissutisseereernissaq ajornarsimalluni. Tamanna
 tunngavigalugu sanaartornermut suliassaqaarfimmut sillimmatit
 immikkoortitsisoqarsimavoq, tassanilu erseqqissarneqarpoq sillimmatit
 ingerlatsinermut ilassutitullu aningaasaliissutit aningaasartuutaanerusut
 aningaasalersornissaannut atorneqarsinnaasut. Tamanna soorunami ilassutitut
 aningaasaliissuteqarnikkut pissaaq.

- b) Konto pingaarnermut matumunnga tunngatillugu nuussinissamut
 pisariaqartumik piginnaatitsissuteqartoqarsimanngippat aningaasanut
 inatsississatut siunnersuutip aappassaaneerneqarnissaannut allannguutissatut
 siunnersuuteqarnikkut missingersuutitut ilanngussami immikkoortup
 kingulliup (qupperneq 611-mi) peerneqarnissaa ataatsimiititaliamit
 Naalakkersuisunut inassutigineqarpoq.

Akissut: Apeqquut a-mut akissut innersuussutigineqarpoq.

15.2. Konto pingarneq 80.24.01 Akileraartarnermut Aqutsisoqarfimmi allaffissornikkut atortut il.il.

- a) Suliniut nr. 90027 Timimut ikiaroorartumullu skannerutit. Suliniummi
 pineqarpoq skannerut Nuummi mittarfissami nutaami inissitassaaq.
 Skannerutit taamaattunik nunatsinni piffinni allani, assersuutigalugu
 umiarsuarnik tikinneqartartuni imaluunniit nunanit tamalaanit
 tikinneqartartuni, inissiinissaq Naalakkersuisunit
 isumaliutigineqarsimava?

Akissut: Naalakkersuisut inunnut tikerartunut nioqqutissanillu eqqussuiner
 nakkutiginninnissap suliarinissaannut tunngatillugu nakkutiginninnissap qanoq
 pisariaqartigineranut ingerlaavartumik nalilersuisarput, taakkunungalu ilaapput
 nioqqutissat akitsuuserneqartussat aanngajaarniutillu.

Timimut ikioroornartunullu misissuut inuit nunatsinnut tikinneranni pingaaruteqarluinnartuusooq Naalakkersuisut isumaqarput. Inuit ullutsinni tikittarnerat mittarfiit aqutigalugit amerlanertigut pisarpoq. Nuummi mittarfik atorneqaleriarpat mittarfimmi timimut misissuummik pisinissaq aningaasaliissutinik immikkoortitsinikkut pisinnaassaaq.

Nioqqutissat eqqussorneqartut nakkutiginiisaannut misissuummik atugassamik massakkut Kangerlussuarmiittoqarpoq, Kangerlussuarmilu pingaarnertut silaannakkut assartukkat kiisalu Sikuki Harbour-imi Nuummiittumi pingaarnertut imaatigut assartukkat pineqarput. Massakkut tamanna pisariaqartitsinermut iluaqutaasutut isigineqarpoq, Akileraartarnermullu Aqutsisoqarfik aallaaviatigut aqutsisoqarfimmut aningaasaliissutit aqutigalugit taamaattumik pisinissamut akiliisussaavoq, tassami misissuutit taamaattut pissarsiarissallugit aningaasaqarnikkut malunnartumik akikinnerusarmata.

Med venlig hilsen

Inussiarnersumik inuulluaqqusillunga

Asii Chemnitz Narup



Naalakkersuisut Siulittaasuat
/MAANI

Ulloq: 18. oktober 2021

J.nr.: 01.31.29-00473

KNI A/S aamma Neqi A/S pillugit maannakkut suliat misissuinerillu ingerlasut killiffiat pillugu Naalakkersuisunut apeqquutit

KNI A/S aamma Neqi A/S pillugit maannakkut suliat misissuinerillu ingerlasut killiffiat pillugu ilisimatitsissut Naalakkersuisunut nassiunneqarsimasoq Aningaasaqarnermut Ataatsimiititaliap Naalakkersuisunit 2021-mi juulip qiteqqunnerani tiguaa. Atortussat "isertuussassat"-tut naqissuserneqarsimapput kiisalu paasissutissiissutigineqarluni KNI A/S-ip ataatsimeersuarnissaa 15. septembarimut nuunneqartoq.

Suliaq ataatsimiititaliap 4. august 2021-mi ataatsimiinnerani oqaluuserineqarpoq, tamatumanilu aalajangiunneqarluni ilisimatitsissut tusaatissatut tiguineqassasoq suliallu ingerlasut naammassineqarnissaat utaqqimaarneqassasoq. Tamatuma kingorna suliaq ataatsimiititaliamit oqaluuserineqarpoq.

Suliamut malitseqartitsissutitut KNI A/S aqutatullu ingerlatseqatigiiffii pillugit Aningaasaqarnermut Ataatsimiititaliaq Naalakkersuisunut arlalinnik apeqquissaqarpoq:

1. Ulloq 13. juli 2021-mi ilisimatitsissummi immikkoortunut sammineqartunut killiffiat nutaat ilisimatitsissutigineqarnissaat Aningaasaqarnermut Ataatsimiititaliamit kissaatigineqarpoq.
2. KNR-imi allaaserisami *"Múte B. Egede: KNI-mi miliuunit amigaatigineqartut innuttaasunik eqquinerlussanngillat"* (15. oktober 2021-mik ullulernerneqartumi) Naalakkersuisut siulittaasuat ima oqarpoq:
"Naalakkersuisut ulluinnarni ingerlatsinermut qanimut pulaternavianngilagut. Pisussaaffipulli piginnittut sinnerlugit suliffeqarfiup ataatsimeersuarnerani kissaateqarnikkut apuupparput. Tassalu innuttaasut eqqornerlunneqassanngitsut". Namminersorlutik Oqartussat ingerlatseqatigiiffiutaa eqqarsaatigalugu tamanna qanoq pinngitsoorneqarsinnaanersoq Naalakkersuisunit isumaqarpat?
a) *Siuliani allassimasut pisisartunut akigitat qaffanneqarnerannik kinguneqartariaqanngitsut Naalakkersuisut isumaqarpata, qanoq allanik Naalakkersuisut periarfissaqarsoraat?*
3. KNI-p naatsorsuutai nutaanerpaat misissuinerillu ingerlasut Nunatta Karsianut qanoq sunniuteqassappat?

- a) Siuliani allassimasut 2022-mi aningaasanut inatsisissatut siunnersuummut ukiunullu missingersuusiorfiusunut kinguneqassappat?
4. AIS22-mi konto pingaarnermi 73.04.09-mi 2022-mi kiisalu ukiuni missingersuusiorfinni ukiumoortumik 10 mio. kr.-inik isertitaqarnissaq missingerneqarpoq. Missingersuutitut ilanngussami ima allassimavoq: *"Sipaartutissat konto pingaarneq, 73.04.10 Nioqqutissamik pilersuineq aningaaseriveqartitsinerlu, aqutugalugu KNI A/S-imik kiffartuussinissamik isumaqatigiissutit nutarterneratigut anguniarneqarpoq."* KNI A/S-ip aningaasaqarnikkut maanna inissisimanera eqqarsaatigalugu tamanna Naalakkersuisunit piviusorsioortutut sulilernerqarpa?
5. Ukiumoortumik nalunaarummi innersuussummi Neqi A/S-ip aningaasaqarnikkut inissisimanera pillugu ima allassimavoq:

"Neqi A/S-ip nammineq nammineerluni aningaasaatini pilersseqqissinnaagai piviusorsioortuunngilaq, taamaattumik suliffeqarfimmut atugassarititaasut iluamik paasineqarnissaasa tungaanut suliffeqarfiup pingaarnernup aningaasatigut ikiuunnissaa aalangiunneqarpoq, tamannalu pissaaq aningaasaliissuteqarnikkut imaluunniit kiffartuussinissamik isumaqatigiissutikkut akilemeqaatissat amerlanerisigut."

Siuliani allassimasut Naalakkersuisunit qanoq isumaqarfigineqarpat aammalu kiffartuussinissamik isumaqatigiissutitut akiliutigineqartatut qaffanneqarnissaat Naalakkersuisunit kissaatigineqarpa?

a) Tamanna aningaasanut inatsisissamut aggersumut sunniuteqassava?

2022-mi aningaasanut inatsisissatut siunnersuutit suliarineqarnera eqqarsaatigalugu apeqqutit taakku Aningaasaqarnermut Ataatsimiititaliap ulloq 23. oktobarimi isumaliutissiissuteqarnissaa sioqqullugu apeqqutit taakku akineqarnissaat ataatsimiititaliamit kissaatigineqarpoq. Akissut ataatsimiititaliap allattaanut (nickla@ina.alla.gl) aamma Inatsisartunut (inatsisartut@inatsisartut.gl) qarasaasiakkut nassiuteqquneqarpoq.

Isertuussinissaq eqqarsaatigalugu apeqqutit siuliani allassimasut oqaatsit atorlugit akineqarnissaat pitsaanerusoq Naalakkersuisunit nalilernerqarpat, tamanna piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiissinnaanermut ulluliussassatut siunnersuut nalunaarutigalugu.

Ataatsimiititaliap sinnerlugu

Inussiarnersumik inuulluaqqusillunga



Jens Napaattoq

Aningaasaqarnermut Akileraartarnermullu Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
Inatsisartut Allattoqarfiat
/Maani

Ilanngussaq
Bilag D

**KNI A/S taassumalu ataaniittut ingerlatseqatigiiffiit
immikkoortorta qarfiusut pillugit apeqqutit**

22-10-2021
Suliap nr. 2021 - 333
Dok. nr. 9318566

Asasara Aningaasaqarnermut Akileraartarnermullu Ataatsimiititaliaq,

Aallarniutigalugu ataatsimiititaliap apeqqutaannut aammalu KNI A/S pillugu
qulequttat maannakkut sammineqartut oqaluuserinissaannut periarfissinne-
qarninnut qujavunga.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Tassunga atatillugu Ingerlatseqatigiiffiit Allattoqarfiat KNI A/S-imi aqutsisunut
saaffiginnippoq aammalu apeqqutitut ingerlatsinermut ingerlatseqatigiiffimmullu
immikkut tunngassuteqartunut oqaaseqaateqaqqullugit, kiisalu Nunalerinermut,
Imminut Pilersornermut, Nukissiutitut Avatangiisinullu Naalakkersuisoqar-
fimmuk akissuteqaatit ataqatigiissaarneqarlutik.

- 1. Ulloq 13. juli 2021-mi ilisimatitsissummi immikkoortunut sammine-
qartunut killiffiit nutaat ilisimatitsissutiginerqarnissaat Aningaasa-
qarnermut Ataatsimiititaliamit kissaatiginerqarpoq.**

KNI A/S-imi aqutsisut ataatsimiititaliap immikkoortuni ulloq 13. juli 2021
ilisimatitsissuteqarfigineqartuni killiffimmik nutaamik kissaateqarnera tunngavi-
galugu allakkiamik nutaamik suliaqarput, qulequttani assigiinngitsuni nutaar-
taannik paasissutissiillutik, taannalu allakkiami matumani ilanngunneqarpoq.

- 2. KNR-imi allaaserisami "Múte B. Egede: KNI-mi miliuunit
amigaatigineqartut innuttaasunik eqquinerlussanngillat" (15. oktober
2021-mik ullulernerqartumi) Naalakkersuisut siulittaasuat ima
oqarpoq: "Naalakkersuisut ulluinnarni ingerlatsinermut qanimut
pulaternavianngilagut. Pisussaaffippulli piginnittut sinnerlugit
suliffeqarfiup ataatsimeersuarnerani kissaateqarnikkut apuuppaput.
Tassalu innuttaasut eqqornerlunneqassanngitsut".**

Namminersorlutik Oqartussat ingerlatseqatigiiffiutaa eqqarsaati-
galugu tamanna qanoq pinngitsoorneqarsinnaanersoq Naalakker-
suisunit isumaqarpat?

Naalakkersuisut Ingerlatseqatigiiffiup ingerlalluaqqilernissaa pillugu ingerlatseqatigiiffiup aqutsisuiut ersarissumik kissaateqarlutik saqqummiipput, ilanngullugu saqqummiunneqarpoq aningaasartuutitut nalaatsinerlunnermut ingerlatseqatigiiffiup inissisimaffigiligaanut atasut, nioqqutissat ulluinnarni atugassat akiisa qaffannerisigut matussuserneqassanngitsut.

Tamanna tunngavigalugu erseqqissassavara, aktiaatillit aammalu akisussaaffiup aalajangiisinnatitaanerullu ingerlatseqatigiiffiup aqutsisuisa akornanni agguaganeranut tunngatillugu, ingerlatseqatigiiffiup ingerlalluartumik ingerlanneqarneranillu nukittorsaasumik iluarseeqqinnissaq qanoq aaqqiissuussaanera, ingerlatseqatigiiffimmi aqutsisut pilersaarummik saqqummiisussaatitaapput, taamaalilluni ingerlatseqatigiiffik KNI A/S pillugu inatsisartut peqqussutaat nr. 4, 6. juni 1997-imeersumi § 2-mik naammassinnissinnaassalluni, tassanilu allassimavoq, "... *Ingerlatseqatigiiffissuarmi KNI-mi ingerlatseqatigiiffiit nalinginnaasumik niuerneramik tunngaveqarlutik quersuarniit pisiniarfinniillu niuerneramik aamma allanik niuerneramik tunngaveqarluni ingerlatanik tamatumunnga atasunik siunertat malittarisassani allassimasut naapertorlugit ingerlatsissapput*".

Tamanna tunngavigalugu, nunatsinni innuttaasut, sumiiffinni kiffartuussinissamut isumaqatigiissuteqarfiusuniittut, pisariaqartumik sullinneqarnissaasa qulakkeernissaanut ingerlatseqatigiiffiup tunisassiernerata ilai sorliit inatsisit aallaavigalugit kiffartuussinissamut isumaqatigiissummik tunngavissinneqas-sanersut ingerlatseqatigiiffimmut ataqatigiissumik isummertoqassaaq.

a) Siuliani allassimasut pisisartunut akigititat qaffanneqarnerannik kinguneqartariaqanngitsut Naalakkersuisut isumaqarpata, qanoq allanik Naalakkersuisut periarfissaqarsoraat?

Ingerlatseqatigiiffiup ingerlanneqarnerani qulakkeernissaa aammalu tamatuma qanoq piviusunngortinneqarnissaanut aaqqiissutissanik saqqummiinissaq, aqutsisut suliaassaraat akisussaaffigalugulu. Qulaajaanerup naammassinissaa, taanna tunngavigalugu ingerlatseqatigiiffimmi aqutsisut nutaat peqqussut aallaavigalugu aammalu nunatsinni innuttaasunut iluaqutaasumik qanoq ingerlatseqatigiiffik isumannaatsumik ingerlanniarneqarnerisik Naalakkersuisunut saqqummiussisinnalarnissaa Naalakkersuisut utaqqimaarpat.

3. KNI-p naatsorsuutai nutaanerpaat misissuinerillu ingerlasut Nunatta Karsianut qanoq sunniuteqassappat?

Paasissutissiissutigissavara KNI A/S ulloq 8. oktober 2021 nalinginnaasumik ataatsimeersuarnerminni maannakkut inissisimanerminni iluanaarutit isumaqatigiissutigineqartut 20 mio. koruuninik annertussuseqartut

agguaanissaannut periarfissaqarsimanngimmat, tamanna 2021-mut Aningaasanut inatsimmi kontumut pingaarnermut 10.13.10 - Aktiaateqarluni ingerlatseqatigiiffinit iluanaarutit, agguagarsiassat tunisinerrillu, attuumassuteqartuuvoq. Tamatumunnga pissutsinik misissuinerup ingerlanera kiisalu KNI A/S-imut akiitsortitsisunit qinnuiginninneq tunngavilersuutigineqarput.

a) Siuliani allassimasut 2022-mi aningaasanut inatsisissatut siunnersuummut ukiunullu missingersuusiortifiusunut kinguneqasappat?

Pilersuisumut aamma PolarOil-imut immikkoortunut naatsorsuutit missingersuutillu sukumiisut naammassineqanngimmata, kiisalu Neqi A/S pillugu ingerlatseqatigiiffiup aqutsisuinik oqaloqateqarnerit aatsaat aallartilaarmata, KNI A/S-ip taassumalu ataani ingerlatseqatigiiffiit immikkoortortaqaarfiusut inissisimanerat 2022-mut Aningaasanut inatsisissatut siunnersuummut ukiunullu missingersuusiortifiusunut qanoq annertutigisumik sunniuteqassanersoq, maannak-korpiaq oqaatigissallugu siusippallaarpoq.

Naalakkersuisut ingerlatseqatigiiffimmit paasissutissanik pisariaqartunik pissarsisarneq ilutigalugu ataatsimiittitaliaq ilisimatittassavaat, tassani maannak-korpiaq ingerlatseqatigiiffiup ilisimatitsissutaa 13. juli 2021-meersoq, kiisalu ilanngussaq ingerlatseqatigiiffiup nutartigaanik 19. oktober 2021-meersumik imaqartoq ilanngunneqartoq innersuussutigineqartariaqarlutik.

- 4. AIS22-mi konto pingaarnermi 73.04.09-mi 2022-mi kiisalu ukiuni missingersuusiortifinni ukiumoortumik 10 mio. kr.-inik isertitaqarnissaq missingerneqarpoq. Missingersuutinut ilanngussami ima allassimavoq: ”Sipaarutissat konto pingaarneq, 73.04.10 Nioqqutissanik pilersuineq aningaaseriveqartitsinerlu, aqqutigalugu KNI A/S-imik kiffartuussinissamik isumaqatigiissutip nutarterneratigut anguniarneqarpoq.” KNI A/S-ip aningaasaqarnikkut maanna inissisimanera eqqarsaatigalugu tamanna Naalakkersuisunit piviusorsiortutut sulii nalilerneqarpa?**

Pissutsit saqqummertut KNI-mut pingaaruteqannginngitsunik annaasaqartitsisut, AIS2022-mi aningaasanut killissaliussanut immikkoortinneqartunut tunngavigisanik allanngortitsipput, taamaattumillu tunngavigisat misissuinerit ingerlasunit inerniliinerit naammassisat aallaavigalugit iluarsineqassaput.

- 5. Ukiumoortumik nalunaarummi innersuussummi Neqi A/S-ip aningaasaqarnikkut inissisimanera pillugu ima allassimavoq: ”Neqi A/S-ip nammineq nammineerluni aningaasaatini pilerseqqissinnaagai**

piviusorsiortuunngilaq, taamaattumik suliffeqarfirmut atugassariti-taasut iluamik paasineqarnissaasa tungaanut suliffeqarfiup pingaarnarup aningaasatigut ikiuunnissaa aalangiunneqarpoq, tamannalu pissaaq aningaasaliissuteqarnikkut imaluunniit kiffartuussi-nissamik isumaqatigiissutikkut akilerneqaatissat amerlanerisigut.”

Siuliani allassimasut Naalakkersuisunit qanoq isumaqarfigineqarpat aammalu kiffartuussinissamik isumaqatigiissutitut akiliutigine-qartartut qaffanneqarnissaat Naalakkersuisunit kissaatigineqarpa?

a) Tamanna aningaasanut inatsisissamut aggersumut sunniuteqassava?

NEQI A/S KNI-p suliffissuani ilavoq, taamaattumillu KNI-p ajornartorsiutaasa aaqqiivigineqarnerannut atatillugu aamma NEQI A/S-imi inissisimanerup sumiissusersinissaa pisariaqarpoq. Takuuk apeqqummut 1-imut aamma 4-mut akissut.

Naggasiutigalugu oqaatigineqassaaq Naalakkersuisut KNI A/S pillugu suliaq ilungersunartorujussuartut isigimmassuk aammalu pisut taakkua taamatut annertutigisumik aammalu taamatut sivistutisumik ingerlasinnaasimanerat isornartoqartinneqarpoq. Misissuinerit ingerlasut naammassippata aammalu inerniliinerit naammassippata, misissuinerup inernera aammalu ingerlatse-qatigiiffiup inissisimanagera pillugit Naalakkersuisunut ilisimatitsissummik tamakkiisumik aqutsisut suliaqaqquneqarput. Naalakkersuisut ilisimatitsissutit taassuma tigunerani Aningaasaqarnermut Akileraartarnermullu Ataatsimii-titaliamut misissorneqartussanngorlugulu suliarineqartussanngorlugulu ingerlateq-qissavaat.

Inussiarnersumik inuulluaqqusillunga



Mute Bourup Egede



Ilanngussaq
Bilag E

Aningaasaqarnermut Nunamullu Namminermut
Naalakkersuisoq
/MAANI

Ulloq: 26-10-2021
J.nr.:01.31.11-00020

2022-mi aningaasanut inatsisissatut siunnersuut (AIS-22) pillugu Naalakkersuisunut malitseqartitsissutitut apeqqutit

AIS-22-mut ataatsimiititaliap apeqqutaanut atatillugu akissutit 13. oktobarimeersut Aningaasaqarnermut Ataatsimiititaliamit qujassutigineqarput. Ataatsimiititaliarli Naalakkersuisunit akissuteqarfigitikkumasaminik malitseqartitsissutitut arlalinnik apeqqutissaqarpoq. Immikkoortut normui matuma kingulianiittut ataatsimiititaliap 15. september 2021-mi apeqqutaanut immikkoortunut normoritinneqartunut attuumapput.

Imm. 3.2 pillugu: Kommunit nittartagaannut ilineqarsimannginnerat nassuiaatigalugu aningaasaatit tigorianaat killiffiat kommunit ilaannut tunngatillugu Naalakkersuisut paasissutissiissutigisimanngilaat. Aningaasaatit tigorianaat paasissutissiissutigisinnaaqqullugit Naalakkersuisut kommuninut attaveqartariaqartut Aningaasaqarnermut Ataatsimiititaliaq isumaqarpoq. Tamatuma kingorna paasissutissat Aningaasaqarnermut Ataatsimiititaliamut nassuteqqullugit Naalakkersuisut qinnuigineqarput.

Imm. 3.7 pillugu: Nammineq pisanik nerisaqartarnerup piitsuussutsimik killiliinissamut ilanngunneqarnissaa Naalakkersuisunit qanoq isumaqarfigineqarpa?

Imm. 3.9 pillugu: COVID-19-imik nappaalasoqarnerata kingunerisaanik peqqinnissaqarfiup suliaasaqarfiani nakorsartinnermut tunngasuni kinguaattoortoqarpa?

Imm. 3.10 pillugu: Peqqinnissaqarfiup iluani avataanit aningaasalersugassanut aningaasaateqarfinnut aningaasassarsiniartarnej "annertuumik allaffissornartoq" Naalakkersuisut nassuiaatigaat. Tamanna avataanit aningaasalersuinnermit pissarsianut nallersuunneqarsinnaasut Naalakkersuisut isumaqarpa?

Konto pingarneq 24.01.01 pillugu: Kisitsisit Aningaasaqarnermut Ataatsimiititaliamut paasissutissiissutigineqanngillat, Naalakkersuisunilli akissuteqaannarput "AIS2022-p ataatsimoortinnerani teknikkikkut allannguinnermi aaqqinneqarumaarpoq". Kisitsisit Aningaasaqarnermut Ataatsimiititaliamit sulii kissaatigineqarput, tamannalu akissuteqarfigeqqullugu Naalakkersuisut qinnuigineqarput.

Imm. 7.1.a pillugu: Angerlarsimaffeqanngitsunut periusissaq taanna qaqugu saqqummiunneqartussatut Naalakkersuisunit naatsorsuutigineqarpa?

Imm. 7.1.d pillugu: Naalakkersuisut oqaatigaat "suliniutillu aallartereerlutik". Tamatumani suliniutit suut Naalakkersuisunit innersuussutigineqarpat?

Imm. 7.1.f pillugu: Suliassami kisitsisit taakku sooq pissarsiarineqarsinnaanngillat?

Imm. 7.2.f pillugu: Suliassami kisitsisit taakku sooq pissarsiarineqarsinnaanngillat?

Imm. 8.1 pillugu: Paasissutissat tusaatissatut tigugini Aningaasaqarnermut Ataatsimiititaliap oqaatigissavaa, aningaasaliissutilli naammannersut pillugit Naalakkersuisut isummernerat amigaatineqarpoq. Taanna akissuteqarfigeqqullugu Naalakkersuisut qinnuigineqarput.

Imm. 9.7.a pillugu: Akissut tusaatissatut tigugini Aningaasaqarnermut Ataatsimiititaliap oqaatigissavaa allannguutillu allannguutissatut siunnersuutikkut iluarsineqarnissaa qilanaarineqarpoq.

Imm. 9.11.a pillugu: Akissut tusaatissatut tigugini Aningaasaqarnermut Ataatsimiititaliap oqaatigissavaa. Suliassami kisitsisit paasiuminarsarlugit skemanngorlugit nassiunneqarnissaat ataatsimiititaliamit qinnutigineqarpoq. Kiisalu AIS2022-p aappassaaneerneqarnissaanut allannguutissatut siunnersuuteqarnermi suliassami kisitsisit ilanngunneqarnissaat ataatsimiititaliamit qilanaarineqarpoq.

Imm. 9.12.a pillugu: Tapiissuteqaqqinnikkut najukkani TV-kkut radiukkullu aallakaatitassiat nukittorsarneqarnissaat Naalakkersuisut kissaatigaat? Tamatumani aamma eqqarsaatigineqarluni Erik Jensenip § 37 naapertorlugu apeqqutaanut (2021/92) akissut, tassani apeqqummut 8-mut ima akisoqarpoq:

"Naalakkersuisut pilersaaruteqarput soorlu sinerissamiit kulturikkut pikialaartitsinernit immiussisarnissamik sapinngisamillu siammartereqaatanissamik nukittorsaanissamut."
(akissuteqaammi qupperneq 3)

Imm. 9.12.b pillugu: Akissut tusaatissatut tigugini Aningaasaqarnermut Ataatsimiititaliap oqaatigissavaa. Suliassami kisitsisit nassiunneqarnissaat ataatsimiititaliamit qinnutigineqarpoq qilanaarineqarporlu suliassami kisitsisit AIS2022-p aappassaaneerneqarnissaanut allannguutissatut siunnersuuteqarnikkut ilanngunneqarnissaat.

Imm. 9.12.d pillugu: Ataatsimiititaliap apeqqutaanut Naalakkersuisut ima akipput:

"Avataanit tunisassiorunit kiisalu KNR-ip nammineerluni tunisassiaani imarisanik nutaanik piumasaqaatigineqartut Innuttaasunut kiffartuussinermi angusassatut isumaqatigiissut naapertorlugu akunnerit 815-iupput (2020-mi akunnerit tunniunneqartut 681-iupput). Innuttaasunut kiffartuussineq pillugu nalunaarusiaq naapertorlugu KNR TV 2020-mi akunnerni katillugit 4.561-ini aallakaatitsivoq."

Tamatumani angusassat pillugit isumaqatigiissut sooq KNR-imit eqquutsinneqarsinnaasimanngila?

Imm. 9.14.a pillugu: Suliassami kisitsisit matumani pineqartut ataatsimiititaliamit apeqqutigeqqinneqassapput.

Imm. 10.5.c pillugu: Akissut ataatsimiititaliamit qujassutigineqarpoq. Angallatilli nakkutilliissutit pillugit nunarput ataqatigiissumik pilersaaruteqaleqqullugu Aningaasaqarnermut Ataatsimiititaliap kaammattuutai Naalakkersuisunit malilersarneqarnermut ataatsimiititaliamit paaserusunneqarpoq.

Imm. 14.4.a pillugu: Immikkoortup tamatuma itisilerneqarnissaa ataatsimiititaliamit amigaatineqarpoq ingerlatsinermillu kukkunersuineq saqqummiunneqarpat Naalakkersuisut tamatuminnaga saqqummiussissasut naatsorsuutigineqarpoq.

Imm. 14.4.b pillugu: Akinik nalinginnaasumik qaffaanerup saniatigut Nukissiorfiit aningaasaqarnerata pitsanngortinneqarnissaanut Naalakkersuisut allanik qanoq periarfissaqarsoraat?

Imm. 15.1.b pillugu: Apeqqut una Naalakkersuisunit tamakkiisumi akineqanngitsaq ataatsimiititaliaq isumaqarpoq: Konto pingaarnermut 80.00.01-imut missingersuutitut ilanngussap ilaata matuma kingulianiittup peerneqarneranik kinguneqartumik allannguutissatut siunnersuummik saqqummiussinissamik Aningaasaqarnermut Ataatsimiititaliap kaammattuutaa Naalakkersuisunit malinneqalersaarpa:

"Pisariaqartinneqassappallu sillimmatigineqartut ingerlatsinermut tapiissutitullu aningaasaliissutini aningaasartuuteqarnerusoqassappat tamakku aningaasalersorneqarnissaannut aamma atorneqassapput." ?

Siuliani apeqqutitut allakkatigut (kalaallisut aamma danskisut) akissutip sapinngisamik piaarnerpaamik tiguneqarnissaa ataatsimiititaliamit qinnutigineqarpoq. Akissut ataatsimiititaliamut allatsimut (nickla@ina.ala.gl) aamma Inatsisartunut (inatsisartut@inatsisartut.gl) qarasaasiakkut nassiuteqquneqarpoq.

Isertuussinissaq eqqarsaatigalugu apeqqutit siuliani allassimasut oqaatsit atorlugit akineqarnissaat pitsaanerusoq Naalakkersuisunit nalilerneqarpat, tamanna piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiissinnaanermut ulluliussassatut siunnersuut nalunaarutigalugu.

2022-mi aningaasanut inatsisissatut siunnersuutip aappassaaneerneqarnissaanut ataatsimiititaliap isumaliutissiissutaanut allagaq una ilaatinneqassammat ataatsimiititaliamit naggasiullugu oqaatigineqassaaq.

Qujareerlunga,

Aningaasaqarnermut Akileraartarnermullu Ataatsimiititaliaq sinnerlugu
inussiarnersumik inuulluaqqusillunga



Jens Napaattoq
Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat
Att.: Nicklas Lauritzen

Ilanngussaq
Bilag F

**Aningaasaqarnermut Akileraartarnermullu Ataatsimiititaliap
malitsisiatut AIS2022-mut apeqquataanut akissutit**

Brevdato: 01-11-2021
Sags nr. 2021 - 5421
Akt id. 18316336

Manna Aningaasaqarnermut Akileraartarnermullu Ataatsimiititaliap 26. oktober 2021-mi, 2022-mi Aningaasanut Inatsisissatut Siunnersuummut tunngatillugu malitsisiatut apeqquataanut akissut nassiuqqarpooq. Paatsuungasoqaqqunagu erseqqissarneqassaaq Naalakkersuisut apeqqutinik tigusaqareerneranni apeqquut 15.1b peerneqarneranik nalunaarfigineqarput, taamaammat apeqquut taanna akineqanngilaq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Akissutit naalakkersuisoqarfiit attuumassuteqartuneerput Aningaasaqarnermullu Nunamullu Namminermut Tunngassutilinnut Naalakkersuisoqarfimmit akissutit katersorneqarlutillu pitsaassusersiorneqarput.

Imm. 3.2 pillugu: Kommunit nittartagaannut ilineqarsimannginnerat nassuiaatigalugu aningaasaatit tigorianaanaat killiffiat kommunit ilaannut tunngatillugu Naalakkersuisut paasissutissiissutigisimanngilaat. Aningaasaatit tigorianaanaat paasissutissiissutigisinnaaqqullugit Naalakkersuisut kommuninut attaveqartariaqartut Aningaasaqarnermut Ataatsimiititaliaq isumaqarpoq. Tamatuma kingorna paasissutissat Aningaasaqarnermut Ataatsimiititaliamut nassiuqqullugit Naalakkersuisut qinnuigineqarput.

Akissut: Akissutissamut atatillugu kommunit sisamat nittartakkakkut qupperneranni aningaasanik uninngasuutaannik imaaliillaannarlugu takusaqarfigineqarsinnaanngitsut allaffigineqarput. Ataatsimiititaliap apeqquataanut akissuteqarnissamut killiliussap iluani kommuninit marlunnit akissummik pissarsisoqanngilaq. Tamatuma kingorna 2020-p naanerani Kommune Kujalleq 23,6 mio. kr.-nik Qeqqatalu Kommunian 364,8 mio. kr.-nik uninngasuuteqartut paasissutissiissutigineqarsinnaavoq.

Imm. 3.7 pillugu: Nammineq pisanik nerisaqartarnerup piitsuussutsimik killiliinissamut ilanngunneqarnissaa Naalakkersuisunit qanoq isumaqarfigineqarpa?

Akissut: Pisortatigoortumik piitsuussutsip killigititaanik aalajangersaanissamut suliaq sulii Aningaasaqarnermut Nunamullu Namminermut Tunngassutilinnut

Naalakkersuisoqarfiup, Meeqqanut, Inuusuttunut Ilaqutariinnullu Naalakkersuisoqarfiup kiisalu Isumaginninnermut Naalakkersuisoqarfiup akornanni sulii misissorneqarpoq. Suliarlu aamma Aningaasaqarnermut Siunnersuisooqatigiit siulittaasuannik oqaloqatigiissutigineqarpoq. Tassungalu atatillugu arlalinnik isumaliuteqartoqarluni.

Piitsuussutsimik killiliinissaq inuit isertitat agguaqatigiissillugu ataanni isertitalinnut tunngatiinnassallugu nangaassutitaqarpoq, soorlu OECD-p piitsuussutsimut killinga (poverty rate) agguaqatigiissillugu isertitat 50 %-annut inissinneqartoq takuuk. Naatsorsukkat taamaattut suliarissallugit pisariipput, Naatsorsueqqissaartarfimmillu suliarineqartareerlutik, taannali inuiaqatigiinni piitsuunerit atugaasa pitsanngoriartornerannik uuttuisuunerunani, naliiginninnermik uuttuineruvoq. Maanna taaneqartoq kingulleq pingaarnertut isigineqarpoq.

Taamattaarluni ujariatsinerimi misissueqqissaarnermik, allanullu apersuinermik tunngaveqartunik periutsit killeqartorjuupput, taakkumi isumalluutit atuiiffiusorujussuullutillu kikkut apersorneqarnerat, qanorlu apersuinerit apeqqutaammata.

Taamaattoqarnerani aalajangikkamik piitsuussutsimut killiliinissaq kajuminnarneruvoq. Killiliinerlu taamaattoq soorlu meeqqat pitsuullutik inuunerisa immikkut aallunneqarnissaanik politikikkut kissaatigineqartumut naapertuuttuussanngilaq.

Taamaammat Aningaasaqarnermut Siunnersuisooqatigiit siulittaasuannik oqaloqateqarneq tunngavigalugu, apeqqut pillugu qulaajaanissaq oqaloqatigiinnissarluni siunertaralugu VIVE-mit siunnersuiffigineqarnissaq aalajangerneqarpoq. Nammineq pisarineqartut nalingi oqaloqatigiinnermi qanoq pingaaruteqartinneqarnissaat oqaatigissallugu sulii siusippallaarpoq. Pisariitsumik ingerlaavartumillu qanoq isumagisassanngortinneqarsinnaanera erseqqissarneqarnissaanut pingaaruteqassaaq.

Imm. 3.9 pillugu: COVID-19-imik nappaalasoqarnerata kingunerisaanik peqqinnissaqarfiup suliaasaqarfiani nakorsartinnermut tunngasuni kinguaattoortoqarpa?

Akissut: Peqqinnissaqarfiup 2021 ingerlanerani ilaatigut illoqarfinni nappaatip siaruaannera, angalanernik killilersuinerit kiisalu peqqinnissaqarfinni sulisut akornanni nappaammik tunillaassuuttoqarnera pissutigalugu suliaasatut pilersaarutaasut kinguartippai. Tamakku ilaatigut Dronning Ingridip Napparsimavissuanit nunap immikkoortuinut immikkut ilisimasallit angalanerinit, Danmarkimit Dronning Ingridip Napparsimavissuanut immikkut

ilisimasallit angalanerinut kiisalu nunap immikkoortuinit napparsimasut Dronning Ingridip Napparsimavissuanut misissortikkiartorlunilu katsorsartikkiartornerinut tunngapput. Napparsimasut ilaat piffimminniitillugit telemedicin atorlugu misissorneqarput, allallu 2021-mi 2022-miluunniit piffissamut kingusinnerusumut kinguartinneqarput.

Imm. 3.10 pillugu: Peqqinnissaqarfiup iluani avataanit aningaasalersugassanut aningaasaateqarfinnut aningaasassarsiniartarnejq “annertuumik allaffissornartoq” Naalakkersuisut nassuiaatigaat. Tamanna avataanit aningaasalersuinermit pissarsianut nallersuunneqarsinnaasut Naalakkersuisut isumaqarpa?

Akissut: Aningaasaliissutip annertussusaa apeqqutaavoq. Aningaasaliissutini annertuuni, soorlu sanaartornermut aningaasaateqarfimmit aningaasalersuinikkut iluanaarutit allaffissornikkut aningaasartuutitut matussusiisinnaapput. Annikitsunik pisinerni peqqinnissaqarfiup allaffissornermut aningaasartuutaasa ilaanneeriarluni avataani aningaasaateqarfiit aningaasalersuinerinit iluaqutissartai qaangertarpei. Tamatumani allaffissorneq annertooq ilaatigut aningaasaateqarfinnut qinnuteqaatinik suliaqarnernut kingornalu aningaasaateqarfinnik malitseqartitsinernut ataneranik patsiseqarpoq. Taamaammat avataanit aningaasalersuisoqarnissaanik qinnuteqartoqarnissami pisuni ataasiakkaani naliliinerit apeqqutaasarput.

Konto pingarneq 24.01.01 pillugu: Kisitsisit Aningaasaqarnermut Ataatsimiititaliamut paasissutissiissutigineqanngillat, Naalakkersuisunilli akissuteqaannarput ”AIS2022-p ataatsimoortinnerani teknikkikkut allannguinnermi aaqinneqarumaarpoq”. Kisitsisit Aningaasaqarnermut Ataatsimiititaliamut sulii kissaatigineqarput, tamannalu akissuteqarfigeqqullugu Naalakkersuisut qinnuigineqarput.

Akissut: Konto pingarnermi suliamut kisitsisit allaqqasut ajunngillat, qulequtaanili ukiut allanneqartut kukkusuupput. Kisitsisit aaqinneqarumaartussat N2019-imit N2020-mut kiisalu AI2020-mit AI2021-mut allanngortinnera nassatarissavaat.

Imm. 7.1.a pillugu: Angerlarsimaffeqanngitsunut periusissaq taanna qaqugu saqqummiunneqartussat Naalakkersuisunit naatsorsuutigineqarpa?

Akissut: Angerlarsimaffeqanngitsunut periusissatut siunnersuummik suliaqarneq 2021-p naanerani aallartinneqassaaq, periusissamillu suliaqarneq juli 2022-mi naammassissasoq naatsorsuutigineqarluni. Angerlarsimaffeqanngitsunut periusissiap UKA2022-mi saqqummiunneqarnissaa naatsorsuutigineqarpoq.

Imm. 7.1.d pillugu: Naalakkersuisut oqaatigaat ”suliniutillu aallartereerlutik”. Tamatumani suliniutit suut Naalakkersuisunit innersuussutigineqarpat?

Akissut: Paatsuungasoqaqqunagu erseqqissarneqassaaq "...suliniutit siulliit aallartinneqarput" allaqqasoq. Angerlarsimaffeqanngitsunut periusissiamut tunngatillugu suliniutit siulliit aallartinneqareerput. Tassani angerlarsimaffeqanngitsunik amerlassusiliineq angerlarsimaffeqanngitsullu oqaloqatigiittarfiannik pilersitsinerup aallartinneqarneri taaneqarsinnaapput. Konto pingaarnermiit uannga peqatigiiffik Kialaaq tapiiffigineqarpoq.

Imm. 7.1.f pillugu: Suliassami kisitsisit taakku sooq pissarsiarineqarsinnaanngillat?

Akissut: Tutsuiginartunik naatsorsoqqissaagaqarsimanngilaq. Angerlarsimaffeqanngitsunik kisitsineq suliniummi kisitsisinut tunngaviusussaq aallartinneqarpoq.

Imm. 7.2.f pillugu: Suliassami kisitsisit taakku sooq pissarsiarineqarsinnaanngillat?

Akissut: Utoqqarnut oqaaseqartartuusimasup sulinera ima sivikitsigisimavoq, allaat naatsorsoqqissaakkanik suliaqarnissamut tunngavissiisimanani.

Imm. 8.1 pillugu: Paasissutissat tusaatissatut tigugini Aningaasaqarnermut Ataatsimiititaliap oqaatigissavaa, aningaasaliissutilli naammannersut pillugit Naalakkersuisut isummernerat amigaatigineqarpoq. Taanna akissuteqarfigeqqullugu Naalakkersuisut qinnuigineqarput.

Akissut: Aningaasaliissutit 400.000 kr.-t sapaatip akunneranut marloriarluni neqinik kalaaliminernik sassaallertoqartarneranut kiisalu sapaatip akunneranut pingasut angullugit aalisakkanik nerisassanik neqerooruteqartarneranut naammapput.

Peqqissutsimut Naalakkersuisoqarfiup 2020-mi qanoq tunisassiat nioqqutissiallu nunatsinneersunik atuinerup Kalaallit Napparsimasut Angerlarsimaffianni qanoq annertusarsinnaanera, qanorlu kalaallit nerisassiaasa qanoq mamamerulersinneqarsinnaanerat misissorpaa. Ineqartunik akuliutsitsinermik annertusaaneq nerisaallu nerisarnertu pillugit oqaloqatigiittarnermik annertusaaneq nerisanut atatillugu pitsannguutini arlalinnik nassataqarsimasoq, Napparsimasullu ineqarfianni ineqartut kisaateqarnerata kinguneranik kalaaliminernik atuineq annertusisimasoq misissuinermit nassuiarneqarpoq. Napparsimasut ineqarfianni ineqartut ataatsimiinneri kalaaliminernik nerisarnertu qanoq akulikitsiginissaannik misissuinermit atorineqarput. Ineqartut kissaataat sapaatip akunneranut ataasiarluni nerisarnertu arfineq marloriarluni nerisarnertu nikerarput. Tassungalu atatillugu ineqartut nerisassanik neqinillu kiisalu taakku qanoq sassaalliutigineqartarnerannut assigiinngitsorujussuarnik iluarisaqarnertik annippaat. Taamaalilluni napparsimasut inaanni nerisanut

apeqqut annertuumik najugaqartut inuttut iluarisaannik aallaaveqartoq misissuinermini ersersinneqarpoq.

Napparsimasut ineqarfiat inuinnarnit tunissutinik tiguisinnaasoq paasissutissiissutigineqarpoq. Inatsisit tunngavigalugit inuinnarnit tunniussat napparsimasut ineqarfimmi igaffiani iganeqarsinnaanngillat. Tunniussat ineqartunut nassiunneqartarput, kingornalu taakku nammineerlutik nerisassat agguartarpaat. Ineqartut nerisassanik qerititsivimmiititsisinnaanermut taakkulu ineqartut igaffiini igasinnaanerannut periarfissaqarput.

Imm. 9.7.a pillugu: Akissut tusaatissatut tigugini Aningaasaqarnermut Ataatsimiititaliap oqaatigissavaa allannguutillu allannguutissatut siunnersuutikkut iluarsineqarnissaa qilanaarineqarpoq.

Akissut: Allannguutissatut siunnersuut pingajussaaneerinninnermi saqqummiunneqassaaq.

Imm. 9.11.a pillugu: Akissut tusaatissatut tigugini Aningaasaqarnermut Ataatsimiititaliap oqaatigissavaa. Suliassami kisitsisit paasiuminarsarlugit skemanngorlugit nassiunneqarnissaat ataatsimiititaliamit qinnutigineqarpoq. Kiisalu AIS2022-p aappassaaneerneqarnissaanut allannguutissatut siunnersuuteqarnermi suliassami kisitsisit ilanngunneqarnissaat ataatsimiititaliamit qilanaarineqarpoq.

Akissut: Suliassi kisitsisit ataatsimiititaliamut nassiunneqarput. Tassunga atatillugu AIS2022-p aappassaaneerneqarnerani allannguutissatut siunnersuut nr. 21 innersuussutigineqarpoq.

Imm. 9.12.a pillugu: Tapiissuteqaqqinnikkut najukkani TV-kkut radiukkullu aallakaatitassiat nukittorsarneqarnissaat Naalakkersuisut kissaatigaat? Tamatumani aamma eqqarsaatigineqarluni Erik Jensenip § 37 naapertorlugu apeqqutaanut (2021/92) akissut, tassani apeqqummut 8-mut ima akisoqarpoq:

"Naalakkersuisut pilersaaruteqarput soorlu sinerissamiit kulturikkut pikialaartitsinernit immiussisarnissamik sapinngisamillu siammarteqataanissamik nukittorsaanissamut." (akissuteqaammi qupperneq 3)

Akissut: Naalakkersuisut AIS2022-mi KNR-imut aningaasaliissutit annertusineqarnissaat siunnersuutigaat, taamaalilluni ineriartorneq sineriammilu najuunneruneq aallakaatitassiat annikillinngikkaluarlugit qularnaarneqarsinnaaqqullugu. Taamaammat aallakaatitassiornermik nukittorsaaneq piffinni radioqarfinnit TV-qarfinnilluunniit pisiortornerunikkut namminerluunniit piffinnit aallakaatitassiornerunikkut pissannersoq KNR-ip nalilersorumaarpaa.

Imm. 9.12.b pillugu: Akissut tusaatissatut tigugini Aningaasaqarnermut Ataatsimiititaliap oqaatigissavaa. Suliassami kisitsisit nassiunneqarnissaat ataatsimiititaliamit qinnutigineqarpoq qilanaarineqarporlu suliassami kisitsisit AIS2022-p aappassaaneerneqarnissaanut allannguutissatut siunnersuuteqarnikkut ilanngunneqarnissaat.

Akissut: Suliassi kisitsisit ataatsimiititaliamut nassiunneqarput. Tassunga atatillugu AIS2022-p aappassaaneerneqarnerani allannguutissatut siunnersuut nr. 22 innersuussutigineqarpoq.

Imm. 9.12.d pillugu: Ataatsimiititaliap apeqqutaanut Naalakkersuisut ima akipput:

”Avataanit tunisassiortunit kiisalu KNR-ip nammineerluni tunisassiaani imarisanik nutaanik piumasaqaatigineqartut Innuttaasunut kiffartuussinermi angusassatut isumaqatigiissut naapertorlugu akunnerit 815-iupput (2020-mi akunnerit tunniunneqartut 681-iupput). Innuttaasunut kiffartuussineq pillugu nalunaarusiaq naapertorlugu KNR TV 2020-mi akunnerni katillugit 4.561-ini aallakaatitsivoq.”

Tamatumani angusassat pillugit isumaqatigiissut sooq KNR-imit eqquutsinneqarsinnaasimanngila?

Akissut: Coronap malitsigisaanik killilersuinerit pissutigalugit 2020-mi Kalaallit Nunaanni pissartanngorniunnerit tamarmik taamaatiinnarneqarnerat pissutigalugu KNR TV-kkut timersornermi aallakaatitanik nalunaaquttap akunnerinik 170-inik sivilissusilinnik amigartoorpoq.

Ukiuni kingullerni NTK-mik suleqateqarneq TV-mut tunngatillugu ingerlatsisunut marlunnut annikillivoq, avataanit tunisassiortut ullumikkut inuussutissarsiorlutik ingerlasuupput TV-qarfikkoortumik peqatigiiffinnut atassuteqanngitsut. NTK-mi TV-qarfiit annertunerusumik satellitikkut TV-mik streaminginillu sullissiinermik nappateqartunngorput ikittuinnaallu aallakaatitassiorput. KNR aallakaatitassiorunit allanit nalunaaquttap aallakaatitassianik akunnerinik 47-nik sivilissusilinnik pisivoq – naatsorsuutigisamit nalunaaquttap akunnerinik 53-nik ikinnerusut, suut ingerlanneqarsinnaanerannut Corona annertuumik sunniivoq.

2020-mi ilinniartitsissutinik aallakaatitassiorqanngilaq, isumaqatigiissummi nalunaaquttap akunnerit 20-nik sivilissusilinnik ilinniartitsinernik aallakaatitassiorqarnissaa aalajangersarneqaralarpoq.

Imm. 9.14.a pillugu: Suliassami kisitsisit matumani pineqartut ataatsimiititaliamit apeqqutigeqqinneqassapput.

Akissut: Apeqqutip 9.14.a+b akissut inussiarnersumik ataatsimiititaliamut innersuussutigineqarpoq, tassani Kalaallit Nunaanni Eqqumiitsuliornermut Aningaasaateqarfiup pilersinneqarnera, 2022-millu aningaasaateqarfiup aningaasanik agguasarnissaa nassuiaateqarfigineqarpoq. Ukioq manna tapiissutit agguarneqarnerat nalunaarusiorfigineqassaaq. Nalunaarusiaq piareerpat konto pingaarnermut suliami kisitsisit annertusarneqarnissaat pisinnaalissaaq.

Imm. 10.5.c pillugu: Akissut ataatsimiititaliamit qujassutigineqarpoq. Angallatilli nakkutilliissutit pillugit nunarput ataqatigiisumik pilersaaruteqaqqullugu Aningaasaqarnermut Ataatsimiititaliap kaammattuutai Naalakkersuisunit malilersaarneqarnersut ataatsimiititaliamit paaserusunneqarpoq.

Akissut: Aningaasaqarnermut Akileraartarnermullu Ataatsimiititaliap ulloq 20. oktober 2021 allagaa, suliap normua 01.31.06/21-00953-II, qanoq ililluni Upernavimmi, Tunumi Kujataanilu nakkutilliineq pitsanngorsarneqassanersoq tassungalu aningaasalersuutissat pillugit nassuiaammik qinnuteqaat innersuussutigineqarpoq. Kalaallit Nunaanni Aalisarnermi Akuersissutininik Nakkutilliisoqarfiup piffik Europamit annerusoq nakkutigisussaavaa, taamaammallu suliniutit pingaarnersiorneqarnissaat pingaaruteqarluinnarpoq. Tamanna aarlerinaatinik toqqammaveqartumik nakkutilliinikkut pisarpoq, tassani sumi unioqqutitsisoqarnissaanik aarlerinaateqarnerpaanera pisut taakku akornusiinerannut sanilliunneqartarpoq. Kalaallit Nunaanni Aalisarnermi Akuersissutininik Nakkutilliisoqarfik piaarnerpaamik ataatsimut aarlerinaatinik naliliinermik nutaamik, aamma isorliunerusuni nakkutilliinermik ilanngussillunilu nakkutilliisut angallataannut ataqatigiisumik pilersaarusiussaaq. Tassunga atatillugu aningaasalersuinissamut pisariaqartitanut missingiummik suliaqartoqassaaq.

Imm. 14.4.a pillugu: Immikkoortup tamatuma itisilerneqarnissaa ataatsimiititaliamit amigaatigineqarpoq ingerlatsinermillu kukkunersiuiineq saqqummiunneqarpat Naalakkersuisut tamatuminnaga saqqummiussissasut naatsorsuutigineqarpoq.

Akissut: Naalakkersuisut ingerlatsinermik kukkunersiuiineq isummerfigereerunikku, tamanna itisilissavaat.

Imm. 14.4.b pillugu: Akinik nalinginnaasumik qaffaanerup saniatigut Nukissiorfiit aningaasaqarnerata pitsanngortinneqarnissaanut Naalakkersuisut allanik qanoq periarfissaqarsoraat?

Akissut: Nukissiorfiit aningaasaqarnerat assersuutigalugu ima pitsanngorsarneqarsinnaavoq: Atuisut akiliutaannik qaffaaneq (akinik qaffaaneq), ingerlatsinermut aningaasartuutininik annikillisaaneq

aamma/imaluunniit tapiissuteqarnikkut. Tassunga tunngasunik aalajangernerni isertitat aningaasartuutillu oqimaaqatigiittunngorlugit suliffeqarfiup inissinneqarnissaa anguniakkatut pingaarutilittut isigineqarpoq, taamaalilluni suliffeqarfik immikkoortunit allanit, soorlu isumaginninnermit peqqunissamullu immikkoortumit aningaasaliivigineqarnani ingerlasinnaanngorlugu.

Inussiarnersumik inuulluaqqusillunga


Asii Chemnitz Narup



Til: Inatsisartut Aningaasaqarnermut Akileraartarnermullu Ataatsimiititaliaq
Att.: Nicklas Lauritzen.

Ilanngussaq
Bilag

AIS 2022-p aappassaaneerneqarnissaanut allannguutissatut siunnersuutit

21-10-2021
Sags nr. 2021 - 5421

Matumuuna Naalakkersuisut sinnerlugit AIS 2022-p aappassaaneerneqarnissaanut sammisat 1-5-imut immikkoortiterlugit allannguutissatut siunnersuutit saqqummiuppakka.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Aammattaaq oqaasertaliussanut oqaasertaliussanullu nassuiaatinut allannguutissatut siunnersuutit nassiunneqarput.

Allannguutissatut siunnersuutit imatut immikkoortortalersugaapput:

- Sammisag 1: Teknikikkut allannguutit
- Sammisag 2: Missingersuutitut sunniuteqanngitsumik allannguinerit
- Sammisag 3: Oqartussaaffimmik allannguiq
- Sammisag 4: Aningaasartuutaannginnerusut
- Sammisag 5: Isertitassatut missingikkat nutaat aammalu aningaasartuutitut inatsisitigut pisussaaffigisanut missingikkat nutaat

Aningaasanut inatsisissatut siunnersuutit aappassaanneerneqarnissaa qilanaaraara ataatsimiititaliaq kissaatigissagaluarpagu annertunerusunik paasissutissiinissannut soorunalimi piareersimallunga.

Inussiarnersumik Inuulluaqquillunga

Asii Chemnitz Narup

Ilanngussaq 1

Aappassaaneerinninnermi allannguutissatut siunnersuut, ukioq missingersuusiorfik mio. kr.

Nr.	Kontumut pingaarnermut	AS 2022	M 2023	M 2024	M 2025
	Sammisag 1: Teknikikkut allannguutit	0	0,0	0,0	0,0
1	100128 Inatsisinut tunngaviusussanut isumalioqatigiissitaq aamma allattoqarfik	0	0,0	0,0	0,0
2	200534 Partiit qineqqusaarnissaannut tapiissutit	0	0,0	0,0	0,0
3	340101 Peqqissutsimut Naalakkersuisoqarfik	0	0,0	0,0	0,0
4	341001 Peqqissutsimut Pitsaaliuinnermullu Aqutsisoqarfik	0	0,0	0,0	0,0
5	341103 Dronning Ingridip Napparsimavissua	0	0,0	0,0	0,0
6	400101 Ilinniartitaanermut, Kultureqarnermut, Timersornermut Ilageeqarnermullu, Naalakkersuisoqarfik	0	0,0	0,0	0,0
7	400201 Ilinniartut Ineqarfiisa Allaffeqarfiat	0	0,0	0,0	0,0
8	401235 GUX Asiaat	0	0,0	0,0	0,0
9	401236 GUX Nuuk	0	0,0	0,0	0,0
10	404001 Ilinniartitaanermut Aqutsisoqarfik	0	0,0	0,0	0,0
11	409103 Pikkorissartitsisarnerit	0	0,0	0,0	0,0
12	409108 Kalaallisuuliornermik Ilinniarfik	0	0,0	0,0	0,0
13	409114 Imarsiornermik Ilinniarfik	0	0,0	0,0	0,0
14	409116 Niuernermik Ilinniarfik, Nuuk	0	0,0	0,0	0,0
15	409121 Inuussutissalerinermik Ilinniarfik INULI	0	0,0	0,0	0,0
16	409123 Campus Kujalleq	0	0,0	0,0	0,0
17	409125 Peqqinnissakkut Ilinniartitaanernut Qitiusumik Ilinniarfik	0	0,0	0,0	0,0
18	409213 Ilisimatusarfik	0	0,0	0,0	0,0
19	409218 Oqaatsinik pikkorissartitsinerit	0	0,0	0,0	0,0
20	409413 Timersornermut tapiissutit	0	0,0	0,0	0,0
21	409416 Najukkani TV-kkut Najukkanilu radiukkut aallakaatitsisarfiit peqatigiffiitut tapiissutit	0	0,0	0,0	0,0
22	409417 Kalaallit Nunaata Radiua - KNR	0	0,0	0,0	0,0
23	409418 Katuaq	0	0,0	0,0	0,0
24	409501 Eqqumiitsuliornermut kulturimullu tapiissutit allat	0	0,0	0,0	0,0
25	409505 Nunatta Isiginnaartitsisarfia	0	0,0	0,0	0,0
26	409703 Kalaallit Nunaanni ilagiit	0	0,0	0,0	0,0
27	660101 Aatsitassanik Aqutsisoqarfik, allaffissorneq	0	0,0	0,0	0,0

Ilanngussaq 1

Nr.	Kontumut pingaarnermut	AS 2022	M 2023	M 2024	M 2025
28	670101 Aatsitassanut Naalakkersuisoqarfik	0	0,0	0,0	0,0
29	720608 Illuliortiternernut aningaasalersuineq	0	0,0	0,0	0,0
30	721016 Inissiat attartortittakkat ingerlanneqarnerat, aningaasaliissutinit iluanaarutit	0	0,0	0,0	0,0
31	722201 Umiarsualivinnik oqartussaaneq	0	0,0	0,0	0,0
32	730101 Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik	0	0,0	0,0	0,0
33	739402 Nukissiorfiit	0	0,0	0,0	0,0
34	800001 Nuussinissanut sillimmatit	0	0,0	0,0	0,0
	Sammisq 2: Missingersuutinut sunniuteqanngitsumik allannguinerit	0	0,0	0,0	0,0
35	310212 Danmarkimi eqqartuunneqarsimasunik oqaloqatiginnittartoqarneq	146.000	0,1	0,1	0,1
36	310705 Majoriaq	-146.000	-0,1	-0,1	-0,1
37	341102 Napparsimasut nunani allani katsorneqartarnerat, tarnikkut nappaatit	-17.209.000	-17,2	-17,2	-17,2
38	341103 Dronning Ingridip Napparsimmavissua	-700.000	-0,7	-0,7	-0,7
39	341111 Pinerluttulerinermi inatsit malillugu tarnimikkut nappaatillit inissinneqartarnerat	17.209.000	17,2	17,2	17,2
40	409120 Perorsaanermik Ilinniarfik	-13.834.000	-13,8	-13,8	-13,8
41	409131 Suliniutit aallaavigalugit tapiissutit	13.834.000	13,8	13,8	13,8
42	700101 Ineqarnermut, Attaveqatigiinnermut, Naligiisitaanermullu Naalakkersuisoqarfik	-600.000	-0,6	-0,6	-0,6
43	700107 Sanaartornermi oqartussat	600.000	0,6	0,6	0,6
44	739402 Nukissiorfiit	700.000	0,7	0,7	0,7
45	897212 Inissialiassat taartissanillu inissialiortiterneq	0	0,0	0,0	0,0
	Sammisq 3: Oqartussaaffimmik allannguneq	0	0,0	0,0	0,0
46	200110 ASIAQ (Misissueqqaarnerit/Grønlands forundersøgelse)	-16.883.000	-13,9	-13,9	-13,9
47	301344 Pinerluttulerinermi inatsit malillugu eqqarsartaatsimikkut innarluutillit inissinneqartarnerat	45.000.000	48,0	51,0	54,0
48	341109 Pinerluttulerinermi inatsit malillugu paaqqinnittarfinnut inissiineq	-45.000.000	-48,0	-51,0	-54,0

Nr.	Kontumut pingaarnermut	AS 2022	M 2023	M 2024	M 2025
49	730110 ASIAQ (Misissueqqaarnerit/Grønlands forundersøgelser)	16.883.000	13,9	13,9	13,9
	Sammissaq 4:	-3.000.000	0,0	0,0	0,0
	Aningaasartuutaannginnerusut				
50	201170 Suliniutinut nutaanut sillimmatit	-3.000.000	0,0	0,0	0,0
	Sammissaq 5: Isertitassatut	-9.000.000	-9,7	-10,7	-11,7
	missingikkat nutaat aammalu				
	aningaasartuutinut inatsisitigut				
	pisussaaffigisanut missingikkat nutaat				
51	200540 Naalagaaffiup ataatsimoortumik tapiissutai	-400.000	-0,4	-0,4	-0,4
52	301344 Pinerluttulerineri inatsit malillugu eqqarsartaatsimikkut innarluutillit inissinneqartarnerat	-10.000.000	-11,0	-12,0	-13,0
53	340102 Napparsimasunut taarsiissutit	1.400.000	1,7	1,7	1,7
	<u>Katillugit IS-p inernera</u>	<u>-12.000.000</u>	<u>-9,7</u>	<u>-10,7</u>	<u>-11,7</u>

Teknikikkut allannguutit**10.01.28 Tunngaviusumik inatsisitaarnissamut isumalioqatigiissitaq aamma allattoqarfik
(Ingerlatsineranut aningaasaliissutit)**

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Kontumut pingaarnermut matumunnga missingersuutitut ilanngussami oqaaseqatigiit AI2021-miit AIS2022-mut nutarterneqarsimanngillat. Taamaattumik missingersuutitut ilanngussami immikkoortut kingulliit sisamat peerniarneqarput tullinnguuttunillu taarserlugit:

"Siusinnerusukkut Naalakkersuisuusimasut akuersisimapput ataatsimiititaliarsuup sulinera ukiumik ataatsimik sivitsorneqassasoq. Taamaasilluni kalaallit tunngaviusumik inatsisissaannut missingiummik Naalakkersuisunut tunniussinissaq kingusinnerpaamik ullormi 31. december 2022-mi pissaaq. Tassunga ilutigitillugu naatsorsuutigineqarpoq allattoqarfiup suliani naammassisimassagaa. Ataatsimiititaliarsuup sulinerata sivitsorneqarnera tunngavigalugu kontumi pingaarnermi matumani aningaasaliissutit 2022-mi 5,7 mio. kr.-nik, ukiumi nalinginnaasumi ataatsimiititaliarsuarmut aningaasaliissutit annertoqataannik ilaneqarput."

20.05.34 Partiit qineqqusaarnissaannut tapiissutit (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Aningaasartuutitik agguataarinissamut ilimagisat pillugit aningaasartuutitik kisitsisissatut
naatsorsuutigisani Suleqatigiissitsisut aamma Siumut paarlaanneqarsimapput, tamanna
allannguutissatut siunnersuut manna atorlugu aaqqinniarneqarpoq.

Suliassami kisitsisissatut

naatsorsuutigisat

Aningaasartuutitik

agguataarinissamut ilimagisat

	AI 2021	AS 2022	M 2023	M 2024	M 2025
Inatsisartunut qinersinerit:					
Siumut	676.400	0	0	0	759.600
Suleqatigiissitsisut	-676.400	0	0	0	-759.600
Kommuninut qinersineq:					
Siumut	520.350	0	0	0	522.500
Suleqatigiissitsisut	-520.350	0	0	0	-522.500

34.01.01 Peqqissutsimut Naalakkersuisoqarfik (Ingerlatsinermut aningaasaliissutit)

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Aningaasanut inatsisissatut siunnersuummi missingersuutitut ilanngussami oqaaseqatigiit tullinnguuttut amigaataapput. Oqaasertaliussa q tulluuttoq missingersuutitut ilanngussani kingullertut ilannguteqquneqarpoq:

”Konto pingaarneq una 2022-miit 100.000 kr.-nik ilanngarneqarpoq. Ilanngaaneq sipaarutissatut killiliussanik atortuulersitsinermut tunngasuvoq.”

34.10.01 Peqqissutsimut Pitsaaliuinernullu Aqutsisoqarfik (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Aningaasanut inatsisissatut siunnersuummi missingersuutitut ilanngussami oqaaseqatigiit tullinnguuttut amigaataapput. Oqaasertaliussaq tulluuttoq missingersuutitut ilanngussani kingullertut ilannguteqquneqarpoq:

”Konto pingaarneq una 2022-miit 92.000 kr.-nik ilanngarneqarpoq. Ilanngaaneq sipaarutissatut killiliussanik atortuulersitsinermut tunngasuvoq. ”

34.11.03 Dronning Ingridip Napparsimavissua (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Aningaasanut inatsisissatut siunnersuummi missingersuutitut ilanngussami oqaaseqatigiit tullinnguuttut amigaataapput. Oqaasertaliussaq tulluuttoq missingersuutitut ilanngussani kingullertut ilannguteqquneqarpoq:

”Tamanna 2022-mi aallartinneqarsinnaassappat Sermersuumi Kommunalbestyrelsi 2022-mi kommunip missingersuutaani ulloq unnuarlu angerlarsimaffimmi paaqqutarinninnermut 2,5 mio. kr.-nik immikkoortitsisariaqarpoq.”

40.01.01 Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik (Ingerlatsinermit aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Sulisunut kisitsisinik naatsorsuineq kukkusoq aaqqinniarnearpoq.

Sulisunut atuinissamut naatsorsuutigisat	AS 2022	M 2023	M 2024	M 2025
Allat	-1	-1	-1	-1
Sulisunut atuinert katillugit	-1	-1	-1	-1

40.02.01 Ilinniartut ineqarfiisa allaffeqarfiata ataatsimut kontua (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Inatsimmut innersuussineq kukkusoq aaqqinniarnearpoq, tullinnguuttuni oqaaseqatigiit peerniarneqarput:

"Nuummi ilinniartunut ineqartitsineq: Inissiisartutut ataatsimiititaliaq pillugu kaajallaasitaq nr. 18, 1. november 2007-imeersoq ilinniartut inaat pillugit inatsisitigut tunngavigineqarpoq."

40.12.35 GUX Aasiaat (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Inatsimmut innersuussineq kukkusoq aaqqinniarneqarpoq, tullinnguuttuni immikkoortoq peeqquneqarpoq:

"Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersaq, Ilinniarnertuunngorniarneq pillugu Inatsisartut inatsisaata allanngortinnera pillugu Inatsisartut inatsisaatigut nr. 31, 9. december 2015-meersutigut kingullermik allanngortinneqartoq kiisalu nalunaarutit taakkununga tunngassuteqartut tunngavigalugit Ilinniarnertuunngorniarniit ingerlanneqarput."

Uuminngalu taarserlugu:

"Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersaq, Ilinniarnertuunngorniarneq pillugu Inatsisartut inatsisaata allanngortinnera pillugu Inatsisartut inatsisaatigut nr. 16, 27. november 2020-meersutigut kingullermik allanngortinneqartoq kiisalu nalunaarutit taakkununga tunngassuteqartut tunngavigalugit Ilinniarnertuunngorniarniit ingerlanneqarput."

40.12.36 GUX Nuuk (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Inatsimmut innersuussineq kukkusooq aqqinniarneqarpoq, tullinnguuttuni immikkoortoq peeqquneqarput:

"Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersoq, Ilinniarnertuunngorniartarneq pillugu Inatsisartut inatsisaata allanngortinnera pillugu Inatsisartut inatsisaatigut nr. 31, 9. december 2015-meersutigut kingullermik allanngortinneqartoq kiisalu nalunaarutit taakkununga tunngassuteqartut tunngavigalugit Ilinniarnertuunngorniartarneq ingerlanneqarput."

Uuminngalu taarserlugu:

Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersoq, Ilinniarnertuunngorniartarneq pillugu Inatsisartut inatsisaata allanngortinnera pillugu Inatsisartut inatsisaatigut nr. 16, 27. november 2020-meersutigut kingullermik allanngortinneqartoq kiisalu nalunaarutit taakkununga tunngassuteqartut tunngavigalugit Ilinniarnertuunngorniartarneq ingerlanneqarput.

40.40.01 Ilinniartitaanermut Aqutsisoqarfik (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Missingersuutitut ilanngussami oqaaseqatigiit nutaanngitsut allannguutissatut siunnersuut manna aqqutigalugu peerniarneqarput. Missingersuutitut ilanngussami oqaaseqatigiit uku peerniarneqarput:

"Kontumut pingaarnermut matumunnga aningaasaliissutit 600.000 kr.-nik ilanngarneqarput, sulisussaqaq ataaseq kontumut pingaarnermut, 40.01.01 Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, nuunneqarmat.

AIS2021-p aappassaaneerqarneranut atatillugu pisortani qarasaasiakkut allagarsisarnermi iluanaarutissat atortussanngortinnissaattut aningaasaliissutit 2021-mi 281.000 kr.-nik ilanngarneqarput.

2021-mut Aningaasanut inatsit pillugu isumaqatigiisummi allaffissornermut sipaarniuteqartoqarnissaa pillugu kissaateqarnermut ilaasumik konto pingaarneq manna ukiumut 1,5 mio. kr.-nik ilanngaaffigineqassasoq isumaqatigiissutigineqarpoq."

40.91.03 Pikkorissartitsineq (Ingerlatsinermut aningaasaliissutit)**Missingersuutit immikkoortiterneri**

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0
Akissarsianut anigaasartuutit	416	0,4	0,4	0,4
Anigaasartuutit allat	-416	-0,4	-0,4	-0,4

Kontumi tassani akissarsianut anigaasartuutitut missingersuusiorneq amigaataavoq, taamaattumik allannguutissatut siunnersuusiortoqarpoq. Immikkoortoq tullinnguuttoq peerniarneqarpoq:

"Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, kingullermik Inatsisartut inatsisaatigut nr. 6, 6. juni 2016-meersutigut allanngortinneqartoq kiisalu Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-meersoq naapertorlugit tapiissuteqartoqartarpoq."

Uanngalu taarserneqarluni:

"Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, kingullermik Inatsisartut inatsisaatigut nr. 15, 12. juni 2019-meersutigut allanngortinneqartoq kiisalu Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-meersoq naapertorlugit tapiissuteqartoqartarpoq."

40.91.08 Kalaallisuuliornermik Ilinniarfik (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Inatsimmut innersuussineq kukkusoq aaqqinniarneqarpoq, tullinnguuttuni immikkoortoq peerniarneqarpoq:

"Kalaallisuuliornermik Ilinniarfimmi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2016-meersutigut allangortinneqartoq naapertorlugit ingerlanneqarput."

Uanngalu taarserneqarluni:

"Kalaallisuuliornermik Ilinniarfimmi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2019-meersutigut allangortinneqartoq naapertorlugit ingerlanneqarput."

40.91.14 Kalaallit Nunaanni Imarsiornermik Ilinniartitsinerit (Ingerlatsinermit aningaasaliissutit)
 Missingersuutit immikkoortiterit

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Inatsimmut innersuussineq kukkusoq aaqqinniarneqarpoq, tullinnguuttuni immikkoortoq peerniarneqarpoq:

"Kalaallit Nunaanni Imarsiornermik Ilinniartitsinerit Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 6. juni 2016-meersutigit allanngortinneqartoq naapertorlugit ingerlanneqarput. Imarsiornermik ilinniartitaanerit Kalaallit Nunaanni imarsiornermik ilinniartitaanerit pillugit Inatsisartut peqqussutaat nr. 7, 11. november 2000-meersoq naapertorlugu ingerlanneqarput, taamaattorli kapitali 2 pinnagu. Ilinniartitsinerit ingerlaqqiffiusut neqeroortigineqassappata tamanna Ilinniartitsinerit ingerlaqqiffiusut pillugit Inatsisartut inatsisaat nr 14, 12 juni 2019-meersoq aqutigalugu naleqqussarneqassaaq."

Uanngalu taarserneqarluni:

"Kalaallit Nunaanni Imarsiornermik Ilinniartitsinerit Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2019-meersutigit allanngortinneqartoq naapertorlugit ingerlanneqarput. Imarsiornermik ilinniartitaanerit Kalaallit Nunaanni imarsiornermik ilinniartitaanerit pillugit Inatsisartut peqqussutaat nr. 7, 11. november 2000-meersoq naapertorlugu ingerlanneqarput, taamaattorli kapitali 2 pinnagu. Ilinniartitsinerit ingerlaqqiffiusut neqeroortigineqassappata tamanna Ilinniartitsinerit ingerlaqqiffiusut pillugit Inatsisartut inatsisaat nr 14, 12. juni 2019-meersoq aqutigalugu naleqqussarneqassaaq."

40.91.16 Niuernermik Ilinniarfik, Nuuk (Ingerlatsinermut aningaasaliissutit)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaascereerluni aningaasartuutit	0	0,0	0,0	0,0

Inatsimmut innersuussineq kukkusoq aqqinniarneqarpoq, tullinnguuttuni immikkoortoq peerniarneqarpoq:

"Niuernermik Ilinniarfimmi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 6. juni 2016-meersutigut allangortinneqartoq naapertorlugit neqeroorutaapput. Ilinniarnert ingerlaqqiffiusut neqeroorutigineqarput, tamakkulu Ilinniarnert ingerlaqqiffiusut pillugit Inatsisartut inatsisaat nr 14, 12 juni 2019-meersoq aqutigalugu malittarisassiorneqarput.

NI-mi ilinniarnernut neqeroorutit niuernermut suliaasaqarfiup iluani inuussutissarsiutinut ingerlaqqiffiusumillu iliniarnert ilaapput, soorlu niuerneq, aningaasarsiorneq, pilerisaarisarneq, IT-qarneq aqutsinerlu."

Tassungalu taarsiutaavoq:

"Niuernermik Ilinniarfimmi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2019-meersutigut allangortinneqartoq naapertorlugit neqeroorutaapput. Ilinniarnert ingerlaqqiffiusut neqeroorutigineqarput, tamakkulu Ilinniarnert ingerlaqqiffiusut pillugit Inatsisartut inatsisaat nr 14, 12. juni 2019-meersoq aqutigalugu malittarisassiorneqarput.

NI-mi ilinniarnernut neqeroorutit niuernermut suliaasaqarfiup iluani inuussutissarsiutinut qaffasinnerusumillu iliniarnert ilaapput, soorlu niuerneq, aningaasarsiorneq, pilerisaarisarneq, IT-qarneq aqutsinerlu."

Suliaasami kisitsisissatut naatsorsuutigisat

Niuernermik Ilinniarfik, Nuuk	AS 2022	M 2023	M 2024	M 2025
Suliaasaqarfiit				
apeqqutaatillugit tapiissutit	-1.450	-1.450	-1.450	-1.450
Aningaasaliissutit katillugit + tapiissutit	-1.450	-1.450	-1.450	-1.450
Atuartumut ukiumut aningaasartuutit (kr.)	-6.591	-6.591	-6.591	-6.591

40.91.21 INUILI, Inuussutissalerinermik Ilinniartit, INUILI (Ingerlatsinermit aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Sulisunut kisitsisit kukkusut kiisalu inatsimmut nutaanngitsumut innersuussinerit iluarsiniarneqarput. Immikkoortoq tullinnguuttoq peerniarneqarpoq:

"INUILI-mi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 6. juni 2016-imeersutigut allanngortinneqartoq naapertorlugit neqeroorutaapput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14, 12 juni 2019-imeersoq aqutigalugu naleqqussarneqassaaq."

Uanngalu taarserneqarluni:

"INUILI-mi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2019-imeersutigut allanngortinneqartoq naapertorlugit neqeroorutaapput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14, 12 juni 2019-imeersoq aqutigalugu naleqqussarneqassaaq."

Sulisunut atuinissamut naatsorsuutigisat	N 2020	AS 2022	M 2023	M 2024	M 2025
Allat	-30	-25	-25	-25	-25
Sulisunut atuinerit katillugit	-30	-25	-25	-25	-25

40.91.23 Campus Kujalleq (Ingerlatsinermit aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Inatsimmut innersuussineq kukkusoq aaqqinniarneqarpoq, tullinnguuttuni immikkoortoq peerniarneqarpoq:

"Campus Kujallermi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermillu Inatsisartut inatsisaatigut nr. 6, 6. juni 2016-meersutigit allanngortinneqartoq kiisalu Ilinniarnertuunngorniarnert pillugit Inatsisartut inatsisaat nr. 13, 22. november 2011-meersoq, kingullermillu Inatsisartut inatsisaatigut nr. 31, 9. december 2015-meersutigit allanngortinneqartoq naapertorlugit neqeroorutaapput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14, 12 juni 2019-meersoq aqqutigalugu naleqqussarneqassaaq."

Uanngalu taarserneqarluni:

"Campus Kujallermi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10 19. maj 2010-meersoq kingullermillu Inatsisartut inatsisaatigut nr. 15, 12. juni 2019-meersutigit allanngortinneqartoq kiisalu Ilinniarnertuunngorniarnert pillugit Inatsisartut inatsisaat nr. 13, 22. november 2011-meersoq, kingullermillu Inatsisartut inatsisaatigut nr. 16, 27 november 2020-meersutigit allanngortinneqartoq naapertorlugit neqeroorutaapput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14 12 juni 2019-meersoq aqqutigalugu naleqqussarneqassaaq."

40.91.25 Peqqinnissakkut Ilinniartitaanernut Qitiusumik Ilinniarfik (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Inatsimmut innersuussineq kukkusooq aqqinniarneqarpoq, tullinnguuttuni immikkoortoq peerniarneqarpoq:

"Peqqissaanermik Ilinniarfimmi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 6. juni 2016-meersutigit allanngortinneqartoq naapertorlugit ingerlanneqarput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14, 12. juni 2019-meersoq aqqutigalugu naleqqussarneqassaaq."

Uanngalu taarserneqarluni:

"Peqqissaanermik Ilinniarfimmi ilinniarnert Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2019-meersutigit allanngortinneqartoq naapertorlugit ingerlanneqarput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14, 12 juni 2019-meersoq aqqutigalugu naleqqussarneqassaaq."

40.92.13 Ilisimatusarfik (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Suliassami kisitsisat kukkusut aaqqinniarneqarput.

Suliassami kisitsisissatut naatsorsuutigisat	AS 2022	M 2023	M 2024	M 2025
	---- 1.000 kr. ----		---- mio. kr. ----	
Ilinniartitsinermik				
Ilisimatusarfik	-2.619	-2,6	-2,6	-2,6
Ilinniartitsisunut sivikitsumik				
pikkorissaaneq	1.095	1,1	1,1	1,1
AD-tut Masteritullu				
ilinniagaqarneq	1.524	1,5	1,5	1,5

Suliassami kisitsisissatut naatsorsuutigisat

Ilinniartitsinermik						
Ilisimatusarfik	N 2020	AI 2021	AS 2022	M 2023	M 2024	M 2025
Ilinniarnissamut						
akuerineqartumut ataatsimut						
anigaasartuutit	-490.948		-474.488	-474.488	-474.488	-474.488

Suliassami kisitsisissatut naatsorsuutigisat

Peqqissaanermut						
Peqqissutsikkullu						
ilisimatusarnermut						
Institutsi	N 2020	AS 2022	M 2023	M 2024	M 2025	
Ilinniarnissamut						
akuerineqartumut						
ataatsimut anigaasartuutit	-2.656.000	-1.912.755	-1.912.755	-1.912.755	-1.912.755	

Suliassami kisitsisissatut naatsorsuutigisat

Kulturimik, Oqaatsinik						
Oqaluttuarisaanermillu						
Ilisimatusarfik	N 2020	AI 2021	AS 2022	M 2023	M 2024	M 2025
Ilinniarnissamut						
akuerineqartumut ataatsimut						
anigaasartuutit	-480.512		-522.413	-522.413	-522.413	-522.413

Suliassami kisitsisissatut naatsorsuutigisat

Inuiaqatigiilerinermik,

Aningaasaqarnermik

Tusagassiornermillu

Ilisimatusarfik

N 2020

AI 2021

AS 2022

M 2023

M 2024

M 2025

Ilinniarnissamut

akuerineqartumut ataatsimut

aningaasartuutit

-454.776

-403.994

-403.994

-403.994

-403.994

40.92.18 Oqaatsinik pikkorissartitsinerit (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Inatsimmut innersuussineq kukkusooq aaqqinniarneqarpoq, tullinnguuttuni immikkoortoq peerniarneqarpoq:

”Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 4. juni 2016-meersutigut allanngortinneqartoq maleruagassatigut tunngavigineqarput.”

Uanngalu taarserneqarluni:

”Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 15, 12. juni 2019-meersutigut allanngortinneqartoq maleruagassatigut tunngavigineqarput.”

40.94.13 Timersornermut tapiissutit (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Suliassami kisitsisit kukkusut aaqqinniarneqarput.

Suliassami kisitsisissatut naatsorsuutigisat	AS 2022	M 2023	M 2024	M 2025
	---- 1.000 kr. ----		---- mio. kr. ----	
Kalaallit Nunaanni				
Timersoqatigiit Kattuffiat	1.250	1,3	1,3	1,3
Elite Sport Greenland	-1.250	-1,3	-1,3	-1,3

**40.94.16 Najukkani TV-kkut Najukkanilu radiukkut aallakaatitsisarfiit peqatigiiffiit
tapiissutit (Tapiissutitut aningaasaliissutit)**

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Aningaasaqarnermut Akileraartarnermullu Ataatsimiititaliap kissaateqarneratigut suliaassami kisitsisini tullinnguuttut ilanngunniarneqarput.

Suliaassami kisitsisissatut naatsorsuutigisat	AS 2022		M 2023	M 2024	M 2025
	---- 1.000 kr. ----		---- mio. kr. ----		
Tunngaviusumik tapiissutit	-	-	998	1,0	1,0
Aallakaatitassiornermut tapiissutit	-	-	499	0,5	0,5
Pikkorissartitsinerne tapiissutit	-	-	200	0,2	0,2
Allaffissornermut tapiissutit	-	-	200	0,2	0,2
Katillugit	-	-	1.897	1,9	1,9

Suliaassami kisitsisissatut naatsorsuutigisat

Tapiissutinik pisartut

amerlassusaat	N 2020	AI 2021	AS 2022	M 2023	M 2024	M 2025
TV	-	-	3	3	3	3
Radio	-	-	5	5	5	5

40.94.17 Kalaallit Nunaata Radiua - KNR (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Suliassami takussutissani kukkunerit kiisalu suliassamut takussutissaq ataaseq puigorneqarsimasoq iluarsiniarneqarput. Tamatuma saniatigut missingersuutitut ilanngussami oqaaseqatigiit kingulliit peerniarneqarput tullinnguuttunillu taarserlugit:

”Qaffaaneq KNR-imi ineriartortitsineri pilersaarutitut atasutut isigineqassaaq, tassani ilaatigut sinerissami sammisassaqaartitsinerup piorsarsimassutsillu oqaluttuarisaanerata annertunerulerneranut matussusiinissat ilaapput.”

Suliassami kisitsisissatut naatsorsuutigisat

Kalaallit Nunaanni KNR-ip

nammineq radiukkut

aallakaatittagai

(nalunaaquttap akunnerinut)

	N 2020	AI 2021	AS 2022	M 2023	M 2024	M 2025
Meeqqanut inuusuttunullu aallakaatitat	240	155	155	155	155	155
Eqqumiitsulianik & kultureqarnermut tunngasunik aallakaatitassiat	1.581	1.050	975	975	975	975
Timersorneq	48	110	110	110	110	110
Nutaarsiassanik piffissamilu pisunik aallakaatitat.	1.110	975	975	975	975	975
Ilinniartitsissutitut aallakaatitat	23	20	20	20	20	20
Peqqissuseq	11	10	10	10	10	10
Matumani danskit aallakaatitaat	249	310	245	245	245	245
KNR-ip nammineq aallakaatitassiai katillugit	3.262	2.630	2.490	2.490	2.490	2.490

Suliassami kisitsisissatut naatsorsuutigisat

Tapiissutitik pisartut

amerlassusaat

	AS 2022	M 2023	M 2024	M 2025
Meeqqanut inuusuttunullu aallakaatitat	165	165	165	165
KNR-ip nammineq aallakaatitassiai katillugit	165	165	165	165

40.94.18 Katuaq (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Siunnersuummi suliaassami takussutissaq ataaseq puigorneqarsimasoq ilanngunniarneqarpoq.

Suliaassami kisitsisissatut naatsorsuutigisat

Pulaartut	N 2020	AI 2021	AS 2022	M 2023	M 2024	M 2025
Nipilersorneq,						
isiginnaartitsineq, qitinneq	11.726	15.000	20.000	20.000	20.000	20.000
Saqqummersitsinerit	4.500	4.500	4.500	4.500	4.500	4.500
Film	24.159	51.000	45.000	45.000	45.000	45.000
Ataatsimeersuarnert, ataatsimiinnerit	3.487	16.000	15.000	15.000	15.000	15.000

40.95.01 Eqqumiitsuliornermut kulturimut tapiissutit allat (Tapiissutitut aningaasaliissutit)
 Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Eqqumiitsuliornermut Aningaasaateqarfimmik pilersitsineq pissutigalugu missingersuutitut ilanngussami oqaaseqatigiit peerniarneqarput tullinnguuttunillu taarserlugit:

"Kontumut pingaarnermut matumunnga oqaasertaliussaqqarpoq.

Tapiissuteqarnermi Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-meersoq, Kulturikkut ingerlatsineq sunngiffimmilu sammisassaqqartitsineq pillugit Inatsisartut inatsisaat nr. 5, 6. juni 2016-meersoq kiisalu Eqqumiitsuliornermut Aningaasaateqarfik pillugu Namminersorlutik Oqartussat nalunaarutaat nr. 43, 13. august 2021-meersoq maleruagassatigut tunngavigineqarput.

Ukiumoortumik Kulturikkut nersornaasiinissamut aamma Kajumissaatitut nersornaasiisoqassappat aningaasat konto pingaarneq manna atorlugu aningaasaliisoqassaaq.

Kulturi pillugu allaaserisanut, Eqqumiitsuliornermik Pinngorartitsisut Ingerlatsisullu (E.P.I.) Ataatsimut peqatigiiffik Inuit-imut, Filmiliortarfimmut aamma allanut immikkut pingaartinneqarlutik kulturikkut suliniutinut qinnuteqarnikkut tapiissuteqartoqarsinnaavoq.

Eqqumiitsuliornermut Aningaasaateqarfiup sulinera kontup pingaarnep matuma ukiut tamaasa tapiissuteqarneratigut aningaasalersorneqarpoq.

Qimussimik sukkaniunneq

Aningaasartuutaasimasut utertinneqarnerisigut 250.000 kr.-t qimussimik sukkaniuttoqarnissaanut tapiissutissatut immikkoortinneqarput. Assersuutigalugu Avannaata Qimussersuaqarneranut atatillugu qamutiniq qimminillu timmisartukkut assartuinnermut aningaasartuutiniq utertitsisimaneq tassani pineqarsinnaavoq. 2021-mut Aningaasanut inatsit pillugu isumaqatigiisummi Avannaata Qimussersuata ingerlattanissaanut tapiissutit 2021-mi 1,3 mio. kr.-niniq, 2022-mi aamma 2023-mi 0,5 mio. kr.-niniq kiisalu 2024-mi 1,2 mio. kr.-niniq ilaneqassasut isumaqatigiissutigineqarpoq.

AIS2022-mi konto pingaarneq manna AIS2022-mit 750.000 kr.-nik qaffanneqarpoq. Qaffaasoqarnerani Eqqumiitsuliornermut Aningaasaateqarfinngortussap pilersinnissaanut atatillugu aningaasartuutit akilerneqarput.

Teknikikkut allannguutit

Suliassami kisitsisissatut naatsorsuutigisat	AS 2022	M 2023	M 2024	M 2025
	---- 1.000 kr. ----	---- mio. kr. ----		
Kulturi pillugu atuagassianut, E.P.I.-mut, Ataatsimut peqatigiiffimmut Inuit-mut kulturilu pillugu suliniutinut allanut tapiissutigineqartut	1.000	1,0	1,0	1,0
Namminersorlutik Oqartussat kulturimut aningaasaliissutaat Kulturimik sulialinnut aningaasaliissutit	-1.600	-1,6	-1,6	-1,6
Filmiliorneq	-1.250	-1,3	-1,3	-1,3
Nipilersuusiornernut tapiissutit	-3.900	-3,9	-3,9	-3,9
Eqqumiitsuliortunut timersornermik aaqqissuussanut angalanermut aningaasartuutinut tapiissutit	-557	-0,6	-0,6	-0,6
Atuakkat kalaallisut allatat	-500	-0,5	-0,5	-0,5
Qimussimik sukkaniunneq	-1.300	-1,3	-1,3	-1,3
Kalaallit Nunaata Eqqumiitsulianut Toqqorsivia E.P.I-p anguniagassai pillugit isumaqatigiissut	0	0,0	0,8	0,0
Kalaallit Nunaanni Eqqumiitsuliornermut	-750	-0,8	-1,5	-1,5
Aningaasaateqarfik	0	0,0	0,0	0,0
	8.857	8,9	8,9	9,6

Suliassami kisitsisissatut naatsorsuutigisat

Tapiissutininik pisartut amerlassusaat	AS 2022	M 2023	M 2024	M 2025
Meeqqanut inuusuttunullu aallakaatitat	165	165	165	165
KNR-ip nammineq aallakaatitassiai katillugit	165	165	165	165

40.95.05 Nunatta Isiginnaartitsisarfia (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Aningaasanut inatsisissatut siunnersuummi Suliassami takussutissaq amigaataasoq
ilanngunniarneqarpoq.

Suliassami kisitsisissatut naatsorsuutigisat

Isiginnaartitsisunngorniarneq	N 2020	AI 2021	AS 2022	M 2023	M 2024	M 2025
Isiginnaartitsinerit	1	1	2	2	2	2
Takutitsinerit	20	20	40	40	40	40
Isiginnaartut	2.000	2.000	2.000	2.000	2.000	2.000
Workshoppit	0	1	1	1	1	1

40.97.03 Kalaallit Nunaanni ilageeqarneq (Ingerlatsinermut aningaasaliissutit)**Missingersuutit immikkoortiterneri**

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Katissimasunut suliaassami takussutissaq marloriarneqarsimavoq, aappaa peerniarneqarpoq takussutissamillu tullinnguuttumik taarserlugu.

Suliaassami kisitsisissatut naatsorsuutigisat

Ilisinerit amerlassusii	N 2020	AI 2021	AS 2022	M 2023	M 2024	M 2025
Provsteqarfik Kujataa	190	100	180	180	180	180
Provsteqarfik Qeqqa Tunulu	286	250	285	285	285	285
Provsteqarfik Avannaa	163	150	165	165	165	165
Katillugit	639	500	630	630	630	630

66.01.01 Aatsitassanut ikummatissanullu Aqutsisoqarfik, allaffissorneq (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Sulisunik atuineq aningaasanut inatsisissatut siunnersuummi kukkusumik naatsorsorneqarsimavoq, tamanna iluarsiniarneqarpoq.

Sulisunut atuinissamut naatsorsuutigisat	AS 2022	M 2023	M 2024	M 2025
Allat	4	4	4	4
Sulisunut atuinerit katillugit	4	4	4	4

67.01.01 Aatsitassanut Ikummatissanullu Naalakkersuisoqarfik (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Sulisunik atuneq anigaasanut inatsissatut siunnersuummi kukkusumik naatsorsorneqarsimavoq, tamanna iluarsiniarneqarpoq.

Sulisunut atuinissamut naatsorsuutigisat	AS 2022	M 2023	M 2024	M 2025
Allat	-1	-1	-1	-1
Sulisunut atunerit katillugit	-1	-1	-1	-1

72.06.08 Illuliortiternernut aningaasalersuineq (Isertitatut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni isertitat	0	0,0	0,0	0,0

Kontumi pingaarnermi isertitanik ersarissaanissaq kissaatigineqarpoq, taamaattumik immikkoortoq tullinnguuttoq peerniarneqarpoq:

"Tamatumani saniatigut, Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersaq aamma siusinnerusukkut inatsisit naapertorlugit taarsigassarsiaritinneqarsimasut akilerneqarnerat isertitatut allanneqassapput. Inatsisartut inatsisaat aqquutigalugu sioqqutsilluni akiliinissanut inissianik nutaanik sanaartornermut aningaasalersuinissamut taarsigassarsianut maannakkut nalinginut ammaassisoqarpoq. Sioqqutsilluni inaarlugit akiliinissamut periarfissaq pisortat aningaasaatitigut pituttuinerisa annikillisinneqarnissaannut iluaquseeqataassaaq. Isertitat siusinnerusukkut akililerneqarnerat kontup pingaarnernup matuma iluani ilanngullugit allanneqassapput. Piffissaq sioqqullugu inaarsilluni akiliinissamut periarfissaq qanoq atorluarneqartigissanersoq nalorninarpoq, kisianni inatsisip akuersissutigineqareernerani ukiuni tulluuttuni amerlanerpaajunissaat naatsorsuutigineqarpoq, taamaattumik 2023-2025-mi isertitassatut missingerneqartut ikiliartortussanngorlugit missingersuutigineqarput."

Uuminngalu taarserlugu:

"Tamatumani saniatigut, Illuliortiternernut aningaasalersuineq pillugu Inatsisartut inatsisaat nr. 39, 23. november 2017-imeersaq aamma siusinnerusukkut inatsisit naapertorlugit taarsigassarsiaritinneqarsimasut akilerneqarnerat isertitatut allanneqassapput. Taarsigassarsinermut atatillugu aningaasartuutitut taarsigassarsinermilu allagartap aningaaserivimmiitineqartup nalunaarsoqqanerata peertinneranut nalinginnaasumik ilanngaateqartoqartarpoq. Inatsisartut inatsisaat aqquutigalugu sioqqutsilluni akiliinissanut inissianik nutaanik sanaartornermut aningaasalersuinissamut taarsigassarsianut maannakkut nalinginut ammaassisoqarpoq. Sioqqutsilluni inaarlugit akiliinissamut periarfissaq pisortat aningaasaatitigut pituttuinerisa annikillisinneqarnissaannut iluaquseeqataassaaq. Isertitat siusinnerusukkut akililerneqarnerat kontup pingaarnernup matuma iluani ilanngullugit allanneqassapput. Piffissaq sioqqullugu inaarsilluni akiliinissamut periarfissaq qanoq atorluarneqartigissanersoq nalorninarpoq, kisianni inatsisip akuersissutigineqareernerani ukiuni tulluuttuni amerlanerpaajunissaat naatsorsuutigineqarpoq, taamaattumik 2023-2025-mi isertitassatut missingerneqartut ikiliartortussanngorlugit missingersuutigineqarput."

**72.10.16 Inissiat attartortittakkat ingerlanneqarnerat, aningaasaliissutinit iluanaarutit
(Isertitatut aningaasaliissutit)**

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni isertitat	0	0,0	0,0	0,0

Kontup pingaarnrup taassuma siunertaa ersarinnerusumik aallaaserineqarnissaa kissaatigineqarpoq, taamaattumik immikkoortoq tullinnguuttoq peerniarneqarpoq:

"Taamatuttaaq inissianut amigarluinnartumik aserfallatsaaliorneqarsimasunut, inissianut atorineqanngitsunut imaluunniit ungasinngitsumi isaterneqartussanik ingerlatsinermut tapiissuteqartarnissaq pisariaqartinneqarsinnaavoq."

Uuminngalu taarserlugu:

"Taamatuttaaq inissianut amigartumik aserfallatsaaliorneqarsimasunut, inissianut atorineqanngitsunut imaluunniit ungasinngitsumi isaterneqartussanik ingerlatsinermut tapiissuteqartarnissaq pisariaqartinneqarsinnaavoq. Tassunga ilanngullugu inissianik immikkoortortaqqarpoq inissianik sinneqartoorneq pissutigalugu ingerlatsinermut missingersuutiminnik oqimaaqatigiisitsinermik qularnaarisussanik. 2022-mi ukiumi missingersuusiorfiusumi attuuttoq tassaavoq, Narsami inissianik immikkoortortaqqarfik 33-128 inissianik sinneqartooruteqarpoq, tamatumalu kingunerisaanik inissiat isertitaqanngitsoorfiusut annertupput taamaasillutillu 2022-mi missingersuutitigut 705.000 kr.-nik amigartoorfiunerat aningaasanut inatsimmit matuminnga matussuserneqassallutik."

72.22.01 Umiarsualivinnut oqartussaaneq (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni anigaasartuutit	0	0,0	0,0	0,0

Kontumut pingaarnermut matumunnga missingersuutitut ilanngussap erseqqissarneqarnissaa kissaatigineqarpoq, taamaattumik immikkoortoq tullinnguuttoq peerniarneqarpoq:

"Qitiusumit umiarsualivinnik oqartussaaneq Ineqarnermut Attaveqaqatigiinnermullu Naalakkersuisoqarfimmiippoq. Sumiiffinni ataasiakkaani suliffeqarfinnik isumaqatigiissutigineqartut naapertorlugit Namminersorlutik Oqartussat najukkani umiarsualiveqarfinnik ingerlatsinerit kiisalu umiarsualivinnut oqartussaaneq KNI A/S-imit aamma Royal Arctic Line A/S-imit isumagineqarput.

Namminersorlutik Oqartussat aamma Illersornissamut ministeriaqarfiup akornanni kiffartuussinissamik isumaqatigiissuteqarpoq.

Namminersorlutik Oqartussat AFIS-imik atuinnermut taarsiullugu Kangerlussuarmi timmisartut ingerlaarnerannik nakkutilliisoq (flyveleder) atorlugu timmisartunik nakkutilliineq aamma radarimik atuneq atatippaat kiisalu Kangerlussuarmi Mittarfik ammasarfiit nalinginnaasut avataasigut ammartarlugu, matumanilu tassunga atatillugu ikualattoqarnissaanut annaassiniarnissamullu upalungaarsimatitsineq isumagisaralugu.

Tamatuma saniatigut illup B-660-ip attartorneranut akiliut apparlugu Illersornissamut ministeriaqarfimmit attartorneqarnissaa isumaqatigiissutaavoq. B-660-imik attartornermut ukiumoortumik akiliutip 516.000 kr.-nik appaavigereerneratigut Illersornissamut ministeriaqarfiup ukiumut 300.000 kr.-t akilertarpai.

Kiffartuussinissamik isumaqatigiissutip matuma kingunerisaanik Mittarfeqarfiit aningaasartuutaannut taarsiissutitut aningaasaliissutit atorneqarput. "

Uuminngalu taarserlugu:

"Qitiusumit umiarsualivinnik oqartussaaneq Ineqarnermut Attaveqaqatigiinnermut, Naligiissitaanermullu Naalakkersuisoqarfimmiippoq. Sumiiffinni ataasiakkaani suliffeqarfinnik isumaqatigiissutigineqartut naapertorlugit Namminersorlutik Oqartussat najukkani umiarsualiveqarfinnik ingerlatsinerit kiisalu umiarsualivinnut oqartussaaneq KNI A/S-imit aamma Royal Arctic Line A/S-imit Mittarfeqarfinnillu isumagineqarput.

73.01.01 Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfik (Ingerlatsinermut aningaasaliissutit)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Missingersuutitut ilanngussap uuma Nukissiuuteqarnermut Nunalerinermullu suliaassarfiit naalakkersuisoqarfimmiilernerannut atatillugu nutarneqarnissaa kissaatigineqarpoq. Tullinnguuttut peerniarneqarput:

”• suliniutinut aamma nukissiuuteqarnermut tunngasut iluanni ineriartortitsineq”

Uuminngalu taarserlugu:

”• suliniutinut aamma pinngortitamut tunngasut iluanni ineriartortitsineq,

Silap pissusiinut tunngatillugu nuna tamakkerlugu silap pissusiinut periusissiornermik nuna tamakkerlugu silap pissusiisigut anguniakkamik imalimmik suliaqarneq naalakkersuisoqarfimmit isumagineqartarpoq.

Nukissiuuteqarnermut tunngatillugu Nukissiorfinnut attuumassutilinnik suliaqarneq naalakkersuisoqarfimmit isumagineqartarpoq. Tamatuma kingunerisaanik ingerlatsinermut sanaartornermullu aningaasaliinissanut aamma pilersuinermit nukissiuuteqarnermullu tunngasutigut suliaasanut siunissamut ungasinnerusumut pilersaarusiorneq, tassunga ilaalluni innaallagissamut, imermut kiassaanermullu akit aqqissugaanerannik suliaqarneq kiisalu Nukissiorfiit sanaartugassanut aningaasaliinissamullu pilersaarutaannik akuersisarneq.

Nukissiuuteqarnermut tunngasutigut naalakkersuisoqarfik aamma Kalaallit Nunaanni nukissiuutinik ataavartunik ineriartortitsinermik piviusunngortitsinermillu isumaginnittarpoq kiisalu nukissiuutinik ataavartunik atuinnissamut nunatsinnit nunanilu tamalaanit aningaasaliisinnaasunik kajumissaarineq, ilaatigut seqerngup qinngorneranit, anorimit aamma erngup nukinganit pisuussutit Namminersorlutik Oqartussanit atorineqanngitsut ilaallutik. Suliamut ilaatigut ilaapput nioqqutissanik nittarsaaneq, susassaqarfimmi paasissutissanik saqqummersitsineq akuersissutinut tunngasutigut pisortatigoortumik suliaqarneq.

Nunalerinerup tungaatigut tapiissutitut aningaasaliissutinik aamma inuussutissarsiutinik siuarsaanernik aqutsineq Naalakkersuisoqarfimmit isumagineqartarput.

Imminut pilersornermut tunngasutigut Naalakkersuisunit anguniagaavoq imminut pilersornerulernissaq qitiutinneqassasoq. Anguniarneqarpoq imminut pilersornerulernissamik annertunerulersitsisumik tunisassiorneq annertusineqassasoq. Tamatuma kingunerisaanik ilaatigut inuussutissat, nukissiuutit nunalerinerullu tungaatigut suliniuteqarnerit.”

73.94.02 Nukissiorfiit (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Nukissiorfiit aningaasaqarniarnerannik iluarseeqqinnissamut ilaatillugu ukiumoortumik kiffartuussinissamik isumaqatigiissutit piffissamut sivilisunerusumut aningaasaliissuteqarnissamut isumaqatigiissutinik taarserneqassapput, aamma tamatuma malitsigisaanik missingersuutinit ilanngussa iluarsineqassaaq. Missingersuutitut ilanngussami oqaaseqatigiit tullinnguuttut peerniarneqarput:

"Tamanna pillugu Namminersorlutik Oqartussat Nukissiorfiillu akornanni kiffartuussinissamik isumaqatigiissusiortoqarsimavoq."

80.00.01 Nuussinissanut sillimmatit (Sanaartornermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	---- 1.000 kr. ----		---- mio. kr. ----	
Ilanngaaseereerluni anigaasartuutit	0	0,0	0,0	0,0

Allannguutissatut siunnersuut konto pingaarnermi malittarisassanut ersarissaataavoq, aammalu Anigaasaqarnermut Akileraartarnermullu Ataatsimiititaliap apeqqutaanut malitseqartitsinerulluni. Missingersuutitut ilanngussani oqaaseqatigiit uku peeqquneqarput:

"Pilersaarut naammassineqarpat killissarititaallutik akuerisaasut saniatigut atuinikinnerusoqarsinnaavoq. Atuinikinneruneq tamanna konto pingaarnermut matumunnga nuunneqassaaq."

Ilutigitillugu missingersuutitut ilanngussap naggataatungaani oqaaseqaatit uku ilannguteqquneqarput:

"Konto pingaarnermi matumaniit atuuttussanngortitsineq tamatuma Inatsisartut Anigaasaqarnermut Akileraartarnermullu Ataatsimiititaliaanut qinnuteqarnikkut pissaaq."

Missingersuutitut sunniuteqanngitsumik allannguutit**31.02.12 Danmarkimi eqqartuunneqarsimasunik oqaloqatiginnittartoqarneq****(Ingerlatsineritut aningaasaliissutit)****Missingersuutit immikkoortiteri**

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni				
anigaasartuutit	146	0,1	0,1	0,1
Aningaasartuutit allat	146	0,1	0,1	0,1

Aappassaaneerinninnermut atatillugu kontumi pingaarnermi matumani aningaasaliissutit 2022-mi siumullu ukiumut 146.000 kr.-nik qaffanneqarput. Aningaasaliissutit qaffanneqarneri kontumi pingaarnermi, 31.07.05 Majoriaq, aningaasaliissutit ukiumut apparneqarnerinit matussuserneqassapput. Aningaasaliissutit aaqiisummi suliasat naatsorsuutitut amerlinissaannut tunngatillugu suliasaajumaartunut matussutissatut atorneqarsinnaajumaarput. Immikkoortut tullinnguuttut missingersuutitut ilanngussani kingullertut ilanngunnissaat kissaatigineqarput:

"AIS2022-p aappassaaneerineqarneranut atatillugu kontumi pingaarnermi matumani aningaasaliissutit 2022-mi siumullu ukiumut 146.000 kr.-nik qaffanneqarput. Aningaasaliissutit qaffanneqarneri kontumi pingaarnermi, 31.07.05 Majoriaq, aningaasaliissutit ukiumut apparneqarnerinit matussuserneqassapput. Aningaasaliissutit aaqiisummi suliasat naatsorsuutitut amerlinissaannut tunngatillugu suliasaajumaartunut matussutissatut atorneqarsinnaajumaarput."

Missingersuutitut sunniuteqanngitsumik allannguutit

31.07.05 Majoriaq (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	-146	-0,1	-0,1	-0,1

Aappassaaneerinninnermut atatillugu kontumi pingaarnermi matumani aningaasaliissutit 2022-mi siumullu ukiumut 146.000 kr.-nik apparneqarput. Aningaasaliissutit apparneqarneri kontumi pingaarnermi, 31.02.12 Danmarkimi eqqartuunneqarsimasunik oqaloqatiginnittartoqarnek, aningaasaliissutit ukiumut qaffanneqarnerinit matussuserneqassapput. Immikkoortut tullinnguuttut missingersuutitut ilanngussani kingullertut ilanngunnissaat kissaatigineqarput:

"AIS2022-p aappassaaneerineqarneranut atatillugu kontumi pingaarnermi matumani aningaasaliissutit 2022-mi siumullu ukiumut 146.000 kr.-nik apparneqarput. Aningaasaliissutit apparneqarneri kontumi pingaarnermi, 31.02.12 Danmarkimi eqqartuunneqarsimasunik oqaloqatiginnittartoqarnek, aningaasaliissutit ukiumut qaffanneqarnerinit matussuserneqassapput."

34.11.02 Napparsimasut nunani allani katsorsarneqartarnerat, tarnikkut nappaatit (Ingerlatsinermut aningaasaliissutit)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	-17.209	-17,2	-17,2	-17,2

Eqqarsartaatsimikkut napparsimasut inissinneqartarnerannut aningaasartuutit pitsaanerusumik aqunneqarnissaannut konto pingarneq manna ukiumut 17,2 mio. kr.-nik annikillineqarpoq, taakku AI2022-mi kontumut pingaarnermut nutaamut nuunneqarumaarlutik. Kontumut pingaarnermut matumunnga missingersuutitut ilanngussami maannakkut allassimasut peerniarneqarput tullinnguuttunillu taarserlugit:

”Aningaasaliissutit Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersoq naapertorlugu tunniunneqarput. Taamaattorli pinerluttulerinermi inatsimmi § 240 naapertorlugu kapitali 33 malillugu tarnikkut nappaatilinnik immikkut iliuuseqarfigineqartariaqartunik eqqartuunneqarsimasunut taamaallaat aningaasartuutit (Inissinneqartussatut eqqartuunneqartut minillugit).

Konto pingarneq una aningaasartuutitut makkununga matussusiisarpoq: Napparsimasut pinngitsaalisamik inissinneqartut aamma katsorsartinnissamut inissinneqarnissamulluunniit eqqartuunneqartut. Napparsimasut eqqarsartaatsikkut misissorneqartussanngorlugit inissinneqartut aamma napparsimasut immikkoortortamut matoqqasumut inissinneqarnissaannik pisariaqartitsiffiusut kissaatigineqartorluunniit. Napparsimasut inuusuttut 15-it inorlugit ukioqanngitsut tarnikkut nappaataannik misissuineq.

Konto pingarneq una napparsimasunut unitsinneqarsimasunut arfineq-pingasunut isumaqatigiissutigineqartutut akimut toqqaannartumut matussusiisarpoq. Taakku saniatigut Region Midtjyllandimi (Risskovimi) tarnikkut napparsimasunik katsorsaavimmi katsorsaarnermut tunngatillugu inersimasut tarnikkut napparsimasut angallannerannut, najugaqarnerannut katsorsarnerannullu atatillugu aningaasartuutit immikkoortitsisoqarsimavoq. Taamatuttaaq aningaasaliissutit atorlugit innuttaasunut akuulersitsiniarnernut pingasunut aningaasartuutit akilerneqartarput aammalu Bispebjerg Hospitalimi Meeqqanut tarnikkut napparsimasunut immikkoortortaqarfimmi katsorsaarnermut atorneqarsinnaallutik. Siunertamut aningaasanik sulii immikkoortitsisoqanngilaq Danmarkimi meeqqanik tarnikkut napparsimasunik unitsitsisameq ukiuni amerlanerni pineq ajormat.

Innuttaasut katitigaanermikkut nikerarnissaattut naatsorsuutigisat nassataannik 2012-imit siumut aningaasartuutitigut kingunerisinnaasat kontumut pingaarnermut matumunnga ilanngunneqarput.

Konto pingarneq manna 2022-mit siumullu 17.209.000 mio. kr.-nik ilanngarneqarpoq. Aningaasat kontumut pingaarnermut uunga nuunneqarput 34.11.11 Tarnikkut napparsimasunik inissiisarfirmut Pinerluttulerinermi inatsit malillugu inissiineq.

Missingersuutitut sunniuteqanngitsumik allannguutit

	Suliassami kisitsisissatut naatsorsuutigisat			
(Risskov)	AS 2022	M 2023	M 2024	M 2025
Ullut uninngaffiusut	-2.737	-2.737	-2.737	-2.737
Inissat amerlassusii	-8	-8	-8	-8

”

34.11.03 Dronning Ingridip Napparsimavissua (Ingerlatsinermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	-700	-0,7	-0,7	-0,7
Aningaasartuutit allat	-700	-0,7	-0,7	-0,7

Imermi tappiorannartunik misissuinissamut akisussaaffik Nukissiorfinnut nuunneqarnikuummat konto pingaarnaq manna ukiumut 700.000 kr.-nik annikillineqarpoq. Oqaaseqatigiit tullinnguuttut missingersuutitut ilanngussami allerpaatut ilanngunniarneqarput:

"Imermi tappiorannartunik misissuinissamut akisussaaffik Nukissiorfinnut nuunneqarnikuummat konto pingaarnaq manna ukiumut 700.000 kr.-nik annikillineqarpoq."

Missingersuutitut sunniuteqanngitsumik allannguutit

34.11.11 Pinerluttulerinermi inatsit malillugu tarnimikkut nappaatillit inissinneqartarnerat (Aningaasaliissutit inatsisitigut pisussaaffigisat)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	17.209	17,2	17,2	17,2

Eqqarsartaatsimikkut napparsimasut inissinneqartarnerannut aningaasartuutit pitsaannerusumik aqunneqarnissaannut konto pingaarneq inatsisitigut pisussaaffiusoq AI2022-mi pilersinneqarpoq. Oqaaseqatigiit tullinnguuttut missingersuutitut ilanngussami ilanngunniarneqarput:

"Konto pingaarneq manna nutaajuvoq.

Kontumi pingaarnermi tarnikkut napparsimasunik inunnilluunniit tamakkununga assersuunneqarsinnaasunik, Pinerluttulerinermi inatsimmi § 240 naapertorlugu Kapitali 33 malillugu eqqartuunneqarsimasunik, napparsimasup tarnikkut napparsimasunut katsorsaasarfimmumut nuunneqarnissaanik kinguneqartumik aammalu eqqartuussiviup pineqaatissiissutit allanngortinneratigut anisinnissaanut akuersitinnagu anisinneqarsinnaajunnaarsillugu inissiinermut aningaasartuutit akilerneqartarput (Inissinneqartussatut eqqartuunneqartut).

Konto pingaarneq una napparsimasunut unitsinneqarsimasunut arfineq-pingasunut isumaqatigiissutigineqartutut akimut toqqaannartumut matussusiisarpog.

Aningaasartuutit tamakku siusinnerusukkut Peqqinnissaqarfimmi konto pingaarneq, 34.11.02 Napparsimasut nunani allani katsorsarneqartarnerat, tarnikkut nappaatit, aqutugalugu akilerneqartarsimapput (ingerlatsinermut aningaasaliissutit). AI 2022-mi siunertamut aningaasartuutit akilerneqartarneri kontumi pingaarnermi matumani inatsisitigut pisussaaffittut inissinneqarsimapput, peqqinnissaqarfik aningaasartuutitut taakkununga aqutsinissamut periarfissaqanngimmat.

Aningaasartuutit akiliisarnermut malittarisassatigut tunngavik Kalaallit Nunaanni pinerluttulerinermi inatsimmi nr. 306, 30. april 2008-meersumi kingusinnerusukkut allannguuteqartinneqartumi allassimavoq. Immikkut ittumik inatsisitigut tunngaviusoq Kapitali 33-mi nassaarineqarsinnaavoq "Tarnikkut nappaatilinnut pinerluuteqarsimasunut immikkut ittumik suliniutit", tak. § 240.

Suliassami kisitsisissatut naatsorsuutigisat (Risskov)	AS 2022	M 2023	M 2024	M 2025
Ullut uninngaffiusut	2.737	2.737	2.737	2.737
Inissat amerlassusii	8	8	8	8

40.91.20 Perorsaanermik Ilinniarfik (Ingerlatsinermut aningaasaliissutit)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaascereerluni aningaasartuutit	-13.834	-13,8	-13,8	-13,8
Isertitat	-13.834	-13,8	-13,8	-13,8

Ilinniakkap taassuma taxameter malillugu aqqissuussanngornerata kingunerisaanik tullinnguuttut allannguutissatut siunnersuutigineqarput. Missingersuutitut ilanngussami allassimasut suliasanullu tabeli peerniarneqarput ukuninngalu taarserlugit:

"Kontumut pingaarnermut matumunnga oqaasertaliussaqqarpoq.

Inuussutissarsiutinik ilinniartitaanerit aamma inuussutissarsiutinik ilinniartitaanerit pikkorissartitsinerit pillugit Inatsisartut inatsisaat nr. 10, 19. maj 2010-meersoq, kingullermik Inatsisartut inatsisaatigut nr. 15, 12. juni 2019-imeersutigut allanngortinneqartoq naapertorlugu Perorsaanermik Ilinniarfik ilinniartitaanerit ingerlanneqartarput. Ilinniarnert ingerlaqqiffiusut neqeroorutigineqassappata tamanna Ilinniarnert ingerlaqqiffiusut pillugit Inatsisartut inatsisaat nr 14, 12 juni 2019-imeersoq aqqutigalugu malittarisassaqqartinneqarpoq.

Perorsaanermik Ilinniarfik pisortat suliffeqarfiutigaat nammeneq siulersuisoqarluni namminersortoq, ulluinnarnilu aqutsineq rektorimit isumagineqarluni. Perorsaanermik Ilinniarfik nammeneq siulersuisoqarpoq.

2022-miit "Najugaq qimannagu perorsaanermik ilinniarneq" Qaffasinnerusumik ilinniartitaanerit pillugit Inatsisartut inatsisaatigut nr. 14, 12. juni 2019-imeersutigut malittarisassaqqartinneqalissaaq, tassa imaappoq ilinniakkap aqqissuussaanera nutarteriarlugu "Perorsaa sunut ikiorti" inuussutissarsiummut ilisimatusarluni ilinniakkatut inissinneqassaaq neqeroorutigineqalerlunilu.

Perorsaanermik Ilinniarfik ingerlatat aallaavigalugit tapiiffigineqartalerneq kingunerisaanik AIS2022-p aappassaaneer neqarneranut atatillugu konto pingaarneq manna 13,8 mio. kr.-nik apparneqarpoq. Aningaasat kontumut pingaarnermut 40.91.31 Suliniutit aallaavigalugit tapiissutit, nuunneqarput.

"Ukiumut ilinniartumut aningaasartuutit"-ni suliasami kisitsisaasussatut naatsorsuutigineqartut suliasaqqarfiit assigiinngitsut aqqutigalugit misissueqqissaarnissanut imaaliillaannaq ator neqarsinnaanngillat. Tassunga pissutaavoq suliffeqarfimmiit suliffeqarfimmut aningasaliinermut tunngaviusut assigiinngisitaarnerat. Taamaalilluni "Ukiumut ilinniartumut aningaasartuutit" takussutissippaat, ilinniarfinni ataasiakkaani piffissami ukiumut ilinniartumut tapiissutitigut taamaallaat ineriartortitsisoqartoq.

Missingersuutitut sunniuteqanngitsumik allannguutit

Suliassami kisitsisissatut naatsorsuutigisat						
SPS	N 2020	AI 2021	AS 2022	M 2023	M 2024	M 2025
Tunngaviusumik aningaasaliissutit			18.022	18.022	18.022	18.022
Atuarfimmuk immikkut ittumik aningaasaliissutit (tkr.)			0	0	0	0
Ingerlatsinermut aningaasaliissutit katillugit			18.022	18.022	18.022	18.022
Suliassaqaarfiit apeqqutaatillugit tapiissutit			13.834	13.834	13.834	13.834
Aningaasaliissutit katillugit + tapiissutit	30.531	30.531	31.856	31.856	31.856	31.856
Ulluunerani paaqqinnittarfinni sulisoq			8	8	8	8
Isumaginninnermi ikiorti			147	147	147	147
Isumaginninnermut assistenti			40	40	40	40
Isumaginninnermi perorsaasoq			109	109	109	109
DPU Nuuk ukioq 2019			20	0	0	0
Perorsaasunut ikiorti			20	40	40	40
Sap.ak.holdit katillugit	355	409	324	324	324	324
Ukiumut atuartut - UV	230	253	253	253	253	253
Naammassisut amerlassusaat	71	91	106	106	106	106
Ukioq ataaseq ilinniartumut aningaasartuutit	132.743	120.676	125.915	125.915	125.915	125.915

”

40.91.31 Suliniutit aallaavigalugit tapiissutit (Aningaasaliissutit inatsisitigut pisussaaffiusut)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	13.834	13,8	13,8	13,8

40.91.20 Perorsaanermik ilinniarfik taxameteri malillugu tapiiffigineqartalermat konto pingaarneq manna ukiumut 13,8 mio. kr.-nik qaffanneqarpoq. Immikkoortoq tullinnguuttoq peerniarneqarpoq:

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 6. juni 2016-meersutigut allanngortinneqartoq maleruagassatigut tunngavigineqarput."

Uuminngalu taarserlugu:

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq kingullermik Inatsisartut inatsisaatigut nr. 6, 6. juni 2016-meersutigut allanngortinneqartoq maleruagassatigut tunngavigineqarput."

Tamatuma saniatigut immikkoortoq tullinnguuttoq missingersuutitut ilanngussami kingullertut ilanngunneqarpoq:

"Perorsaanermik ilinniarfiup ingerlatat aallaavigalugit tapiiffigineqartalernerata kingunerisaanik AIS2022-p aappassaaneerineqarneranut atatillugu konto pingaarneq manna 13,8 mio. kr.-nik qaffanneqarpoq. Aningaasat kontumit 40.91.20-mit nuunneqarput."

Missingersuutitut sunniuteqanngitsumik allannguutit

70.01.01 Ineqarnermut, Attaveqaasersuutitut, Naligiissitaanermullu Naalakkersuisoqarfik (Ingerlatsinermut aningaasaliissutit)

Missingersuutit immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	-600	-0,6	-0,6	-0,6
Aningaasartuutit allat	-600	-0,6	-0,6	-0,6

Ineqarnermut, Attaveqaasersuutitut Naligiissitaanermullu Naalakkersuisoqarfimmi aqqissuusseqqinnerup ilaattut kontumi pingaarnermi uannga naligiissitaanermut suliaasaqarfik uunga nuunneqarpoq: 70.01.07 Sanaartornermi oqartussaassuseq (Ingerlatsinermut aningaasaliissutit). Missingersuutitut ilanngussani allassimasut tullinnguuttut peerniarneqarput:

"Attaveqarnermut Naligiissitaanermullu Immikkoortortaqaqfiup imaatigut silaannakkullu angallannermi, nunakkut assartuisarnermi, allakkeriveqarnermi nalunaarasuartaateqarnermilu kiisalu qitiusumik umiarsualivinnik oqartussaanermi oqartussaasutut ineriartortitsisutullu suliaassat akisussaaffigai."

Ukunangalu taarserneqarlutik:

"Naggasiutigalugu immikkoortortaqaqfiup naligiissitaanermut suliaasaqarfimmi oqartussaasutut ineriartortitsinermilu suliaassat aamma Namminersorlutik Oqartussat inissianik attartortittagaanik ingerlatsineq pillugu INI A/S-mik oqaloqateqartarnerit akisussaaffigai.

Attaveqarnermut Immikkoortortaqaqfiup imaatigut silaannakkullu angallannermi, allakkeriveqarnermi nalunaarasuartaateqarnermilu kiisalu qitiusumik umiarsualivinnik oqartussaanermi oqartussaasutut ineriartortitsisutullu suliaassat akisussaaffigai."

70.01.07 Sanaartornermi oqartussaassuseq (Ingerlatsinermit aningaasaliissutit)

Missingersuutit immikkoortiteri

	AS 2022	M 2023	M 2024	M 2025
-- 1.000 kr. --				
Ilanngaaseerluni				
anigaasartuutit	600	0,6	0,6	0,6
Akissarsianut				
anigaasartuutit	600	0,6	0,6	0,6

Ineqarnermut, Attaveqaasersuutitut, Naligiissitaanermullu Naalakkersuisoqarfimmi aaqqissuusseqqinnerup ilaattut naligiissitaanermut suliaasaqarfik kontumut pingaarnermut matumunnga nuunneqarpoq. Immikkoortut tullinnguuttut missingersuutitut ilanngussani kingullertut ilanngunnissaat kissaatigineqarput:

”Naggasiutigalugu sanaartornermut immikkoortortaqaqfiup naligiissitaanermut suliaasaqarfip ingerlanneqarnera isumagisaraa. Tassaniippullu:

- Naligiissitaaneq pillugu Nunani Avannarlerni Ministerit Siunnersuisoqatigiivinit LGBTI-mullu ikiuunneq,
- Naligiissitaanermut suliaasaqarfimmut tunngatillugu naalakkersuisoqarfip suliaasai,
- naalakkersuisoqarfinni assigiinngitsuni naligiissitaanermut suliniutinik ataqatigiissaarineq,
- isumasioqatigiinnernik, ataatsimiinnernik ataatsimeersuarnernillu ingerlatsinerit,
- inatsisissanik piareersaanermik suliaaqarneq,
- suliaasaqarfimmi ingerlatsinermit suliaasat nalinginnaasut kiisalu avataanit ikiortissarsiorneq.

Naligiissitaanermut suliaasaqarfip pingaarnerusunngortinneqarnerata ilaattut AI2022-mi matumani aningaasaliissutit ukiumut 600.000 kr.-nik qaffanneqarput.

Sulisunut atuinnissamut				
naatsorsuutigisat	AS 2022	M 2023	M 2024	M 2025
Allat	1	1	1	1
Sulisunut atuinerit katillugit	1	1	1	1

”

Missingersuutitut sunniuteqanngitsumik allannguutit

73.94.02 Nukissiorfiit (Tapiissutitut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	700	0,7	0,7	0,7

Nukissiorfiit peqqinnissaqarfiup suliassaqaarfiani imermi tappiorannartunik misissuisarneq akisussaaffigilermassuk konto pingaarneq manna ukiumut 700.000 kr.-nik qaffanneqarpoq. Oqaaseqatigiit tullinnguuttut missingersuutitut ilanngussami allerpaatut ilanngunniarneqarput:

"Nukissiorfiit peqqinnissaqarfiup suliassaqaarfiani imermi tappiorannartunik misissuisarneq akisussaaffigilermassuk konto pingaarneq manna ukiumut 700.000 kr.-nik qaffanneqarpoq."

89.72.12 Inissialiassat taartissanillu inissialiortiterneq (Sanaartornermut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	0	0,0	0,0	0,0

Suliniutini allannguutit tullinnguuttut kontumut pingaarnermut matumunnga ilanngunneqarnissaat kissaatigineqarpoq. Oqaaseqatigiit tullinnguuttut missingersuutitut ilanngussami ilanngunniarneqarput:

"Aasiaat 30.026 Inissiat nutaat 2019, Aasiaat

Aasianni 20-nik inissialiornissamut suliamut aningaasaliissutit 23,5 mio. kr.-nik qaffanneqarput.

Ineqarnermut, Attaveqatigiinnermut, Naligiisitaanermullu Naalakkersuisoqarfiup (IANN) Kommune Qeqertalik peqatigalugu, Aasianni 60-inik inissialiornissaq neqeroortitsissutigaa. Kommunit inissianik 40-nik Namminersorlutillu Oqartussat inissianik 20-nik sanaartornissaat suliniummi pineqarput. Betoninut katitigassanut Namminersorlutik Oqartussat nalinginnaasumik najoqqutassiaat naapertorlugit inissiat sanaartorneqassapput. Pilersaarusiorneq, neqeroortitsinermilu atortut Aasiannut naleqqussarneqarnerat pingaartumik aningaasartuutigineqarlutik, nalinginnaasumik najoqqutassiap aallaavigineqarneratigut pilersaarusiornermi aningaasartuutissat minnerpaaffimmiisineqarput. Inissiat Svendborgvejimi sanaartorneqassapput, illoqarfimmilu sanaartukkanik akulikinnerulersitsinissamut, illoqarfimmik kusassaanissamut, nutarterinissamullu sanaartorneq tapertaassalluni.

Illoqarfimmut qanittunik nunaminertanik kommuni amigaateqarami, nunaminertami qatsissumi uiguleriinnik illoqarsimasumi sanaartortoqassasoq kommunip nammineerluni kissaatigaa. Qatsissumi sanaartornikkut, nunaminertaq soqutiginarluni sanaartorfigissareersoq atorluarneqassaaq.

Sumiiffimmi betonit katitigassat pilersinneqartut atorlugit inissiat sanaartorneqassapput, betonillu katitigassat atorlugit sanaartorneq imminut akilersinnaasoq paasineqarnikuulluni. Sanaartornermi atortut sumiiffinni pilersinneqarsinnaanngitsut arlallit annertuumik akitsorlutik niuernermi massakut inissisimaneq eqqarsaatigalugu, tamanna imminut akilersinnaaneruvoq. Sulineri pitsaasumik atugassarititaqarluni katitigassat pilersinneqassapput, betoninillu katitigassanik atuinikkut sanaartukkat aallartinnerinit sanaartukkat "matunissaasa" tungaannut piffissaq atorineqartoq sivikinnerusarluni.

Namminersorlutik Oqartussat inissiarsuaataat elevatoreqartussaq, matoqqasumik ataatsimoorussamik majuartarfeqartussaq, naqqani tekniqeqarfeqarlunilu toqqorsiveqartussaq, qaliarpaamilu silaannarissartarfeqartussaq tallimanik qulereeqluni 20-nik inissiaartaqassaaq. Inissiat qulit marlunnik initaqassapput, qulillu pingasunik initaqassallutik.

23,5 mio. kr.-nik qaffaanikkut, suliami matumani 2021-mi 25,1 mio. kr.-t immikkoortinneqarput. Taamaakkaluartoq ataatsimut isigalugu suliamut 55,3 mio. kr.-t atorineqartussatut

Missingersuutitut sunniuteqanngitsumik allannguutit

pisariaqartinneqassapput, takuuk missingiut A. Siunertamut 2022-mi 2023-milu 30,2 mio. kr.-t sinneruttut, siunertamut aningaasat immikkoortinneqartut suliaq nr. 996.32.124 Inissianit nuunneqarlutik, allannguutissatut siunnersuuteqarnikkut AIS2022-mi ilanngunneqassapput.

Suliap aallartiffissaa: 2019

Atulersinnissaa: 2023

Suliniutinik immikkoortiterinerit mio. kr.-nngorlugit.

Sulini utip		Sumiiffik	AS	M 2023	M 2024	M 2025
nr.	Suliap taaguutaa		2022			
30026	Inissiat nutaat 2019, Aasiaat	Aasiaat	16,8	15,0	0,0	0,0
31032	Isaterinerit assigiinngitsut Paamiut	Paamiut	0,0	0,0	6,2	6,9
31034	Isaterinerit assigiinngitsut Maniitsoq	Maniitsoq	0,0	8,7	0,0	0,0
31043	Nuna tamakkerlugu oquiaalluni nutarterinerit	Kalaallit Nunaat	0,0	-2,0	-2,0	-2,0
31063	Oquttunik iluarsaassinerit, Ilulissat	Ilulissat	0,0	0,0	-0,5	-0,5
32124	Inissialiornernut	Kalaallit Nunaat	-16,8	-17,2	0,0	0,0
34527	Aserfallatsaaliuinerit iluarsaassinerillu assigiinngitsut	Kalaallit Nunaat	0,0	-4,5	-3,7	-4,4
Katill ugit			0,0	0,0	0,0	0,0

”

Oqartussaaffimmik allannguneq

20.01.10 ASIAQ (Misissueqqaarnerit/Grønlands forundersøgelser) (Tapiissutitut aningaasaliissutit)

Missingersuutit immikkoortiterneri

	AS 2021	M 2022	M 2023	M 2024
	-- 1.000 kr. --		---- mio. kr. ----	
Ilanngaaseereerluni aningaasartuutit	-16.883	-13,9	-13,9	-13,9

Oqartussaaffiup allanngortinneqarnerata kingunerisaanik konto pingaarneq manna AI2022-mit peerniarneqarpoq.

30.13.44 Pinerluttulerinermi inatsit malillugu eqqarsartaatsimikkut innarluutillit inissinneqartarnerat (Aningaasaliissutit inatsisitigut pisussaaffigisat)

Missingersuutit
immikkoortiteri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	45.000	48,0	51,0	54,0

Oqartussaaffiup allanngortinneqarnerata kingunerisaanik konto pingaarneq manna AI2022-mut ilanngunniarneqarpoq. Oqaaseqatigiit tullinnguuttut missingersuutitut ilanngussanut ilanngunneqarnissaat kissaatigineqarpoq:

"Konto pingaarneq manna nutaajuvoq.

Aningaasartuutit taakku Peqqinnissaqarfiup kontua pingaarneq, 34.11.09 Pinerluttulerinermi inatsit malillugu paaqqinniffimmut inissiineq (Aningaasaliissutit inatsisitigut pisussaaffigisat), aqutigalugu siornatigut akilerneqartarsimapput. Pinerluttulerinermi inatsisip allanngortinneqarneratigut eqqarsartaatsimikkut kinguarsimasunut tunngatillugu aningaasartuutitut akisussaaffik peqqinnissaqarfimmiit isumaginnittoqarfimmut nuunneqarpoq.

Eqqarsartaatsimikkut kinguarsimasunik, pinerluttulerinermi inatsimmi § 240, imm 2 naapertorlugu kapitali 33 malillugu eqqartuunneqarsimasunik inissiinermut aningaasartuutit kontumi pingaarnermi akilerneqassapput.

Aningaasartuutit akiliisarnermut malittarisassatigut tunngavik Kalaallit Nunaanni pinerluttulerinermi inatsimmi nr. 306, 30. april 2008-meersumi kingusinnerusukkut allannguuteqartinneqartumi allassimavoq. Immikkut ittumik inatsisitigut tunngaviusoq Kapitali 33-mi nassaarineqarsinnaavoq "Eqqarsartaatsikkut kinguarsimasunut, tarnikkut napparsimasunut pinerluuteqarsimasunut immikkut ittumik iliuutsit", tak. § 240."

**Suliassami kisitsisissatut
naatsorsuutigisat**

Napparsimasut amerlassusaat	AS 2022	M 2023	M 2024	M 2025
Pinerluttulerinermi inatsit malillugu paaqqinnittarfirmmut inissinneqartut	12	13	14	15

”

**34.11.09 Pinerluttulerinermi inatsit malillugu paaqqinniffimmut inissiineq
(Aningaasaliissutit inatsisitigut pisussaaffigisat)**

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	-45.000	-48,0	-51,0	-54,0

Oqartussaaffiup allanngortinneqarnerata kingunerisaanik konto pingaarneq manna AI2022-mit peerniarneqarpoq.

73.01.10 ASIAQ (Misissueqqaarnerit/Grønlands forundersøgelser) (Tapiissutitut aningaasaliissutit)

Missingersuutit immikkoortiteri

	AS 2021	M 2022	M 2023	M 2024
	-- 1.000 kr. --		---- mio. kr. ----	
Ilanngaaseereerluni aningaasartuutit	16.883	13,9	13,9	13,9

Oqartussaaffiup allanngortinneqarnerata kingunerisaanik konto pingaarneq manna missingersuutitut ilanngussami oqaasertaliussaq tullinnguuttumiittoq ilanngullugu AI2022-mut ilanngunniarneqarpoq:

"Kontumut pingaarnermut matumunnga oqaasertaliussaqarpoq.

ASIAQ-mi suliniutitut Misissueqqaarnerit pillugit Inatsisartut peqqussutaat nr. 18, 28. oktober 1993-imeersoq inatsisitigut tunngavigineqarpoq. Asiaq Aningaasaqarnermut Nunamullu Namminermut Naalakkersuisoqarfiup ataani suliffeqarfiuvoq namminersortitaq.

2022-mi aningaasaliissutit amerlanerulernerat aningaasaqarnerup ataatsimut pisariaqartumik ataqatigiissarnissaanik tunngaveqarpoq, pingaartumillu nappaalanersuaqarnera pissutaalluni kaaviiartitassat malunnartumik apparneqarsimanerannik kiisalu toqqorsivissamut nutaamut værkstedimilu atortunut tunngatillugu immikkut aningaasartuutinnngortunut tunngatillugu.

Kalaallit Nunaanni avatangiisinut uumaatsunut tunngatillugu paasissutissanik katersinissat, pitsaassutsimik qulakkeerinninnissat, toqqortuisarnissat ingerlatitseqqittarnissallu kiisalu Namminersorlutik Oqartussanut kommuninullu kiisalu sanaartortitsinernut suliatigut attuummassutilinnut siunnersuisarnermik neqeroortarnerit Asiami pingaarnertut suliassaapput. Suliffeqarfik suliat tungaasigut qaffasissumik suliniutitut sammisunik suliagarpoq, aalajangiinissanullu isumannaatsunut nunap sannaanut paasissutissanik tutsuiginartunik siunnersuinernillu tunniussaqtarluni.

Matumani illoqarfiit, nunaqarfiit nunaannaallu ilaasa drone atorlugu assiliorneqarnerat, imermik pissamaateqarfiit misissuiffiginerat, silaannaap pissusaanik silallu maanna qanoq inneranik misissuinerit kiisalu inuiaqatigiinni attaveqaatinik, soorlu aqqusinernik, timmisartoqarfinnik, erngup nukinga atorlugu nukissiuuteqarfinnik, aatsitassarsiorfinnik ineqarfinnillu annertusaanermut atatillugu misissuisimanerit. Misissueqqaarnerni amerlanertigut pineqartut tassaasarpud nunap assinga, ortofoto nunallu teknikikkut misissornerat, soorlu taseqqat sinerissallu qanittuani immat. Kalaallit Nunaata pinngortitaanut immikkuullarissumut sunnertiasumullu suliagartarnerit peqqissaartumik misissueqqaarnerit pitinnagit ingerlanneqartariaqanngillat. Asiaq suliffeqarfiuvoq pisinnaasaqartoq tatiginartorlu misissueqqaarnerit inernerisa innuttaasunit inuussutissarsiutigalugulu atuisunit tamakkiisumik tatigineqarnissaannik qularnaarisinnaasoq.

Asiaq illoqarfinni nunaqarfinnilu kalaallit attaveqarnerannut aserfallatsaaliuisuuvoq, tamannalu nunap assiliornissamut misissueqqaarnernullu tunngaviuvoq. Attaveqaatit Kalaallit Nunaanni sammisat eqqortumik sumiissusersinissaannut qulakkeerinnipput, aamma nunanut sanilerisatsinnut tunngatillugu.

Asiaq illoqarfinnut nunaqarfinnullu tunngaviumik nunap assinganik teknikiusunik nutarterisarpaq, tamakkulu inuiaqatigiit attaveqaateqarnerisa tatiginartumik misissuiffigisamillu nassuiarnissaannut pingaaruteqarluinnarput. Ingerlatseqatigiiffiit pilersuisuusut nunap assingi ledningitigut aqqutit uppersarnissaannut atortarpaat, Namminersorlutik Oqartussat kommunillu pilersaarusiornissaannut, illoqarfiit ineriartornissaannut, pinngortitap illersornissaanut kiisalu pilersaarusiornissaanut siunnersuisarnissaanut il.il. atortarlugit. Tunngaviumik nunap assingi Asiaq nunap assinginut pilersuiffianni pissarsiarineqarsinnaapput.

Tunngaviumik nunap assingi nunap sannaanut paasissutissiisarnermut (GIS) aamma tunngaviupput, tassanimi paasissutissat paasissutissarsiffinnit allaneersut ilanngunneqartarmata. Tassuuna nunap sannaanut paasissutissat misissueqqaarnernut, qaammarsaanernut, ilisimatusarnernut aallarnisaasunullu tunngatillugu internetimi ajornanngitsumik pissarsiarineqarsinnaanerata qulakkeerneqarpaq. Asiaq NunaGIS-imik ingerlatsisuuvoq, taannaavorlu pisortat nunap sannaanut paasissutissanik katersuiffiutugaluni ingerlatitseqqittarfusoq aamma Namminersorlutik Oqartussani kommuninilu aqutsinissamut siunertanut siammasissumik atorneqartartoq. NunaGIS-ip ingerlaavartumik aserfallatsaaliornissaanut 0,5 mio. kr.-t immikkut immikkoortinneqarsimapput. Asiaq GIS-imik suliaqarnermik aamma Namminersorlutik Oqartussani Nuna tamakkerlugu Pilersaarusiornermut Immikkøortortaqarfik aamma Danmarkimi Styrelsen for Dataforsyning og Effektivisering kiisalu Geodatastyrelsen peqatigalugit ataqatigiissaarinermik suliaqarpaq - Naalakkersuisut "Nunap sannaanut paasissutissanut nuna tamakkerlugu periusissaat" naapertorlugu.

Asiaq uuttuisarfinnik arlalinnik ingerlataqarpaq, taakkualu paasissutissanik hydrologiimut tunngasunik tunniussisarput. Ukiorpasuarni misissuisarnerit erngup nukinganik nukissiorfiit aatsitassarsiornermilu ujarlerneramilu suliffissuit pilersinnissaannut aalajangiinissaanut tunngaviupput, ilisimatusaatigalugulu suliniutinut amerlasuunut ilaallutik. Asiaq Nukissiorfinnut, Namminersorlutik Oqartussani naalakkersuisoqarfinnut allanullu suleqatigisanut siunnersuinernik hydrologimut siunnersuinernik paasissutissanillu tunniussisarpoq.

Asiaq silamut paasissutissanik silamut uuttuisarfiit arlallit Kalaallit Nunaanni siammaqqasut aqqutigalugit tunniussisarpoq. Asiaq massakkut silamut paasissutissanik Asiaq sila pillugu nittartagaa nuannarineqaqisoq aqqutigalugu avammut siammarterisarpaq, siunertanullu arlalinnut oqaluttuarisaanikkut paasissutissanik tuniniaasarluni, soorlu sillimasiisarnernut suliat, aputaajaanerit, kiassarnermut missingersuutit takornariaqarnerlu. Asiaq silap pissusaanut tunngatillugu ilaatigut DMI-mik suleqateqarpaq.

Asiaq nunani tamalaani ilisimatusarnikkut suliniutini arlalilinni, soorlu silap pissusaanut, imilerinermut sersmersualerinermullu tunngasuni, peqataavoq, taamaalillunilu nunani tamalaani ilisimatusartunut Kalaallit Nunaata soqutigisai nukittorsaaffigalugit. Ilisimatusarnikkut sammisat ilisimasanik nutaanik, piginnaasanik ineriartortitsinernik, attaveqaatinik, sulinermik nuannaalersitsinermik kaaviiartitanillu pilersitsisarput. Aningaasaliissutit aqqutigalugit arlaatigut nammineerluni aningaasaliisarnissaq pisariaqarpaq aningaasaliinerulluarlunilu.

Asiaq ilisimatusarnermut nakkutiginninnissamullu programinut pilersitamut annertuumut ilaavōq: Greenland Ecosystem Monitoring (GEM). Asiaq suliamut silap pissusaanut paasissutissat nakkutiginnissaannut - aamma KlimaBasis-imik taaneqartartumik - tunngasunik akisussaavoq. Asiaq Tunup avannaani Zackenbergimi, Nuup eqqaani Kangerluarsunnguami aamma Qeqertarsuarmi Arktisk Stationimi sulisarpōq. Kalaallit Nunaat ilisimatusarfinimi Zackenbergimi Namminersorlutik Oqartussanit pigineqartumi atortut atukkiunnerisigut GEM-imi programimut ilanngussisarpōq, soorluttaarlu KlimaBasis Zackenbergimiittoq Asiamut aningaasaliissutaasut ukiumut 0,9 mio. kr.-niusut aqutugalugit akilerneqartarluni. Programit allat GEM-miittut pingaarnertigut danskit silap pissusaanut avatangiisinullu aningaasat aqutugalugit tapiissutinik aningaasalersorneqarput. Suleqatigisat tassaapput Namminersorlutik Oqartussat, Pinngortitaleriffik, Århus aamma Københavnimi universitetit, GEUS kiisalu danskit ministeriaqarfii, taakkulu silap pissusaanut avatangiisinullu aningaasaliissutinik aqutsipput.

Asiaq inuiaqatigiit nunap sannaanut paasissutissanut tatiginartunut isersinnaanerisa pitsanngorsarnissaanut suliarpoq, suliatigullu paasissutissanut toqqorsivinnut makkununga akisissaasuulluni:

Nuna sannaanut paasissutissat: illoqarfinnut nunaqarfinnullu kiisalu nunaannarmut nunap assiliorneq. Oqaluttuarisaanikkut toqqorsivik (pingaartumik nunap assingi titartakkat).

Hydrologi silallu pissusaa: silamut silallu pissusaanut paasissutissat kiisalu imeq imiinnariaq erngullu nukinganik nukissiorfiliornissamut piukkunnaatillit pillugit paasissutissat.

Nunaannarmik uuttortaanerit aamma geoteknik: attaveqaatit, sanaartornissanut nunallu pissusaanut misissueqqaanerit.

Paasissutissat Kalaallit Nunaata iluani avataanilu digitalikkut suliniutinut allanut ingerlaavartumik nutarterneqartarput ingerlateqqinneqarlutillu, soorlu Tunngaviusumik paasissutissanut suliniutigineqartoq. Aaqqiissutissat taamaattut aningaasaliissutinit akilerneqanngillat.

Asiaq isumasioqatigiinnernut ataatsimeersuarnernullu ataatsimiititaliat siunnersuisoqatigiillu aqutugalugit kiisalu ilisimatusarneq, suliamut tunngatillugu ineriartortitsineq periutsillu il.il. pillugit nuna tamakkerlugu nunallu tamalaat akornanni ataatsimiinnermi peqataanikkut inuiaqatigiinnut kalaallinut sinniisuusarpōq. Sinniisuunermi suliassat isumalluutininik pisariaqartitsiffiupput aammalu Kalaallit Nunaanni suliamut sukumiisumik ilisimasaqarnissaq pisariaqarluni.

Suliassami kisitsisissatut naatsorsuutigisat				
Paasissutissanik				
katersineq/nakkutilliineq	AS 2022	M 2023	M 2024	M 2025
Erngup nukinganik	15	15	15	15
nukissiorfiit - uuttortaanerit				
Silaannaap pissusia -	18	18	18	18
uuttortaanerit				
Assitaliat - uuttortaanerit,	18	18	18	18
illoqarfiit nunaqarfiillu				
Zackenberg aamma Nuuk				
Basic imermik silaannaallu	10	10	10	10
pissusaanik uuttortaanerit				
Suliassa qarfinnut -				
paasissutissanik				
nalunaarsuiffiit & Nunamut	6	6	6	6
tamarmut nunap				
sananeqaataanut periusissiaq				

”

Aningaasartuutaannginnerusut**20.11.70 Suliniutinut nutaanut sillimmatit (Ingerlatsinermut aningaasaliissutit)**

Missingersuutit immikkoortiterneri

	AS 2021	M 2022	M 2023	M 2024
	-- 1.000 kr. --		---- mio. kr. ----	
Ilanngaascereerluni aningaasartuutit	-3.000	0,0	0,0	0,0

Suliniut kinguaattoornikuummat allannguutissatut siunnersuut ilannguteqquneqarpoq, tassani immikkoortoq tullinnguuttoq peeqquneqarpoq:

"Peqqinnissaqarfimmi sulisunut inissiat

Peqqinnissaqarfimmi sulisunut inissianut 2022-miit ukiumut 3,0 mio.kr.-nit immikkoortinneqarput. Pingaartumik Nuummi Peqqinnissaqarfimmi sulisut inissianut tunngatillugu unammisassaarpoq, tamannalu sulisussarsiortarnermut sulisullu tigummiinnarnissaannut ilaatigut sunniuteqarpoq. Sulisunut inissaqartitsinermut tunngatillugu unammilligassat ilaatigut tassaapput inissamik tunineqarnissamut sivisuumik utaqqisarneq. Peqqinnissaqarfimmi inissianik pisariaqartitsineq matussuserniarlugu namminersortutut attartortitsisartut aqqutigalugit inissiat 25-t missaat maannakkut attartornissaannut atatillugu isumaqatigiissuteqarfigineqarsimapput. Tamanna qaammammut 300 t. kr.-nik ukiumullu 3,6 mio.kr.-nut naapertuuttumik aningaasartuutaavoq. Inissat namminersortunit attartukkat taamatinnerisigut aningaasartuutaasussaagaluit sipaakkat kiisalu 2022-miit ukiumut 3 mio. kr.-nit aningaasaliissutaasussat ilanngullugit, sulisut inissaannik 60-inik sanaartortoqarsinnaanissaa, taamaaliornikkullu inissiat amerlisinneqangaatsiassasut naliliisoqarpoq. Illuut A/S-ip ataani inissiat assigalugit taarsigassarsiniartarfiit aningaasaliissuteqarnerisigut sulisunut inissianik sanasoqarumaarpoq. Suliniutip naammassinissaanut pilersaaruteqarsimaleriarpat kontumi matumani aningaasat atortussanngortinneqarumaarput suliaasaqarfimmullu 34-mut muunneqassallutik.

Uanngalu taarserneqarluni:

"Peqqinnissaqarfimmi sulisunut inissiat

Peqqinnissaqarfimmi sulisunut inissianut 2023-miit ukiumut 3,0 mio.kr.-nit immikkoortinneqarput. Pingaartumik Nuummi Peqqinnissaqarfimmi sulisut inissianut tunngatillugu unammisassaarpoq, tamannalu sulisussarsiortarnermut sulisullu tigummiinnarnissaannut ilaatigut sunniuteqarpoq. Sulisunut inissaqartitsinermut tunngatillugu unammilligassat ilaatigut tassaapput inissamik tunineqarnissamut sivisuumik utaqqisarneq. Peqqinnissaqarfimmi inissianik pisariaqartitsineq matussuserniarlugu namminersortutut attartortitsisartut aqqutigalugit inissiat 25-t missaat maannakkut attartornissaannut atatillugu isumaqatigiissuteqarfigineqarsimapput. Tamanna qaammammut 300 t. kr.-nik ukiumullu 3,6 mio.kr.-nut naapertuuttumik aningaasartuutaavoq. Inissiat namminersortunit attartukkat taamatinnerisigut aningaasartuutaasussaagaluit sipaakkat kiisalu 2023-miit ukiumut 3 mio. kr.-nit aningaasaliissutaasussat ilanngullugit, sulisut inissaannik 60-inik sanaartortoqarsinnaanissaa, taamaaliornikkullu inissiat amerlisinneqangaatsiassasut naliliisoqarpoq.

Aningaasartuutaannginnerusut

Illuut A/S-ip ataani inissiat assigalugit taarsigassarsiniartarfiit aningaasaliissuteqarnerisigut sulisunut inissianik sanasoqarumaarpoq. Suliniutip naammassinissaanut pilersaaruteqarsimaleripat kontumi matumani aningaasat atortussanngortinneqarumaarput suliassaqarfimmullu 34-mut nuunneqassallutik.

Isertitassatut missingiutit nutaat, kiisalu inatsisit tunngavigalugit aningaasartuutissanut missingiutit nutaat

Isertitassatut missingiutit nutaat, kiisalu inatsisit tunngavigalugit aningaasartuutissanut missingiutit nutaat

20.05.40 Naalagaaffiup ataatsimoortumik tapiissutai (Isertitatut aningaasaliissutit)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni isertitat	-400	-0,4	-0,4	-0,4

Inatsisissatut siunnersuummi ataatsimoortumik tapiissutini akinik akissarsianillu nalimmassaanerit kukkusumik akunnaallisarneqarput, millioninut akunnaallisarneqaramik 100.000 kr.-inuunngitsoq. Taanna taamaasilluni iluarsineqarpoq.

Isertitassatut missingiutit nutaat, kiisalu inatsisit tunngavigalugit aningaasartuutissanut missingiutit nutaat

30.13.44 Pinerluttulerinermi inatsit malillugu eqqarsartaatsimikkut innarluutillit inissinneqartarnerat (Aningaasaliissutit inatsisitigut pisussaaffigisat)

Missingersuutit immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	-10.000	-11,0	-12,0	-13,0

Konto pingaarneq una inissiisarfimmiittussanngortinneqarsimasut amerlassusaannik nalilersuinerup nutarterneqarnera tunngavigalugu ilanngarneqarpoq.

Isertitassatut missingiutit nutaat, kiisalu inatsisit tunngavigalugit aningaasartuutissanut missingiutit nutaat

34.01.02 Napparsimasunut taarsiissutit (Aningaasaliissutit inatsisitigut pisussaaffigisat)

Missingersuutit
immikkoortiterneri

	AS 2022	M 2023	M 2024	M 2025
	-- 1.000 kr. --		---- mio. kr. ----	
Ilanngaaseereerluni aningaasartuutit	1.400	1,7	1,7	1,7

Inatsisissaq nutaaq UKA 2021/138-mi suliarineqarpoq, aamma naatsorsuutigineqarpoq inatsisissatut siunnersuut aappassaaneerneqarluni aamma pingajussaaneerneqarluni suliarineqassasoq xx. xx. 2022-mi kinguninnguutigullu atuutilissalluni. Peqqissartunut taarsiissuteqartarneq pillugu naammagittaalliutinik suliaqarnermut immikkut aningaasartuuteqartoqassava. Missingersuutitut ilanngussap naggataatungaani oqaaseqaatit uku ilannguteqquneqarput:

"Aningaasaliissutit peqqinnissaqarfiup iluani peqqissartunut naammagittaalliuteqarnissamut taarsiivigineqarnissamullu periarfissaat pillugu Inatsisartut inatsisaanni §§ 3 aamma 6 naapertorlugu aningaasaliissutigineqassapput.

Konto pingaarneq una Nakorsaaneqarfimmi tulleriarinerup kingorna Danmarkimi Peqqissartunut taarsiissuteqartarfimmut naammagittaalliutinik suliaqarnermut aningaasartuutinik matussusiisarpoq. Aammattaaq peqqissartunut taarsiissuteqartarnermut Naammagittaalliuteqartarfimmut aningaasartuutit aningaasaliissutinik matussuserneqassapput. Aningaasaliissutit AIS2022-p aappassaaneerneqarnerani 2022-mi 1,4 mio. kr.-nik aamma 2023-mi 1,7 mio. kr.-nik ilaneqarput naammagittaalliutinik suliaqarnermut aningaasartuutit matussuserniarlugit.

Suliassami kisitsisissatut naatsorsuutigisat	AS 2022	M 2023	M 2024	M 2025
	---- 1.000 kr. ----		---- mio. kr. ----	
Sulianik ingerlatsineq	1.400	1,7	1,7	1,7

Suliassami kisitsisissatut naatsorsuutigisat

Suliat amerlassusiat	AS 2022	M 2023	M 2024	M 2025
Naammagittaalliutit	85	85	85	85
Suliareqqitassanngortitat	11	27	27	27

”

Ilanngussaq 2, AIS 2022-p aappassaaneerneqarnissaanut atatillugu oqaasertaliussanut aamma oqaasertaliussanut nassuiaatinut allannguutissatut siunnersuutit.

Aningaasaqarnermut Nunamullu Namminermut Naalakkersuisoq - Suliassa qarfik 20 – 24

Nr. 54.

Kontumut pingaarnermut 20.01.10 ASIAO (Misissueqqissaarnerit/Grønlands forundersøgelser)

Kontumut pingaarnermut matumunnga oqaasertaliussat nr. 1-3 taakkunungalu nassuiaatit peerniarneqarput oqartussaaffiup allanngortinneqarnerata malitsigisaanik konto pingarneq atorunnaarsinneqarmat.

Nr. 55.

Kontumut pingaarnermut, 20.10.35 Immikkut ittumik ikiorsiineq – Karrat Kangerluat

Oqaasertaliussat nr. 6 tullinnguuttut kontumut pingaarnermut matumunnga ilanngunniarneqarput. Oqaasertaliussat 2021-mi julimi ilassutitut aningaasaliissuteqarnermi akuerineqarput, IA-suliap nr. 21-942 takuuk. Allannguutissatut siunnersuutitigut AI2022-mut ilanngunniarneqarput:

"Nr. 6.

Niaqornani, Ukkusissani, Ikerasammi, Saattuni, Qaarsuni kiisalu Uummannami innuttaasunut, Karrat Kangerluanni qaqqamit sisoortoqarnissanut tassaarsuaqarnissaanullu ulorianartorsiortunut imatut aalajangersaasoqarpoq:

Illumik piginnittup qinnuteqarnerani illumik, inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat, 19. november 2007-imeersoq naapertorlugu piginnittup najugaqartussaataitaaneranut piumasaqaammik saneqqutsinissamut Naalakkersuisut piginnaatinneqarput. Najugaqartussaataitaanermut piumasaqaammik saneqqutsinissamut qinnuteqaat ukiumoortumik Naalakkersuisunut nassiunneqartassaaq.

Illumik, inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat, 19. november 2007-imeersoq naapertorlugu taarsigassarsititsiviusimasumik piginnittup inissiamik attartortitsinissamik qinnuteqaataanut itigartitsinissamut Naalakkersuisut piginnaatinneqarput.

Inoqutigiit illumiit nuussimappata aammalu illu attartortinneqanngippat, illumik piginnittup qinnuteqareerneratigut, inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat, 19. november 2007-imeersoq naapertorlugu

Ilanngussaq 2. oqaasertaliussat kiisalu oqaasertaliussanut nassuiaatit

taarsigassarsiat akilersorneqarnerinik unitsitsigallarnissamut Naalakkersuisut piginnaatinneqarput. Taarsigassarsianik unitsitsigallarnissamut qinnuteqaat ukiumoortumik nassiunneqartassaaq.

Illumik piginnittup qinnuteqareerneratigut, illumik, illunut sanaqataaffiusunut taarsigassarsiat pillugit Inatsisartut inatsisaanni nr. 28-mi, 3. december 2018-imeersumi maleruagassat atuuttut naapertorlugit taarsigassarsiaqarfiusumik piginnittup najugaqartussaataitaneramik piumasaqaammik saneqqutsinissamut kommunalbestyrelsi piginnaatinneqarpoq. Najugaqartussaataitanermik saneqqutsinissamut piumasaqaammik saneqqutsinissamut qinnuteqaat ukiumoortumik Kommunalbestyrelsimut nassiunneqartassaaq.

Illumik piginnittup inissiamik, illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersoq naapertorlugu taarsigassarsititsiviusumik attartortitsiniarluni qinnuteqaataanut itigartitsinissamut Kommunalbestyrelsi piginnaatinneqarpoq.”

Kontumut pingaarnermut, 20.10.35 Immikkut ittumik ikiorsiineq – Karrat Kangerluat, nassuiaatit

Oqaasertaliussanut 6-imut nassuiaatit tullinnguuttut ilanngunniarneqarput:

”Nr. 6.

Naalakkersuisut nunaqarfinni boligstøttimit taarsigassarsilluni illulianik, nammineerluni illulianik aamma illumik sanaqataaffiusunik sananissamut taarsigassarsititsisimapput. Boligstøttimit taarsigassarsilluni illulianut taarsigassarsiallit taarsigassarsiat erniaanut akilersuutinullu akiliisarput, nammineerlunilu illulianut taarsigassarsiat taarsigassarsiaapput erniaqanngitsut akilersugassaanngitsullu, ukiuni 20-ni annertoqatigiinnut agguarlugit appartikkiartuaarneqartut, kiisalu ilassutitut taarsigassarsiat akilersorneqartussaallutik.

Kommunalbestyrelsi 2019-imili illunut sanaqataaffiusunut taarsigassarsititsisalerpoq. Taarsigassarsiat taakku ukiuni 20-ni annertoqatigiinnut agguarlugit appartikkiartuaarneqartussaapput.

Nunaqarfinni Niaqornani, Ukkusissani, Ikerasammi, Saattuni aamma Qaarsuni inoqutigiit tamarmik nunaqarfimminniit nuukkusukkunik sumiiffimmi allami inissiamut attartortittakkamut neqeroorummik tigusaqartussaapput. Tamanna aamma Uummannami innuttaasunut, inissiaq qarsutsiviusussamut titarniliussaq inorlugu inissisimappat atuutsinneqassaaq. Tassalu naatsorsuinermini tassaarsuup maliinut ulorianartorsiortitsiviusutut isigineqartumi.

Innuttaasut ilaannit oqaatigineqarpoq, inissiamut attartortittakkamut akuersinerminni inigisartik iperarniarnagu. Kingusinnerusukkut uterusulersinnaanissaminnut nalorninerat tamatumunnga tunngavilersuutigineqarsinnaavoq. Illu najugartik iperassagunikku najugatoqqaminnut uterniarnerat ajornakusuulersinnaavoq.

Ilanngussaq 2. oqaasertaliussat kiisalu oqaasertaliussanut nassuiaatit

Pissutsit immikkut illuinnarneranni innuttaasut arlallit, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugaqarmata, immikkut illuinnartumik taarsigassarsiat akiligassanngortinngikkaluarlugit inissiani pisortanit taarsigassarsiaqarfiusuni najugaqartussaataitanermik atuinnginnissaq pillugu akuersinissamut Naalakkersuisut aamma Kommunalbestyrelsi periarfissinneqassapput. Najugaqartussaataitanermik atuinnginnissamut qinnuteqaat ukiumoortumik nassiunneqartassaaq.

Taarsigassarsianik utertitsinissap unitsikkallarnerani illumik piginnittoq inissiamik attartortitsinnaassanngitsoq, taamaalillunilu illumik attartortitsinermini aningaasanik insertitaqarsinnaassanngitsoq pillugu piumasaqaat ilanngunneqarpoq.

Inissiaq, pisortanit taarsigassarsiaqarfiusoq qarsutsiviusinnaasumit qaffasinnerusumiippat, illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi maleruagassat atuuttut naapertorlugit illumik piginnittup inissiaq ukioq ataaseq tikillugu attartortissinnaavaa. Taamaalilluni illumik qarsutsiviusinnaasumit qaffasinnerusumiittumik piginnittoq taarsigassarsianik unitsitsigallarnissamik qinnuteqartariaqassanngilaq, kisiannili inissiaq pigisani maleruagassat atuuttut naapertorlugit ukioq ataaseq tikillugu attartortissinnaalluni. Taamaalilluni illuutillit taakku ukiup ataatsip qaangiunnerani inissiamut uternissamut periarfissaqartinneqassapput.

Inissiaq qarsutsiviusinnaasumi inissisimappat, oqaasertaliussaq manna aqqutigalugu inissiap attartortinneqarnissaanut qinnuteqaammik Naalakkersuisut Kommunalbestyrelsilu itigartitsinissamik periarfissinneqarput. Inissiap qarsutsiviusinnaasumi inissisimamanna, taamaalillunilu qaqqamik sisoortoqarnerani tassaarsuarmut ulorianartorsiornera, tamatumunnga tunngavilersuutigineqarpoq. Taamaattumik isumannaarlugu inissinneqarnissaa tunngavigalugu, inissiap attartortinneqarnissaa itigartitsissutigineqassammat.

Illunik piginnittut ukiumoortumik najugaqartussaataitanermik saneqqutsinissamut aamma taarsigassarsiat unitsikkallarneqarnissaannut qinnuteqaammik nassiussisussaapput. Taarsigassarsianut piumasaqaatit allat oqaasertaliussaq manna aqqutigalugu atorunnaarsinneqanngillat. Tassalu illuutillip ilaatigut sulii illu sillimmasersimasussaavaa aammalu illu aserfallatsaalineqartussaavoq. Taamaalilluni aamma illumik piginnittup inissiaq qimappagu, illu assersuutigalugu qerisoornissamut isumannaallisarneqarsinassaaq.

Aamma illunik, pisortanit taarsigassarsiaqarfiusunik piginnittut tamarmik maleruagassat atuuttut iluanni illuutiminnik Naalakkersuisunut imaluunniit kommunalbestyrelsimut utertitsinnaapput. Tassunga tunngatillugu kontumut pingaarnermut 20.10.35 Innuttaasunut, Uummannap eqqaani il.il. pinngortitami ajunaarnersuaqarnissaanut ulorianartorsiorfiusuni najugalinnut immikkut ittumik ikiorsiineq, oqaasertaliussat nr. 3, Inatsisartut Aningaasaqarnermut Ataatsimiititaliaannit 28. maj

Ilanngussaq 2. oqaasertaliussat kiisalu oqaasertaliussanut nassuiaatit

2021-mi akuerineqartut inissiaq Namminersorlutik Oqartussanut tunniunneqassappat akiitsunik isumakkeerinissamut appartitsinissamullu inatsisitigut tunngavineqassapput.

Taamaalillutik illunik, pisortanut taarsigassarsiaqarfiusunik piginnittut ataatsimut isigalugit nuunnerminnut atatillugu Namminersorlutik Oqartussanut kommunalbestyrelsimullu aningaasaqarnikkut pisussaaffimminnik iperaasinnaapput.

Oqaasertaliussami piginnaatitsissutip ukiuni arlalinni, immaqqa ukiut tallimat tikillugit, atorfissaqarnissaa siunnerfigineqarpoq, taamaattumillu oqaasertaliussaq ukiuni tullerni aningaasaliissutitut inatsisinut ilaatinneqartartussaavoq.

2021-mi oqaasertaliussat uku 2021-mut ilassutitut aningaasaliissutissatut siunnersuummi IA-suliap normuani 21-942-mi, Aningaasaqarnermut Akileraartarnermullu Ataatsimiititaliap 2. juli 2021-mi akuerisaani ilanngunneqarnissaat akuerineqarpoq.

Oqaasertaliussaq nutaajuvoq.”

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq – Suliassaqarfik 40

Nr. 56.

Kontumut pingaarnermut, 40.10.06 Kalaallit Nunaanni efterskolit ingerlannerinut tapiissuteqarneq

Tullinnguuttut AIS2022-mi kontumut pingaarnermut matumunnga oqaasertaliussanut nr. 1-imut naggasiutitut ilanngunniarneqarput. Atuortoq 18-it inorlugit ukiulinnik qatannguteqarpat angajoqqaat akiliutaasa appartinnissaat ilanngussinermi siunertaavoq. Suliniut AI2019-imi oqaasertaliussani taakkunani ilaavoq.

"Qatanngutit 18-it inorlugit ukiullit eqqarsaatigalugit angajoqqaat akiliuteqartarnerisa appartinneqarnerat:

-Meeqqamut 18-it inorlugit ukiulimmut ataatsimut ukiumut aningaasarsiat 30.000 kr.-nik appartinneqassapput.

-Qatanngutigii 18-it inorlugit ukiullit efterskolimiittut arlaqarpata meeqqat aappaanniit qummut tamakkiisumik tapiissuteqartoqassaaq."

Kontumut pingaarnermut, 40.10.06 Kalaallit Nunaanni efterskolit ingerlanneqarnerinut tapiissutit, nassuiaatit

AIS2022-mi kontumut pingaarnermut matumunnga oqaasertaliussanut 1-imut nassuiaatini immikkoortumi kingullermiittoq peerniarneqarpoq tullinnguuttunillu taarserlugu:

"Oqaasertaliussat AI2021-mit iluarsineqarlutik ingerlateqqitaapput."

Ilanngussaq 2. oqaasertaliussat kiisalu oqaasertaliussanut nassuiaatit

Nr. 57.

Kontumut pingaarnermut, 40.10.12 Efterskolit

AIS2022-mi kontumut pingaarnermut matumunnga oqaasertaliussat naggasiutitut ilanngunniarneqarput. Atuartoq 18-it inorlugit ukiulinnik qatannguteqarpat angajoqqaat akiliutaasa appartinnissaat ilanngussinermi siunertaavoq. Suliniut AI2019-imi oqaasertaliussani taakkunani ilaavoq.

"Qatanngutit 18-it inorlugit ukiullit eqqarsaatigalugit angajoqqaat akiliuteqartarnerisa appartinneqarnerat:

-Meeqqamut 18-it inorlugit ukiulimmut ataatsimut ukiumut aningaasarsiat 30.000 kr.-nik appartinneqassapput.

-Qatanngutigiit 18-it inorlugit ukiullit efterskolimiittut arlaqarpata meeqqat aappaanniit qummut tamakkiisumik tapiissuteqartoqassaaq."

Kontumut pingaarnermut, 40.10.12 Efterskole, nassuiaatit

AIS2022-mi kontumut pingaarnermut matumunnga oqaasertaliussanut nassuiaatini immikkoortoq kingulleq peerniarneqarpoq tullinnguuttunillu taarserlugu:

"Oqaasertaliussat AI2021-mit iluarsineqarlutik ingerlateqqitaapput."

Nr. 58.

Kontumut pingaarnermut, 40.91.03 Pikkorissartitsinerit

Kontumi pingaarnermi matumani aningaasat piffissami sivisuumi naapertuumnerusumik atorneqarsinnaanissaat qulakkeerniarlugu oqaasertaliussat tullinnguuttut ilanngunniarneqarput. Oqaasertaliussat AIS2022-mi kontumut pingaarnermut, 31.07.02 Piginnaasaqarnerulersitsiniarluni pikkorissaanerit, oqaasertaliussat nr. 2 assigaat:

"Nr. 2.

Kontumi pingaarnermi uani siunertarineqartunut atorneqartussanik avataanit suleqatigineqartunut ukiut arlalikkaarlugit isumaqatigiissusiornissamut Naalakkersuisut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik."

Kontumut pingaarnermut, 40.91.03 Pikkorissartitsinerit, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Nr. 2.

Oqaasertaliussatigut suleqatinik soorlu qitiusumik ilinniarfinnik ataasiakkaanik ukiuni arlalinni atuuttussanik Naalakkersuisut isumaqatigiissuteqarsinnaalissapput, taamaasiornikkut ukiuni arlalinni atuuttussanik pilersaarusiorsinnaanissaq periarfissillugu.

Oqaasertaliussaq nutaajuvoq."

Ilanngussaq 2, oqaasertaliussat kiisalu oqaasertaliussanut nassuiaatit

Nr. 59.

Kontumut pingaarnermut, 40.91.31 Suliniutit aallaavigalugit tapiissutit

AIS2022-mi kontumut pingaarnermut matumunnga oqaasertaliussat naggasiutitut ilanngunniarneqarput. Perorsaanermik Ilinniarfik kontumi pingaarnermi tullinnguuttumi suliaassat aallaavigalugit tapiiffigineqartartussanngornera tunngavigalugu ilanngunniarneqarput:

„

Perorsaanermik Ilinniarfik

Isumaginninnermi ikiorti	33.100 kr.
Ulluunerani neqerooruteqartartunut ikiorti	38.500 kr.
Isumaginninnermi ikiorti	42.300 kr.
Perorsaaasunut ikiorti	43.500 kr.
Inunnik isumaginnittoq	46.700 kr.

„

Kontumut pingaarnermut, 40.91.31 Suliassaqarfinnut aalajangersimasunut tapiissutit, nassuiaatit

AIS2022-mi kontumut pingaarnermut matumunnga oqaasertaliussanut nassuiaatini immikkoortoq kingulleq peerniarneqarpoq tullinnguuttunillu taarserlugu:

"Oqaasertaliussat AI2021-mit iluarsineqarlutik ingerlateqqitaapput."

Nr. 60.

Kontumut pingaarnermut, 40.92.10 Folkehøjskoler

AIS2022-mi kontumut pingaarnermut matumunnga oqaasertaliussani tullinnguuttut peerniarneqarput:

"sapaatip akunneranut holdimut ataatsimut 2500 kr."

Uanngalu taarserneqarluni:

"sapaatip akunneranut holdimut ataatsimut 525 kr."

Sapaatip akunneranut holdimut ataatsimut tapiissutit efterskolimi atuartunut tapiissutit assingitut allannguutissatut siunnersuutitigut aalajangersarneqarput. Efterskolinut højskolinullu tapeeriaatsit allannguutissatut siunnersuutitigut naligiissarniarneqarput, taamaalillutik højskoler efterskoler assigalugit sullitaminnik siunnerfeqarlutik sulisinnaaniassammata tassuunakkullu naammassisartut

Ilanngussaq 2. oqaasertaliussat kiisalu oqaasertaliussanut nassuiaatit

procentinngorlugit immaqa qaffassinnaaniassammata. Ullumikkut atuarunnaartartut amerlasuupilussuupput. Højskolit atuartut atuarunnaartarnerinik ajornartorsiutitik atuartut, annertuumik pilersaarusiorkuammillu suliniuteqarnikkut tigusakkatik amerlanertigut sanngiippallaartarnerinik ingerlalluatuunnginnerinillu namminneq tunngavilersorpaat. Atuartorpassuit misigisanik oqimaatsupilussuarnik nassataqarlutik højskolini aallartittarput – taamaattumik inuusuttut ikiussagaanni assersuutigalugu ukiup siuliani atuarunnaartartut ikilineri pissutigalugu sulisut ikilisinneqarnissaat iluaqutaanavianngilaq. Tamatumunnga atatillugu inatsisip allanngortinneqarnerata taxameterilu aallaavigalugu tapiissuteqartarnerup eqqunneqarnerata kingorna atuartut ukiumut tigusakkat 20-nit 55-inut amerlinikuunerat eqqaamaneqassaaq.

Kontumut pingaarnermut. 40.92.10 Folkehøjskolit. nassuiaatit

AIS2022-mi kontumut pingaarnermut matumunnga oqaasertaliussanut nassuiaatini immikkoortoq kingulleq peerniarneqarpoq tullinnguuttunillu taarserlugu:

"Oqaasertaliussat AIS2021-mit iluarsineqarlutik ingerlateqqitaapput."

Nunalerinermut. Imminut Pilersornermut. Nukissiutinut Avatangiisinullu Naalakkersuisoq – Suliassaqarfik 73-77

Nr. 61.

Kontumut pingaarnermut. 73.01.10 ASIAO (Misissueqqissaarnerit/Grønlands forundersøgelser)

Kontumut pingaarnermut oqartussaaffiup allanngortinneqarnerata kingunerisaanik oqaasertaliussat tullinnguuttut ilanngunniarneqarput:

"Nr. 1.

Naalakkersuisut ukiuni arlalinni atuuttussanik ASIAQ-mut anguniagassanut isumaqatigiissuteqartarnissaminut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik.

Nr. 2-mut.

Ingerlatsinermut aningaasaliissutinut naleqqiullugu naatsorsuutitigut nikingassutaasut Asiaq-mi inissinneqassapput. Inissinneqarlutik amerliartortitat ukiumi tulluuttumi Asiap ingerlanneqarneranut ilanngunneqartassapput, aammalu ingerlatsinermut, aningaasaleeqqinnernut nutaanillu sanaartornernut atorneqarsinnaallutik. Aningaasaqarnermut Akileraartarnermullu Ataatsimiititaliaq oqaasertaliussat atorneqarnerat pillugit ilisimatinneqartassaaq.

Nr. 3-mut.

Illuutiniq Asiap atorsinnaatitaasaanik tunisinermi ilanngaaseereerluni iluanaarutit Asiamut aningaasaliissuteqarnissamut siunertamut atorneqarnissaat pillugit aalajangiinissamut Naalakkersuisut piginnaatinneqarput."

Ilanngussaq 2. oqaasertaliussat kiisalu oqaasertaliussanut nassuiaatit

Kontumut pingaarnermut. 73.01.10 ASIAQ (Misissueqqissaarnerit/Grønlands forundersøgelser), nassuiaatit

Oqaasertaliussanut nassuiaatit tullinnguuttut ilanngunniarneqarput:

Nr. 1.

Oqaasertaliussatigut Kalaallit Nunaanni nunami pissutsitigut avatangiisit pillugit katersuisarneq, paasissutissanik uninngasuuteqartarneq ingerlatitseqqittarnerlu pillugit suliffeqarfiup pingaarnertut piginnaasaqarfii naapertorlugit ASIAQ-p anguniagassanik erseqqinnerusumik isumaqatigiissutigineqartunik naammassinnittarnissaanut annertunerusunik piumasaaqateqartalersinnaanissaa siunertarineqarpoq.

Oqaasertaliussat AI2021-mit ingerlateqqitaapput.

Nr. 2-mut.

Oqaasertaliussatigut Asiap angusassanik isumaqatigiissutini Namminersorlutik Oqartussanut isumaqatigiissutigineqartuni anguniagassanik naammassinnissinnaajumalluni ataatsimut isigalugu aningaasaliinissamut suliarineqartartunillu naleqqussaannissamut annertunerusumik kiffaanngissuseqartinneqarnissaa siunertarineqarpoq.

Oqaasertaliussat AI2021-mit ingerlateqqitaapput.

Nr. 3-mut.

Asiaq toqqorsiviup sannaviullu nungullarsimaneri pissutigalugit atuinerup allanngortinneqarneranut (illumik allanngortiterinermut) tunngatillugu eqaannerusumik ingerlanissamik immaqalu illuutini Asiap atorsinnaasaanik tunisinissamik pisariaqartitsivoq. Eqaannerusumik atuinikkut sulinermik pilersaarusiorneq naapertuunnerulersinneqarsinnaassaaq, ilaatigut allanngortiterinissamik pisariillisaanissamillu pilersaarutitut ilanngaascereerluni tunisinermit iluanaarutini atugassanngortitsisinnaanikkut.

Illuutini tunisinerit Naalakkersuisunit akuerineqassapput. Asiap illuummut ingerlatsinermut akisussaasuusutut aserfallatsaaliisussaataasutullu tunisinermit ilanngaaseereerluni iluanaaruteqarnissaa oqaasertaliussatigut qularnaarneqassaaq.

Oqaasertaliussat AI2021-mit ingerlateqqitaapput."

Ilanngussaq 2. oqaasertaliussat kiisalu oqaasertaliussanut nassuiaatit

Nr. 62.

Kontumut pingaarnermut. 73.04.08 Savaagqanik toqoraavinnut il.il. kiffartuussinissamut isumaqatigiissut

Allannguutissatut siunnersuutitigut AIS2022-mi kontumut pingaarnermut matumunnga oqaasertaliussat nr. 2 peerniarneqarput tullinnguuttunillu taarserlugit. Allannguutissatut siunnersuut oqaatsinik atorneqartunik iluarsinermik imaqarpoq:

"Nr. 2.

Naalakkersuisut suliassanik kontumi pingaarnermi matumani siunertanut attuumassutilinnik avataanit suleqatissanut tapiissutit pillugit isumaqatigiissusiornissamut piginnaatinneqarput. Isumaqatigiissusiortoqassappat naatsorsuutini imaluunniit sulinissamut pilersaarummik naammaginartumik peqarnissaa piumasaqaataavoq. Pisuni taakkunani marluusuni atortussat siulersut aamma piginnittut pillugit paasissutissanik pissarsiarineqarsinnaasunik imaqassapput. Tapiissutit tamarmiusut aningaasaliissutaasut tamarmiusut sippussanngilaat ukiullu missingersuusiorfiusut sunnissanagit."

Kontumut pingaarnermut. 73.04.08 Savaagqanik toqoraavinnut il.il. kiffartuussinissamut isumaqatigiissut, nassuiaatit

AIS2022-mi kontumut pingaarnermut matumunnga oqaasertaliussanut nr. 2-imut nassuiaatit peerniarneqarput tullinnguuttunillu taarserlugit:

"Nr. 2.

Tunitsivinnut kiffartuussinissamik isumaqatigiissutinut tunngatillugu tapiissutit pillugit isumaqatigiissusiornissami Naalakkersuisut suliamik suliarinninnissaanni naatsorsuutini imaluunniit sulinissamut pilersaarummik eqqortumik peqartoqarnissaa immikkut piumasaqaataavoq. Taamaasilluni nalilernerqarsinnaassaaq, isumaqatigiissut qanoq annertutigisumik ingerlatsiuarneqarsinnaasut, aammattaaq piffissap kiffartuussiviusup isumaqatigiissuteqarfiusup naanerani. Pisuni taakkunani marluusuni atortussat siulersut aamma piginnittut pillugit paasissutissanik pissarsiarineqarsinnaasunik imaqassapput.

Oqaasertaliussat AI2021-mit iluarsineqarlutik ingerlateqqitaapput."

Nr. 63.

Kontumut pingaarnermut. 85.50.20 Takornariartitsinermi sanaartorneq

Oqaaseqaatit nr. 1-2 nunguterneqassat piumasarineqarpoq. Kontu pingaarneq AIS2022-mi ilaanngimmat taama aalajgunneqarpoq.